

目錄

專言

本編之四要義

第一章 古代之史官

史以紀事爲職不過掌書起草 史字之本義 中興貳之釋義 周禮五史與左史右史 古代史官表 甲骨文之貞人 漢官有太史令無太史公 古籍掌於百司之史卽百家出於王官之所本 古人未嘗以史名書

第二章 古代之史家與史籍

六經皆史之釋義 尚書春秋俱爲古史 春秋與左氏傳 左氏傳與國語 逸周書·竹書紀年 世本 戰國策 穆天子傳及山海經 春秋時各國皆有史 古史保存之法 孔子與左丘明之史學

第三章 司馬遷與班固之史學

司馬遷作史記之動機與背景 史記之得失 史記釋名 史記缺篇 褚少孫補史記 班彪史記後傳 班固因父作而修漢書 漢書之得失 史記漢書之優劣 續補漢書 荀悅漢紀 漢著記與漢大年紀史記漢書漢紀皆屬於撰述亦皆爲私修之史 紀傳一體之所本 馬班二氏之史學

第四章 魏晉南北朝以訖唐初私家修史之本末

(一) 後漢史 東觀漢紀與三史 范曄後漢書 司馬彪續漢書八志 後漢書之得失 袁宏後

漢紀

(二)三國史 陳壽三國志 三國志與漢晉春秋 裴松之三國志注

(三)晉史 十八家晉書 臧榮緒晉書與新晉書 諸家晉書之得失 唐重修晉書

(四)十六國史 崔鴻十六國春秋 十六國春秋偽本與輯本 十六國春秋與晉書載記

(五)南北朝史 宋南齊梁陳四史及魏北齊周隋四史 李延壽南史北史 李氏併隋代於七朝

之故 南北二史可補八書之闕 附於隋書之五代史志

本期私史繁多之原因 本期史家之等第 史例典禮與方志

第五章 漢以後之史官……………八〇

職掌天時星曆之太史與修史之官分途 史官之名凡三變初名著作次名史官再次名翰林官

女史 記注之法及其得失 劉知幾論設館修史之弊 韓愈柳宗元之論修史 萬斯同論設局

分修之失 唐宋以來官修國史之原因 中朝之史官不若州縣之典史 歷代史官制度沿革表

第六章 唐宋以來官修諸史之本末……………九七

本期紀傳體正史私修者少之原因 唐宋以來官修國史之制度

(一)編年體之實錄 實錄表 唐實錄 宋實錄 遼實錄 金實錄 元實錄 明實錄 國

權 清實錄 東華錄 宣統政紀

(二)紀傳體之正史 舊唐書 新唐書 舊新兩唐書之得失 舊五代史 舊五代史輯 本與

原本 宋史 宋國史 遼史 金時所修之遼史 金史 劉祁與元好問 張柔獻金實

錄 王鶚初修金史 元代遲修三史之故 脫脫主修三史 三史義例 三史之得失 元

史 明修元史凡兩次 明史 明史之改訂 清史稿

(三)典禮 經禮與典禮 唐會要 宋會要 元經世大典 明會典 清會典 兩漢 三國諸

會要 大庾開元禮 政和五禮新儀 大金集禮 明集禮 大清通禮

(四)方志

隋區宇圖志 宋元豐九域志 元大一統志 明寰宇通志 大明一統志 大清一統志
宋以後之地方志 各省通志 官署志
官修之史與史家之關係

第七章 唐宋以來之私修諸史

一、紀傳體之正史別史……………一三二

(一)創作之史 王偁東都事略 王鴻緒明史稿 契丹國志 大金國志

(二)改修之史 古史與尙史 續後漢書二種 晉紀與晉略 五代史記與續唐書 宋史質
宋史新編 宋史記宋史稿 元史類編與元史新編 元史釋文證補 蒙兀兒史記與新元
史

(三)分撰之史 西魏書 兩南唐書 十國春秋 渤海國志 南宋書 西夏書事與西夏記

南明史 清開國史 太平天國史

(四)總輯之史 通志 通志初名通史 通志與通史 通志二十略 續通志

(五)補闕之史 補志 補表 補傳 遼史拾遺 金史補

(六)注釋之史 諸史舊注 漢書補注 後漢書集解 晉書新注 新唐書注 史記會注考
證 諸史志表列傳之單篇注釋及考證

(七)合鈔之史 南北史合注 南唐書合訂 新舊唐書合鈔 五代史記補注

(八)輯逸之史 清代私家所輯諸史 清代官輯之史

二、編年體之通鑑……………一八五

英宗命司馬光論次歷代君臣事迹 通鑑初名通志 通鑑之佳 考異 外紀 前編 胡三省

注通鑑 續通鑑長編 建炎以來繫年要錄及朝野雜記 三朝北盟會編 王薛二氏之宋元通

鑑 徐乾學通鑑後編 畢沅續通鑑 明紀 明通鑑 通鑑補正 通鑑綱目 續綱目 綱目

三編 綱目前鑑 通鑑輯覽 遠金綱目

三、以事爲綱之紀事本末……………一九六

通鑑紀事本末 宋以下諸史之紀事本末 通鑑長編紀事本末

四、屬於典志之通史專史……………二〇一

劉秩政典 杜佑通典 通典之美善 杜佑理道要訣 馬端臨文獻通考 文獻通考命名之

故 通考與通鑑 通考與通典 朱白續通典 王圻續通考 朱奇齡續通考補 清續通典通

考及清通典通考 徐乾學讀禮通考 秦憲用五禮通考 四通與五通 明儒學案與宋元學

案 國朝學案小識 兩漢三國學案 漢學師承記 各體專史 裴秀買航之地圖學 元和郡

縣圖志與太平寰宇記 大元混一方輿勝覽 讀史方輿紀要與天下郡國利病書 史表 清代

著名之府廳州縣志

本期史家之商榷及史學之趨勢

第八章 劉知幾與章學誠之史學……………二二三

史學之稱始於石勒 劉宋立史學及史料 史學生山謙之

(一) 劉知幾與史通 史通釋名 史通次第各篇之意旨 史通以楊植利病爲主亦兼闡明義

例 史通之精要語及應節取各事 史通之作由於憤悱 史通可以考逸又爲史學而治

史 論才學識三長 劉氏所撰之他書 史通之注釋 史通之刊正 史通之續作

(二) 章學誠與文史通義 論六經皆史 論記注與撰述之分 論通史 論方志 論校讎 史

學之闡明 因事命篇爲作史之原則 章氏之闡明義例 劉章二氏之比較 文史校讎兩通義之校刊 章氏遺書全稿之編刊 史籍考 主修各方志 校讎通義之續作及史籍考之重修

鄭樵非劉章二氏之匹

第九章 近代史家述略……………二五五

近代史家與浙東史學 黃宗羲 萬斯同 全祖望 錢大昕 王鳴盛 趙翼 邵晉涵 紀昀 崔述 徐松 張穆 何秋濤 治西北史地與東北史地諸家 清代因修史釋牘之諸家 王國維及其他諸家 近代史家之趨向

第十章 最近史學之趨勢……………二八一

(一)史料之蒐集與整理 殷墟之甲骨文字 敦煌及西域各地之漢晉簡牘 敦煌石室之六朝唐人所書卷軸 內閣大庫之書籍檔案 古代漢族以外之各族文字 各地之吉金文字 史前遺跡與無文字之史料 梁啟超之史料分類與蒐集鑑別之法

(二)新史學之建設與新史之編纂 梁啟超與何炳松 通史與專史 章炳麟通史略例及目錄 梁啟超通史目錄及文化史目錄 陳寅二氏之通史略例 史籍分部之新舊兩式 主題研究法

疑古派之批評

結論……………二二七

史學之分期 本編備史籍之要則兼爲史學之總錄 史觀

中國史學史

導言

吾國先哲精研史學者，以劉知幾章學誠二氏爲最著，劉氏史通外篇，有史官建置歷代正史兩篇，所論自上古迄唐初之史學源流正變，卽中國史學史之濫觴也。章氏會仿朱彝尊經義考之例，撰史籍考，尋其義例，蓋欲稱乙部之典籍，明史學之源流，體大思精，信爲傑作，惜其稿本，以未付刊而散佚，不然，亦史學史之具體而微者矣。近人梁啟超晚年喜治史學，嘗論及中國史學史之作法，謂其目有四，一曰史官，二曰史家，三曰史學之成立及發展，四曰最近史學之趨勢。（註一）其前兩目，蓋原本於史通，其後兩目，則自此而引中之耳。其弟子姚名達，欲依梁氏所示，撰成一書，稿本略具，尙未刊行，何炳松鄭鶴麟二氏皆有是作，何氏治史參用西法，卓然有聲，其所著必甚可觀，惜亦未見。（註二）鄭氏之作，尙未成書，應見其間數章，（註三）無從窺其全豹。今輯是稿，前無所承，雖有得屋之勤，難免覆瓿之誚，重以顛沛之餘，舊典多喪，卽欲詳說，實病未能。謹依劉章之義例，緯以梁氏之條目，稍加詮次，以爲補說之資，若夫正謬補遺，始終條理，政有待於異日，更所望於方聞。輯纂要義，闡括如左。

史字之義，本爲記事，初以名典文書之職，後仍被於記事之籍，今世造新史者，上溯有史以前，覃及有代生物，而治史之的，仍爲人類社會，研究人類社會之沿革，而求其變遷進化之因果，是謂之史。更就已撰之史，論其法式，明其義例，求其原理之所在，是謂之史學。最後就歷代史家史籍所示之法式義例及其原理，而爲系統之紀述，以明其變遷進化之因果者，是謂之史學史。此爲本編定義，亦足昭示範疇，循此以往，庶無悖乎。其要義一。

昔者劉氏造論，史有二體，而隋志以紀傳體爲正史，編年體不得與焉。後世仍之，良以紀傳之史，雖以政事爲主，亦兼述典章制度，諸志是也。近頃談新史者，義取綜合，粗者雖自然科學，莫不有史，不僅以社會文化爲重，然如諸志所述，包羅甚廣，杜馬二氏，引申而爲通典通考，專詳典章制度，亦如近世之有文化史矣。科條未審，時代使然，以後病前，詎爲通論，本編所述，例取兼取，雖述舊聞，斯合新義。其要義二。

修史之序，先廣蒐史料，輯成長編，然後加以別擇去取，勒成定本。在昔司馬溫公之修通鑑，即用此法。史料缺乏，固不足以言修史，史料凌雜，修史者亦無法致功。長編之法，即取多量史料，加以整齊排比，使其年經月緯，以類相從，秉筆者再爲斟酌去取，修飾潤色，而資以成史者也。茲爲時間所限，不能先成長編，姑就所知，略加詮次。其有先哲時賢所論，足以明史學變遷進化之因果者，亦爲擇要錄入，庶幾異日有暇，重爲釐定，而有組織之史，可與世人以共見乎。其要義三。

本編內容，略如梁氏所示四目，第近世新史，大概劃分時期，以明變遷之跡，而本編亦不能外，如敘史官，則古重於今，如敘史家，則後多於前。古代祇有史籍，而無所謂史學，近代史學成科，而亦寓乎史籍之中。至於舊史之範圍狹，僅載君相名人之事蹟，新史之包羅廣，兼詳社會文化之情狀，時代既殊，編法亦異。以及孔子之作春秋，子長之撰史記，皆各有其背景，初非無故而云然。諸如此類，非可以一端盡者，是則時代之先後，成立發展之次序，有不容或紊者矣。其要義四。

右舉四義，略示撰述之旨，其有未盡，容俟補陳，全書結構，括以十章，粗具梗概，前後所述，軋轢亦所難免，悉加綴正，亦待來日，大雅君子，幸督教之。

（註一）見中國歷史研究法補編分論三第四節戊之五。

（註二）商務印書館發行之中國文化史叢書目錄，有何炳松中國史學史，尙未刊行。

（註三）鄭鶴聲中國史學史之一部發表於史學雜誌。



第一章 古代之史官

史學寓乎史籍，史籍撰自史家。語其發生之序，則史家最先，史籍次之，史學居末。而吾國最古之史家，即爲史官。蓋史籍掌於史官，亦惟史官乃能通乎史學，故考古代之史學，應自史官始。

遠古之初，史無可徵，姑置弗論。說文敘云，黃帝之史倉頡，見鳥獸蹄迒之迹，初造書契。此則古代史官之先見者也。荀卿有言，好書者衆矣，然而倉頡獨傳者，壹也（解蔽篇）。說文敘亦謂，古之封於壽山者七十有二代，其文莫有同者。是則倉頡之前，吾國未嘗無字，倉頡不過就當代流行之各體，從而整齊劃一之。由是字乃可識，故以初造書契稱之，執此以爲吾國未有文字之日，史官制度既已確立，固不可也。考風俗通及衛恆四體書勢，皆謂黃帝之世，與倉頡同製字者，尙有沮誦其人，亦史官也。世本作篇謂大撓作甲子，隸首作算數，容成造曆。而宋衷注云，皆黃帝史官。何是時史官之多也。愚考古代史官，職司記事，位非甚崇，試以周制觀之，周禮，春官之屬有大史，掌建邦之六典，小史，掌邦國之志，內史，掌王之八枋之法，掌書王命，外史，掌書外令，掌四方之志。若以書使于四方，則書其令，御史，掌邦國都鄙及萬民之治令，掌贊書，而六官所屬諸職司，莫不有史。史與胥徒並列，故又釋之曰，史掌官書以贊治。鄭注云，贊治，若今起文書草也。（註一）徵之漢制亦然。漢書藝文志云，大史試學童，能誦書九千字以上乃得爲史。（註二）又以六體試之，課最者，以爲尚書，御史，史書，令史。是則史之初職，專掌官文書，及起文書草，略如今官署之掾吏。倉頡沮誦爲黃帝之史，其所掌當不外是。凡掌官文書者及起文書草者，日與文字爲緣，繁齊其現行之字，以供起草之用，亦史官之所有事。周之內史掌書王命，外史掌書外命，御史掌贊書，是史職起文書草之證也。太史掌邦之六典，內史掌八枋之法，外史掌四方之志，御史掌邦國都鄙及萬民之治令，是史掌官文書之證也。凡周之六典，八枋之法，四方之志，邦國都鄙及萬民之治令，或爲當代之法典，或爲治事之案牘，今日稱爲尋常之官文書，異日則

視爲極可貴重之史料，古今一揆，理無二致。周代有然，黃帝以襄訖於夏商，亦莫不如是。是則史之初職，本以記事爲務，史官之多，亦以此也。夏之將亡，太史令終古，出其圖法，執而泣之，以諫桀，殷之將亡，內史向榮，載其圖法，出亡之周。（註三）所謂圖法，卽邦國之典志也。周衰老聃爲周室守藏史，其所謂藏，卽文書典籍之藏。略如清代之內閣大庫，而典守之官曰史，卽爲掌官文書者之分職。蓋古人於官文書外，別無所謂典籍，凡古代文書典籍之藏，亦略如唐宋以來之四庫，現代之圖書館，老聃以典守之官稱史，亦與倉頡以治書之官稱史同義。居是官者，以其見聞載之簡冊，名爲史記，卽謂史官所記。後世逕名記事之書爲史，此又書以官名者也。秦趙二王會於滹池，各命其御史，書某年月日鼓瑟擊缶，是時御史雖掌贊書之任，而其職漸尊，比於內史。及其末世，置御史大夫及丞，又置御史監郡，始爲糾察之任。（註四）漢以後乃建署設臺，比於三公，非復記事掌書之舊職矣。漢丞相，太尉府，皆置長史，以爲諸令史之長，亦以主治文書爲職。其後以丞相史出刺諸州，乃有刺史，亦猶秦代以掌贊書之御史，出當糾察之任耳。秦有內史，掌治京師，漢初因之，其名原於周禮，而其所司則異。（註五）然皆由職司記事之史引申得之。愚謂史官之始，不過掌書起草，品秩最微，同於胥吏，祇稱爲史，如漢人所稱令史是也。其爲諸史之長者，亦不過如漢代之長史，魏晉之掌書記。其以記事爲職，古今亦無二致。繼則品秩漸崇，入居宮省，出納王言，乃有大史，小史，內史，外史，御史諸稱，以別於掌書起草之史。然亦不過因諸史之長，而稍崇其體制，如漢晉之有中書監令，唐宋之有翰林學士知制誥，明清之有大學士，（註六）是也。凡官之以史名者，既掌文書，復典祕籍，漸以聞見筆之於書，遂以掌書起草之史，而當載筆修史之任。初本以史名官，繼則以史名書，而史官之名，乃爲載筆修史者所獨擅，而向之掌書起草以史名官之輩，轉遜謝以爲無與，不得不以史自號矣。史官至此，蓋經三變，發展之序，不外是矣。不知此義者，乃以史之有官，起於黃帝，以倉頡沮誦之徒，當載筆修史之任，漢治書起草之職，以爲不足言史。不悟吾國史學，發生雖早，要有一定之程。軒轅之世，始製文字，置有史官，以任紀事，理所應有，細考掌書起草，高者出納王言，所任之職，亦不外是。且事有精粗，語有工拙，爾時卽有紀載，亦不過如官署之有檔案，以言

文成條貫之史，似尙失之過早也。

尋史字之義，本爲記事。說文，史記事者也，从又，持中，中正也。江永爲之說云，凡官署簿書謂之中，政諸官言治中受中，小司寇斷庶民訟獄之中，皆謂簿書，猶今之案卷也。此中字之本義，故篆文書者謂之史。其字從又，從中，又者右手，以手持簿書也。（註上）吳文徵則曰，史，記事者也。篆執簡形，古文中作無作中者。推其意，蓋以中當作用，卽淵之省形，則爲簡策本字，持中，卽持冊之象也。（註八）章太炎先生亦云，用从卜中，字形作，乃純象淵形，古文用作用，則中可作用，淵二編，此二編也。章氏卽引周禮治中受中爲證，又謂記禮器之因名山升中於天，論語之尤執其中，國語之右執鬼中，以及漢官之治中，皆當以此爲義。此又視江吳二氏加詳者也。（註九）王氏國維又有釋史一文。其略云。

案周禮大史職，凡射事，飾中舍筭，大射儀，司射，命釋獲者，設中，大史釋獲，小臣師執中，先皆坐設之，東面退，大史實八筭于中，橫委其餘于中面。又釋獲者坐取中之八筭，改實八筭，與執而俟，乃射，若中，則釋獲者，每一個釋一筭，上射于右，下射于左，若有餘筭，則反委之。又取中之八筭，改實八筭于中，與執而俟云云。此卽大史職所云，飾中舍筭之事，是中者盛筭之器也。中之制度，鄉射禮云，鹿中樂前足跪鑿背，容八筭，釋獲者奉之先首。又云，君國中射，則皮豎中，于郊則闕中，于竟則虎中，大夫兕中，士鹿中。是周時中度，皆作獸形，有首，有足，鑿背容八筭，亦與中字不類。余疑中作獸形者，乃周末彌文之制，其初當如中形，而於中之上橫，鑿孔以立筭，達於下橫，其中央一直，乃所以持之，且建之於他器者也。考古者簡與算爲一物，古之前策，最長者二尺四寸，其次二分取一，爲一尺二寸，其次三分取一，爲八寸，其次四分取一，爲六寸，算之制，亦有一尺二寸，與六寸二種，射時所釋之算，長尺二寸，投壺，算長尺有二寸，計歷數之算，則長六寸。漢書律歷志，算法用竹，徑一分，長六寸。說文解字，算長六寸，計歷數者，尺二寸與六寸，皆與簡策同制。故古算幾二字，往往互用。既夕禮，主人之史，請讀貽執算，從極束。注，古文算皆作筭。老子，善計者不用籌策，意謂不用籌算也。史記五帝本

紀，迎日推筭，集解引晉灼曰。筭數也，迎數之也。案筭無數義，惟說文解字云，算，數也，則晉灼時本，當作迎日推筭，又假筭爲算也。漢淳陰令張遷碑，八月筭民，案後漢書皇后紀，漢法嘗以八月算人，是八月筭民，卽八月算民，亦以筭爲算，是古算筭同物之證也。射時舍算，既爲史事，而他事用算者，亦史之所掌，算與簡策，本是一物，又皆爲史之所執，則盛算之中，蓋亦用以盛簡，簡之多者，自當編之爲篇。若數在十簡左右者，盛之於中，其用較便。逸周書書麥解，宰乃承王中，升自客階，作筭執筭從中，宰坐尊中於大正之前，是中筭二物相將，其爲盛筭之器無疑。故當時簿書，亦謂之中。周禮天府，凡官府鄉州及都鄙之治中，受而藏之，外司寇以三刺斷庶民訟獄之中。又登中於天府，鄉士，遂士，方士，獄訟成，士師受中。楚語，左執鬼中。蓋均謂此物也。然則史字从又持中，義爲持書之人，與尹之从又持——者同意矣（觀堂集林卷六）。

此其所釋之太略也。考說文所釋，以良史不隱爲持中之道，而中正爲無形之物德，非可手持，引起後賢之不滿，故不從譚氏，而別求解釋之方。江氏據治中受中諸文，以中爲簿書，手持簿書爲史，正與筆文書之義合，然簿書何以謂中，江氏亦未有解釋也。吳氏意謂簿書亦爲簡冊之一，故以中從冊省爲說。章氏更從而引申之，誠足以補江說之未備矣。王氏取周禮鄭注，以中爲盛算之器，（註一〇）謂其初制當如中形，是則中字象形，而無正字之義。又以盛算之中，亦用以承簡冊，簿書爲簡冊之一，故簿書亦謂之中。此又自吳氏所說引申得之。夫盛算之器稱中，誠與治中受中之中，同爲物名，而非無形之物德，故以中正之說爲不響。惟王氏謂中作獸形，爲周末彌文之制，必以鑿孔立算其形如中爲釋，是否合於古義，尙待商榷，且盛算之中，本爲周制，制字之初，有無此器亦有疑問（朱希祖先生史學概論）。終以吳章二氏，較爲明白可據，準此以談，史之本義，無論爲手持簿書，或簡冊，皆與掌書起草之義相符。且史之一辭，本指人而言，非以指記事之書，故說文以記事者釋之也。

愚考中字之釋義，尙有不止如上文所說者，周禮春官之屬有天府，「掌祖廟之守藏，與其禁令」。凡官府鄉州

及都鄙之治中，受而藏之，以詔王，察羣吏之治。又地官鄉老及鄉大夫，「羣吏獻賢能之書於王，王再拜受之，登於天府，內史貳之。」又秋官大司寇，「凡邦之大盟約，泄其盟者而登之天府，大史內史司會及六官皆受其貳而藏之。」小司寇，「以三刺斷庶民訟獄之中，歲終則羣士計獄弊訟，登中於天府，及大比民數，自生齒以上登於天府內史司會冢宰貳之，以制國用。按鄭注云：「治中謂職簿書之要一，此即江吳諸氏以簿書釋中之所本也。至其所謂貳，即簿書之副本，今世稱分類存貯之簿書爲檔案，所謂天府，即儲藏檔案之庫，略如清代之內閣大庫。周制以檔案正本之中，藏之天府，而大史內史司會及六官諸司受其貳而分藏之，此即保存檔案之法也。」（註一）愚謂中之得名，蓋對貳而言也。登於天府，等於中祕，外人無故不得而窺，故以中名之，此檔案之正本也。副本對中而言，對曰貳，凡中與貳，皆爲檔案之專名，或以冊釋中，或以盛算之器釋中，固各有其勝義。然說文何以釋中爲內，以別於外，置此而不數，未爲善解。竊謂中有內義，或由祕藏簿書引申得之，如此則兩義爲一貫矣。老子爲周室守藏史，所守之藏，必爲天府，天府掌祖廟之守藏，是其證也。現代檔案，卽爲他日之史料，古人於檔案外無史，古史卽天府所藏之中也。保藏之檔案謂之中，持中之人謂之史，一指書言，一指人言，分際至明，後世乃可以史爲書，而別以吏名史，遂不知中字含有簿書檔案之義，此可於諸氏所說之外，又進一解者也（文始所釋中字可供參考）。

周代之五史，一曰大史，二曰小史，三曰內史，四曰外史，五曰御史，前已略論之矣。五史之秩以內史爲尊（中大夫），大史次之（下大夫），外史又次之（上士），小史御史爲下（中士），此皆諸史之長屬於春官者也。禮記玉藻，漢書藝文志，皆謂古有左史右史之官。一則曰，動則左史書之，言則右史書之。一則曰，左史記言，右史記事，事爲春秋，言爲尚書。兩書所記，既有歧異，而左史右史之名，何以不見於周禮，宜一爲考釋之。按大戴禮盛德篇云，內史大史，左右手也。盧辨注云，大史爲左史，內史爲右史。熊安生申之云，周禮大史之職云，大師抱天時與大師同車。左氏襄二十五年傳曰，大史書曰，崔杼弑其君，是大史記勳作之事，在君左席記事，則大史爲左史也。周禮內史，掌王之八柄，其職云，凡命諸侯及孤卿大夫則策命之。

傳二十八年傳曰，王命內史叔與父策命晉侯爲侯伯。是皆言諸之事，是內史在君之右，故爲右史。酒誥，鄭注亦云，大史內史，掌記言記勳。是內史記言，大史記行也（熊說見周禮孔疏）。清賢實以周本其說論之云。

盛德篇，內史大史，左右手也。謂內史居左，大史居右。覲禮曰，大史是右，是其證也。古官尊左，內史中大夫，尊，故內史左，大史右。玉藻，勳則左史書之，言則右史書之。左右字今互譌。漢藝文志，鄭六藝論，並云，左史記言，右史記事，可證。熊氏謂大史左氏，內史右史，非也。其中酒誥大史內史掌記言記行，謂大史記行，內史記言，是已。鄭注玉藻云，其書春秋尙書具在，謂右史書勳爲春秋，左史書言爲尙書也。荀悅申鑒云，古者天子諸侯有事，必告於廟，朝有二史，左史記言，右史書事，事爲春秋，言爲尙書，與鄭注合（禮書通故三十四）。（註一二）

依此所論，則古之左史，卽周禮之內史，右史卽周禮之大史。玉藻之左右字，以互譌而異，宜從漢志作左史記言，或言則左史書之，右史記事，或勳則右史書之，其論辨至爲明哲矣。熊氏所說，雖於大史何以爲左史，內史何以爲右史之故，未能盡言。而內史記言大史記事之旨，則由其說而證明，蓋其所釋，亦僅一間之未達耳。

至章學誠則不信記言記事由史官分任之說。其論有云。

記曰，左史記言，右史記事，其職不見於周官，其書不傳於後世，殆禮家之愆文歟。後儒不察，而以尙書分屬記言，春秋分屬記勳，則失之甚也。夫春秋不能舍傳而空存其目，則左氏所記之言，不啻千萬矣。尙書典謨之篇，記事而言亦具焉。訓誥之篇，記言而事亦見焉。古人事見於言，言以爲事，未嘗分事與言爲二也（文史通義書教上）。

章氏所論，誠當於理，然考之於古，恐亦未遑一間。試以周禮證之，內史掌書王命，同於唐宋之知制誥，卽左史記言之謂也。大史掌建邦之六典，同於魏晉六朝之著作郎，卽右史記事之謂也。尙書之酒誥顧命，卽內史所

撰之王命，春秋爲事典，周禮爲政典，儀禮爲禮典，卽大史所掌之六典，所記之書，不必限於尚書，而其體必近於尚書，所記之事，不必限於春秋，而其體必近於春秋。如黃氏所釋左史卽內史，右史卽大史之說爲不誤，則左史記言右史記事之說，亦淵源甚古之記載也。章氏雖未釋左右二史，當於周禮之何史，而於周禮之書，則深信不疑，知周禮之可信，則左史記言右史記事之說，亦不得謂爲無據矣。然記言者未嘗不載事，如內史所撰之王命，必以事爲依據是也。記事者未嘗不載言，如大史所掌之六典，其中亦言事兼載是也。不過一重在言，一重在事，非謂言中無事，事中無言，漢志舉尚書春秋爲喻，亦舉其大者言之耳。古人固未嘗分事與言爲二，而左史右史之職，則有記言記事之別，吾故曰，章氏所說亦未遑一闕之論也。

古代史官表

氏	名	時	代	職	名	出	處	考
倉	頤	實	帝	史		說文敘衛恒四體書勢		
桓	繇	實	帝	史		風俗通衛恒四體書勢		
大	史	同	上	史		世本宋衷注		
隸	首	同	上	史		同上		
容	成	同	上	史		同上		
史	史	同	上	史		同上		
孔	甲	黃	帝	史		史記史官商		
伯	史	同	帝	史		史記史官商		
終	史	同	帝	史		史記史官商		

通	任商	釐	廣	大	史	書儀典鄭注	
向	舉商	封內	史	通典通考俱作高勢			
尹	通商	求史		通書考殷史通史官			
辛	甲商	初末大	史	左襄四晉晉韓鼎說林		通書文事前辛甲封臣七十五詳	
史	佚周	武王內	史	史記晉世家		通書與尹通爲一人晉世家大史通書	
史	嗣周	史		文選注引六韜			
周	性周	大	史	左隨六韜諸季氏			
焦		大	史	周書王會解			
戎	夫周	左	史	周書史記傳		漢書人表作有史張漢	
武		右	史	宋哀世本注			
史	豹周	王左	史	文選原玄賦注引		周文稱曰左史氏	
史	良周	上左	史	古文周書			
史	稽周	王大	史	漢藝文志說文統			
史	角周	史		呂覽食染			
史	伯周	史		鄭語筆注		史記鄭世家稱大史伯	
通		內	史	左襄三十二周曆上			
叔	義周	內	史	左襄十六周曆上			
叔	服周	內	史	左文元			

大	相	友	友	伯	辛	桑	州	黃	蔡	區	闕	闕	老	備	克	國	闕
名	常			常	有	子	黎	張	公	公	名	名	聘	周	魯	魯	名
周	周	周	周	周	周	周	周	周	周	周	周	周	周	周	周	周	周
史	史	大	內	大	大	內	大	史	大	太	大	大	守	大	大	大	大
莊子則陽	晏子春秋內篇問下	史酒誥	史同上	史周禮史記周本記	史左傳二十二昭十五晉語四	史漢書人表	史左襄七年苑君道	史左昭十一國語	史同上	史同上	史左哀六	史左桓二襄十	史史記老子傳	史同上	史左文十八	史左哀十一	史左昭二
人表有周史大黃當是二人				或謂即老聃		一作探之		漢本稱爲周史	獻作壽於蔡原助於辛尹蔡蔡公原	甲尹尹佚注皆周大史	時所楚				魯昭作里克		韓宣子親壽於大史氏

左丘明	左丘明	史漢書文志	
魯	魯	史左襄二十三年	
齊	齊	史左襄三十一年元	說苑有史更亦鄭人
南	南	史左襄三十五年	兄弟三人其中二人爲糾殺
柳	柳	同上	左史中史南史齊大夫之屬也
華	華	史左閔二	又有史朝史魚史狗皆衛人
禮	禮	史同上	尚典籍之史
伯	伯	史同上	蓋史即重典籍之史重爲其役也
辛有	辛有	史同上	
史	史	史左襄三十一年八哀九	
史	史	史左哀九	
黃	黃	史左五十二	
魯	魯	史左襄三十一年元	說苑權謀篇作屠維
史	史	史左襄十五	
國	國	史左襄十四	左史謂魏莊子云云
史	史	史左昭二十九哀九襄二十作史	趙簡子之史時三家尚未分晉
倚	倚	史左昭十二楚辭	

史		皇朝	史	左定綱	楚又有史疾破國時人
史	諸葛亮	名亮	史	晉書 魏志 蜀志	
關		宋	史	宋史	宋高祖使占養生顯
廖		泰	內	史記秦本紀	穆公時
綢	名泰	御	史	史記廉頗列傳	
周	舍趙	史		新苑	
嗣	名韓	御	史	韓策	
史	起微	史		司馬遷成	前漢王時人有民張氏鄭君令史公之語
敷		汗八	史	強策	
關	名田	齊侍	史	史記孟嘗君傳	
胡母敬榮始皇太史合建父就					
司馬談漢末史合記自序					
司馬遷漢武帝太史合同下					

甲骨文金文中時見古史官之名，茲不具引。（六一）

按此卽黃帝以迄漢武之史官，所可考見之大略也。茲更取表列周代史官，分爲王室史官列國史官二類，將其官名人數，綜計如左。

左史	右史	大史	內史	守藏史	史	書	博士	侍史
六人	六人	十二人	三人	一人或二人	六人	一人	三人	十一人
六	六	左	內	書	御	史	史	史
十四人	二人	一人	一人	一人	三人	一人	一人	一人
數	數	數	數	數	數	數	數	數

周禮所載五史，即所謂王室史官也。茲則有內史而無外史，有大史而無小史，何也。據黃以周所考，內史爲左史，而大史即爲右史，是則戎夫史豹史良三人之稱左史者，即爲內史之異稱，而右史僅見名武者一人，即爲大史之異稱，此可推而知之也。外史小史秩卑，故無可稱之人，或祇稱爲史，所見史六人，其中或爲外史小史之官。孔穎達左傳序正義云，齊大史書崔杼弑其君，南史聞大史盡死，執簡而往。明南史是佐大史者，當爲小史。此其所說，雖爲列國史官，正可惜喻王室之有小史，五史中有御史，而王室史官中則不之見，亦以秩卑故耳。列國史官是否備有五史，頗有疑問，內史秩尊於大史，爲王室所尊有，孔穎達謂諸侯無內史，其說頗謬，於是有大史兼掌內史之說。然內史一稱左史，而列國又有左史，何也。考春秋時，左史凡二見，一爲晉左史，失其名，一爲楚左史倚相。左氏哀公六年傳，簡有周大史之在楚者。以此例之，安知非周內史之在晉楚者乎。

貞人，貞人卽爲某事而貞卜之人，亦卽當代之史官也。殷墟發見之卜辭，武丁之世最多，有所謂貞賓貞者，賓賓二字爲貞人之名，亦卽武丁時代之史官。依近年發見之甲骨文，分爲三期。一爲武丁時代之貞人，二爲祖庚祖甲時代之貞人，三爲廩辛廩丁時代之貞人。依其貞人之名，卽可斷言甲骨文屬於某一時代，貞人記其所貞之事於甲骨之版，正爲記事者之所司，故稱貞人爲當代之史官，其說甚確，此近人輩作賓之所考定者也（詳見第十卷）。（註一七）由此可知，周代以前凡職司記事之人，皆謂之史。其爲帝王記事者，其位稍尊，故亦謂之內史大史。究之其職司記事則一也。

晚周以前，有大史而無令，大讀如泰，而義同大小之大，如周禮之大卜大祝皆是。漢以後始改大爲太，稱爲太史。說文敘云，秦始皇帝初兼天下，太史令胡毋敬作博學篇。而漢書藝文志亦有是語。是則改大爲太，稱太史令，蓋自秦時始矣。漢書百官公卿表，太常之屬官，有太史令。續漢書百官志云，太史令一人，六百石，掌天時星歷，凡歲將終，奏新年歷，凡國祭祀喪娶之事，掌奏良日，及時節禁忌，國有瑞應，掌記之。按漢之大中大夫，二千石，諫大夫，千石，而太史令爲六百石，僅當於下大夫。故司馬遷自云，常廁下大夫之列，亦周代大史之品秩也。史記太史公自序，謂司馬氏世典周史，而談爲太史公，大史公學天官於唐都。此所謂天官者，卽自序所開，顓頊命南正重以司天，北征黎以司地，若在周禮，則屬於春官，以當大史，大卜，大祝諸職，而無與於冢宰之天官者也。司馬遷又述其父談之言曰，余先世周室之太史也。自上世常顯功名於虞夏，典天官事，後世中衰，絕於予乎。汝復爲太史，則續吾祖矣（史記自序）。又自言，僕之先人，非有剖符丹書之功，文史星歷，近乎卜祝之間，固主上之所戲弄，倡優畜之，流俗之所輕也。（註一八）此皆可與漢志相印證。故漢制以太史令掌天時星歷之任，亦猶秦時有治歷明時之潁和也。古之史官，有司天事者，有司人事者，星歷屬於天事，文史屬於人事，皆由記事之史司之（本朝氏師培說）。故司馬氏以掌天官之太史，而自當載筆修史之任，此亦古代史官與曆官合而不分之證也。第漢儀注謂，武帝置太史公，位丞相上，天下計書先上太史公，副上丞相，如古春秋，遷死後，官帝以其官爲令，行太史公文書而已。（註一九）而劉知幾載大昕嘗信之，（註二〇）愚謂此說

非也。按之漢書百官公卿表，太史有令而無公，且秩僅六百石，去食祿萬石之丞相遠甚。卽如漢舊儀所說，實有太史公秩二千石之官，（註二）亦不得位丞相上。司馬貞索隱謂，遷尊其父，故稱公而斥位丞相上之語爲謬，允矣。愚考漢書律歷志及兒寬傳，皆稱司馬遷爲大史令，而不稱公，卽爲漢無太史公一官之反證。且天下計書，先上太史公副上丞相之語，亦失之矣。索隱謂，修史之官，別有著錄，則令州縣所上圖書，皆先上之，後人不曉，以在丞相上耳。此解得之。漢世史有專官，職司記載，故命天下計書，於上丞相之外，分上太史，以爲記撰之依據。計書，卽當日之政務報告，以有數字者爲主，易言之，卽史料之一種也。再證以遷所自言，文星歷，近乎卜祝之間，固主上之所戲弄，流俗之所輕。益知位丞相上，絕無其事，而其職實合古大史，大卜、大祝三職而一之，亦不待煩言而解矣。且考周禮以大史介乎大祝大卜之間，而同屬於春官、大祝之屬。又有司巫，而大史所職，如正歲告朔卜日讀誅，亦與卜祝爲近，周書以祝宗卜史賜魯（見左定三年）。故古人嘗以巫史祝史並言，巫祝之事，嘗以瞽者爲之，又稱瞽史。蓋古人所重爲鬼神災祥之事，考記其事者，亦名爲史。（註三）緣是可知漢世史官之設置緣古制，亦如周代之有大史，位非甚尊，此蓋應證之義也。

漢書藝文志，原於劉歆之七略，其敘諸子十家，謂皆出於某官。又謂道家者流，蓋出於史官。所謂某官，卽周代王官之所掌也。章學誠嘗於所著校讎通義原道篇，暢發此義云。

劉歆蓋深明乎古人官師合一之道，而有以知私門無著述之故也。何則，其敘六藝而後，次及諸子百家，必云某家者流，蓋出於古者某官之掌，其流而爲某氏之學，失而爲某氏之弊。其云某官之掌，卽法其於官官守其書之義也。其云流而爲某家之學，卽官司失職而師弟傳案之義也。其云失而爲某氏之弊，卽孟子所謂生心發政作政害事。辨而別之，蓋欲庶幾於知言之學者也。

又云：

六藝乃周官之舊典也。易掌太卜，書掌外史，禮在宗伯，樂隸司樂，詩領於太師，春秋存於國史。夫子自謂述而不作，明乎官司失守，而師弟子之傳業，於是判焉。秦人禁偶語詩書，而云欲學法令者，以史爲

師。其棄詩書，非也，其曰以吏爲師，則猶官守學業合一之謂也。由秦人以吏爲師之言，想見三代盛時，體以宗伯爲師，樂以司樂爲師，詩以太師爲師，書以外史爲師，三易春秋，亦若是而已矣。

此所謂官師合一，卽古人學在王官之證。古人之要典，皆由百司之史掌之。故百家之學，悉在王官，而治學之士，多爲公卿之子弟，就百官之史而學之，故其學不能下逮於庶民。迨周之衰，王官失守，散而爲諸子百家，民間亦得以其業，私相傳授。而劉班二氏溯其源，曰某家者流，出於古者某官，雖其所說，未必盡實，而古人官司合一之旨，藉是以明。章氏所說，最爲得古人之意者也。秦人以吏爲師，吏卽史也，惟古今有不同者，一則學下逮於庶民，而百家之學以興，一則所學以法令爲限，而百家之學以絕耳。漢志謂道家出於史官，其爲說之當否，姑不具論，惟章學誠謂六經皆史，（註二三）近人多宗其說。（註二四）惟謂六經百家之學，悉出於史官，究有斷限不明之嫌，若謂其悉率於百司之史，則無可疑者也。莊子天道篇謂，孔子西觀周室，論史記舊聞。而同書孔子世家，及老子列傳，皆謂十二經以說。史記十二諸侯年表序，又謂，孔子西觀周室，論史記舊聞。而同書孔子世家，及老子列傳，皆謂孔子適周，問禮於老子。而老子固周之守藏史也。或謂老子世爲史官，掌周室之典籍，故孔子從而問禮焉。此亦古人官師合一之證。孔子身非史官，而修春秋，誠由王官失守，學下逮於庶民之故。然非西適周室，以觀藏書，問禮於守藏之史，亦無以考文獻而證舊聞。司馬遷以身爲史官，而修史記，正爲合於古法，此亦應餘之義也。

最後更有一義，應爲之闡明者，則漢以前未有以史名書是也。古人以乙部之書，原出於尚書春秋，而漢以後諸史多稱書，呂不韋孔衍司馬彪之作，亦稱春秋尚書。（註二五）管子法法篇，言春秋之記。墨子明鬼篇，謂周齊宋燕皆有春秋。又言吾見百國春秋。（註二六）楚語中叔時言，敎太子箴以春秋。晉語，司馬侯言叔向習於春秋。此又孔子修春秋之同時，各國之史多名春秋之證也。或又稱志，周禮小史掌邦國之志，外史掌四方之志。左傳常稱周志。又曰前志有之，史佚之志有之，又稱仲虺之志，孟子亦稱志曰，（註二七）是也。或又稱書，子產叔游皆稱晉書有之是也。（註二八）論語，記孔子兩言史，一曰，吾猶及史之闕文也。一曰，文勝質則史。並指史官而

言。(註二九)孟子之論春秋則曰，其事則齊桓晉文，其文則史。以史與齊桓晉文對言，亦言人而非書。司馬遷因春秋而撰太史公書百三十卷，其文中嘗稱秦記，牒記，史記。(註三〇)後人撫其語，稱爲史記。亦以其書爲史官所記，猶邦國之志四方之志云耳。漢人曾直稱春秋爲史，如公羊齊高偃納北燕伯於陽傳云，春秋之信史也。然亦未爲通名。(註三一)漢末劉芳作小史，三國張溫作三史略，譙周譏古史考，始以史名書。然譙周之作，亦可曰考古史官之所記。至梁子顯作晉史草，吳均作通史，陳許亨作梁史，李延壽更作南史北史，隋志亦改題太史公書爲史記。至宋史之不稱宋書，又以與南北朝之宋書同名之故，以下諸史皆因之。而史之一詞，遂由官名，遂而爲書名矣。是故研秦漢以前之史，應知設置史官之初，職司記事，品秩甚卑，其後乃有四更大史諸號，儕於大夫之列。至於以史名書，則非古義，此不可不辨者也。(註三二)

總上所說，可得數義，史爲官名，其初如吏，後乃進當記言記事之任，一也。周代之左史右史，卽爲周禮之內史大史，而周禮五史，又爲經制，不得輕疑，二也。漢世去古未遠，史官之制未廢，故司馬遷以世爲史官而修史記，三也。史爲書名，起於漢後，古代無之，祇以名官，四也。古代學在士官，典籍爲史官所專掌，故私家無由修史，欲考古代之史學，舍史官外，別無可徵，五也。茲敍吾國史學，上溯其源，必首史官，義不外此。至於司馬遷以後，已無累世相守之史官，卽偶有之，多以他職兼典，而不能舉其職，故改於他章述之，以示有所別異焉爾。

(註一)周禮，天官冢宰，治官之屬……史十有二人，注，史掌書者。

(註二)說文敍作乃得爲吏，又釋書江式傳作史，段氏說文注，據以改吏爲史，云得爲史，得爲郡縣史也。

(註三)見呂氏春秋先識。

(註四)漢書百官公卿表，御史大夫，掌官，位上卿，掌副丞相，有兩丞，一曰中丞，外青都刺史，內領侍御史十五人，受公卿奏事，舉劾按章。監御史，掌官，掌監郡，漢省。

(註五)同上，內史周官，掌治京師。景帝二年，分置左右內史，右內史。武帝太初元年，更名京兆尹，左內史，更名左馮翊。

(註六)明人學士秩正五品，爲天子撰詔諭，猶古御史之任，清大學士雖尊，其職亦然，或以宰相擬之，非也。

(註一七)見江表傳。謝靈運《謝靈運集》。

(註一八)見宋史。謝靈運《謝靈運集》。

(註一九)章氏《章氏遺書》卷七。

(註二〇)周繼，奉官，大史……凡射事節中會章，注，鄭司農云，中所以盛算也。

(註二一)宋朱先生希祖說。

(註二二)黃氏父云，洛誥云，作冊遣爵，即史佚供以內史策命諸侯，及孤卿大夫，與春秋王命內史策命晉侯爲侯伯繫之，蓋尹佚內史也。孔與軒云，國語訪于辛尹，謂辛尹尹佚，並周史也，左傳，以辛甲爲大史，則尹佚爲內史矣，此說是也。大類保傳籙云，晉遠方諸侯，不知文雅之辭，應軍臣左有平知已諸之正凡此其屬少同之任也，賈誼新書曰古者史佚職之，是史佚爲內史主言諸之事也。史記成王剛樹建與叔虞，史佚曰天子無戲言，言周史著之，是史佚爲內史同記言也。張衡文十五年傳注云，史佚樹成王大史誤矣。周書史記篇云，召三公左史又次，乃取遂事之要戒得戒夫首之，此則內史所期，凡四方之事書內史演之，則左史爲內史明矣。春秋時列國皆有大史，而又別有左史，則左史非大史明矣。

(註二三)參閱梁啟超《中國過去之史學界》，鄭鶴聲《古史官考略》。

(註二四)黃以烈云，戰國御史之名，顯於左史，獻書者多曰獻書於大王御史，言于類亦云，御史在後，執法在旁。

(註二五)參閱黃雲眉《周書史考》，見金陵學報第一期。

(註二六)後漢書班固傳。

(註二七)據前作實甲骨文字沿革例。

(註二八)漢書司馬遷傳，文選四十一，司馬子長報任少卿書。

(註二九)史記太史公自序集解，漢書司馬遷傳注，俱引如淳說。

(註三〇)見史記史官建從籍，及二十二史考異史記下。

(註三一)史記太史公自序正義，引虞喜志林。

(註三二)汪中述學內篇左氏春秋釋疑。

(註三三)王陽明傳習錄曰，五經皆史，爲堯舜之所本。

(註三四)如龔自珍《江陰雜記》，說詳下章。

(註三五)呂氏春秋有十二紀，亦近史體，司馬遷有上州春秋，孔衍有漢記，後漢書，魏尚書。

（註一六）易子駿曰：春秋記，實事，集春秋記，類事，則春秋記詳于實事，又見史通云：家爲，蓋易子佚文。此書乃德君傳，答魏書，引易子曰，吾見百國春秋史，平流已，易子佚文收之。

（註一七）周禮，外史，四方之志注，若魯之春秋，若樂，楚書，左文二年傳，周志有之，文六年傳，成十五年傳，皆曰：周志有之，成四年傳，史佚之志有之，孟子稱志曰，見滕文公上篇。

（註一八）見左襄三十一年及昭二十八年傳。

（註一九）論語吾病及史之闕文，集解，引包曰，古之良史，於書字有疑，則問之。正義曰，史掌書之官，以文勝於史，包曰，史者文多賢少。正義曰，言文多勝於賢，則如史官。

（註二〇）史記十二諸侯年表，六國表，及自序。

（註三一）此節略本陳鍾見諸子通說原始篇。

（註三二）本章間采取劉師培論古學出於史官一文，見其移易錄。

第二章 古代之史家與史籍

吾國史籍之生，應在製字之後，故黃帝以前，無史可言。近世考古學家，發掘地下之藏，就所得之骨簡器物，以推斷有史以前人類之狀況，是之謂史前史。然此爲晚近產生之史學，而與古人無與者也。左傳載楚靈王謂其左史倚相能讀三墳五典八索九邱。周禮外史掌三皇五帝之書。鄭注即以靈王所謂三墳五典釋之。賈公彥疏，引孝經緯，謂三皇無書。此云三皇之書者，以有文字之後，仰鑑三皇時事。按尙書僞孔傳敘云，伏羲神農黃帝之書，謂之三墳。少昊顓頊高辛唐虞之書，謂之五典。八卦之說，謂之八索。九州之志，謂之九丘。語或有據。章太炎先生云，所謂三墳五典八索九丘者，墳丘十二，宜卽夷吾所記泰山刻石十有二家也。五典者，五帝之冊。八索者以繩索爲編。外史所謂三皇五帝之書。愚考伏羲神農皆在黃帝以前，時未製字，何以有書。蓋黃帝以前，結繩以記，亦非絕無文字，倉頡承黃帝之命，乃爲一之，猶李斯詔古文之不與秦文合者以同其文字也。三皇之書，既由後人仰錄，藉合其時無字，而亦未必無書，今尙書有堯典，當爲五典之一，或疑其文字不古，豈由後人仰錄使然歟。要爲古代之典籍，而其史之一體者。今所傳之三墳，既屬僞作，自堯典外，其他亦無考。故推論吾國古代之史籍，應自尙書春秋二書始。

章學誠云，六經皆史也。古人未嘗離事而言理，六經皆先王之政典也。熊自珍亦云，六經者，周史之宗子也。易也者，卜筮之史也。書也者，記言之史也。春秋也者，記動之史也。風也者，史所采於民而編之竹帛付之司樂者也。雅頌也者，史所采於士大夫也。禮也者，一代之律令，史職藏之故府，而時以詔王者也。故曰五經者周史之大宗也（古史鈞沉論）。夫古人之典籍，藏於百司之史，前已言之，掌於史官之典籍，不得概名爲史，左史記言，言尙同書，右史記事，事尙春秋，尙書春秋之爲史，不待言矣。古人之於禮，實兼法而言，周禮所記爲典章制度。一稱經禮。儀禮所記，爲節文儀注。一稱曲禮。禮記曰，經禮三百，曲禮三千。是其證也。周

禮本名周官，一稱周官經，所載成周之官制，實爲一代之法典，可比於後代之唐六典，前漢之末，乃有周禮之名，自周以來，有吉凶軍嘉賓之五禮，而唐有開元禮，宋有政和五禮，而溯其源多本於儀禮，及大戴小戴二記，合以周禮，可稱四禮，研其因革損益，是爲典禮之史。如通典文獻通考五禮通考諸書是，而非謂周禮儀禮爲史。此其一也。近人之言研古史者，謂毛詩所載玄鳥長發，生民公劉等篇，爲殷周時代之史詩。所謂史詩者，即以史事寓於韻語之中也。以今語言之，可謂史詩爲史料。然詩三百篇中，如此類者甚少，與其謂詩三百篇爲史，無寧謂爲古詩之總集。此其二也。（王通謂詩與尚書春秋同出於史，卽詩爲史官所采之意。）若夫易爲卜筮之書，尤遠於史，古人以祝卜與史並言，故周禮以大史儋於大卜大祝之列，而易亦掌於大卜。韓宣子聘於魯，觀於大史氏，見易象與春秋，曰周禮盡在魯矣。此謂易象春秋，俱爲古典，掌於大史氏，而未嘗謂易爲史。此其三也。龔氏之論詩禮，不過謂爲史官所掌，其謂易爲卜筮之史，則殊涉牽強，未爲得實。故以嚴格論之，不惟易詩非史，卽官禮之屬於政典者，亦不得與尚書春秋比。依章氏所說，若謂周禮儀禮爲先王之政典，則無可議，易與詩無異於制度，謂之政典尙不可，況謂之爲史哉。龔自珍又云，諸子也者，周史之支孽小宗也（古史鈎沈論）。張爾田本之，以作史微，乃云，不微六經皆史，諸子亦史之支與流裔也。近人劉師培亦云九流學術皆源於史。江琰本之，乃作百家之學俱源於史一文。然考其所引之證，皆緣古代典籍概掌於史爲說，古人學不下於庶民，士夫必從史官而學，史官指人而言，尙非謂記事記言之史。六經掌於百司之史，而謂之爲史。諸子之學，由從學史官而得暢其流，而於所撰之書，亦被以史稱，則古文之範圍，何其漫無紀極耶。茲論古史，意以尙書春秋爲斷，其他諸經及諸子，皆不得謂之爲史。

史記孔子世家謂，周室微而禮樂廢，詩書缺，追迹三代之禮，序書傳，上紀唐虞之際，下至秦繆，編次尙書。是卽尙書之所由作也。或謂孔子觀書於周室，得虞夏商周四代之典，乃刪去其重者，定爲百篇。（註二）孔子刪書之說，亦見書緯，（註三）而今人多不之信。王充云，尙書者，上古帝王之書，或以爲上所爲，下所法，故謂之尙書（論衡正說）。王肅云，上所言，下爲史所書，故曰尙書（史通六家篇引）。此又尙書之所以名也。蓋

自司馬遷班彪之倫，咸謂虞夏之世已有史官，故嘗有堯典禹貢諸篇，皆當代史官之所記，而或以爲悉由後人傳錄，亦疑其能明也。今本尙書凡五十六篇，其中真偽參半，據清代學者考定，祇有伏生口授之二十八篇爲真，謂之今文尙書。此外之二十餘篇，則謂之偽古文尙書。而今本尙書之孔傳，亦爲偽作，稱爲偽孔傳。今考二十八篇中之盤庚，唐人稱爲結曲盤牙者，實爲殷代之古文。證以晚近所出之甲骨文，辭句相類，益爲可信。而周代之諸誥亦不易讀，蓋古今語法文法不同之故。或以堯典禹貢甘誓湯誓四篇，皆在盤庚之前，而文辭易解，疑爲僞作。此殊不然，試證以周秦古書，屢見稱引，豈有古人未疑其僞，而今人能斷其爲僞者，與其直斷爲僞，以鄰於妄，何若謂爲後人追記之爲得哉。章學誠之論書教則云，後來紀事本末一體，實出於尙書，尙書之中如金縢顧命，皆具一人一事之本末，實爲古史之具體而徵者。其說是也。古人嘗謂尙書爲記言之史矣。今考尙書諸誥諸命，卽同於秦漢以來帝王之詔諭，王莽曹丕之篡兩漢，皆模稜尙書以自文飾，而蘇綽亦爲後周製大誥，藉令不考其事，但專讀其文，鮮有不以爲舜禹湯武之再世者。是以誓誥之文，亦不得逕稱爲史。史以記事，其中亦非無言，左傳爲春秋而言，其中所記之言，與事相等，章學誠謂古人未嘗分事與言爲二，亦爲至論。尙書諸篇，記言而兼記事者，如金縢顧命之類，則不多見。章氏謂紀事本末一體出於尙書，亦舉其一端言之耳。孔子以前古史之可考者，不多見，故取典謨誓之文而刪存之，以當於古史，且司馬遷之作史記，於春秋以往之事，多采尙書，故曰述陶唐以來至於麟止（史記自序）。蓋以研考古事舍尙書外，別無可據之故，故後人亦以古史視之。譜古代之史籍，應有廣狹二義。如章氏謂六經皆史，龔氏謂諸子爲周史之支孽小宗，皆屬廣義。若就狹義言之，蓋必有組織，有義例，始得爲成文之史。亦惟春秋及左氏傳，始足以當史稱，而尙書亦非有組織有義例之史。此又二者之辨也。

春秋爲魯史之故名，其記事之法，以日繫月，以月繫時，以時繫年，所以記遠近，別同異，史之所記，必表年以首事，年有四時，故錯舉以爲所記之名，此杜預之所釋也。蓋春秋者編年之書，故舉春以包夏，舉秋以賅冬，總之，明其以年爲綱而已。及孔子因而修之，亦名春秋。其修春秋之旨趣，史記言之最詳。史記

孔子世家云。

乃因史記作春秋，上至隱公，下訖哀公十四年，十二公，據魯，親周，故殷，運至三代，約其文辭而指博。故吳楚之君自稱王，而春秋貶之曰子，踐土之會，實召周天子，而春秋諱之曰天王狩於河陽，推此類以類當世貶損之義，後有王者舉而開之，春秋之發行，則天下亂臣賊子懼焉。孔子在位，聽訟文辭，有可與共者，弗獨有也。至於春秋，筆則筆，削則削，子夏之徒，不能贊一辭。

又十二諸侯年表云。

牧西觀周室，論史記舊聞，興於魯而次春秋，上記隱，下至哀之獲麟。約其辭文，去其煩重，以制義法。王道備，人事浹，七十子之徒口授其傳指，爲有所刺激褒諱挹損之文辭，不可以書見也。魯君子左丘明懼弟子人人異端，各安其意，失其真，故因孔子史記，具論其語，成左氏春秋。

漢書藝文志亦於春秋後論之云。

周室既微，載籍殘缺，仲尼思存前聖之業，乃稱曰，夏禮吾能言之，杞不足徵也，魯禮吾能言之，宋不足徵也，文獻不足故也，足則吾能徵之矣（本論語）。以魯周公之國，禮文備物，史官有法，故與左丘明觀其史記，據行事，仍人道，因興以立功，敗以成罰，假日月以定歷數，藉朝聘以正禮樂，有所褒諱貶損，不可書見，口授弟子，弟子退而異言，丘明恐弟子各安其意，以失其真，故論本事而作傳，明天子不以空言說經也。

孔子亦自言，知我者其惟春秋乎，罪我者其惟春秋乎。其以修史自任爲何如，馬班所述，固不誣也。

孔子修春秋之旨，孟子亦屢發之。嘗曰，春秋，天子之事也。又爲之說曰，其事則齊桓晉文，其文則史。復引孔子之言曰，其義則丘竊取之矣。蓋春秋所記者事，而事必載之以文，而義則穿貫乎文與事之中。所謂義者，卽史記所謂制義法，後人或談史法，或明史義，與史意，皆卽今人所謂史學也。孔子之前，典籍守於史官，大事書之於策，小事記之於簡牘，祇可謂爲記載之法，而不得謂之有史學。左丘明嘗稱春秋之稱有五。

一曰微而顯，二曰志而晦，三曰婉而成章，四曰盡而不汙，五曰懲惡而勸善。（註三）而杜預春秋左氏傳序亦云。

仲尼因魯史策成文，考其異僞，而志其典禮，上以通周公之遺制，下以明將來之法，其教之所存，文之所寄，則刊而正之，以示勸誡。其餘皆即用舊史，史有文實，辭有詳略，不必改也。故傳曰其善志。又曰非聖人孰能修之。蓋周公之志，仲尼從而明之，左丘明受經於仲尼，以爲經者不刊之書也。故傳或先經以始事，或後經以終義，或依經以辨理，或錯經以合異，隨義而發其例之所重，舊史遺文，略不盡舉，非聖人所修之要故也。身爲國史，躬覽載籍，必廣記而備言之。

蓋春秋一書，本爲舊史，仲尼因而修之，而詳其事蹟，明其義例者，實爲左氏傳，必合觀之，而其義始明。此卽孔子之史學，而與左丘明同其作述者也。昔者劉知幾嘗謂春秋有十二未喻，五虛美。（註四）而王安石乃有斷爛朝報之譏。（註五）然春秋之可貴者，初不在此。章太炎先生論之云。

春秋之所以獨貴者，自仲尼以上，尙書則關略無年次，百國春秋之志，後散亂不循凡例，又亦藏之政府，不下庶人，國亡則人與事偕絕。是故本之吉甫史籀，紀歲時月日，以更尙書，傳之其人，令與詩書禮樂等治，以異百國春秋，然後東周之事，燦然著明。令仲尼不次春秋，今雖欲觀定哀之世，求五伯之迹，尙荒忽如草昧，夫發金匱之藏，被之萌庶，令人不忘前王，自仲尼左丘明始。（註六）

據此，則孔子之修春秋，實爲整齊官府之舊典，以下之於庶人，並以所創之義法，開後世私家撰史之風。此則功在百世不可泯滅者也。

孔子何爲而修春秋。昔者董遂以此爲問，而太史公答之矣。語具於太史公自序。其說云。

上大夫董遂曰，昔者孔子何爲而作春秋哉。太史公曰，余聞董生曰，周道衰廢，孔子爲司寇，諸侯言之，大夫廢之，孔子知言之不用，道之不行也。是非二百四十二年，以爲天下儀表，貶天子，退諸侯，討大夫，以達王事而已矣。子曰，我欲載之空言，不如見之行事之深切著明也。（此語亦見趙岐孟子題辭，又

見春秋繁露俞序篇，惟字句微異。）夫春秋上明三王之道，下辨人事之紀，別嫌疑，明是非，定猶豫，善善惡惡，賢賢賤不肖，存亡國，繼絕世，維敝起廢，王道之大者也。……撥亂世，反之正，莫近於春秋。春秋文成數萬，其指數千，萬物之散聚，皆在春秋。春秋之中，弑君三十六，亡國七十二，諸侯奔走不得保其社稷者，不可勝數，察其所以，皆失其本已。故曰，臣弑君，子弑父，非一旦一夕之故也，其漸久矣。故有國者不可以不知春秋，前有譏而弗見，後有賊而不知。爲人臣者不可以不知春秋，守經事而不知其宜，遭變事而不知其權。爲人君父而不通春秋之義者，必蒙首惡之名。爲人臣子而不通春秋之義者，必陷篡弑之誅，死罪之名。

尋此所論，及漢書所述，乃知孔子之修春秋，一因載籍殘缺，文獻無徵，思存前聖之業，以垂方來。二因言之不用，道之不行，載之空言，不如見之行事之深切著明。其用意至爲深遠，亦卽修春秋之動機也。

左丘明與孔子同時，左氏之書，作於丘明，亦爲釋春秋而作。漢代馬班諸家，皆無異說。嚴氏春秋引觀周篇云，孔子將修春秋，與左丘明乘如周，觀書於周史，歸而修春秋，丘明爲傳，共爲表裏。（註七）近人之爲今文學者，多不信是說。橫謂左氏別爲一人，非與孔子同時之丘明。且其說曰，司馬遷答任安書，左丘失明，厥有國語。左氏卽爲左丘，其名不帶明字。又以其人生於晚周，故左傳之文，不類春秋人所作。又謂齊論無左丘明恥之一章。故左丘明亦不必與孔子同時。此議固起於宋之鄭樵及朱子，（註八）然不過姑爲疑辭，以待後人之考斷，未有勇於疑古如今日之甚者也。丘明既爲春秋傳，又稱其逸文，纂其別說，分周魯齊晉鄭楚吳越八國事，起周穆王，終魯悼公，別爲春秋外傳，號曰國語。故亦號左氏傳爲春秋內傳。自司馬遷班固韋昭諸氏，所說皆同，（註九）其流傳蓋已久矣。近代儒者，以今古文家法不同之故，抨擊左傳，幾無完膚，如劉逢祿康有爲崔適諸氏，皆謂今本左傳，頗經劉歆竄亂，凡其中釋經文者，多非左氏之舊。引歆所稱諸儒博士謂左氏不傳春秋爲證。或又謂作國語者，卽爲左丘，而非丘明。劉歆取國語之一部，以僞製左氏傳，以其篇餘爲今本之國語。並又以左傳國語之多歧，斷其作者不爲一人。蓋其爲說又不勝其紛紛也。（註一〇）愚謂司馬遷之世，去古未遠，

所見古文典記甚夥，其稱魯君子左丘明，必非妄語。杜預稱丘明身爲國史，又與班固稱丘明爲魯太史之語合。縱令後賢所說，各能自完其說，然不信史記本誓，而取知者雜說，或單文孤證，以明其說之爲是，度亦無以服古人之心也。近世今文家重惡劉歆，故謂漢代之中祕書，多爲其竄亂，弗恤深文周內，以成其罪。不信史記之作，遠在歆前，採用左傳，言非一端，且其書早經楊惲褚少孫之徒布之於外，爲時賢所共見，藉令歆果作僞，必爲太常博士之徒，察覺發覆，而闕然不容於世矣。夫劉歆作僞之說，已不可信，而謂左氏爲晚周人，爲可信乎。泥古太甚者，固不可與道古，而疑古太甚者，亦豈有可信之古賸耶。故愚仍以馬班之說爲可據，而以作左氏傳者，卽爲與孔子同時之丘明，而備聞修春秋之義法者也。夫必如是，古史乃可信，而有討論之餘地矣。若夫國語之作，是否與作左傳爲一人，本不甚關重要，惟二書各有詳略異同，可資互證之處甚多，凡研左傳者，必讀國語，其爲春秋時代古史之一，又不待論也。

左氏傳爲釋春秋經而作，經既爲傳之綱領，而傳亦爲經之節目。杜預作注，始合經傳而爲一。所謂傳或先經以始事，或後經以終義，或依經以辨理，或錯經以合異者，皆可一覽而得。後來朱子作綱目，大書以提要，分注以備言，使人了然於開卷之頃，實作史之良法也。然左氏作傳，爲備春秋二百四十二年之事蹟，與孔子同其作述，稱之爲傳，其實史也。公羊穀梁二家，亦爲春秋作傳，不詳其事，而詳其義，初則師弟之間，口耳授受，至於漢代，乃著之版籍，寫以隸書，所謂今文之學也。晚近講今文學者，推崇公羊傳，以爲深得孔子之旨，公羊家有所見所聞所傳聞之三世，史記有據魯親周故殷之語，於是乃有立三統張三世之說。又謂孔子端門受命，爲漢制法，以明白可據之書，爲怪誕不經之說。不知公羊之三世，猶今人修史之有上古中世近代。以魯史爲據，故曰據魯。尊周王而書秦王正月，故曰親周。周因於殷禮，故曰故殷。此爲修史之通例，而非有甚深之義也。漢魏之世，已有人曰，仲尼修素王，而丘明爲素臣，而杜氏則力斥其非矣。或謂左氏所傳，爲其文則史之文，公穀所傳爲其義則丘竊取之義。此亦不然，左氏之義，卽展於文中，如五十凡及君子曰是也。不必求之於公穀，而其義已大明。總之，研史與說經不同，公穀二氏之說，或可備一家之言，爲說經者之所摘取。

者，則豈以史實爲主，空說其義，於史何裨。此左氏傳所以得爲古史之一也。

春秋外傳之名，始見於漢書律歷志所引之三統術，三統術爲劉歆所作，蓋前漢所傳之古說也。韋昭敘云，昔孔子發憤於舊史，左丘明因聖言以據意，其明識高思未盡，故復采錄前世穆王以來，下訖魯悼智伯之誅，以爲國語，其文不主於經，故號曰外傳。其釋義可謂昭哲矣。宋人葉夢得嘗謂古有左氏左丘氏，春秋傳作者爲左氏，而國語作者爲左丘氏（見習學記言亦見困學紀聞六引）。卽以太史公稱左丘失明厥有國語爲證也。編史公之去明字，正緣行文之便，其不稱丘明而稱左丘，亦以免與下文犯複耳。古人文中截取人名爲稱者，不乏其例，如方朔葛亮，亦其證也。左氏既傳春秋，又作國語，起於先秦，淵源甚遠，後人非有極真極確之證據，未可以彼而易此也。諸國語之短者，一曰鄒陵之敗，昔黃帝之所爲也。楚語則云，雍子之所爲，與傳不同（此隋人劉炫說）。一曰左傳以伐吳後三年圍吳，又三年而滅之。越語後四年遂屠軍，三年待其自潰而滅之。左傳自伐吳至滅吳凡六年，越語則爲三年。左傳自吳及越平至滅吳凡二十二年，越語則爲十年。此又國語之文異於左傳之大者。（近人徐元誥說，見國語集解序。）惟左氏身爲史官，所見之典籍非一，安知非故爲存異，以待後人之論定。且今文家以今本國語爲劉歆之棄餘，果其說然，何以留此異同，以啓後人之疑。瑞典學者高本漢，曾以左傳語法，與國語不同，以明其非春秋時人之作。又以左傳國語二書作者亦非一人。考其所舉之證，嘗以文中於於二字不同，以明時代先後。異國人讀中土古籍，不能深究文義，致有此呆板之推斷，吾國學子乃驚以爲創見而共詫之，豈能求得古人之真哉。今考國語凡周語三篇，魯語二篇，齊語一篇，晉語九篇，鄭語一篇，楚語二篇，吳語一篇，越語二篇，凡二十一篇。晉語獨多，必出於晉乘，左傳多載晉事，亦以此故。周王爲天子，魯齊以下爲諸侯，而以天子下儕於諸侯，稱爲一國之語，殊不可解。然而以有此體，遂爲後來國別史之祖矣。

尙書春秋左氏傳國語之外，其書爲古史，而有研討之價值者，凡四。曰逸周書，曰竹書紀年，曰世本，曰國策，是也。

晉書束皙傳云。

初太康二年，汲郡人不準，盜發魏襄王墓，或言安釐王家，得竹書數十車，其紀年十三篇，訖夏以來，至周幽王爲犬戎所滅，以事接之，三家分，仍述魏事，至安釐王之二十年。蓋魏國之史書，大略與春秋皆多應。其中輕傳大異，則云夏年多殷，益干啓位，啓殺之，太甲殺伊尹，文丁殺季歷，自周受命，至穆王百年，非穆王壽百歲也。幽王既亡，有共伯者攝行天下事，非二相共和也。其易經二篇，與周易上下經同。易經陰陽卦二篇，與周易略同。易辭則異。卦下易經一篇，似說卦而異。公孫段二篇，公孫段與鄒陟論。易國語三篇，言楚晉事。名三篇，似禮記，又似爾雅論語。師春一篇，書左傳諸卜筮，師春似造書者姓名也。璠語十一篇。諸國卜夢妖怪相書也。梁丘藏一篇，先敘魏之世數，次言丘藏金玉事。雜書二篇，論弋射法。生封一篇，帝王所封。大歷二篇，鄒子談天類也。穆天子傳五篇，言周穆王游行四海，見帝臺西王母。圖詩一篇，畫贊之屬也。又雜書十九篇，周食田法周書論楚事周穆王美人盛姬死事。大凡七十五篇，七篇簡書折壞，不識名題。家中又得銅劍一枚，長二尺五寸，漆書皆科斗字。初發冢者，燒策照取寶物，及官收之，多虛簡斷札，文既殘缺，不復詮次。武帝以其書付秘書，校綴次第，尋考指歸，而以今文寫之，皆在著作，得觀竹書，隨疑分釋，皆有義證。

又同書荀勗傳云。

乃得汲郡冢中古文竹書，詔勗次之，以爲中經，列在秘書。勗又等續繼傳曰，古文穆天子傳者。太康二年汲縣民不準盜發古冢所得書也。皆竹簡絲編，以臣屬前所考定古尺度，其簡長二尺四寸，以墨書一簡四十字。汲者戰國時魏地也。案所得紀年，蓋魏惠成王于令王之冢也。於世本蓋襄王也。案史記六國年表，自令王二十一年，至秦始皇三十四年燔書之歲，八十六年，及至太康二年初得此書，凡五百七十九年。（左傳集解後序正義玉海一四七俱引王愷晉書荀勗上穆天子傳序略所紀，與此略同，可供參考。）據上文所記，汲冢所得古書如下。

紀年十三篇，易經二篇，易繇陰陽卦二篇，卦下易經一篇，公孫段二篇，國語三篇，名三篇，論語師春一篇，環語十一篇，梁丘藏一篇，微書一篇，生封一篇，大歷二篇，穆天子傳五篇，國語一篇，雜書十九篇。

右凡六十八篇，合以折壞之七篇，正爲七十五篇，其中純屬於史籍者，曰紀年，即世所稱之竹書紀年。曰國語，言楚晉事，蓋即今本國語之殘簡也。

漢書藝文志，書九家中，著錄周書七十一篇，爲周史記。劉向謂即周時之詒誓彙令，而顏師古則以爲孔子所論百篇之餘也。自來說文解字，論語馬注，周禮儀禮鄭注，皆引周書，亦皆在今本逸周書七十篇之中。惟隋書經籍志於周書十卷下注曰，汲冢書，唐書藝文志仍之，後人遂於今本周書，冠以汲冢二字。然考之諸書，晉書東晉傳，雜事十九篇中雖有周書之名，而篇帙太少。（註一二）而杜預左傳序，汲冢縣發冢事，亦未嘗一語及之。況晉武以前引周書逸文，不在今本中者，蓋不下數十事。（註二三）其書故盛傳於世，何得謂出於汲冢而世始見之耶。前人釋今本周書，謂其篇數少於漢志一篇者，即緣其序散入各篇之首，一若今本之尚書序，理或然矣。究之其書之一部，不免出於後人依託，故多與尚書不類。又諸書所引，多不見於今本。然其書仍爲世人所重者，即以其出於依託之一部，亦必多有典據，古籍無多，不可輕棄，故寧過而存之，是也。

其次則竹書紀年，實出於汲冢，晉書東晉發之備矣。而隋書經籍志亦云。

至晉太康元年，汲冢人發魏襄王冢，得古竹簡，字皆科斗。發冢者不以爲意，往往散亂。帝命中書監荀勗，令和嶠，撰次爲十五部，八十七卷，多雜碎怪妄，不可調知。唯周易紀年，最爲分了，其周易上下編，與今正同。紀年皆用夏正建寅之月爲歲首，起自夏殷周三代王事，無諸侯國別，唯特記晉國，起自穆叔，次文侯昭侯，以至曲沃莊伯，盡晉國滅。獨記魏事，下至魏哀王，謂之今王，蓋魏國之史記也。其著書皆編年相次，文章大似春秋經，諸所記事，多與春秋左氏扶同（此據杜預左傳後序）。

蓋考隋志古史一目，著錄紀年十二卷，謂爲汲冢書，當爲東晉荀勗所見十三篇之竹簡，無可疑也。案史記注，

水經注，讀天子傳注，文選注，皆廣引紀年，而今本或有或無，卽證以劉知幾所見之本，已與今本不同。清王宏撰山志，卽以今本紀年爲不可信，而徐文靖撰紀年統纂，則力辨之，以爲可信。清朱右曾始取諸書所引之文，輯爲一編，題曰汲冢紀年存真。近人王國維因之，以成古本竹書紀年輯校。又撰今本紀年疏證，以明其僞。其言曰：紀年佚於兩宋之際，今本乃後人所蒐集，復雜采史記諸史通鑑外紀諸書成之。今一一求其所出，始知今本所載，殆無一不襲他書，其不見他書者，不過百分之一。又率空測無事實，所增加者年月而已。事實既其他書，則此書爲無用，年月既多杜撰，則其說爲無徵，無用無徵則廢此書可。朱氏輯本，尙未詳備，又諸書異同，亦未盡列，至其所取，亦不能無得失，乃以朱書爲本，而以余所校注補正之。凡增刪改正若干事，據此則僞者之迹爲不可掩，而真者亦因以明。於是王氏疏通證明之功，爲前人所不及矣。要之汲冢所出之紀年，據間有賅人聽聞之記載，然其大體多同左氏傳，是卽古史之較可信者。茲屏僞本，而專取輯本，以存其真，斯已可矣。

再次則爲世本。後漢書班彪傳云，又有記錄黃帝以來至春秋時帝王公侯卿大夫，號曰世本，一十五篇，其子固本之，遂著錄其書於漢書藝文志。或曰，楚漢之際，有好事者，作世本，上錄黃帝，下逮漢末，（註一四）惟未言作者究爲何人。顏之推始云，世本左丘明所書，說出皇甫謐帝王世紀，（註一五）章太炎先生信之。其說云。蓋左丘明成春秋內外傳，又有世本，以爲註翼，近之矣。世本者，不盡以春秋，其言竟黃瓊，將上攀尙書，下傍周典，廣春秋於八代者也。（註一六）隋志史部譜系一目，著錄世本王侯大夫譜二卷，疑卽古十五篇之世本。又有劉向世本二卷，宋袁世本四卷，蓋就古世本而爲之注釋，其書蓋亡於宋代。今可考者，有帝繫篇，有氏姓篇，有居篇，有作篇，又有世家，有傳，有譜。史記魏世家索隱，引世本傳文。或謂史記伯夷傳其傳曰之傳，卽出於世本之傳，其略見於錢大昭孫桐翼洪飴孫秦嘉謨雷學淇郝泮林張澍諸家之輯本，其何者爲古本，何者劉宋二氏所補輯，則不易明。司馬遷撰史記，多采取古世本，此亦古史之僅見者也。

再次則爲戰國策，著錄於漢志者，凡三十三篇。內計西周一篇，東周一篇，秦五篇，齊六篇，楚趙魏各四篇，

韓燕各三篇，宋衛合爲一篇，中山一篇，記春秋後迄秦二百四十五年之事，卽號爲戰國者是也。據劉向校書錄序，中書本號，或曰國策，或曰國事，或曰短長，或曰事語，或曰長書，或曰修書。向以爲戰國時游士輔所川之國，爲之策謀，宜爲戰國策。隋志著錄兩本，一爲二十二卷，劉向錄，一爲二十一卷，高誘註，今傳高誘注本，卽書二十一卷，是爲真本，古今皆無異詞，亦卽見采於史記者也。

上述四書之外，又有二種，不可不述，一曰穆天子傳，一曰山海經。穆傳見於汲冢書目，原爲五篇，今本則爲六卷，前五卷皆紀穆王西巡事，後一卷紀美人盛姬事。按東晉傅所紀雜書十九篇中，有紀穆王美人盛姬死事之語，殆卽此篇，而後人舍之也。晉郭璞爲之注，並傳於今，其中言穆王西巡事，皆有月日可尋，並詳紀所行里數。郭璞序謂其體與今起居注同。故隋唐各志以之列入起居注。近人丁謙更爲之作考證，以西圖案其地望，言甚博辨，可指數者甚多，此其一也。山海經著錄於漢志，前有劉秀校上奏，稱爲伯益所作，秀卽劉歆之易名也。史記亦稱，山海經所有怪物，余不敢言，是其書已爲子長所見。列子亦稱大禹見而行之，伯益知而名之，與堅聞而志之，或疑列子爲僞書，不盡可據。然考書中所紀，人名有夏后啓周文王，地名有秦漢郡縣，是則其書雖不必爲周代之古籍，然必有一部爲晚周秦漢人所附益。清代畢沅爲作校注，郝懿行爲作箋疏，皆力言山經實古地理書，且以水經注證其域內地名，亦十得五六，此其二也。四庫書目以二書夸誕不經，列入小說，尙非得實，考古史者，不宜置之。至若趙煜之吳越春秋，袁康之越絕書，雖詳吳越二國事蹟，而皆撰於漢代，非上述諸書之比，故亦不復具論焉。

夷考春秋以往，諸侯皆有國史，外史所掌四方之志，卽爲列國之史。杜預所稱大事書於策，小事簡牘而已，亦諸侯修史之成法也。孔子修春秋，得見百二十國實書，（註一七）蓋卽墨子所見之百國春秋。（註一八）孟子曰，晉之乘，楚之檮杌，魯之春秋，一也。晉韓獻子聘魯，見魯春秋，曰周禮盡在魯矣。乘與檮杌，卽春秋之異名。而魯春秋，又孔子修春秋之所本也。汲冢瑣語又云有晉春秋（見史通六家），當卽晉乘之別名。又如竹書紀年，本爲魏國之史，魏上承晉，故敘晉事獨詳，一如魯之有春秋，是卽魏之春秋，而原於晉乘者也。是則周代

盛時，列國之史，林林總總，不可勝記。左丘明得見列國之史，故據以撰國語，而戰國策亦列國史之支與流裔也。迨至晚周，諸侯惡其害己，始去其籍，又同於秦火，於是所存者僅矣。

兩漢經師，其有家法，遞相傳授，其學有今文古文之分。蓋自孔子以後師弟間口耳相傳，至漢初始以隸體書之於冊者，謂之今文學。其古人原本尚在，所書悉爲古籍者，卽就本書肄習，或以漢隸通之者，謂之古文學。因今文古文之異體，解者緣以紛紛而各立門戶，是謂之家法，而爭端亦由此起矣。古人以六經皆爲王官之典籍，未嘗有經史之別，尙書春秋皆爲古史，伏生所口授之二十八篇，爲今文尙書，前已論之。又如著錄漢志之古文經四十六卷，卽古文尙書也。（註一九）公羊穀梁二氏之傳春秋，皆書以今文，是爲今文學。左氏所傳古經十二篇，傳三十卷，原本具在，是爲古文學。是則尙書春秋之有今古文學，亦卽古史之有今古二派也。漢書藝文志云，古文尙書者，出孔子壁中，武帝末，魯恭王壞孔子宅，欲以廣其宮，而得古文尙書，及禮記，孝經，凡數十篇，皆古字也。（註二〇）尙書之出於壁中，亦猶紀年之出於汲冢，自秦人燔書，古籍之不絕如縷，正賴壁中及地下之藏，得保十一於千百，此考古史者所宜鄭重記之也。凡古史之流傳至今者，不爲口耳相傳，卽爲保藏原本，然後世之載籍，繁於古代者千萬倍，徒恃口耳之傳，爲不可能，於是又有資乎古籍之流傳，清代禁燬之書，不可指數，而終有其一部，不因禁燬而失傳者，則保藏之效也。古代簡編，非甚繁重，師弟尤重傳授，故歷數百年，僅十數世，而其書仍能不亡，非惟保藏，及口耳相傳之效矣。汲冢之發，所得古簡獨多，是爲明證，可無述歟。

再進而言古代之史學，試以劉知幾所論證之。知幾論史，概以六家二體。所謂六家者，一尙書家，二春秋家，三左傳家，四國語家，五史記家，六漢書家，是也。尙書所載，多爲典謨誥誓之文，所以宣王道之正義，發話言於臣下，其體略如後世所集之兩漢詔令，唐大詔令，宋大詔令，及明清兩代之聖訓，亦猶毛詩一編，爲後代總集之開端，不惟後代繼其體者爲難，亦不得卽爲史體之正宗。春秋本魯史而成，左氏緣經以作傳，經爲綱而傳爲目，言見經文，而事詳傳內，或傳無而經有，或經闕而傳存，是二家者，以編年體而垂爲百代之法者也。

其後司馬遷以紀傳表之體，創爲史記。後固繼作漢書，改書爲志，斷代爲史。後有作者，遵而不易，於是紀傳一體，遂樹正史之規模。若夫國語國策二書，以國爲別，而無復年月可尋，後世之書，惟陳壽三國志，崔鴻十六國春秋，路振九國志，吳任臣十國春秋，差可比擬。然亦乙部之支流，不得以大宗擬之矣。是以知幾線其前說，約爲二體。二體者，紀傳與編年是也。春秋左傳爲一體，是爲編年。史記漢書爲一體，是爲紀傳。繫日月以爲次，列時歲以相續，中國外夷，同年共世，莫不備載，其事形於目前，理盡一言，語無重出，此編年體之所長也。紀以包舉大端，傳以委曲細事，表以譜列年爵，志以總括遺漏，逮於天文地理，國典朝章，顯隱必該，洪纖靡失，此紀傳體之所長也。劉氏論之詳矣。（註二）以事繫日，以日繫月，言春以包夏，舉秋以兼冬，或爲魯史舊法，然垂爲不刊之典，以傳之於後世者，則孔子與左丘明也。章學誠有言，劉知幾得史法，而不得史意，此文史通義所由作也。愚謂史法當與史意並重，所謂繫日月以爲次，列時歲以相續，卽史法也。所謂微而顯，志而晦，婉而成章，盡而不汙，懲惡而勸善，卽史意也。史法卽其文則史之文，史意卽則丘竊取之義，曰法與意，曰文與義，皆爲孔子之史學。是故權論吾國之史學，必萌芽於孔子，至博采列國之史，卒爲一編，以羽翼孔子之作，以闡發孔子修春秋之旨趣，是爲左丘明之史學，而公羊穀梁二氏，專明一家之學者，不得與焉。吾於古代之史家，僅得二人，首推孔子，其次則左丘明也。總上所論，古代之史家，應爲孔子與左丘明，古代之史籍，應爲尚書春秋左氏傳國語國策，而周書紀年世本之殘缺不完，及僅見佚文者，亦以附焉。孔子曰，君子於其所不知，蓋闕如也。治古史者，不可不知此義。

（註一）見史通六家。

（註二）書雖漢漢鈔，孔子得黃帝玄孫帝魁之書，迄於秦穆公，凡三千二百四十篇，斷遠取近，定其可爲世法者百二十篇，以百二篇爲尚書，十八篇爲中候，孔穎達尚書序疏，史記伯夷列傳索隱，並引之。

（註三）左成十四年傳，又昭三十一年傳，春秋之釋微而顯，婉而辨，上之人能使昭明，善人勸焉，淫人懼焉，是以君子貴之。

（註四）見史通惑經。

（註五）語出周禮之春官經解，見國學編年六翁注。

〔註六〕國故論衡原題。

〔註七〕嚴氏春秋見左傳疏。

〔註八〕鄭樵以爲左氏非丘明，是六國時人，朱子亦云，左氏不必解是丘明。

〔註九〕司馬遷報任安書，左丘失明，厥有蘭語，漢書藝文志，國語二十一篇，左丘明著，韋昭國語注序，昔孔子修舊史，以禮法，左

丘明因樂官以遺意，其雅思未盡，僅采前世穆王以來，下訖春秋晉伯之跡，以爲國語，其文不止於經，故曰外傳。

〔註一〇〕見國語疏左氏春秋考證，賡有爲新學編年考，皮錫瑞春秋通論。

〔註一一〕朱子語類（八十五）云，左氏是史學，公穀是經學，可以爲證。

〔註一二〕東晉傳，雖書十九篇中，有周書之名，明爲雜書之一種，而非卽七十一篇之周書也。

〔註一三〕見四庫全書總目提要通鑑書下。

〔註一四〕唐魏徵後漢書補注引傅子，又見史通正史。

〔註一五〕顧氏家訓書證篇。

〔註一六〕檢諸史籍。

〔註一七〕公羊疏，因因釐云，昔孔子受端木之命，刪春秋之義，使子夏等十四人，求周史記，得百二十國舊書，史記正義引何休語本

同，又見顧宏偉疑論。

〔註一八〕隋書李德林傳，答魏收書，引墨子曰，吾見百國春秋史，畢沅輯墨子佚文收之，史通六家篇，故墨子曰，吾見百國春秋。

〔註一九〕伏生口授二十八篇之外，後又得秦晉一書，孔安國以古文經讀之，多得十六篇，及書序一篇，合爲四十六卷，卽二卷爲一篇也。

〔註二〇〕劉歆移書讓太常博士云，及魯恭王壞孔子宅，欲以爲宮，而得古文於壞壁之中，逸經有三十九篇，書十六篇，天漢之後，孔安國獻之，遺孤魯倉卒之難，未及施行，及春秋左氏丘明所修，皆古文舊書，多者二十餘通，藏於祕府，伏而未發，案此經義之所本，又見論衡正說。

〔註二一〕略用史通二體篇中語。

第三章 司馬遷與班固之史學

吾國史學，萌芽於孔子左丘明，而大成於司馬遷班固。故繼孔子左丘明之後，而述司馬遷及班固。

司馬遷字子長，龍門陽夏人也。漢武帝時，嗣其父談而爲太史令，職掌文史星曆，故得紬金匱石室之書而作史記，晚年官尚書令，尊崇任職，友人任安責以不能達賢，遷以書報之，論及史記，卽漢書本傳及文選所載報任少卿書是也。班固字孟堅，扶風安陵人也。後漢明帝時官蘭臺令史，因其父彪之業以作漢書，後參大將軍竇憲軍事，及憲得罪，坐繫死獄中，年六十一，時和帝永元四年也。遷之卒年無考，據王國維所撰太史公行年紀，遷約卒於漢昭帝始元元年，年六十，此二氏事蹟之大略也。

古人修書莫不有其動機與背景。孔子之輯尚書與修春秋，史官失職，文獻無徵，其動機也。王官失守，散爲百家，其背景也。司馬遷之作史記，亦有其動機與背景焉。試一考之。

史記太史公自序云。

最歲天子始建漢家之封，而太史公留滯周南，不得與從事，故發憤且卒。而子遷適使反，見父於河洛之間，太史公執遷手而泣曰，……今天子接千歲之統，封泰山，而余不得從行，是命也夫，命也夫。余死汝必爲太史，無忘吾所欲論著矣。……夫天下稱謫周公，言其能歌論文武之德，宣周召之風，逮太王王季之思慮，爰及公劉以尊后稷也。幽厲之後，王道缺禮樂衰，孔子修舊起廢，論詩書，作春秋，則學者至今則之。至獲麟以來四百有餘歲，而諸侯相兼，史記放絕。今漢興，海內一統，明主賢君忠臣死義之士，余爲太史而弗論載，廢天下之史文，余甚懼焉，汝其念哉。遷俯首流涕曰，小子不敏，請悉論先人所次舊聞弗敢闕，卒三歲，而遷爲太史令紬史記石室金匱之書，五年而當太初元年（西元前一〇四年）。

蓋司馬氏世爲史官，紬繹爲古今曠見之大典，而身任史官者，不得與其役，實爲畢生之憾事。故司馬談至於發

憤而卒。遷稟承其父之遺言，而作史記。其以封禪書列於八書之一，卽以示稟承先志之意，其動機一也。

漢書司馬遷傳遷報任安書云（亦見文選四十一）。

古者富貴而名摩滅，不可勝記，惟僞儒非常之人稱焉。蓋文王拘而演易，仲尼厄而作春秋，屈原放逐，乃賦離騷，左丘失明，厥有國語，孫子贖脚，兵法纂列，不韋遷蜀，世傳呂覽，韓非囚秦，說難孤憤，詩三百篇，大抵聖賢發憤之所爲作也。此人皆意有所鬱結，不得通其道，故述軼事，思來者。乃如左丘無目，孫子斷足，終不可用，退而論其策，以舒其憤思，垂空文以自見。侯綰不通，自託於無能之辭，網羅天下放失舊聞，略考其行事，總其終始，稽其成敗興壞之紀，上計軒轅，下至於茲，爲十表，本紀十二，書八章，世家三十，列傳七十，凡百三十篇。亦欲以究天人之際，通古今之變，成一家之言，草創未就，會遭此禍，惜其不成，已就極刑，而無愠色，僕誠以著此書，藏之名山，傳之其人，通邑大都，則僕償前辱之責，雖萬被戮，豈有悔哉。然此可爲智者道，難爲俗人言也。（註一）

遷因保李陵之不降敵，而受腐刑，本爲奇恥大辱，特以著書未就，故甘受刑而不悔，以自況於古人之發憤，其動機二也。

太史公自序又云。

遷生龍門，耕牧河山之陽，年十歲，則誦古文。二十而南游江淮，上會稽，探禹穴，窺九疑，浮於沅湘，北涉汶泗，講業齊魯之都，觀孔子之遺風，鄉射鄒嶧，尼困鄆薛邾城，過梁楚，於是遷仕爲郎中，奉使西征巴蜀以南，南略邛笮昆明，還報命。（註二）

是則遷之足跡，實由今之晉豫，而南游江浙，轉至湘鄂，北還齊魯，徧徃魯蘇二省之交界，又經武漢而歸長安，再南適川漢，再北返，中國之內地，多經涉歷。故蘇轍謂，太史公行天下，周覽四海名山大川，與荆楚豪傑交游，故其文疏宕頗有奇氣。此又史記之書之所由成，其動機三也。

若夫作史記所有之背景，司馬遷亦略言之。其自序云。

經義漢，繼五帝末流，接三代統業，周道廢，秦燬去古文，焚滅詩書，故明堂石室金匱玉版圖籍散亂。於是漢興，蕭何次律令，韓信申軍法，張敖爲章程，叔孫通定禮儀，則文學彬彬稍進，詩書往往間出矣。自曹參蕭何蓋公言黃老，而賈生晁錯明申商，公孫弘以儒顯，百年之間，天下遺文古事，靡不畢集太史公。

據此可知漢興，九十餘年間，遺文間出，而畢集於司馬氏父子之所掌，則是編述右文之效而又爲作史記之背景矣。

遷之作史記，實比於孔子之作春秋。其述先人之言曰，自周公卒五百歲而有孔子，孔子卒後，至於今五百歲，有能紹明世，正易傳，繼春秋，本詩書禮樂之際，意在斯乎，小子何敢讓焉。然又不敢自居以示謙。故曰，余所謂述故事，整齊其世傳，非所謂作也，而比之於春秋，謬矣。（註三）然如所謂究天人之際，通古今之變，成一家之言。所謂拾遺補闕，厥協六經異傳，整齊百家雜語，藏之名山，副在京師，俟後世聖人君子，其自命如是之高，謂其不比於孔子之作春秋，不可得也。

夷考其時，正孔子所謂文獻不足徵之日也。孟子曰，諸侯惡其害己也，而皆去其籍，此典籍之厄於晚周者也。太史公曰，秦燒天下詩書，諸侯史記尤甚，爲其有所刺譏也。詩書所以復見者，多藏人家，而止藉獨藏周室，以故滅，（註四）此史籍之厄於秦火者也。史記一書，本雜采羣書而成，於尚書春秋左氏傳國語世本戰國策而外，又有五帝德帝繫姓，亦稱五帝繫牒，（註五）有春秋歷譜牒，（註六）亦稱譜記，（註七）有秦記（註八）於楚漢之間事，則采陸賈楚漢春秋。（註九）以上或見本書，或爲班固所述。是則遷之修史，亦致憾於文獻之不足徵，不及其身而纂述之，則後人益難爲力，此又爲其背景之一矣。

孝武之世，太史令司馬遷，採左氏國語刪世本戰國策，據楚漢列國時事，上自黃帝，下訖獲麟，作本紀世家列傳書表，凡百三十篇，而十篇缺焉。遷之所記，從漢元至武，則以絕其功也。至於採經摭傳，分散百

家之事，甚多疏略，不如其本，務以多聞廣載爲功，論議淺而不篤，其論術學，則崇黃老而薄五經，序貨殖，則輕仁義而羞貧窮，道游俠，則賤守節而貴俗功，此其大數傷道，所以遇極刑之咎也。然善述序事理，辯而不華，質而不野，文質相稱，蓋良史之才也。

其子固本之，以作漢書司馬遷傳贊云。

故司馬遷據左氏國語，采世本戰國策，述楚漢春秋，接其後事，訖於大漢，其言秦漢詳矣。至於采經摭傳，分散數家之事，甚多疏略，或有抵牾，亦其涉獵者廣博，貫穿經傳，馳騁古今上下，數千載間，斯以勤矣。又其是非靡緣於聖人，論大道，則先黃老，而後六經，序游俠，則退處士而進豪雄，述貨殖，則排勢利而羞賤貧，此其所敝也。然自劉向揚雄博極羣書，皆稱遷有良史之才，服其書序事理，辨而不華，質而不俚，其文直，其事核，不虛美，不隱惡，故謂之實錄。

又漢書楊雄傳錄雄自序云。

太史公記六國歷楚漢訖麟止不與聖人同是非，頗謬於經。

比觀三文，皆於史記致不滿之辭，然長短互見，賢者不免，班氏父子雖鑒譏子長，而不能不服善敘事理。彪本續史記而爲後傳，而固又因史記之體例，而別撰漢書。皆承子長之衣鉢，有因而無革者也。

桓譚新論，謂遷著此書，示東方朔，朔署之曰太史公，署之者，名其書也。而韋昭則以爲書中之太史公，皆其外孫楊惲所加，王國維是之（見所著太史公行年考）。漢志列太史公百三十篇於春秋之後。又著錄馮商所續太史公七篇，漢書敘傳，楊雄傳，次書竇融范升陳元諸傳，皆以太史公稱之。是則太史公爲史記之本名，無疑也。又稱曰太史公書，初見於本書自序，又見漢書宣元六王傳。後書班彪楊終等傳，亦稱曰太史公記。見漢書楊惲傳，曰書，曰記，皆於太史公之下，附綴一字，以明其爲太史公所書所記耳。班彪傳又稱，武帝時司馬遷著史記，然出於載筆之辭，與彪之自稱曰太史公書者異趣。錢大昕謂此爲范蔚宗所增益，非東觀舊文，是也。史記之稱，遷見史記本書，悉指舊史而言，故遷未嘗以是二字，自名其書。三國魏志王肅傳，明帝稱遷著史記。荀

悅漢紀十四則云：司馬子長遭李陵之禍，發憤而作史記，始自黃帝以及秦漢爲太史公記。按悅爲後漢末人，在王肅之前，時已有史記之稱。晉人司馬彪撰續漢書，於天文志中，亦一言之。隋志據以著錄，而史記遂爲太史公記之簡稱。錢氏謂史記之稱，出於魏晉以後，語固不誣。（註一〇）史通（六家）乃謂因魯史記舊文，目之曰史記。不知此實後起之義。蓋史記爲古史及同代諸國史之通名，初不限於魯史漢書五行志，屢引史記，卽泛指諸國史而言。顏注謂凡稱史記者皆爲遷書殊誤。知幾本之，乃有此說。

漢書司馬遷傳云：十篇缺，有錄無書（亦見藝文志）。註引張晏曰：遷歿之後，亡景紀，武紀，禮書，樂書，兵書，漢興以來將相年表，日北列傳，三王世家，龜策列傳，傅靳列傳。元成之間，褚先生補缺，作武帝紀，三王世家，龜策日北傳，言辭鄙陋，非遷之意也。是則所缺十篇，釐然可指。然據王鳴盛之所考，惟武紀全亡，褚先生取封禪書補之，三王世家，日北龜策二傳，爲未成之筆，但可云闕，不可云亡，其餘皆不見所亡何文。（註一二）其餘爲褚先生所附綴者多爲天漢以後事，爲遷所不及見，補之殊爲多事。（註一三）據此則史記之所亡佚亦僅矣。

遷歿之後，其外孫楊惲，祖述其書，遂宣布於外。（註一四）至元成間，而褚少孫補之。少孫者，潁川人，梁相大弟之孫，宣帝時膺居沛，受時於王式，爲博士，於是魯詩有褚氏之學，名見漢書儒林傳（王式）。今史記中稱褚先生曰者，皆少孫所補也。（註一五）少孫所補殊淺陋，不爲世所重，遷之本書，自謂訖於太初，其後闕而不錄，其後篇之踵繼其書者，褚少孫之外，有劉向子歆揚雄馮商陽城衡史岑梁審肆仁管馮般蕭金丹馮衍韋融蕭奮劉恂，俱有撰述。（註一六）至光武建武中，班彪乃采前史遺事，傍貫後聞，作後傳六十五篇，（註一七）尋其自撰之略論，則後篇僅覈其事，整齊其文，不爲世家，唯紀傳而已。則又因時無累世相及之諸侯，而變通其體例焉（見本傳）。

班彪之子固，遂本其父作，而撰漢書。後書本傳敘其事云：

固以彪所續前史未詳，乃研精研思，欲就其業。既而有人上書顯宗告固私改作國史者，有詔下郡，收固，

繫京兆獄，盡取其家書。……因弟超，恐因爲郡所覈考，不能自明，乃馳詣上書，得召見，具言固所著述意，而郡亦上其書，顯宗甚奇之，召詣校書部，除蘭臺全史與前睢陽令陳宗，長陵令尹敏，司隸從事孟異，共成世祖本紀。遷爲郎，典校祕書，固又撰功臣平林新市公孫述事，作列傳載記二十八篇。奏之，帝乃復使修成前所著書，固以爲漢紹堯運，以建帝業至於六世，史臣乃追述功德，私作本紀，編於夏王之末，闕於秦項之列，太初以後，闕而不錄。故探譏前記，總集所聞，以爲漢書。起元高祖，終於孝平王莽之誅，十有二世，二百三十年，綜其行事，傍貫五經，上下治通，爲春秋考紀表志傳凡百篇。固自永平中，始受詔，潛精積思二十餘年，至建初中（章帝建初元年爲西元七十六年）乃成。（註一七）

班固因其父作，而修漢書，亦爲父子世業。其與太史公父子異者，一則世爲史官，一則以郎官令史典校祕書，而非史官。（註一八）是其修史雖同，而非自古以來史官世守之舊法矣。

固之自贊其書曰，綜其行事，旁貫五經，上下治通。又曰，準天地，統陰陽，闡元極，步三光，窮人理，該萬方，緯六經，綴道綱，總百氏，贊篇章，函雅故，通古今，以視司馬遷之自稱者，可謂後先映照。然晉人傅玄評其書云，論國體則飾主闕而折忠臣，敘世教則貴取容而賤直節，達時務則謹辭章而略事實。范曄後漢書班固傳論則云。

司馬遷班固父子，其言史官載籍之作，大義粲然著矣。議者咸稱二子有良史之才，遷文直而事覈，固文贍而事詳，若固之敘事，不激詭不抑抗，瞻而不穢，詳而有體，使讀之者撫卷而不厭，信哉其能成名也。彪固謙遜，以爲是非頗謬於聖人，然其議論，常排死節，否正直，而不敘殺身成仁之爲美，則輕仁義，賤守節，愈矣。固傷遷博物洽聞，不能以智免極刑，然亦身陷大戮，智及之而不能守之。嗚乎，古人所以致論於目睫也。

宋書本傳，載曄與錫書，亦云。

詳觀古今著述，及評論，殆少可意者。班氏最有高名，既任情無例，不可甲乙辨，後贊於理近無所得，唯

志可推耳。博覽不可及之，整理未必愧也。

是其爲抑揚高下之辭，亦一如班氏父子之於子長也。劉知幾特論，每抑史記而揚漢書。其史通六家篇云。

尋史記編宇遼闊，年月遐長，而分以紀傳，散以書表，每論家國，一政而胡越相懸，賤君臣，一時而參商是隔，此其爲體之失者也。兼其所載，多聚舊記，時採雜言，故便覽之者，事罕異聞，而語饒重出，此撰錄之煩者也。……如漢書者，究西都之首末，窮劉氏之廢興，包舉一代，撰成一書，言皆精練，事甚該密，故學者尋討，易爲其功，自爾迄今，無改斯道。

蓋創始者難免疏略，繼起者易於該密，漢書之優於史記，其勢然也。自來爲史漢優劣之論者，頗不勝理，如晉張輔，以史記敘三千年事，惟五十萬言，漢書敘二百年事，乃八十萬言，以爲兩書高下之判，不悟史記紀春秋以前數千年事，限於文獻不足，多所闕略，且虛居全書十之二三，敘漢初迄太初事，爲時不及百年，乃居全書之過半。持此一段，以與漢書較，亦未見孰爲多少。張氏所說，乃目見毫毛而不見其睫之論也。其後鄭樵則盛譏班固，而推崇司馬遷。其言曰，自春秋之後，推史記擅制作之規模，不幸班固非其人，遂失會通之旨（通志序）。蓋樵之修通志，實取法於史記，會通古今史事爲一書。章學誠推爲百世宗師者，宜其不滿於班氏之斷代史也。

班固之作漢書，其體一依於史記，本如雲初之與祖父，強區爲二，理有難言，然語其原，雖爲一體，而究其流，則有二致，卽史記爲通史之開山，而漢書爲斷代之初祖是已。范陳而後諸正史，以斷代爲主者，皆仰汲班氏之流。杜佑之修通典，司馬光之修通鑑，鄭樵之修通志，穿貫古今以爲一書。又聞司馬氏之風而興起者也。

史通正史篇亦云。

固後坐竇氏事，卒於洛陽獄。其遺稿散亂，莫能綜理。其妹曹大家，博學能屬文，奉詔校敘，又選高才郎馬融等十人，從大家受讀，其八於天文志等，猶未克成，多是待詔馬融所作。而古今人表，尤不類本誓。

袁宏後漢紀十九云。

馬融兄續，博覽古今，同郡班固，著漢書，缺其七表，及天文志，有錄無書，續盡題而成之。後漢書列女曹世叔妻班昭傳云。

兄固著漢書，其八表及天文志，未及竟而卒。和帝詔昭，就東觀藏書閣踵而成之。……時漢書始出，多未能通者，同郡馬融伏於閣下，從昭受讀，後又詔融兄續，繼昭成之。

後書不言馬續所續，是何篇目，惟司馬彪續漢書天文志，謂孝明帝使班固敍漢書，而馬續述天文志，是則馬續所述者，係天文一志，有明文可考。然史通謂八表天文志等，多是馬續所作，則又固續繼昭成之一語，推而得之也。愚謂固所撰之八表及天文志，非不略具規模，故曰未及竟而卒，班昭踵成之，亦未能畢功，故又有待於馬續之繼作，至天文一志，則多出自續手，此又固續書所記，推而得之也。（註一九）蓋漢書未成之一部，有待後人之補輯，亦猶史記十篇之有錄無書。然褚少孫之補史記，實有狗尾續貂之謂，不若班昭所續之後先媲美，如出一手，此又爲才力所限，無可如何者矣。

漢獻帝頗好典籍，常以漢書文繁難省，乃命秘書監侍中荀悅，依左氏傳體，以爲漢紀三十篇。而悅亦自云。

先王光演大業，肆於時夏，亦惟翼贊，以監厥後，永世作典，夫立典有五志焉，一曰達道義，二曰章法式，三曰通古今，四曰著功勳，五曰表賢能，於是天人之際，事物之宜，粲然顯著，罔不備矣。……漢四百有六載，撥亂反正，統武興文，永爲祖宗之洪業，思光啓乎萬嗣，聖上穆然，惟文之恤，瞻前顧後，是紹是繼，闡崇大猷，命立國典，於是綴敘舊書，以述漢紀，中興以前，明主賢臣得失之軌，亦足以觀矣。

（註二〇）

又云。

謹約撰舊書，通爲敘之，總爲帝紀，列其年月，比其時事，撮要舉凡，存其大體，冒少所缺，務存約省，以副本書，以爲要紀（漢紀一）。

悅撰是書之體，登載左傳，故通史以其書列入左傳家，稱爲編年體。又謂，荀氏翦裁班史，篇才三十，歷代優之，有陰本書，後來作者，不出班荀二體，故晉史有王虞，而附以干紀，宋書有徐沈，而分爲裴略，各有其美，並行於世。其後自後漢以至南北朝，如張璠袁宏孫盛干寶徐廣裴子野吳均何之元王劭等所著書，或謂之春秋，或謂之紀，或謂之略，或謂之典，或謂之志，其名各異，大抵皆依左傳（以上略本史通六家二體）。蓋編年體本爲古史記載之成法，春秋一書，即其明證。惟自丘明作傳，廣采列國之史，羽翼春秋，事其首尾，言成經緯，條理始密，然猶爲釋經而作。迨於荀悅，始取漢書各傳及志表之文，按其年月前後，散入本紀各年之下，以成一代之典。（註二）與左傳之與春秋相爲表裏者有間。見存乙部諸書，僅袁宏之後漢紀，可與是書伯仲。而宋代司馬光之撰通鑑，則自五季以往，穿貫一千六百餘年之事，實包舉荀袁二氏之書，而一新其面目，遂集編年體之大成。此又仰食荀悅之賜，而可以一覽得之者。

漢紀之作，悉撮取班書入錄，此外采錄絕少。故顧炎武病其敘事索然無意味，因說首尾不備，（註三）是誠然矣。然據宋李燾所跋及四庫提要所考，會堪詳於班書者數事，蓋別有所本。是則其書與班書之多同，正由荀氏之矜慎。然吾謂荀書之可貴者，不在內蘊，而在義例。義例維何，即悅所自稱達道義章法式通古今著功勳表賢能五者是也。五者之中，尤以二三兩例爲最要。所謂章法式，即修史之成法，左傳所舉之五十凡，史通所論之史法，皆此物也。所謂通古今，即太史公所謂通古今之變，亦章學誠所宗尚之通史。悅亦自言，約撰舊書，通而敘之。杜佑司馬光鄭樵諸氏之作，悉自通而敘之一語，引中得之。吾國談史法者，始於劉知幾，談史義者，始於章學誠。抑知荀氏於千餘年前，已深明其會通之旨，而於漢紀一書著其法式，其有功於史學爲何如。紀事本末一體，擬於袁樞。其書皆鈔撮通鑑而成，非有旁搜博採之功。然而後賢盛稱之者，亦以其能別擬義例，爲來學示之準的耳。漢紀之足稱，亦以是而已。

漢書藝文志春秋家付著錄漢著記百九十卷。顏注云，若今之起居注，其意似謂著記即注記也。考漢書五行志曾舉漢著紀之名，自高祖至孝平凡十二世，杜預志亦屢稱著紀，所紀悉爲年世，或曰食朔晦之數。後漢書則作注

記，見和熹鄧皇后紀及馬嚴傳。王應麟漢志考證引劉毅語云，漢之舊典世有注記，是記又作紀，著又作注。據五行志所載十二著記之文，多屬五行曆數天人相應之事，蓋太史令之所掌也。（參閱朱先生希祖漢十二世著紀考，見北京大學季刊二卷三號。）則是漢著記未必屬於起居注，顏注所說未爲得實。漢書又著錄太古以來年紀二篇，漢大年紀五篇，太古以往年紀所紀，當爲三代以往之紀年，爲史記所本。或謂漢書本紀注臣瓚所說漢帝年紀，悉出漢大年紀。或又謂其體似大事記，其詳不可考矣。要之漢著記漢大年紀二書，皆在漢書以前，且爲漢史之一種，故不憚煩而附述之。

章學誠謂三代以上記注有成法，而撰述無定名，三代以下，撰述有定名，而記注無成法（文史通義書教上）。所謂記注，卽舊日所稱之掌故，亦今日所稱之史料。所謂撰述，卽舊日所稱記傳編年二體之史，亦今日所稱之史書。三代盛時，有史官世掌典籍，記言記事，職有專司，所謂掌故史料之書，皆爲史官之所典掌，故曰亂注有成法。而於是時，蓋無一人。如孔子之修春秋，司馬遷之作史記，整齊千百年事，以垂爲百代之大典者，故曰撰述無定名。實言之，卽有史料而無史書是也。春秋之世，孔子觀書周室，因魯史記而修春秋，卽將舊存之記注，爲史官所掌者，始終條理，撰成一書。司馬遷亦以向書世本左傳國語國策楚漢春秋等書及當代郡國所上之計書爲史料，而作史記。後世之修史者，悉沿斯例而無改，故曰撰述有定名。然自周室衰微，失官失職，典守之籍，遂漸散亡。迨漢之中葉，司馬氏父子歿後，所有記言記事之役，掌故史料之藏，改由他職兼領，而史官之制，遂與古不侔矣。故曰記注無成法。此其可考之大略也。吾謂古代史官，有記注而無撰述，如所謂虞書，夏書，周書，魯之春秋，未經孔子刪定者，皆記注也。後世史家，則重撰述而輕記注，自孔子左丘明司馬遷班固荀悅以來，所修編年紀傳之史，皆撰述也。記注爲史官世守之業，撰述開私家修史之風，史官世守之業，極於司馬遷，而隋唐以後官修諸史，猶有告朔餼羊之意存焉。私家修史之風，導源於孔子左丘明，而大成於司馬遷班固。而兩晉六朝所修諸史，皆其支與流裔也。或謂司馬氏父子世爲太史令，職典記事，乃作史記。班固官蘭臺令史，奉明帝之命，以成所著漢書，皆非私史之比。此殊不然，尋太史公自序所記，蓋奉父命作

史，故曰悉論先人所次舊聞。又自比於孔子之修春秋，曰，大抵聖賢發憤之所作也。王肅亦謂孝武覽孝景及己本紀大怒，削而投之，於是兩紀有錄無書。衛宏曰，遷作景帝本紀，極言其短，及武帝適，武帝怒而削去之，（註二三）後人或證其言之妄。今本景武二紀，俱爲後人所補，宏言未必無據。至固本因其父業，私作國史，爲人所訐發，明帝奇其書，乃使固而成之，是皆私家修史之明證。自馬班二氏，發凡起例，創爲紀傳一體，後賢承之，多有明作，遂於魏晉南北朝之世，大結璀璨光華之果。當此之時，記注固無成注，撰述已有定名，於古雖有未合，於今亦未爲失也。

吾國古史之體多爲編年，如春秋及竹書紀年皆是。司馬遷始改爲紀傳體，爲班固以下所祖，此固創而非因也。或謂史記大宛傳，嘗兩引禹本紀，而伯夷傳亦有其傳曰之語，是爲本紀列傳二體所本。又或謂世本有世家有傳有譜有帝繫氏姓居作等篇，而遷亦自言采及春秋歷譜牒，爲世家書表各體之所本。梁啟超亦論之曰，本紀以事繫年，取則於春秋，八書詳紀政制，蛻形於尚書，十表稽牒作譜，印範於世本，世家列傳既宗雜記，亦採瑣語，則國語之遺規也。（過去之史學界）。是則史記之各體雖有所因，非由自創，而遷能整齊條理，上結前代史官之局，下開私家作史之風，其功作於左氏，而幾於孔子爭烈矣。班固因史記之體以成斷代之作，改世家以入傳，易書而稱志，又稱其大名曰書，爲後來史家所本，幾爲一成不易之規。固又別爲平林新市公孫述作載記，爲晉書載記所本，是亦世家一體之易名也。愚謂漢人稱古代之典籍曰經，古史如尚書春秋亦有經名，漢志著錄之尚書古文經春秋古經是也。釋經之作或曰傳，或曰記，左氏公羊穀梁三氏之書，皆爲釋春秋而作，故以傳稱之。而周官經及禮經亦別有傳，漢志有周官傳四篇，儀禮喪服內有傳曰之文，喪服正文即禮經，而傳曰以下之文，即禮經之傳也。傳又稱記，故古禮經之外又有記，而不必爲今本之禮記，是則記與傳皆爲釋經而作也。史記之有本紀（漢書敘傳稱爲春秋考紀），以編年爲體，義同於春秋經，本紀之外而別作列傳，義同於左氏傳，凡本紀不能詳者，皆具於列傳，即列傳爲釋本紀而作也。然本紀之義同於記事，故記事亦稱紀事，記爲釋經而作，義正同傳，而遷何以稱古史爲史記，自作之史何以又稱本紀，蓋紀帝王之事，有禹本紀爲例，而又不能併

稱經，故用本紀之名以擬經，此可意度而知之者也。周禮外史掌三皇五帝之書，而古人嘗稱史誦書（左襄十四年），而漢書亦著錄周書七十一篇，故班氏以下稱史曰書，而史記亦稱詳故事典制者曰八書。然古人概稱記事之書曰志，義正同書，是班氏之易書爲志，亦有未安，不如易志稱記，取以相配，亦理之宜也。或易紀人之傳爲錄，而稱紀一事之本末者爲傳，以免記與本紀相濫（詳見第十章），亦屬允當。總之無論其名爲何，皆取以傳釋經之義，紀傳一體創自司馬氏，而班氏承之，後世奉爲圭臬，異乎此者，則謂之雜史，此即二氏所建立之史法也。

若夫馬班二氏之史學，亦有可得而言者，史記之善敘事理，辨而不華，質而不野，其文直，其事覈，不虛美，不隱惡，即司馬遷之史學也。漢書之敘事，不激詭，不抑抗，瞻而不穢，詳而有體，使讀之者聲應而不倦，即班固之史學也。左丘明之贊春秋曰，非聖人孰能修之。然其所舉，乃微而顯志而晦婉而成章盡而不汙懲善而勸惡之五事。馬班二氏作史之旨，不期而與孔子闇合。此即章學誠所謂史意也。劉知幾作史通以明史法，又備言史例之要。曾謂，史之有例，猶國之有法，國無法，則上下靡定，史無例則是非莫準（史通序例）。所謂史例，即史法也。春秋之例，具於五十凡，而左氏明之。史記漢書未明言有例，然史記有自序，漢書有敘傳，而例即寓於自序敘傳之中。遷所謂究天人之際，通古今之變，成一家之言，厥協六經異傳，整齊百家雜語，固所謂該萬方，緯六經，函雅故，通古今皆屬言之有物，非好爲大言者比。謂之史法也可，謂之史例也可。且即本書而細求之，亦非無例可尋，惜後人無仿杜預成式，爲史記漢書作釋例者，遂致古良史之美意，湮沒而不彰，可慨也夫。是則史意也，史法也，史例也，皆二氏史學之可考見者也。

（註一）文選學句，多於漢書者，俱從文選。又史記次史公自序，昔西伯伯於天下，演周易，孔子厄陳蔡，作春秋，屈原放逐，著離騷，左丘失明，厥有國語，孫子臆脚，而論兵法，不章遷獨，世傳目覽，韓非因秦，說難孤憤，特三百篇，大抵實與贊憤之所爲作也，此人皆有所繼緒，不得通其遺也，故述往事，思來者，此文大略，與報任安書同。

（註二）史記五帝本紀贊，余覽西漢書，北過漢庭，東漸於海，南浮江湘，亦可互證，史記中尚有數處可證，見十七史商榷一，予

長壽縣。

（註三）皆見太史公自序。

（註四）見史記六國表序。

（註五）五帝德，帝繫姓，即大戴禮中之所稱，史記五帝本紀舉其名，五帝繫姓，即兩篇之總稱，見三代世表。

（註六）見十二諸侯年表，亦稱諸侯，索隱，三代系表，旁行邪上，並敘周禮，按漢書藝文志，襄錄帝王諸侯世譜二十卷，古來帝王年譜五卷，當俱爲史公所採用。

（註七）見三代世表，亦稱歷譜。

（註八）見六國表，一曰太史公謂秦記，一曰獨有秦記，又不載日月，其文略不具，然秦國之盛衰，亦頗有可采者，一曰余因秦記推秦秋之後，注，秦記者，秦之史記也，又見索始是本紀，李斯謂史官非秦記皆燒之。

（註九）漢書藝文志，諸書春秋九篇，陸賈所記，後漢書班彪傳，漢興，定天下，太中大夫陸賈記錄時功，作楚漢春秋九篇，史記本傳，索隱，陸賈記項氏與漢高祖初起，及說惠文間事，漢書司馬遷傳，則言遷述楚漢春秋，其後事。

（註一〇）參閱錢大昕廿二史考異五，爲太史公書一條。

（註一一）參閱王鳴盛十七史商榷一，十篇有錄無書條。

（註一二）參閱十七史商榷一，諸先生補史記條，及廿二史劄記一，褚少孫補史記不止十篇條。

（註一三）見漢書司馬遷傳兩傳。

（註一四）見史記孝武本紀注，可與漢書儒林傳參看。

（註一五）見後漢書班彪傳注，及史通正史，班傳，史岑作史孝山，案漢有兩史岑，一在王莽末，字子孝，其在莽末年後者，字孝山，續史記者，應爲莽末之史子孝，班傳注誤，文選四十七史孝山出師詔注，曾詳辨之，又陽城衛，班傳注作陽城衛，史通作陽城衛，沈欽此說曾辨之。

（註一六）此從史通正史，後漢書班彪傳作數十篇，必別有所本，蓋知魏所見之後漢書，尙有多本也。

（註一七）固以爲漢初幾篇以下數語，出於漢書敘傳，而從漢采之。

（註一八）漢書敘傳，永平中爲郎，與校秘書，專篤志於傳學，以著述爲業。

（註一九）正海內文淵閣補志序，著志昭表，以是推之，八表其班昭所補，天文志其馬續所成，所成較史通爲明自可據。

（註二〇）見後漢書敘傳，及漢紀本書。史通正史篇，謂其書起五十六年乃就，據漢紀自序，建安二年始就，五年書成，前後凡三年，惟其

宏開成於建安十年，其說實誤，而史通之誤，亦由於此。

〔註二二〕漢紀自序云，約集舊書，據序表志，雖爲帝紀，是則漢紀之命名，本於漢書之帝紀，帝紀之體，本爲綱年，又以傳志表之文縱要入帝紀，以成漢紀，故曰據序表志，雖爲帝紀，還列傳而不言者，省文也。

〔註二三〕見日知錄。

〔註二四〕見史記百三十集解，及三國魏志王肅傳。

第四章 魏晉南北朝私家修史之本末

自馬班二氏出，已大暢私家修史之風，迨魏晉南北朝，以訖唐初，而私家修史尤盛，大別言之，可分五類。其一爲後漢史，其二爲三國史，其三爲晉史，其四爲十六國史，其五爲南北朝史。凡此五類之史，初皆由多家纂集，最後勒定一編。然其源雖同，其流則異。如劉宋以前，後漢史有九家，自范曄後漢書成，而九家之書皆廢。又如唐以前晉史有十八家，唐太宗官修之晉書成，而十八家之書皆廢，陳壽三國志未成之前，三國之史，各有作者，不只一家，自陳壽行，而諸家之書，日就湮廢，正與漢晉二史同符，此之謂源亡流存，一例也。晉代之十六國，亦各有史，流傳頗盛，後魏崔鴻本之，以作十六國春秋，諸國之史，既漸以湮廢，而自宋以來，鴻之本書，亦不見著錄，此之謂源流俱絕，二例也。南朝有宋齊梁陳四書，北朝亦有魏齊周隋四書，李延壽因之以撰南史北史，今則八書俱存，與南北史並列於正史，此之謂源流俱存，三例也。依此三例，衍而述之，大略具矣。

後漢史作者甚多，茲據隋書舊唐書兩經籍志，新唐書藝文志，考得要略，列表明之。

書名	卷數	著者	存亡	附考
東觀漢記	一百四十三卷	漢劉珍等	亡	今有清代輯本二十四卷
後漢書	一百三十三卷	宋謝承	亡	有輯本
後漢書	一百三十三卷	宋謝承	亡	一、璧本其人後入晉所作亦稱後漢書有輯本
後漢書	一百三十三卷	晉司馬彪	亡	一、璧本其人後入晉所作亦稱後漢書有輯本
後漢書	一百三十三卷	晉司馬彪	亡	一、璧本其人後入晉所作亦稱後漢書有輯本
後漢書	一百三十三卷	晉司馬彪	亡	一、璧本其人後入晉所作亦稱後漢書有輯本

漢	後漢書	隋	原九十七 存十七	晉	華 、
---	-----	---	-------------	---	--

有可考者，凡十三種，而見存之本，僅范氏之後漢書，袁氏之後漢紀，二種而已。其他則多有輯本，清姚之駟後漢書補逸二十一卷，中凡輯東觀漢記八卷，謝承書四卷，薛瑩張璠華嶠謝沈袁山松書各一卷，司馬彪書四卷，章宗源黃奭黃恩綸各有輯本，而汪文臺更彙而成七家後漢書，此其可考之大略也。

漢明帝嘗詔班固同陳宗升敏孟異，作世祖本紀，又撰功臣列傳載記二十八篇，（註一）此即唐代以後官修諸史之濫觴。其後乃詔劉珍李尤修東觀漢記，東觀者，爲章和以後，聚藏圖籍之所，爲修史者所取資，（註二）范書稱，延篤與朱穆邊韶，著作東觀，是也。東觀漢記之作，珍尤而外，有伏無忌黃景遷翟實朱穆曹壽延篤馬日碑蔡邕楊彪盧植，初未有名，後乃稱漢記，其題爲東觀漢記，則自隋志始。范書未出之前，世人實重其書，在諸家後漢書之上，魏晉南北朝之學者，嘗稱六經三史，三史者，史記，漢書，及此書是也。（註三）此亦爲官修

史籍之一，故撰述不出一手，歷時甚久，而終未成書。衡以章學誠之所論，此書蓋屬於撰述，體例一依史記編書，大異古史官記注之成法，是爲吾國史學界一大變革，而有一往難返之勢者也。自時厥後，訖於范氏，私家之作，緣以大盛，有若二謝薛張馬華劉袁八家之作，具如上表，所載者，皆爲三國兩晉時之名著，而卓然成一家之言者。往者劉勰權論及此，其言曰，後漢紀傳，發源東觀，袁張所製，偏駁不倫，薛謝之作，疏謬少信，若司馬彪之詳實，華嶠之渾當，則其冠也（文心雕龍史傳篇）。劉知幾亦獨舉司馬彪華嶠兩家，置他家而不數。且云，推其所長，華氏居最，其心折可謂至矣。近人或推謝承，以爲後漢諸史之第一，（註四）然僅由逸文窺其匿略，遽加論定未必衷於情實，仍當以二劉所論爲當。八家之書，合以東觀記，是爲九家後漢書，皆承用史記之純傳體，各有所長，亦各有所短，且其中未成之作，實居半數，故有待於范曄之訂定，范曄既行，而諸家之史皆廢，夫豈不以是歟。在范氏之前者，又有袁宏張璠兩家，皆著後漢紀，爲編年體，爲范氏所取資，今則袁紀獨存。又梁蕭子顯亦撰紀傳體之後漢書，時在范氏之後，書亡於隋前，故不曉其與范書孰爲優劣，今並具列於表。

宋書范曄傳，載曄左遷爲宣城太守，不得志，乃刪衆家後漢書，以爲一家之作。又載曄獄中與甥姪書，以自序云。

（上略）本末闕史書，政恆覽其不可解耳。既造後漢，轉得統緒。詳觀古今著述，及評論，殆少可意者，班氏最有高名，既任情無例，不可甲乙辨，後贊於理近無所得，唯志可推耳。博瞻不可及，整理未必婉也。吾雜傳論，皆有精意深旨，既有裁味，故約其詞句，至於循吏以下，至六夷諸序論，筆勢縱放，實天下之奇作，其中合者，往往不減過秦篇，舊其比方班氏所作，非但不媿之而已。欲編作諸志，前漢所有者，悉令備，雖事不必多，且便見文得盡，又欲因事就卷內發論，以正一代得失，意復未果。贊自是吾文之傑思，殆無一字空設，奇變不窮，同合異體，乃自不知所以稱之，此書行，故應有賞音者。紀傳例，爲舉其大略耳，諸細意甚多，自當體大而思精，未有此也。恐世人不能盡之，多貴古賤今，所以稱情狂言耳。

(下略)。(註五)

今本後漢書，無薛自序，其撰述之旨趣，可由此書窺之。范氏撰班固傳論，盛持其短，又用華嶠之辭，謂固不能以智免極刑，此陷大戮，然薛亦與於彭城王義康之禍，其結局視固爲酷，亦所謂目能察毫毛，而不自見其眇者也。觀此書辭，露才揚己，毋乃太甚，何異自衒求售。然曹丕有言，常人貴遠賤近，向聲背實，古之作者，寄身於翰墨，見意於篇籍，不假良史之辭，不託飛馳之勢，而聲名自傳於後（典論論文篇）。衡以此文，蓋與丕有同慨，其曰世人多貴古賤今，所以稱情狂言，豈得已乎。且良工心苦，讀書者未必盡喻，故曰，吾難傳論，皆有精意深旨，緒序論筆勢縱放，實天下之奇作，贊自是吾文之傑思，殆無一字空設，皆自道其甘苦也。文選所錄范氏之作，凡論一首，贊一首，皆爲傑作，其他傑作尙多，咸可誦覽。如以批評文學之態度，持論班范兩書，一則極博瞻淵雅之能事，一則有奇情壯采之可味，誠未知其孰爲後先，而執筆爲紀事文者，倘由范書入手，又能別具心裁，自出手眼，造文爲史家之工具，研史之士，不能薄而不爲，班書而外，范氏其首選也。

陳振孫書錄解題，謂范氏刪取東觀漢記以下諸家之書，以爲一家之作，是誠然矣。其所採取之跡，今猶有可考者，范氏撰史，多采華嶠，嶠書易外戚爲后紀，范亦仍之，而肅宗紀論，二十八將傳論，桓譚馮衍傳論，袁安傳論，劉趙淳于江劉周趙傳序，班彪傳論，其文之一部，章懷並注爲嶠之辭，王允傳論，章懷漏注，以魏志董卓傳注參校，知亦嶠辭，（註六）又以東觀記爲本書，復廣集羣徒，窮覽舊籍，刪煩補略，（註七）以成一代大典。第近人王先謙則謂，范書因於華氏之六事，大都寥寥數句，不關紀傳正史，實因嶠辭未善，而加以改正，不得因此，遂謂其悉本華書（後漢書集辭選略），其說是也。不惟於華書如是，其於東觀記亦然。史通稱薛作後漢書，凡十紀，十志，八十列傳，合爲百篇，曾以罪被收，其十志未成而死（史通正史），隋志著錄其書，作九十七卷，兩唐志皆作九十二卷，唯宋志作九十卷，與今本合，其不同者，或以中有子卷多出，今本非有闕佚也。（註八）范氏自序云，欲偏作諸志，前漢所有者，悉令備，故其目中有十志，以擬漢書。或謂

暉所撰十志，一皆託謝儼搜撰，垂畢，遇暉敗，悉蠟以覆車，宋文帝令丹陽尹徐湛之就儼尋求，已不復得，一代以爲恨，（註九）其事之有無不可知，藉令垂成而毀，誠可惜也。梁人劉昭曾爲范書作注，凡得一百八十卷，（註一〇）昭以范書無志，乃取司馬彪續漢書之八志，並作爲注，得三十卷，以補其闕，其序略所謂借舊志以補之，是也。范書與續志之合刊，始見於宋真宗乾興元年孫奭所請，其奏中僅言劉昭注補後漢志，又云，范暉作之於前，劉昭述之於後，似未知其出於續書者。至陳振孫書錄解題，乃明言後漢志三十卷，晉司馬彪撰，梁劉昭補注，且考章懷注所引，稱續漢者，文與今志同，其爲彪書無疑，至此疑案始決。而南齊經此合刊，續志亦不復別白，不細考者，不以爲范書，必以爲劉昭所補矣。

范氏既繼班固任情無例，又自稱有紀傳例，是則其書必有凡例，特以身罹極刑，隨之俱散，乃不可考。然劉知幾之論，則曰，范暉之刪後漢也，簡而且周，疏而不漏，王鳴盛亦謂，范書貴德義，抑勢利，進處士，黜姦雄，論儒學則深美康成，褒蕭綱則推崇李杜，宰相無多述，而特表逸民，公卿不見采，而特尊獨行（十七史商榷六十一），是又能察馬班二家之失，而匡正之。是則其書一如史記之善序事理，辨而不華，質而不俚，文質相稱，漢書之不激詭，不抑抗，瞻而不穢，詳而有體，誠不愧一代良史之才，而其史學之梗概，亦可於此窺見焉。

袁宏後漢紀，作於東晉康帝之世，在范暉之前，其自序云。

予嘗讀後漢書，煩穢難亂，睡而不能竟也。聊以暇日，撰集爲後漢紀，其所撮會漢紀，謝承書，司馬彪書，華嶠書，謝忱（即謝沈）書，漢山陽公記，漢靈獻起居注，漢名臣奏，旁及諸郡耆舊先賢傳，凡數百卷，前史闕略，多不次敘，錯謬同異，誰使正之，經營八年，疲而不能定，頗有傳者，始見張璠所撰書，其言漢末之事差詳，故復探而益之。

袁宏所采之漢紀，即東觀記，馬華二謝之四書外，他所徵引，多著錄於隋志。宏著是書之動機，由於病諸家後漢書之煩穢難亂，而改效編年體之漢紀。其論班荀二家之書則曰，班固源流周贍，近乎通人之作，然因藉史遷

無所甄別，苟悅才智經綸，足爲佳史，所述富世，大得治功，是則以繁而難理，與簡而易尋，爲兩書之軒輊。蓋其本書既依仿荀氏而作，明其淵源所自，不能不左班而右荀，不自知其失於議論之公。然而袁氏之作，視上舉諸家之書，爲便於循覽矣。

據王鳴盛所考，宏書所采雖博，乃竟少有出范書外者，是諸書精實之語，范氏撫拾已盡，（註一二）而袁范兩書之價值，亦可想見。四庫提要謂，荀悅書因班固舊文，剪裁聯絡，此書則抉擇去取，自出鑒裁，又難於悅，斯論誠然，此史通所以謂世言漢中興史者，唯袁范二家也。（註一二）其次則三國史，就可考者表列於左。

書	名	卷	數	著	存	亡	附	考
魏	實	四十八	（隋志下同）	晉（魏）王沈	亡		紀傳體	
魏	氏	春秋	二十	晉孫資	亡		編年體	唐志作魏書
魏	紀	十二		晉陸機	亡		編年體	唐志作魏書
後魏	春秋	九		晉孔衍	亡		一作漢魏春秋	唐志作魏書
魏	同	書	八	同上	亡		唐志作後魏書	
魏	略	五十		魏魚豢	未全亡		唐志作魏略八十九卷此實爲魏略之合本	
魏	綱	統	十（隋志）	晉梁肅	亡		唐志作魏書綱紀	
魏	書			晉王隱	亡		以上諸	
蜀	志	七（唐志）		晉王隱	亡			

晉	紀	晉	漢	魏	蜀	亡	見三國志裴注
漢	存	晉	習	鑒	齊	亡	即晉書秋五十 國莫也南志作漢齊亡 蜀故蓋由避諱 即後漢書
吳	書	吳	章	昭	亡	亡	紀傳體
吳	記	晉	續	濟	亡	亡	以上吳
吳	錄	梁	張	勃	亡	亡	以上吳
三	國	晉	陳	壽	續錄一卷亡	亡	內魏書三十卷蜀書十五卷吳書二十卷 以上合三國爲一書

右所著錄者，可分官修私修兩類，如王沈之魏書，韋昭之吳書，屬於官修者也，其他諸作，多屬於私修，至陳壽乃合諸氏之史，以爲三國志，而集官私各書之大成焉。蓋魏書者，有衛凱繆襲韋誕應璩王沈阮籍孫資傅玄等多人，而終就其業者，則王沈也。纂吳書者，有丁孚項峻韋昭周昭薛瑩梁廣華嚴，其後韋昭獨終其書。以上二書，皆承魏吳二主之命而修者也。陳壽嘗謂蜀漢，國不置史，記註無官，而劉知幾以爲厚誣諸葛，蜀以王崇補東觀，許蓋率禮儀，邵正爲祕書郎，廣求益部書籍，其事具載蜀志（史通正史）。茲考華陽國志（十一）後賢志，王崇於蜀爲東觀郎，入晉後著蜀書，頗與陳壽不同，今陳壽不見崇名，知幾所見蜀志，若非崇之蜀書，即華陽國志也。三國蜀志後主傳，景曜元年，亦有史官曹景星見之語，此所謂史官乃太史令之異稱實曆官也。或據此以爲蜀有史官之明證，殊爲大考。而知幾謂壽之父爲諸葛所髡，故加茲謗議，則亦未必可信也。王崇雖官於東觀，而所作蜀書，仍爲私修之史，其不著錄於隋志，以已早亡故也。史通謂裴私撰魏略，事止順帝

（正史篇），其時蓋在王沈魏書之前，今其書佚文甚多，可以窺見大略，裴松之據以補注陳壽之闕略，亦可稱之名著已。

晉書陳壽傳云。

壽仕蜀爲觀閣令史，及蜀平，除著作郎，撰魏吳蜀三國志，凡六十五篇，時人稱其善敘事，有良史之才，夏侯湛時著魏書，見壽所作，便壞己書而罷，張華深善之，謂壽曰，當以晉書相付耳，其爲時所重如此，……卒年六十五。梁州大中正尚書郎范曄等上表曰，故治書侍御史陳壽，作三國志，辭多勸戒，明乎得失，有益風化，雖文豔不若相如，而質直過之，願垂采錄，於是詔下河南尹洛陽令，就家寫其書。

華陽國志後賢傳亦云。

吳平後，壽乃鳩合三國史，著魏吳蜀三書六十五篇，號三國志。……中書監荀勗令張華深愛之，以班固史遷不足方也。

三國志成於晉初，是時後漢史，僅有東觀紀謝承書可資采擷，而謝承恐未大傳於世，至范曄之撰後漢書，則遠在陳壽之後，故其外夷傳，多取材於壽書，隋志以下，訖於今之二十四史，列范書於陳前者，蓋以朝代爲次，非論作者之先後也。晉書陳壽本傳論云，邱明既沒，班馬迭興，奮鴻筆於西京，騁直詞於東觀，自斯已降，可以繼明先典者，陳壽得之，江漢英靈信有之矣。其推許甚至，當代稱壽有良史之才，以爲馬班之亞，不誣也。或謂壽不帝蜀漢，而爲魏作本紀，又曾厚誣諸葛，謂將略非其所長，晉書又載其因乞米不與，而不爲丁儀丁廙立傳，不悟晉以承魏，魏以承漢，壽身爲晉臣，若帝蜀漢，必蒙駢首之誅，壽於諸葛亮傳後，盛稱其才，又爲諸葛攬集，表上之卽有微詞，決非謗語，至乞米事，尤爲影響之辭，晉書好采雜說，故以入傳，然於其上冠以或云，以明其事之難信（於諸葛亮其父亦然），究之馬班而後，應推壽作爲佳史，則千載以來，無異議者。（一一三）故劉勰論之曰，魏代之雄，紀傳互出，陽秋魏略之屬，江表吳錄之類，或微抗離微，或疏闊寡要，唯陳

壽三志，文質詳洽，荀張比之於遷固，非妄譽也。

晉人習鑿齒作漢晉春秋，起漢光武，終於晉愍帝，於三國之時，蜀以宗室爲正，魏武雖受漢禪晉，尙爲篡逆，至文帝平蜀，乃爲漢亡，而晉始興焉，其用意蓋以裁正桓溫之凱觀非望（晉書本傳）。說者謂習氏生於晉室南渡之後，與蜀漢之偏安相類，異於陳壽所處之境地，故得奮筆而申其所見。其後朱子作綱目，帝蜀僞魏，亦當南宋偏安之日，正其顯證。若宋蕭常元郝經之作續後漢書，明謝陞之作季漢書，皆承習氏，而以帝蜀僞魏爲旨趣者也。然陳壽雖未帝蜀，而亦未嘗尊魏，其以三國之史，並列而分署，曰魏書蜀書吳書，用示三分鼎足之勢，若以帝魏爲旨趣，則必仿晉書之例，爲蜀吳二國各撰載記，而統署曰魏書，不得以三國志題之矣。且壽雖官著作，而所撰實爲私史，當撰著之時，見其稿者，雖有張華荀勗夏侯湛范頴，而未嘗上之於朝，又以撰魏志有失歸憲，擯之於外。（註一四）蓋晚年歸老於家，其書始就，歿後，范頴乃得表上之。晉書紀之曰，官就家寫其書，則不同於王沈韋昭等官修之史明矣。

晁公武郡齋讀書志，稱壽書高簡有法，允矣，然宋文帝病其簡略，乃命裴松之兼采衆書，補注其闕（本史通正史），及其奏上，文帝善之，稱爲不朽之作（宋書本傳）。松之自謂作注之旨趣有四，一曰補闕，二曰備異，三曰懲妄，四曰論辨。清四庫提要則曰，松之受詔爲注，雜引諸書，亦時下己意，綜其大致有六。一曰引諸家之論以辨是非，一曰參諸書之說以核謬異，一曰傳所有之事詳其委曲，一曰傳所無之事，補其闕佚，一曰傳所有之人詳其生平，一曰傳所無之人附以同類。考裴注采錄之書，約一百五十種，故權論屬於三國時之史料，（註一五）謂之異聞錯出，其流最多（本史通正史），而裴氏悉加采摭，可謂極注家之能事。然吾謂與其謂裴氏爲注史，無寧謂爲補史，讀三國志裴注，應作三國志補編讀之，與讀史記之三家注，漢書之顏注，後漢書之章懷注，大異其趣。惟劉知幾則譏其喜聚異同，不加刊定，恣其繁難，坐長煩無，觀其書成表獻，自比蜜蜂兼采，但甘苦不分，難以味同萍實，則失之過甚。蓋劉氏之世舊典多在，可資博覽，故深病裴注之繁，若在今日，轉藉裴注以考見古籍之鱗爪，故彌覺其可珍，此因處境之異，而見地不同，未可執彼而議此也。

其次則晉史，唐太宗時，詔修晉書，有前後晉史十八家之語，（註一六）茲以晉書及隋唐二志考之，所得各家撰述，略如左表，唐志之卷數有異同者，亦附記焉。

書	名	卷	數	著	存	亡	附
晉書	王	八十九	存八十六	王	亡		荀綽有晉後書十五篇見晉書本傳
晉書	虞	五十四	存二十六	虞	亡		
晉書	朱	十四	存一十	朱	亡		
晉書	謝	三十餘		謝	亡		僅見晉書本傳隋唐二志無之
晉中興書	何	七十八		何	亡		南史三十三言法盛竊都相之稿而撰中興書
晉書	謝	三十五		謝	亡		
晉書	臧	一百一十		臧	亡		
晉書	嚴	一百一十		嚴	亡		
晉書	蕭	九十二	存十一	蕭	亡		
晉書	子	三十		子	亡		
晉書	鄭	七		鄭	亡		
晉書	沈	一百一十		沈	亡		
東晉新書	庾	七		庾	亡		
晉書	陸	四		陸	亡		以上紀傳體
晉書	千	三十三		千	亡		晉書本傳作二十卷

志傳俱備，同時之緒淵，嘗謂其鑑虞守志，沈深典素，追古著書，撰晉書十表贊論雖無逸才，亦足彌綸一代，是其書之價值，可以窺見。（註一八）往者王鳴盛考論及此，以謂榮緒既勒成司馬氏一代事迹，各體具備，卷帙繁富，諒有可觀，卽以垂世，有何不可，乃唐貞觀中，房玄齡奏令狐德棻重修晉書，號爲太宗御撰，而榮緒之書竟廢，吾爲榮緒惜之，（註一九）是可爲戚氏千載下一知己矣。竊沈二氏之書，雖亦爲完作，然隋志著錄時，沈書已亡，蕭書僅存十一卷，其視戚書何若，無從質證，可以勿論。惟劉知幾謂貞觀撰晉書成，言晉史者，皆棄其舊本，競從新撰（史通正史），是諸家舊史之漸就湮廢，本爲自然之趨勢。知幾又稱，房玄齡所主修者爲新晉書（見史通題目暗惑二篇），是亦因戚氏之書具在，而繫新舊之名以別之，亦猶兩唐書兩五代史，各繫以新舊之稱也。戚氏舊晉書，當亡於安史之亂，其後僅存貞觀新撰書，而後世遂不復知有新晉之名，（註二〇）此考晉書者所宜知也。

評講諸家晉書之得失者，具於晉書傳論，晉書第八十二卷所載，除陳壽王長文虞溥司馬彪四家之外，如王隱虞預孫盛干寶鄧粲謝沈習鑿齒徐廣，皆爲私修晉書之史家，而復爲之總論云。

王氏雖勒成一家，未足多尙，令升（干寶晉紀）安國（孫盛字），有良史之才，而所著之事，惜非正典，悠悠晉室，斯文將墜，鄧粲謝沈，祖述前史，著字重軒之下，施林連楊之上，奇詞異義，罕見稱焉。習氏徐公，俱云筆削，彰善癉惡，以爲懲勸，夫蹈忠履正，貞士之心，背義向榮，君子不取，而彥威（習鑿齒字）跡淪寇壤，逡巡於僞國，野民（徐廣字）運遭革命，流連於舊朝，行不達言，廣得之矣。

貞觀二十年閏三月詔修晉書之文，亦云：「十有八家，雖存記注，才非良史，書非實錄，榮緒煩而寡要，行思（謝沈字）勞而少功，叔寧（虞預字）味同薑餅，子翼學壘涸流，處叔（王隱字）不預於中興，法登莫通乎創業，洎乎干陸曹鄧，略紀帝王，鸞盛廣松，纔編載記，其文既野，其事罕有。」（玉海四十六）此卽唐之君臣對晉書所下之評語也。所評隱，未必悉當，然可窺見大略，至唐太宗貞觀十八年，始命房玄齡等重修晉書。舊唐書房玄齡傳，謂玄齡與褚遂良受詔重撰晉書，與其事者，有許敬宗來濟陸元仕劉子翼令狐德棻李義府薛元

超上官儀等八人，分功撰錄，以臧榮緒晉書爲主，參考諸家，甚爲詳治，然以好采詭譎碎事，論者所病。又以李淳風深明星歷，主修天文律歷五行三志，最爲可觀，而太宗自著宜帝二帝紀及陸機王羲之二傳之四論，於是號其書爲御撰，至二十年書成，凡一百三十卷，大略如此，此書爲鳩集多人，設局纂修而成，雖用後漢東觀修史之成法，亦實開後來官修諸史之先例，大異於往者私修諸史，是時所成諸晉史，以臧書爲最完整，故取以爲主，是又可考而知之者。

其次則十六國史，其可考者，多見隋志，具載後表。其有不見隋志者，亦據其要綱列入，惟注所出於附考欄中，再有不足於此，則近人所輯晉書藝文經籍等志，可覆按也。（註二一）

書	名卷	數著	著存	亡附	考
漢書	記十	前趙和苞	亡	記前趙劉琨事	
趙書	十	燕田融	亡	記後趙石氏帝一及二石氏書志作石記二十卷 徐光等撰上黨國紀早亡	
二石傳	二	晉王度	亡	虞夏作二石傳治時事二卷	
真之書	十	晉常璩	亡	記蜀牟氏帝唐志又作周李書九卷	
燕記	〇	燕杜輔	亡	紀前燕書見史通	
後燕書	三十	後燕董統	亡	見史通	
燕書	二十	後燕范亨	亡	合前燕後燕慕容氏事中亦例燕書	
燕書	〇	後燕封懿	亡	見魏本傳	
南燕錄	五	燕張昇	亡	紀王容傳事下同 南志作張壽	
南燕錄	六	燕王景暉	亡		

南	燕	秦	秦	秦	涼	涼	涼	西	涼	涼	涼	涼	涼	涼	十六國春秋
卷七	志十	書八	記十	記十	紀八	秋五十	記十二	密十	記二	紀十	書十	錄十	錄十	書	一百
游覽先生	魏高閔	何仲熙	宋裴景仁	魏姚和都	燕張諮	涼索綬	涼劉景	晉陸路	涼段龜龍	魏高道謙	魏宗欽	無獨人	涼劉景	趙思軍等	魏崔鴻
亡	亡	亡	亡	亡	亡	亡	亡	亡	亡	亡	亡	亡	亡	亡	亡
不詳何時人	紀北燕馮跋事此書實缺編宗撰	紀前秦苻氏事	此書實因趙整取類之秦紀	紀後秦姚氏事	紀前涼張氏事下同 見史通				紀後涼呂氏事	紀北凉沮渠事	同上	紀南凉秃髮氏事	紀西凉李氏事	紀赫連氏事早亡	以上十六國史單行本獨佚西秦乞伏氏原書亡有歸本輯本

三	十	國	春秋	二十一	樂	隋	方	亡	有輯本此書以齊爲主附劉宋以下二十九國
三	十	國	春秋	一百	武	敏	之	亡	同上 名見唐志
戰	國	春秋	二十	李	果	亡	同上	六紀十六國之事	同上
以上十六國史合編本									

唐初撰隋書經籍志，始著隋史之目。其序云。

自晉永嘉之亂，皇綱失馭，九州君長，據有中原者，甚衆，或推奉正朔，或假名稱號，然其君臣忠義之節，經國字民之務，蓋亦勳矣。而當時臣子，亦各紀錄，後魏克平諸國，據有舊華，始命司徒崔浩，博采舊聞，綴述國史，諸國記注，盡集秘閣，爾朱之亂，並皆散亡，今舉其見在，謂之霸史。

同時劉知幾於所著史通正史篇中，權論十六國史之原委較詳，然自十六國春秋書行，而十六國史盡歸散亡，其可述者，獨有崔氏之書而已。

魏書崔光傳云。

從子鴻，少好讀書，博綜經史，弱冠，便有著述之志，見晉魏前史，皆成一家，無所措意，以劉涓子勸慕容儁苻健慕容垂姚萇慕容德赫連屈子張軌李雄呂光元伏國仁禿髮烏孤李壽沮渠蒙遜馮跋等，並因世故，跨僭一方，各有國書，未有統一，鴻乃撰爲十六國春秋，勒成百卷，因其舊記，時即增損，褒貶焉。鴻二世仕江左，故不錄僭晉劉肅之書，又恐識者責之，未敢出行於外。世宗聞其撰錄，詔崔送呈，鴻以其書有與國初相涉，言多失體，且既未訖，迄不奏聞，後典起居，乃妄載其表曰：（中略）「自晉永嘉以後，雖所在稱兵，競自尊樹，而能建邦命氏，成爲戰國者，十有六家。善惡興滅之形，用兵乖會之勢，亦足以垂之將來，昭明勸戒。但諸史殘缺，體例不全，編錄紛謬，繁略失所。宜審正不同，定爲一書，（中略）始自景明之初，搜集諸國舊史，屬遷京甫爾，率多分散，求之公私，驅馳數歲。暨正始元年，寫乃向備，謹於

史案之暇，草構此書，區分時代，各繫本錄，破彼異同，凡爲一體，約損煩文，補其不足。三豕五門之類一事異年之流，皆稍以長曆，考諸舊志，刪正差謬定爲實錄，商榷大略，著春秋百篇。至三年之末，草成九十五卷，唯常璩所撰李雄父子擾蜀時書，尋訪未獲，所以未及繕成，輟筆私求，七載於今。此書本江南撰錄，恐中國所無，非臣私力所能終得。其起兵僭號事之始末，乃亦頗有，但不得此書，懼簡略不成乞敕緣邊求採臣，又別作序例一卷，年表一卷，仰表皇朝統括大義。」鴻意如此。後永安中，鴻子元爲秘書郎，乃奏其父書曰，臣亡考鴻刊著趙燕秦夏涼蜀等遺載，爲之贊序，褒貶評論，先朝之日，草構悉了，唯有李氏蜀書，搜索未獲，闕茲一國，遲留未成，去正光三年，購訪始得，討論適訖，而先臣棄世，凡十六國，名爲春秋，一百二卷，今繕寫一本，乞藏祕閣。

蓋鴻於生前訖未敢將書進呈。肅撰表文，以求免禍。至歿世後，其子乃表上之。細按傳文可知也。又史通正史篇云。

魏世黃門侍郎崔鴻，乃考覈衆家，辨其異同，除煩補闕，錯綜綱紀，易其國書曰錄，主紀曰傳，都謂之十六國春秋。鴻始以景明之初，求諸國逸史，逮正始元年，鳩集稍備，而猶闕蜀事，不果成書，推求十有五年，始於江東購獲，乃增其篇目，勒爲一百二卷。鴻歿後，永安中，其子繕寫奏上，請藏諸祕閣，由是僞史宣布，大行於時。

凡上所述。卽崔鴻撰書之始末及其命意之所在也。考崔氏之書，以晉爲主，（註二三）又有表（註二三）贊序例（見前），區分時代。各繫本錄。體裁詳備，足以包舉諸家，惜其書於宋代之崇文總目。卽不見著錄，晁陳以下更無其名，然太平御覽，撰於宋初，猶見輯引，司馬光撰通鑑考異，亦屢及之，光所見者，固非全帙，而其書亡於北宋中葉以後，則無可疑也。世所流傳之十六國春秋一百卷，經濟代考定，爲明人居喬孫項琳姚士粦輩之僞作，（註二四）今細檢之，乃取晉書張軌李嵩（原作李玄盛）兩傳，及載記三十卷之專詳十六國事者，並藝文類聚太

平御覽諸書，所引十六國春秋佚文，一一登錄聯綴而成一編，摭拾略備，用心頗苦，惟魏書所敘十六國事，其文不必悉同崔書，而作僞者亦爲采入，稱爲鴻作，則謬妄之尤者也。吾謂後人重輯十六國史，應不出兩途。其一，應以輯逸爲主，先就類聚御覽所引，明知其爲崔書者，錄爲一輯，再就他書所載之雖未明言爲崔書，而確知其必出於是者，取而附益之，如清代湯球十六國春秋輯本是其例也。其二，應以史事爲主，不必限爲崔書，凡古籍中涉及十六國事者，悉以入錄，不遺隻字，而一一註明所出於下，如馬融之撰釋史，即其例之最佳者。屠氏所作，實同釋史，誠能將所輯之書，一一注明，則不失十六國史之佳本，何必託名崔鴻，而以作僞爲哉。浦起龍曾謂，屠氏欲起斯廢，毋假初名，毋襲卷數，顯號補亡可也。匿所自來，掩爲己有，真書悉變爲贗書矣。所論成爲中肯，然屠氏之書，署爲鴻作，則非攘人之善以爲己有者，實以崔鴻原作，大略不出於是，至其已蹈於作僞，則不之知，何若自署其名稱爲輯本之爲得也。

唐修晉書，兼引十六國史，而撰三十載記，史通已言之矣（正史篇）。其所采者，固以崔書爲多，然亦兼采各國史之原作，湯球輯本，以漢魏叢書之簡本十六國春秋爲主，而以晉書張李兩傳及載記全文補足之，其中有與諸書所引不同者，再據以改正之。球謂晉書載記所敘十六國事，實采崔書而成尙無大誤，然違謂載記之文，即同於崔書，一一錄出，以爲不異原作，雖異乎屠氏之作僞，亦不免失於武斷矣。隋志於十六國春秋下，附載纂錄一十卷，未注爲何氏之作，湯球謂即漢魏叢書著錄之簡本（凡十六卷），由後人摘錄崔書而成，校以通鑑考異所引，悉與此同，例所稱十六國春秋鈔者，即此本也。又據北齊修文殿御覽偏部所載，亦悉與簡本相同，遂名是書，曰十六國春秋纂錄，並改訂十六卷爲十卷，以新合隋志之數，是亦可謂史學界之一發見矣。好學深思，心知其意，湯氏有焉。

其次則南北朝史，部次頗多，有修於唐以前者，有修於唐初者，其中有官修者，有私修者，茲就可考者，列表明之，表中所列，悉據隋唐二志，非有異同，則不復別白云。

書名	卷數	著者	存亡	附
宋書	六十五	宋徐愛	亡	
宋書	六十一	無撰人	亡	宋大明中
宋書	六十五	齊孫嚴	亡	
宋書	一百	梁沈約	存	以上魏傳體
宋書	三十	王僧虔	亡	
宋略	二十	宋劉子野	亡	唐志王僧虔宋紀三十卷
宋春秋	二十	梁王悅	亡	唐志劉義慶宋春秋二十卷 以上魏傳體
齊書	六十 存五十九	梁蕭子顯	存	今本佚其終傳一卷
齊紀	十	梁劉勰	亡	唐志作齊書
齊紀	二十	梁沈約	亡	以上紀傳體
齊史	十三	梁江淹	亡	
齊春秋	三十	梁吳均	亡	
齊典	五	隋王逸	亡	
齊典	十	齊熊曇首	亡	唐志作十代記 以上魏年體
梁書	一百 存四十九	梁謝貞	亡	
梁史	五十三	陳許亨		
梁書帝紀	七	隋姚察		

考

齊	齊	北齊	北齊	北齊	魏	後魏	後魏	陳	陳	陳	陳	梁	梁	梁	梁	梁
書	志	書	書	書	書	書	書	書	書	書	書	略	典	典	書	書
一百	十	三十	二十	二十四	一百	一百	一百三十	三十六	三	三	四十二	十	三十	三十	五十	三十四
同	隋	唐	唐	李	張	隋	北齊	唐	傅	顧	陳	隋	陳	隋	唐	謝
	王	李	李	德	太	魏	魏	姚		野	陸	姚	何	劉	姚	吳
上	勸	百	太	休	素	論	收	思	綽	王	績	最	之	璠	思	姚
亡	亡	存	亡		亡	亡	存	存	亡	亡	亡	亡	亡	亡	存	亡
	所志作北齊志十七卷	以上紀傳體			以上紀傳體	所志作魏書與齊書即增之字	今本低增說書	以上南朝各史	以上紀傳體			以上編年體			以上紀傳體	

北齊	紀二十	魏	統	最	亡	以上編年體
周	史十八	隋	牛弘	弘	亡	
後周	書五十	唐	合狐德素	素	存	今本紙鈔用書
隋	書三十二	王	勣	勣	亡	仿尚書紀古體
隋	書三十二	張	太素	素	亡	
隋	書八十五 內志三十卷	唐	魏徵等	等	存	以上紀傳體
南	史八十	唐	李延壽	壽	存	以上北朝各史
北	史一百	周	上	存		以上南北朝合史

右列南朝諸史，爲宋齊梁陳四代，此南史所據以成書者也。北朝諸史，爲魏齊周隋四代，此北史所據以成書者也。南北朝諸史之已亡者，多屬私修，史通正史篇，已略論之，可供研考，無事贅述。茲第就見存諸史論之，僅蕭子顯之南齊書，出於自撰，書成而上之於朝，若沈約之宋書，則於齊武帝永明五年，被詔纂修，六年二月上之，魏收之魏書，則齊文宣帝天保二年，被詔纂修，又命房延祐辛元植刁柔裴昂之高孝幹陸仲讓等同預其役，實開唐初設局修史之先聲。書成上之。至梁陳北齊周隋五史，私家不乏作者，多未成書，唐高祖武德中，令狐德棻始議纂修，久而未就，至太宗貞觀五年，乃詔令狐德棻岑文本修周書，李百藥修齊書，姚思廉修梁陳二書，魏徵修隋書，而以房玄齡總監諸史，至貞觀十年五史俱成，合稱五代紀傳，凡二百二十五卷，（註二五）此爲唐初官修之五史，一稱五代史者是也。隋姚察始撰梁陳二史，隋志著錄之梁書帝紀七卷，卽察未成之稿也。

察亦僅成陳書二卷，唐太宗因其父子世業，故命其子思廉踵成之，隋李德林亦成北齊書二十四卷，著於隋志，稱曰未修書，以明爲未成之作，唐太宗命其子百藥，續成北齊書，亦猶姚思廉之繼姚察耳，是則梁陳北齊三書，官修其名，而私撰其實也。依此求之，沈約之修宋書，雖受命時君，而奮筆一室，不假衆手，亦與私撰無殊，卽魏收之書，多人爲助，亦與唐以後設局纂修之史不同，謂爲出於魏收之私撰，亦無不可也。唐代所修五史，惟令狐德棻主修之周書魏徵主修之隋書，成於衆手，是爲官撰與魏晉南北朝私家所修諸史，大異其趣，是則與梁陳北齊三書，不可並論者耳。

李延壽之作南史北史，本爲承其父大師之遺志，北史序傳，曾詳言之。其略云。

大師少有著述之志，常以宋齊梁陳齊周隋，南北分隔，南書謂北爲索隱，北書指南爲島夷，又各以其本國周悉書，別國並不能備，亦往往失實，嘗欲改正，將擬吳越春秋，編年，以備南北，……宋齊梁魏四代有書，自餘竟無所得，……家本多書，因編輯前所修書，貞觀二年終，……既所撰未畢，以爲沒齒之恨。子延壽，與敬播俱在中書，侍郎顏師古給事中孔穎達下刪削，既家有舊本，思欲追終先志，其齊梁陳五代舊事所未見，因於編輯之暇，晝夜抄錄之，至五年以內憂去職，服闋，從官蜀中，以所得者編次之；然尙多所闕，未得終。十五年任東宮典膳丞，令狐德棻又啓延壽修晉書，因茲復得勘究宋齊魏三代之事所未得者。褚遂良奉敕修隋書十志，復準敕召延壽撰錄，因此遍得披尋，五代史既未出，延壽不敢使人抄錄，家素貧罄，又不辦雇人書寫，至於魏齊周隋宋齊梁陳正史，並自手寫，本紀依司馬遷體，以次連綴之，又從此八代正史外，更堪雜史，於正史所無者一千餘卷，皆以編入，其煩冗者，卽削去之，始末修撰，凡十六載，始宋凡八代，爲南史北史二書，合一百八十卷。其南史先寫訖，以呈監國史國子祭酒令狐德棻，始末蒙讀了，乖失者亦爲改正，次以北史諮知，亦爲詳正。

又延壽進上南史北史表云（見序傳）。

不揆愚固，私爲修撰，起魏登國元年，盡隋義寧二年，凡三代，二百四十四年，兼自東魏天平元年，盡齊

隆化二年，又四十四年行事，總編爲本紀十二卷，列傳八十八卷，謂之北史。又起宋永初元年，至陳順明三年，四代，一百七十年，爲本紀十卷，列傳七十卷，謂之南史。合爲二書，一百八十卷，以擬司馬遷史記，就此八代，而梁陳齊周隋五書，是貞觀中敕撰，以十志未奏，猶未出，然其書始末，是臣所修，臣既夙懷慕尚，又備得尋聞，私爲抄錄，一十六年，凡所遺略，千有餘卷，連綴改定，止資一手，故淹時序，迄今方就。

尋此所論，南北二史，悉由延壽自造，不假衆力而成，故一則曰，私爲修撰，再則曰，止資一手，以示別異於貞觀官撰之五史，此誠陳壽范曄以後所僅見者也。司馬光稱延壽之書，乃近世之佳史。雖於機祥小事無所不載，然敘事簡淨，比之南北正史，無煩冗蕪穢之辭，陳壽之後，唯延壽可以亞之（貽劉道原書）。此由修通鑑時，細心稱量而出，自屬確評。大抵二史之效，卽至刪繁就簡，往者趙翼嘗取八史核對，延壽於宋齊魏三史，刪汰最多，以其蕪雜太甚也。於梁陳北齊周隋五史，則增刪俱不甚多，以五史本唐初所修，延壽亦在纂修之列，已屬善本故也。故又總稱之曰，大概較原書事多而文省，洵稱良史。（註二六）此蓋與陳振孫直齋書錄解題，所謂南北史粗得作史之體一語同其意旨者。嘗謂三代以下，漢唐爲盛，而漢之前有秦，唐之前有隋，皆所以爲驅除難耳。隋開國未久，卽滅陳而統一南北，不得併於南北對峙之七朝，而李氏必以列入北史，何也。夫陳氏國志，稱曹謏爲本紀，所以明晉統，李氏北史，併隋代於七朝，所以尊唐宗，皆所謂有意爲之，不協於議論之公者也。

今本宋南齊魏北齊周五史，皆有關略，而北齊周書尤甚，除南齊外，多取李氏南北二史補之，魏書之中，間有采魏澹書補入者，今取諸史觀之，似爲整齊之作，而實則殘闕不完。梁章鉅謂自南北史行，而八書俱微，誦習者少，故愈久而闕佚愈甚（退庵隨筆十四），信爲篤論。是則八書轉賴南北史以傳，而南北史之有功於史學，亦大矣哉。

唐太宗貞觀十五年，以梁陳齊周隋五史無志，詔修五代史志，以長孫無忌監修，至高宗顯慶元年成書奏上，此

卽附於隋書之十志凡三十卷者是也。史通正史篇敘及此事，謂修志者爲令狐德棻，于志寧，李淳風，韋安仁，李延壽等五人。太宗崩後，刊勒如成，其篇第雖編入隋書，其實別行，俗呼爲五代史志，所論最爲詳哲，其編入隋書者，以其序爲最後耳。吾謂此等編次之法，最得史體，其他四史，則不必一一作志，以省卷帙，厥後錢大昕撰元史藝文志，兼舉遼金，卽用此法，不知此者，乃謂隋志上及梁陳齊周，失於斷限，抑何不考之甚耶。

綜上所述，源流略具，官修之史，十纔一二，私修之史，十居八九，其上者如陳壽國志，范曄後書，李延壽南北史，次者如司馬彪之續漢志，華嶠之漢後書，臧榮緒之晉書，皆私史也。沈約宋書，名爲敕修，實出一人之手，亦私史之比也。故論本期之史，以私修者爲多爲佳，而官修之史，不過隨以附見而已。

當此之時，私家作史，何以若是之多，其故可得而言，兩漢經師，最重家法，至後漢鄭玄，而結集古今學之大成，魏晉以後，轉尚玄言，經術日微，學士大夫有志撰述者，無可發揮其蘊蓄，乃寄情乙部，竟意造史，此原於經學之衰者一也。自班固自造漢書，見稱於明帝，當代典籍史實，悉集於蘭臺東觀，於是又命劉珍等作漢紀，以續班書，訖於漢亡，而未嘗或輟，自斯以來，撰史之風，被於一世，魏晉之君，亦多措意於是，王沈魏書，本由官撰，陳壽國志，就家遂寫，晉代閒人，有若張華庾亮，或宏獎風流，或給以紙筆，是以人競爲史，自況馬班，此原於君相之好尚者二也。古代史官世守之制，至漢已革，又自後漢靈獻之世，天下大亂，史官更失常守，博達之士，愍其廢絕，各紀見聞，以備遺亡，後則羣才景慕，作者甚衆，隋志論之詳矣，此原於學者之修墜者三也。若乃晉遭八王之亂，南則典午偏安，以逮宋齊梁陳，北則諸國割據，以逮魏齊周隋，歷年三百，始合於一，割據之世，才俊衆於一統，徵之於古，往往而然，當時士夫各有紀錄，未肯後人，因之各有國史，美富可稱，此原於諸國之相競者四也。綜上所論，具此四因，私史日多，又何足怪。虞預私撰晉書，而生長東南，不知中朝故事，數訪於王隱，並借隱所著書，竊寫之，所聞漸廣（晉書王隱傳）。鄒紹作晉中興書，數以示何法盛，法盛有意圖之，謂紹曰，卿名位貴達，不復俟此延譽，我寒士無聞於時，如袁宏于寶，賴有

著述，流傳於後，宜以爲惠，紹不與，至書成，在齊內廚中，法盛贈紹，紹不在，直入竊書，紹遂失之，無復幾本，於是遂行何嘗（南史徐廣傳）。以此二事證之，乃至不憚懷竊，以成己名，修史之重，又可知矣。自司馬遷撰自序一文，繫於史記之末，述其先世所自，及世爲史官，兼明作史之意，是其本旨，未爲失也。班固敘傳，自修家世，乃於其父班彪撰史記後傳之事，不著一字，若無范曄，卽無從曉其本末，或謂以子繼父，無煩注明，顏籛注班，卽其顯例，此殊不然，事實具在，詎得泯沒，以班例馬亦其失也。厥後作史諸家，競相仿效，侈述先德，累牘連篇，有若沈約魏收李延壽諸作，或云自序，或稱敘傳，雖云有例在前，多無關於作史，蓋於是時，人人以擬孔左，家家自況馬班，若非從事侈陳，其名無由而顯，是則風氣使然，賢者不免，而作史動機，亦由於此矣。

本期史家等第，亦可一爲權論，陳壽范曄沈約李延壽，是爲上選，司馬彪華嶠袁宏習鑿齒于寶臧榮緒崔鴻裴子野王劭，抑其次也。其餘諸家半歸散佚，就其存者論之，非上述諸家之比矣。往者劉勰文心，謂春秋經傳，舉例發凡，自史漢而下，莫有準的，至鄧燦晉紀，始立條例（史傳篇），是史之有例，始於鄧燦矣。劉知幾史通更縱論之，其言曰。

昔夫子修史，始發凡例，左氏立傳，顯其區域，科條一辨，彪炳可觀，降及戰國，迄乎有晉，年踰五百，史不乏才，雖其體屢變，而斯文中絕，唯令升先覺，遠述丘明，重立凡例，勒成晉紀。鄧（燦）孫（盛）已下，遂躡其蹤，史例中興，於斯爲盛。若沈宋之自序，蕭齊之序錄，雖皆以序爲名，其實例也。于寶范曄，理切而多功，鄧燦道鸞，辭煩而寡要，子顯雖文傷塞蹟，而義甚優長，斯一二家，皆序例之美者。夫師不事古，匪說攸聞，苟模楷曩賢，理非可諱，而魏收作例，全取蔚宗，貪天之功，以爲己力，異夫（序例）。

是則史例之作，始於于寶，而鄧燦效之，范曄後書有例，已具論於前，證以史通，語益不謬，而魏收襲之，尤爲有據已。尋史通所論，不惟于寶鄧燦孫盛范曄檀道鸞沈約蕭子顯魏收之書有例，而李百藥北齊書唐修新晉書

亦莫不有例，今雖亡佚莫考，然發凡起例，爲作史之良法，創於孔左，而大盛兩晉南北朝矣。見存之書，若范氏之後漢書，沈氏之宋書，則最得此意者也。陳壽國志，成於范書之前，當代已推爲良史，然其可稱道者，乃在仿國語國策之體，而造成三國分峙三國別史。其後若崔鴻之十六國春秋，路振之九國志，吳任臣之十國春秋，皆開陳壽之風而興起者，亦國語家之支與流裔也。范氏作史，高自位置，見於自序，論者亦以爲然，無待詳論。若夫李延壽之作南北史也，一用史記之法，取在南之宋齊梁陳，在北之魏齊周隋，合而縱述之，以成通史之一段，一用三國志之法，南北並述，而爲國別史之後勁。其後薛居正歐陽修，合梁唐晉漢周而爲一史，即承用延壽之成法。若衡以史通所論，則南北二史，蓋合史記國語兩家而兼之矣。李氏自稱依司馬遷體，連綴以擬史記，今考其書，出於一人之手，成爲一家之學，馬班陳范而後，蓋所罕見，以云擬馬，非夸詞也。沈約宋書繁簡失當，皆爲後人所嗤，所撰八志，亦謂失於斷限，不悟宋書之長，正在諸志，約序自稱，損益前史諸志爲八門。曰律歷，曰禮，曰樂，曰天文，曰五行，曰符瑞，曰州郡，曰百官。是則前史之有志者，約已攝其菁英，其無志者，又藉此補其未備，是猶隋書之附載五代史志，必合而觀之，始可考見前代典章之全，作史良法，無過於此，昧者不達，從而嗤之，抑何陋也。南北八朝之史，唯沈約宋書，詳贍有法，所撰諸志，上繼史漢，以彌陳壽以來諸作之缺，其體略則後來之五代史志，如此編次，尤具史識，沈氏本已編撰晉宋南齊諸史，斐然可觀，惜今存者，獨宋書耳。此書保存史實最多，實在晉書之上，李氏南史，於宋事翦截過甚，宋晉之不可廢，亦其一因。故吾權論魏晉南北朝之史家，以陳范沈李四氏爲上選焉。司馬彪華嶠袁宏習鑿齒臧榮緒之書，略論於前，皆不媿爲作者，劉知幾極推于寶裴子野王劭。其於于寶則曰，寶議撰晉史，以爲宜準丘明，其臣下委曲，仍爲補注，於時議者，莫不宗之（史通載言）。又曰，其書簡略，直而能婉，甚爲當時所稱（又正史）。（註二七）其於裴子野則曰，世之言宋史者，以裴略爲上，沈約次之（正史）。又曰，大抵史論皆華多於實，理少於文，必擇其善者，則于寶范隱裴子野，是其最也（論贊）。又稱，裴氏者，衆作之中，所可與言史者（難說）。（註二八）其於王劭則曰，近有裴子野宋略，王劭齊志，並長於敘事，無媿古人，而世人議者，皆當

同譽義，其証王氏，夫江左事雅，裴筆所以專工，中原跡穢，王文由其靡鄙，且幾原（子野字）務爲虛詞，君懋（王劭字）志存實錄，此美惡所以爲異也（敘事）。又曰王劭齊隋二書，其所取也，文皆詣實，理多可信，至於悠悠之飾辭，皆不之取，此實得去邪存正之理，捐華摭實之義也（載文）。由其推挹之至，知其爲史家之良者矣。崔鴻撰十六國之國別史，綜此羣書，取材繁富，悉就陶冶，誠爲難能，陳氏國志之亞也。或謂蕭子良曾撰齊齊二史，不旋一代作者，魏收之書，雖已穢史見嗤，然實詳贍有法，其官民釋考二志，更爲粗作，如思廉李德林百藥兩父子，俱兩世作史，亦應儕於史家之林，然以視上舉諸家，殊有遜色，抑居其次，亦協於議論之公者也。

右述私家諸史，僅舉其犖犖大者而已。上述之外，如梁吳均之通史，魏元暉之科錄，史通襲其全錄舊史，蕪累尤深，學者寧習本書，意窺新錄（正史篇），然實爲乙部之總錄，亦本期之鉅製也。若乃衍本紀之體，而爲漢紀魏紀晉紀，衍列傳之體，而爲耆舊傳先賢傳高士傳孝子傳列女傳，衍書志之體，而爲輿地志方物志文章志，衍表譜之體，而爲帝王譜百家譜姓氏譜宗族譜中表簿，皆正史之支與流裔，而有不暇悉述者矣。綜論本期私家諸作，與史體相近者，計有二端。一曰典禮，二曰方志。昔者周公初制官禮，垂爲一代大典，復有經禮三百，典禮三千，以爲儀文之節制，於是有周禮儀禮二經。其後應劭注漢官，復撰漢官儀，衛宏亦撰漢舊儀，而丘仲字撰皇典，何胤撰政禮，齊梁之世亦大修五禮，與其役者，前爲王儉何胤，後爲沈約徐勉，疑何胤所撰之政禮，卽爲五禮之一部，皆自周禮儀禮推而出之者也。古有世本歷譜牒，司馬遷因之以作年表，而後世乃有氏族譜牒之學，更因之而造家傳，又由譜牒，而變爲目錄，劉向劉歆父子，始撰七略，班固本之，以作藝文志，荀勗本之以造文章家類，裴虞本之以造文章志，是蓋由簿錄記載，而漸成專門名家，凡茲所錄，亦爲典禮之一，周禮之紀職官，儀禮之載節文，委曲繁縟，亦近譜牒，此其部次應屬於典禮者一也。古有禹貢山海經，以志輿地，爲後世圖經之所始，其後有水經，而酈道元注之，閻闡更有十三州志，而常璩撰華陽國志，最爲有法，所志曰巴，曰漢中，曰蜀，曰南中，曰公孫述劉二牧，曰劉先主，曰劉後主，曰大同，

曰李特煥期壽勢，曰先賢士女，曰後賢，曰序志，所載皆巴蜀一方之史事，而無一語及於輿地山川，是又源出於越絕書吳越春秋（有趙陟皇甫遵二本），而不屬於圖經者也。往者章學誠嘗論方志與圖經異趣，方志如列國之史，無所不載，山川郡里名勝，應當入地理，人物當詳於史傳，藝文當詳載書目，（註二九）依此求之，如陳壽之益部耆舊，（註三〇）周斐之汝南先賢，徐整之豫章烈士，悉名爲傳，實具方志之一體，而藝文目錄之屬於一方者，亦應編入方志。至如司馬彪九州春秋，亦不專屬於圖經，是則方志一體，實兼圖經而有之矣，此其部次屬於方志者二也。今取隋志閱之，若斯之類，雖然並陳，驟數之不能終其物，是卽史學盛於魏晉南北朝之明徵。吾謂王官失守，而諸子之學以興，史官失守，而乙部之符目盛，當此之時，篤學之士，競以作史相尚，有日新月異之勢，亦如諸子之在晚周，以異學爭鳴，而結璀璨光華之果，研史之士，可無述乎。

（註一）由見前引後漢書，又史通正史篇云。并撰功臣及新市平林公孫述等，作列傳載記二十八篇，收范曄爲詳。

（註二）史通史官篇，自漢以後，圖經盛於東觀，凡撰漢記，相繼在乎其中，又四庫提要五十，東觀漢記下云，其稱東觀者，後漢書

注引建武官殿名正，南宮有東觀，范書竇武傳云，永初中，柳東觀爲老氏藏室，道家藏經山，蓋東漢初，著述在蘭臺，至章帝以後，圖經盛於東觀，修史皆在是焉，故以名焉。

（註三）參閱十駕齋養新錄六，所錄三史條，若十七尚館亦有數條雜三史。則不知錢氏之精賞，又唐宋亦有三史，史記藝書之外，則范氏後漢書也。

（註四）姚之駉後漢書補逸序云，自逸平之書，東漢第一良史也，虞康補三國志文志亦稱之。

（註五）清代官本後漢書，無此書於書後，題曰自序，又陳慶雲集，有中范一編，可參照。

（註六）據章宗源隋書經籍志考證。

（註七）見後書明八玉傳。

（註八）參閱王先謙後漢書集解述略。

（註九）見冊府元龜國史部采撰門。

（註一〇）此據梁書本傳，蓋就本書九十卷，加以分析，又隋書考略昭注後書一百二十五卷，與本書卷數不同，必有一誤。

〔註二一〕十七史商榷三十八，後漢紀條。

〔註二二〕兩唐志著錄孔衍後漢尚書六卷，後漢春秋六卷，列入雜史，當爲范曄所采錄。

〔註二三〕參閱十七史商榷三十九，陳壽史皆實錄條。

〔註二四〕見裴壽隲志十一後賢志。

〔註二五〕參閱史通正史篇補注，及二十二史劄記六，嚴松之云國志注條。

〔註二六〕史通正史。

〔註二七〕參見史通正史篇補注，又考各家晉書者，參閱史通正史篇，及二十二史劄記七。

〔註二八〕見舊唐書房玄齡傳。

〔註二九〕十七，史商榷四十三，晉書唐人改修諸家遺廢條。

〔註三〇〕略本十紀齊書新條六，新晉書及舊晉書不同兩條。

〔註三一〕丁剛鈞晉書藝文志四卷，附錄一卷，文苑式補志一卷，樂業光緒志四卷，黃通元補志四卷，吳士鑑補晉書藝文志四卷，俱見二十五史補編。

〔註三二〕史通據續漢，顧漢書之紀綱，皆以晉爲主，亦晉書之遺吳也，必漢漢年，陳志之述漢制，晉書世。

〔註三三〕史通及歷代，晉書民編通，兩據據越，魏宋物越，北齊蕭代，其間諸儒，十有六家，不附正例，自相附長，世鴻漸表，頗有闕明，比於史漢遺篇，其要爲切者矣。

〔註三四〕十七史商榷，四庫書目，皆如是說。

〔註三五〕參閱史通正史篇，及趙翼陔餘叢考六，通鑑周齊隋五史凡三次修成後，據舊唐書令狐綯奏魏徵等傳，五史實成於貞觀十年，而史通作十八年者，誤衍一字故也。

〔註三六〕見陔餘叢考八。

〔註三七〕晉書于寶傳，其書簡略，直而能簡，咸稱良史，文選晉紀論武帝革命注，何法盛晉書曰，于寶劉琨紀，趙宣帝志，五十三

年，漢書切中，成稱晉之。

〔註三八〕是書號于野傳，齊永明沈約宋書既行，于野更刪補爲宋略二十卷，其敘事詳而多善，約見而款曰，晉書述也，時中書祖暕上表曰，殷子野著宋略二十卷，綱緝首尾，助成一代，屬辭比事，有足觀者，南史嚴松之附傳（松之爲子野之曾祖），陳廣蕭琛，曾其評說，可與通鑑正命，分路並進。

④（註二九）見章氏遺書，方遼所撰。

（註三〇）陳壽撰益都耆舊傳，見晉書本傳，而隋志作陳長壽撰，誤衍一字。

第五章 漢以後之史官

古者史官，近於卜祝，實與記言記事之任，至漢司馬遷以官太史令，而修史記，猶爲能舉史官之職者。其後則史官分爲二途，其一則仍稱太史，職掌天時星歷，一如明清兩代之欽天監正，而無與記言記事。其一則以別職掌知史務，或另設著作起居之官，以當撰述記注之任，而亦得稱太史，自漢中葉，訖於清末，無不如是，此其變遷之跡，又不可以無述也。

續漢書百官志，以太史令隸於太常，掌天時星歷，此就後漢之制度而言也。文中僅言星歷，而不及文史，則典籍之守，記註之任，已不復屬於太史矣。蓋自司馬遷卒後，太史之署，唯知占候，非復記言之司，如史通史官篇所論是也。茲考晉書職官志宋書隋書百官志，皆以太史令隸於太常，自後漢迄隋，而未之有改，唐宋又與著作局同隸於祕書省，猶有古代史卜並稱之意。唐改太史爲司天臺，設監領之，監亦稱太史令，有李淳風久任是職，宋遼皆有太史令，金稱司天監，元復稱太史令，後改司天臺監，明初仍元稱，後改欽天監正（俱見諸史百官志職官志），清仍明制，民國初稱觀象臺長，後改置天文氣象兩研究所，隸於中央研究院，而溯其原，卽爲後漢以來之太史令。總之，以掌天時星歷爲其職司，而無與於文史記注，若仍予以史官之稱，則爲名不符實矣。

後漢以來，史官之名凡三變。其初名爲著作，漢明帝以班固爲蘭臺史令，詔撰世祖本紀，斯時蓋以蘭臺爲著作之所，（註一）章和二帝以後，圖籍盛於東觀，撰漢記者，相繼在乎其中，謂之著作東觀，然亦僅有著作之名，而未有其官也。魏明帝太和甲，始置著作郎，以當撰著之任，晉稱著作郎爲大著作，掌撰國史集註起居，又增置佐著作郎，劉宋南齊以來，又以佐名施於作下，稱著作佐郎，佐郎職知博采，正卽資以草傳，此其一也。（註二）則名爲史官，南朝齊梁之世，曾置撰史學士及撰史諸士（註三）亦爲著作郎之亞，至北齊，始置史館，

以宰相兼之，謂之監修國史，周隋仍之，至唐太宗貞觀三年重置史館於禁中，仍以宰相監修，更以他官兼典史職，謂之修撰，資淺者謂之直館，亦統稱為史官，如唐之劉知幾吳兢，皆其選也。自斯以來，官著作者，祇掌撰碑志祝文祭文，而不與於修史，同時別有記註起居之制，考漢武帝時，宮中有起居注，後漢明帝獻帝亦俱有起居注，王莽時置柱下五史，聽事侍旁，記跡言行，以比古代之左右史，魏晉時起居註，由著作掌之，後魏始置起居令史，隋更置起居舍人，唐宋之世又置起居郎與舍人對掌記註天子言動，以當古者左史記言右史記事之職，並於每季，釐送史館，唐時宰相自有時政記，始於姚璹（見舊唐書本傳及新唐書百官志），宋時因之，更命著作郎，就起居註時政記，以撰日歷，其時纂修會要，亦以省官掌之，遼金史館之制，略如唐宋，修撰之外，更有史館學士，是時史官，雖由他官兼典，而史館則為常置，其規制視舊日之著作，為闊擴矣，此其二也。（註四）再次則為翰林院所兼掌，翰林之官，始於唐玄宗時，初名翰林待詔，繼名學士，別置學士院以寵異之。至德宗時，始定學士銜於翰林，與中書舍人對掌內外制，初則職掌批答表疏，應和文章，其後乃兼掌制詔書勅，號為內相如陸贄之於德宗是也。訖於宋代相沿無改，然無與修史之任，元世祖中統二年，立翰林國史院，以王鶚為翰林學士，並立國史院之官制，以翰林學士知制誥兼修國史，其後又稱翰林兼國史院，蓋於應奉文字之外，兼有史官之職者也。明清二代，皆有翰林院，以學士領之，復置侍讀侍講修撰編修檢討等官，明制翰林官，於制誥史冊文翰及考議制度詳正文書，並備天子顧問之外，凡經筵日講，纂修實錄，玉牒史志，諸書編纂，六曹章奏，皆奉敕而統承之，（註五）清代亦仍其制，凡奉敕編纂專籍，或設專館，日講起居注官，或以其官兼任，而任其職者多為翰林官，及甲科出身而曾入翰林者，明清二代士子之入翰林者，皆自稱為太史氏，又署其門曰太史第，以此為榮，皆翰林官與史官為一之證，此其三也。

據史通史官所考論，不惟三國之世，蜀吳皆有史官，而晉代北方僭偽諸國，如前趙前涼蜀李西涼南涼後燕，俱有著作之司，至南北朝時，北方之魏齊周，制度略同南朝，更無論矣。史通又論古有女史，詩邶風靜女之第二章云，靜女其嬈，貽我彤管。毛傳以為，古者后夫人必有女史彤管之法，（註六）女史不過記其罪殺之，后妃薨

妾以禮御於君所，女史書其日月，授之以環，以進退之，事無大小，記以成法。鄭箋云，彤管者，赤管也。董仲舒答牛亨云彤者赤漆耳，史官執事故以彤管，赤心記事也（毛詩稽古篇引之）。是則宮中之有女史，亦可記事之任。劉知幾亦釋之曰，夫彤管者女史記事規誨之所執也。周禮天官有女史八人，其職率王后之禮，城內治之貳。注云，女史女奴曉書者。又春官世婦之屬亦有女史，是即毛傳所稱之女史，黃以周謂女史之職，其輕位在女御之下是也。或謂漢武帝時，禁中有起居注，似爲女史之任，後漢馬皇后亦爲明帝撰起居注，隋世王劼上書請置女史，而文帝不許，唐書百官志宮內及東宮皆有女史，掌執文書諸役，宋以後因之，金史衛紹王紀謂其時有女官大明夫人記資明夫人授職事，此所謂女官，蓋爲奉職宮中之女史（金史百官志亦有女史），此可考見之大略也。

夷考漢魏以來，史官世守之業失，而記注之科未修或廢，隋志以下所著錄之起居注，唐宋宰相所撰之時政記，宋著作郎舍人所撰之日曆，皆有古史官記注之遺意。唐代記注之法，以事繫日，以日繫月，以月繫時，以時繫年，必書其朔日甲乙，以記曆數，典禮文物以考制度，遷拜旌賞以勸善，誅伐黜免以懲惡，季終則授之國史，此舊唐書職官志之所記也。而孫承澤春明夢餘錄（卷十三）有唐修史例一文，記載尤詳，茲具錄之，文云。

後唐同光二年四月，敕史館司本朝舊例，中書並起居院諸司及諸道州府合錄事件報館，如左。時政記，中書門下錄送。起居注，左右起居，卽錄送。兩省，轉對入閣，待制，刑曹法官文武兩班上封章，各錄一本送館。天文祥變占候，徵驗司天臺，逐月錄報，並每月供曆一本。瑞祥禮節，逐季錄報，并諸道合畫圖巾送。蕃客朝貢使至，鴻臚寺勘風俗衣服，貢獻物色，道里遠近，并具本國王名錄報。四夷八寇，來降，表狀，中書錄報。露布兵部錄報。軍還日，并主將姓名，具攻陷虜殺級數，并所囚錄報。變改音律及新造調曲，太常寺具錄所因並樂詞牒報。法令變革，斷獄新議，赦書德音，刑部具有無牒報。詳斷刑獄，昭雪冤濫，大理寺逐季牒報。州縣廢置，及孝子順孫，義夫節婦，有旌表門閭者，戶部錄報。有水旱蟲

繕，雷風霜雪，戶部錄報。封建天下，祠廟敕封，墓封邑號，祠封司錄報。京師百司長官刺史以上除授，文官，吏部錄報。公主百官，定監號，考功錄，行狀并體議，逐月具有無牒報。宗室任官，課并公主，出降儀制，宗正寺錄報。刺史縣令，有灼然政績者，本州官錄申奏，仍具牒報。武官，兵部錄進報。諸色宣敕，門下中書兩省，逐月錄報。應碩德殊能，高人逸士，久在山野，著述文章者，本州縣各以官秩勘問的實申奏，仍具錄報。應中外官薨。已請諡許，本家各錄行狀一本申送。此唐故事也。後之史館，但取辦於升退之後，遺漏紕繆已多，已當修明典章，已補不逮。

據此則唐代修史之法，至爲詳密。蓋仿漢代天下計書。先上太史之例，又從而明定其條規者也。且考唐太宗貞觀之制，史官日隨仗入，隨事記載，頗得古法，今觀貞觀政要，所載太宗與諸臣之言論，委曲詳盡，垂爲百代典範，此史官常在左右能舉其職之徵也。迨高宗時，李義府許敬宗爲相，命史官對仗承旨，仗下與百官偕出，不得復聞，蓋行其私也。武后以後，宰相更得自撰碑政記，不肖者假此迷眩千古，不惟難稱信史，且大侵史官所守矣。宋自眞宗以來，史館無專官，神宗命曾鞏修五朝史，乃以爲史館修撰，使專典領，南宋孝宗時，嘗命李綱洪邁專修國史，不量他職，前後凡二十八年，可謂久矣。寧宗亦命傅伯壽陸游專任修史（參建炎以來朝野雜記甲十），是以宋國史之美備，可以上與唐比，而非元明以下所能及。然宋代之制，以諫官兼修記注，侍立後殿，許其奏事，後則必稟中書取旨。孝宗隆興元年，胡銓奏記注之失有四。一人主不當觀史，二立非其地，三前殿不立，四奏不直前。是則雖有記注之法，而人君時相得隨意變更之，有法亦等於無法矣。五代未聞有時政記，宋初宰臣李昉建議恢復，自送史館，且先進御而後付有司，論者謂其不敢有直筆，是也（參春明夢餘錄十三）。且自隋唐以來，設館修史，歷代相沿，亦爲二成不易，所謂正史，咸出官修，絕少私家之作，凡與修史之役者，皆得被以史官之名。然吾謂後世之職典記注者，實近於古之史官。而後世之所謂史官，乃上同於孔子左丘明之刪定國史，成一家言，非古史官之所得與。此又古今異宜，不可不知之一事也。明人徐一夔論唐宋記注之制甚詳，茲並錄之。其說云。

近世論史者，莫過於日曆，日曆者史之根據也。自唐長壽中史官姚璹請撰時政記，元和中韋執誼又奏撰日曆，日曆者以事繫日，以日繫月，以月繫時，以時繫年，猶有春秋遺意，至於起居注之說，亦專以甲子起例，蓋記事之法無踰此也。往宋極重史事，日曆之修，諸司必關白，又詔詰則三省必書，兵機邊務則樞司必報，百官之進退，刑賞之予奪，臺諫之論列，給舍之繳駁，經筵之問答，臣僚之轉對，侍從之直前啓事，中外之囊封匭奏，下至錢穀甲兵，獄訟造作，凡有國政體者，無不隨日以錄。猶患其出於吏牘，或有謬失，故歐陽修奏請宰相監修，於歲終檢點修撰官所錄，事有失職者罰之。如此則日曆不至謬失，他時會要之修取於此，實錄之修取於此，百年之後紀志列傳取於此，此宋史之所以爲精確也（明文苑傳及朱彝尊曝書亭集徐一夔傳）。

據此可知宋代記注之備，今考宋人所撰續通鑑長編三朝北盟會編，建炎以來繫年要錄諸書，皆極詳備，可供修史之攝取，由其立制之善，蓋元明以下所不及也。

唐宋記注之官，已如上文所論，唐玄宗宋高孝二宗之起居注，亦可考其畧略（詳見朱希祖先生漢唐宋起居注考）。元時雖設起居注，所錄皆臣下聞奏事目，而無帝王之言動，宰相拜往會言其失。明太祖時宋濂曾撰起居注，劉基條答天象之問，命付史館，亦其證也。成祖時王直以右春坊右庶子，兼記起居，其後漸廢，惟以翰林院之修撰編修檢討掌修國史，遇有纂修，以爵高之勳臣一人爲監修，開學士一人爲總裁，翰林學士爲副總裁，職事視前爲重，而不復能舉朝夕記注之職。成化以來，職修纂者，惟取六部，前後章奏分爲十館，以年月編次，稍加潤潤，彙括成篇，卽爲一帝之實錄，至如仗前柱下之語，章疏所不及者，卽有見聞，無憑增入。孝宗時太僕少卿儲燧上書請立史官，記注言動，如古左右史，竟未能用（見明史本傳），又明臣奏議（十一）載此疏，謂帝從之，實則未行，六曹六冊，送關驗訖封鎖，歲終彙收入大櫃，永不開視，雖得旨允行，而未久又廢（春明夢餘錄十三）。今河北省立圖書館藏萬曆起居注若干冊內，載張居正奏對之語，爲實錄所無（據陶元珍說），此卽萬曆時恢復記注之證也。清代記注之制，略如明代，每月例由日講起居注官撰成起居注二冊，呈送

內廷存貯，今故宮博物院，猶有存本，所記亦爲諸司草奏，使前往下之語，亦無憑列入，蓋其名不副實，非一朝一夕之故矣（杭世駿道古堂集有與某君論起居注書，語尙未晰，朱氏漢唐宋起居注考曾論之。）

劉知幾嘗稱，三爲史臣，再入東觀，且與朱敬則徐堅吳兢奉詔更撰唐書，又重修則天實錄，設館修史甘苦，蓋已備嘗之矣。又以其時小人道長，綱紀日壞，仕於其間，忽忽不樂，遂與監修國史蕭至忠等書云。

（上略）自策名仕伍待罪朝列，三爲史臣，再入東觀，竟不能勒成國典，貽彼後來者河漢，靜言思之，其不可有五，故也。何者，古之國史，皆出自一家，如魯漢之丘明子長，晉齊之董狐南史，咸能立言不朽，藏諸名山，未可藉以衆功，方云絕筆，唯後漢東觀，大集羣儒，著述無主，條章靡立，由是伯度譏其不實，公理以爲可焚，張蔡二子，糾之於當代，傅范兩家，嗤之於後集，今者史司取士，有倍東京，人自以爲荀袁，家自稱爲政駿，每欲記一事，載一言，皆關筆相視，含毫不斷，故頭白可期，而汗青無日，其不可一也。前漢郡國計書，先上太史，副上丞相，後漢公卿所撰，始集公府，乃上蘭臺，由是史官所修，載事爲博，爰自近古，此道不行，史官編錄惟自詞探，而左右二史，闕註起居，衣冠百家，罕通行狀，求風俗於州郡，視聽不該，計沿革於蘭臺，簿籍難見，雖使尼父再出，猶且成爲管窺，況僕限以中才，安能遂其博物，其不可二也。昔董狐之書法也，以示於朝，南史之書弒也，執簡而往，而近代史局，皆通籍禁門，深居九重，欲人不見，尋其義者，蓋由杜彼顏面，防諸請謁故也。然今館中作者，多士如林，皆願長喙，無聞讞舌，儻有五始初成，一字加貶，言未絕口，而朝野具知，筆未栖毫，而縉紳咸誦，夫孫盛實錄，收讞權門，王劭直書，見讐貴族，人之情也，能無畏乎，其不可三也。古者刊定一史，纂成一家，體統各殊，指歸咸別，夫尚書之教也，以疏通知遠爲主，春秋之義也，以懲善勸惡爲先，史記則退惡士而進姦雄，漢書則抑忠臣而飾主闕，斯並曩時得失之列，良史是非之準，作者言之詳矣，頃史官註記，多取裏監修，楊令公則云必須直詞，宋尚書則云宜多隱惡，十羊九牧，其令難行，一國三公，適從何往，其不可四也。竊以史置監修，雖古無式，尋其名號，可得而言，夫言監者，猶總領之義耳，如創紀編年，則年有斷限，草

傳敘事，則事有豐約，或可略而不略，或應書而不書，此刊削之務也。屬詞比事，勞逸宜均，揮鉛奮墨，勤惰須等，某表某篇，付之此職，某傳某志，歸之彼官，此餘配之理也。斯並宜明立科條，審定區域，備人思自勉，則書可立成，今監之者既不指授，修之者又無遵奉，用使爭學苟且，務相推避，坐變炎涼，徒延歲月，其不可五也。凡此不可，其流實多，一言以蔽，三隅自反，而時談物議，安得笑僕編次無聞者哉。（下略）（註一〇）

凡此所談，皆隋唐以來設館修史之弊，訖於清末民國而未之革者，劉氏可謂慨乎其言之也。蓋劉氏所謂五不可，即爲歷來官修之史不及私史之體因，（註一一）所謂史官編錄惟自詢探者，尤爲後世記注不備之明證。今觀前史所記，惟唐太宗與羣臣問答之語，詳載於貞觀政要，由於其時史官，得隨仗入，侍於君側，有聞必錄之故，其後既限制史官，不得隨仗入內，並不侍立前殿，故罕見君臣問答之語，（註一二）此僅就記注一事言之也。唐宋宰相所撰之時政記，或可補記注之不備，宋史取材，多出於是，然以所記，多有文飾，往往難展人心，若如漢武以往之制，天下計書，先上太史，則撰史之士，不勞自采史實，而能備文獻之全，然而後世之賢君若相，未聞有行之者何也，蓋後世史官，多重撰述，而輕記注，掌故史實，乏人綜輯，臨時取給，始取其難，上下千年，幾同一例，劉氏所論不遇其鱗爪耳。

其後韓愈以文雄於唐代，亦嘗有志修史，於貞元八年第進士之後，答崔立之書有云。求國家之遺事，考賢人哲士之終始，作唐之一經，垂於無窮，誅姦諛於既死，發潛德之幽光，其志可謂壯矣。迨元和中，愈爲史館修撰，似可稍伸其志，而同時之賢者，亦以此期之，而愈竟不然，其答劉秀才論史書云。

辱問，見愛敬，勉以所宜務，敢不拜賜，愚以爲凡史氏褒貶大法，春秋已備之矣。後之作者，在據事跡實錄，則善惡自見，然此尙非淺陋儉惰所能就，況褒貶耶。孔子聖人，作春秋，辱於魯衛陳宋齊楚，卒不遇而死，齊太史兄弟幾盡，左丘明紀春秋時事，以失明，司馬遷作史記，刑誅，班固瘐死，陳壽起又廢，卒亦無所至，王隱榜退死家，習鑿齒無一足，崔浩范曄亦誅，魏收天絕，宋孝王誅死，足下所稱吳兢，亦不

聞身貴，而令其後有聞也。夫爲史者，不有人禍，必有大刑，豈可不畏懼而輕爲之哉。唐有天下，二百年矣，聖君賢相相踵，其餘文武之士，立功名，跨越前後者，不可勝數，豈一人卒卒能紀而傳之耶。僕年志已就衰退，不可自敘率，宰相知其無他才能，不足用，哀其老窮，齟齬無所合，不欲令四海內有戚戚者，猥言之上，苟加一職之榮耳，非必督責迫蹙，令就功役也。賤不敢逆盛指，行且謀別去，且傳聞不同，善惡隨人所見，甚者附黨，憎愛不同，巧造言語，鑿空構立，善惡事跡，於今何所承受取信，而可草草作傳記令傳後世乎。若無鬼神，豈可不自心慚愧，若有鬼神，將不顧人，僕雖賤，亦粗知自愛，實不敢率爾爲也。夫聖唐鉅跡，及賢士大夫事，皆磊落軒天地，決不沉沒，今館中非無人，將別有作者，勤而纂之，後生可畏，安知不在足下，亦宜勉之（昌黎外集二）。

觀其書辭，抑何意志頹唐之甚，而前後判若兩人也耶。柳宗元見而不以爲然，起而駁之，集中所載與韓愈論史官書是也。書云。

前獲書，言史事，云具與劉秀才書，及今乃見書稿，私心甚不喜，與退之往年言史事，甚大謬，若書中言，退之不宜一日在館下，安有採宰相意，以爲苟以史榮一韓退之耶。若果爾，退之豈應受宰相榮已，而冒居館下近密地，食奉養，役使掌固，利紙筆爲私書，取以供子弟費，古之志於道者不若是，且退之以爲紀錄者有刑，禍避不肯就，尤非也，史以名爲褒貶，猶且恐懼不敢爲，設使退之爲御史中丞大夫，其褒貶成敗人，愈益顯，其宜恐懼尤大也。則又將揚揚入臺府，美食安坐，行呼唱於朝廷而已耶。在御史猶爾，設使退之爲宰相，生殺出入，升黜天下士，其敵益衆，則又將揚揚入政事堂，美食安坐，行呼唱於內庭外衙而已耶。何以異不爲史而榮其號利其祿者也。又言不有人禍必有大刑，若以罪夫前古之爲史者，然亦甚惑，凡居其位，思直其道，道苟直，雖死不可回也，如回之，莫若亟去其位，孔子之困於魯衛宋蔡齊楚者，其時陷，諸侯不能以也，其不遇而死，不以作春秋故也，當其時雖不作春秋，孔子猶不遇而死也，若周公史佚，雖紀言書事，猶遇而顯也，又不得以春秋爲孔子累。范曄悖亂，雖不爲史，其族亦赤，司馬遷

觸天子喜怒，班固不檢下，崔浩沾其直以闢繁瑣，皆非中道，左丘明以疾盲，出於不幸，子夏不爲史亦盲，不可以是爲戒，其餘皆不出此，是退之宜守中道，不忘其直，無以他事自恐，退之之恐，唯在不直，不得中道，刑禍非所恐也，凡言二百年文武事，多有誠如此者。今退之曰，我一人也，何能明，則同職者，又所云若是，後來繼今者，又所云若是，人人皆曰我一人，則卒誰能紀傳耶，如退之，但以所聞知，孜孜不敢怠，同職者，後來繼今者，亦各以所聞知，孜孜不敢怠，則庶幾不墜，使卒有明也。不然徒信人口語，每每異辭，日以滋久，則所云磊磊軒天地者，決必不沈沒，且雜亂無可考，非有志者所忍恣也，果有志，豈當待人督責迫蹙，然後爲官守耶。又凡鬼神事，渺茫荒惑無可進，明者所不道，退之之智，而猶懼於此，今學如退之，辭如退之，好言論如退之，慷慨自爲正直行行焉如退之，猶所云若是，則唐之史述，其卒無可託乎，明天子賢宰相待史才如此，而又不果，甚可痛哉。退之宜更思可爲速爲，果卒以此爲恐懼不敢，則一日可引去，又何以云行且謀也，今當爲而不爲，又誘館中他人及後生者，此大惑已，不勉已而欲勉人，難矣哉。（本集三十一）

今觀宗元所取，無一語不搔搔癢處，可謂痛快淋漓矣。尋愈之論旨有二。其一曰，爲史者不有人禍，必有天刑，其二曰，將必有作者勤而纂之。蓋一則懼禍而不肯爲，一則斬他人爲之而無與於己，所見甚陋，非學如愈者所應言，宗元取之是也。抑吾謂愈之論旨，乃在傳聞不同，善惡隨人所見，甚者附黨，憎愛不同，巧造言語，鑿空構立善惡事迹，數語，正如劉知幾所謂館中作者，多士如林，皆願長喙，無聞贖舌，言未絕口，而朝野具知，筆未栖毫，而縉紳咸誦，取嫉權門，見讐貴族，是則愈之發爲論蓋有所激而云然也。且考昌黎集中所撰順宗實錄，固爲史之一種，其他碑誌傳狀諸文，殆居其半，皆關涉一代大人先生之豐功偉烈，可以被金石傳奕禩者，謂其無意修史，夫豈其然。總之設局修史，作者如林，忌諱既多，難於下筆，雖賢如愈，能文如愈，而終不得申其志，此唐宋以來官修諸史之通病，賢者所不能革，是以宗元持論雖正，終無以回愈之心，而翻然改轍也。

清代史家萬斯同亦尙論及此，錢大昕所撰萬先生傳云。

先生病唐以後設局分修之失，嘗曰，晉遷固才既傑出，又承父學，故事信而有文，其後專家之書，才雖不逮，猶未至如官修者之雜亂也。譬如人人之室，始而周其堂寢區漏，繼而知其蓄產禮俗，久之其男女少長，性質剛柔，輕重賢愚，無不習察，然後可制其家之事，若官修之史，倉卒而成於衆人，不暇擇其材料之宜與事之習，是猶招市人而與謀室中之事也（潛研堂文集三十八）。

官修史書之病，其如上論，然而唐宋以來，一往而難返者何哉，吾求其故，蓋有數端。其一，則典籍掌故，聚於祕府，私家無由而窺，其二，則史實繁賾，畢生莫殫，私家無力整比是也。蓋自唐宋以來，時君若相，銳意求書，甲乙之編，四部之籍，不在祕府之掌，卽入顯宦之家，試觀萬斯同有志獨修明史，而不能不主於時相之家，以博觀其藏籍，且修明史，須以實錄爲本，皇皇鉅製，詎可求之荒塞，惟史由官修，則官藏私籍，左右逢原，取用不竭，其利一也。古人修史，多者不過百卷，而一卷之文，不過數翻，故一人操簡，殺青可期，後世修史，多者嘗數百卷，參稽之書，更不下千數百種，一人之精力有限，多士之權需益殷，若司馬光之修通鑑，實由劉攽劉恕范祖禹三君分任其役，而光始得總成之，不然，則皓首辛勤，殺青無日，過時不采，漸就散亡矣。惟設館分修，明定程限，資於衆力，乃易成編，其利二也。夫私修之史，易精而難成，官修之史，易成而難精，此之謂利，卽彼之所謂弊，執一而論，未見其可，然而官修之史，一往而難返者，夫豈不以是歟。

綜而論之，後世之史官，非古之所謂史官也，古之史官，以記注爲要務，而不必嘗撰述之任，亦猶孔子之刪尙書修春秋實當撰述之任，而不必身爲史官也。後之史官，有其名或無其實，爲其實者，每以他官典修史之任，居其名者，輒以史官爲虛飾之具，且史官之名，爲任撰述者所獨擅，而任記注之職者，退而同於百司，轉不得以史官自號，如唐宋之起居郎舍人，清之日講起居注官，雖有史職之名，而無與於撰述，豈非其明證歟。往者章學誠病史官之有名無實，記注之不能舉其職，乃至發憤而有州縣立志科之擬議，其言曰，有天下之史，有一國之史，有一家之史，有一人之史。傳狀誌述，一人之史也。家乘譜牒，一家之史也。部府縣志，一

國之史也。綜紀一朝，天下之史也。比人而後有家，比家而後有國，比國而後有天下，惟分者極其詳，然後合者能擇善而無憾也。又曰，今天下之大計，既始於州縣，則史事責成，亦當始於州縣之志，州縣有荒陋無稽之志，而無荒陋無稽之令史案牘，志有因人臧否因人工拙之義例文辭，案牘無因人臧否因人工拙之義例文辭，蓋以登載有一定之法，典守有一定之人，所謂師三代之遺意也。故州縣之志，不可取辦於一時，平日當於諸典吏中特立志科，僉典吏之稍明文法者，以充其選，而且立爲成法，俾如法以紀載，略如案牘之有公式焉，則無妄作聰明之弊矣。積數十年之久，則訪能文學而通史裁者，筆削以成書，所謂待其人而後行也。（註一三）推章氏之論，以爲中朝之史官，曾州縣典吏之不若，史官不能理撰述之業，而典吏則能舉記注之職，中朝雖有起居注官，以紀帝王之言動，然僅能記其一鱗一爪，而不能舉忠實之史職，以較古代之左史右史，則相去遠甚，而州縣令史之案牘，直同漢代之計書，可上之太史丞相，以備載筆者之要刪，故因州縣之案牘，而立志科，昇爲令史典吏者，以當記注之任，其上焉者，記注在中朝，其次焉者，記注在地方之司府，其下焉者，記注在州縣，合此數級之記注，以備一代之要刪，於是記注有成法，不期而與古人冥合矣。此章氏之所日夜籌維，而仍不得申其所見者也，可勝歎哉，可勝歎哉。

依前所述，製成一表，以明史官制度之沿革，至漢以後之史官，多以他職兼典，非復古人世守之制，其有稱史官及太史公者，乃援古以自澤，非其官號，（註一四）且其重要諸家，已略具於各章，故不復別爲製表，修史宜略人所詳，又有繁中求簡之法，蓋謂是也。

歷代史官制度沿革表

歷代	代史	官階	官附
周 列國史官	大史，小史，內史，外史，左史，右史，御史。 太史令。	太史 卿氏 保章氏	附代以前從略。 列國史官俱從周制。 女史見列女傳及史記。

漢	太史令 太史令。 禁中起居注。 王莽柱下五史。	太史令 太史令。	秦有太史令胡毋敬，或謂爲專掌天文之官。 漢武帝以前，或王莽以前，史官與用官合而爲一。
後漢	東觀漢記。 東觀漢記。 起居注。	太史令 太史令。 下回。	自此史官與用官分爲二職。 東觀漢記，但爲修史之所，而以他官兼典。 明帝，獻帝，俱有起居注，或漢有禁中起居注，而後漢明 史。馬后，亦撰明帝起居注，或謂爲女官所掌，同於古之女 史。
三國	魏書。 魏書。 吳有左國史，右國史，東觀漢記之任。	魏太史令高堂隆 吳太史令丁孚	附府元龜謂魏有佐著作郎。 蜀後主紀見史官之名，卽掌星曆者，疑卽太史令。
晉十六國	著作郎八人，請之大著作。 著作郎八人，請之大著作。 前趙有左國史著作。 後趙有著作。 共餘諸國多置著作。 南涼有國紀祭酒撰錄時事。	太史令	元帝建武元年置史官。
宋	著作郎八人。 著作郎八人。 兼修起居注，齊梁陳俱同。	太史令	
南齊	著作郎。 著作郎。 著作郎。	太史令	冊府元龜謂南齊置史官。
梁	著作郎。 著作郎。 著作郎。	太史令	
陳	撰史者士。 撰史者士。 撰史者士。	太史令	撰史者士見陳書張見正傳。

後 魏	北 齊	北 周	隋	唐
<p>著作佐郎二人。 起居注令史。 修起居注二人。</p>	<p>史館監修國史。 著作佐郎二人。 著作佐郎八人。 起居省。</p>	<p>監修國史。 著作佐郎。 著作中士。 外史掌起居。</p>	<p>(一) 史館。 監修國史。 (二) 著作。 著作佐郎二人。 著作佐郎八人。 (三) 起居注。 起居舍人二人。</p>	<p>(一) 史館。 監修國史。 史官(無常員，以他官兼之)。 修撰。 直館。 (二) 著作局(掌撰述)。 著作佐郎。 (三) 起居注。 起居郎，一稱左史，兼門下省。 起居舍人，一稱右史，兼中書省。 (四) 時政記。 出宰相自撰。始於武后長壽中。</p>
<p>太史令 太史博士</p>	<p>太史</p>	<p>無考</p>	<p>太史曹 令二人</p>	<p>司天臺 太史令後改司天監</p>
<p>後魏曾置修史局。</p>	<p>唐六典謂北齊有文林館學士，掌選錄。</p>	<p>唐書當同於魏齊。</p>	<p>著作太史兩曹，俱隸祕書。</p>	<p>著作局，司天臺，俱隸祕書省，如隋制。</p>

五代	宋	遼
<p>略如唐制。 <small>宰相劉昫，趙鼎，監修唐書。</small> <small>著作郎孫晟。</small> <small>著作佐郎孫晟。</small> <small>起居郎賈緯。</small></p>	<p>(一) 史館，資餘院。 <small>提舉實錄院。</small> <small>同修國史。</small> <small>同修國史。</small> <small>同修國史。</small> <small>同修國史。</small> <small>實錄院，同修撰。</small> <small>直史館，同修撰。</small> <small>直史館，同修撰。</small> <small>起居注。</small> <small>起居舍人(左史)。</small> <small>起居舍人(右史)。</small> <small>日曆。</small> <small>著作郎。</small> <small>著作佐郎。</small> <small>如時政記。</small> <small>如唐制。</small></p>	<p>(一) 國史院。 <small>監修國史。</small> <small>史館學士。</small> <small>皮館修撰。</small> <small>事編史。</small> <small>起居注。</small> <small>起居郎。</small> <small>起居舍人。</small></p>
<p>司天臺監</p>	<p>太史局 太史令</p>	<p>太史令</p>
<p>國史實錄院，初隸祕書省，其後分立。多以宰相領之。 <small>太史局隸祕書省。</small></p>	<p>宋又置起居院，見玉海。 <small>張洎掌修日曆，隸祕書省。</small></p>	

金	元	明	清
<p>(一) 經史院 修國史。 修國史，校閱官。</p> <p>(二) 起居注 修起居注。</p>	<p>(一) 翰林院 學士等官。 修撰。 校閱官。</p> <p>(二) 左右 修起居注。 校閱官。</p>	<p>(一) 翰林院 史官等官。 校閱官。</p> <p>(二) 起居注 修起居注。 校閱官。</p>	<p>(一) 翰林院 學士等官。 修撰。 校閱官。</p> <p>(二) 左右 修起居注。 校閱官。</p> <p>(三) 起居注 修起居注。 校閱官。</p>
司天監	太史院 司天監	欽天監	欽天監
<p>修國史，掌修國史，神宗時罷。司天監，命史官分直其中，一起居，二史官，三禮兵，四刑工日曆，官事起居其史官分直六曹，並定常朝記注起居官及史官待班之法，然不久仍停罷。</p>		<p>歷代職官表，周太史司馬史官及日官之長。記言記事，則有內史外史分任之，而太史明於天道，所掌在禮典辨法，並不可與雜。實與翰林不同，惟其正統年，頒告朔正，如今之通時憲書，以頒行四方，故與欽天監職事相合，屬職以此以前，後漢以後之太史令，周屬不合，至如漢初之太史令，實兼掌文史，可撰述，正為古史官相傳之法，與清二代稱翰林為太史，未得謂無所受也。</p>	<p>國史實錄兩館仍設翰林院內。</p> <p>兩館成裁纂修及日講起居注官，皆以他官兼典。</p>

民 明	民國初年設編史館。 民國五年以後，改爲國史編纂處，初隸務院，後入北京大學，後仍隸國務院，民國十七年北政府解散，國民政府建於南京，遂不復置，迄二十八年三月，由國民政府設國史館，每編委員會，迄今尚未正式成立。	民國初年，改欽天監爲觀象臺，設於司天監，後改爲天文氣象研究所，設於中央研究院。
--------	---	---

詳譯右表所列，可得史官遞嬗變化之迹，漢初之太史令，本掌文史星歷，見於漢書百官志公卿表，此史官曆官併爲一職之證也。其後則曆官與史官分途，而太史之名，乃爲曆官所獨擅，迄於元明，始改稱司天監欽天監，故本表以史官與曆官並列，以明沿革之所自，一也。古者記注與撰述分途，而撰述實資於記注。故劉知幾云，爲史之體，其流有二，書事記言，出自當時之簡，勒成冊定，歸於後來之筆，自漢以來，起居有注，而隋唐以後，遂置起居郎舍人，以當古代左史右史之任，訖於清季，而未之改，本表別起居注官於修史之官，以明其爲古法，二也。魏晉始設著作，專掌撰述，亦兼記注，既近於古之史官，又似明清之翰林修撰編檢，元代始，設翰林兼國史院，而不設著作，明清二代祇稱翰林院，實兼國史著作之任，本表依序填載，以明源流，三也。至本表之所取材，於正史職官百官諸志而外，多出自清代官撰之歷代職官表，僅以此表爲略，尙待博稽，取而覽之，斯亦可矣。

（註一）史通史官，楊子山爲郡上計吏，獻所作哀牢傳，爲帝所異，贊詣廣漢，又見論衡佚文篇。

（註二）唐本野書職官志，宋書百官志，史通史官篇，又唐府元龜謂，觀太和中，著著作郎一人，修國史，其後增至三人，據此則與晉志史通謂佐郎始置於晉者，爲不同矣。

（註三）此從隋書百官志，史通史官作修史學士，恐誤。

（註四）唐本舊唐書宋史百官志，及文獻通考職官考。

（註五）據明史百官志。

（註六）詳職官修纂亦皆也。

（註七）略本史通史官籍，及隋書經籍志起居注條。

（註八）略本文獻通考五十，史官條，致登胡氏所論，並參閱新唐書官志起居注條。

（註九）同上起居條。

（註一〇）舊見史通作時需。

（註一一）參閱史通作時需補注。

（註一二）金史書表紀多載君臣問答之語，略如政要，蓋即當時史官所記。

（註一三）所引兩段，俱見文史通義州縣請立史料條。

（註一四）唐人稱韓愈爲史官，明人稱宋濂爲太史公。

第六章 唐宋以來官修諸史之始末

隋唐以後，私家修史之風日殺，而官修諸史，代之而興，其因有二，已具述於上章。然尚有未及盡詳者，一爲遠因，如後魏崔浩之以修史受禍，一爲近因，如隋文帝之詔禁私家修史是也。後魏於道武時，始令鄧淵著國記而條例未成，太武時，崔浩等重撰國書，又命浩總監史任，務從實錄，敘述國事，無隱所惡，及修成，浩遂刊石以示行路，後爲人所訐，坐夷三族，同作死者，百五十有八人，是時並爲之廢史官，（註一）後人鑒於崔浩受禍之慘，遂相戒不輕作史，如韓愈卽其一例，一也。自漢獻帝建安中曹操執政，始禁士大夫刊石樹碑，以戒誇榜，晉宋皆因之（宋書禮志），迨隋文帝開皇十三年，遂下詔曰，民間有撰述國史或否人物者，皆令焚絕，（註二）又詔天下公私文翰並宜實錄，時有文表華豔者，至付有司治罪，沿至唐代，寔以成俗，南宋高宗時，秦檜主和有私史之禁，李綱嘗以作史得罪，檜死，禁始弛，寧宗嘉泰二年，韓侂胄執政，復有私史之禁，凡事干國體，悉令毀棄（建炎朝野雜記甲六），明季私史頗盛，而清初文士，每因修史受禍，私家作史之風，爲之益替，二也。然唐宋以來，私家修史之難，具有多因，不盡由於畏禍，自斯以後，遂分兩途，一則紀傳體之正史，多由官修，一則編年體以下之別史雜史，多出私撰。蓋有志修史之士，於紀傳體之正史，既由形格勢禁，艱於執筆，不得不轉出他途，以展其偉抱宏才，故近世私史之多，亦無慚於古人，第多非紀傳體之正史耳。茲於本章綜述官修諸史，以明本末，而私修諸史，則於下章述之。

吾國官修之史，應始班固等之撰世祖本紀功臣列傳載記，次則劉珍等本之，以撰東觀漢記，皆奉時君之命，鳩集多人，共修一書，三國晉南北朝之世，尤不乏斯例，然其中如東觀記，隨修隨續，本非一時可成，自難出於一手，可以勿論，其他諸史，可分爲二。一則肇自多人，成於一手，如王沈之魏書，韋曜之吳書，是也。一則

衆手分纂，一人裁定，如魏收之於魏書，是也。是則名爲官修，實同私史，迨唐修晉書五代史，開設史館，以宰相大臣監修，別調他官兼任纂修，又置修撰司直，號曰史官，如唐令狐德棻吳兢劉知幾徐堅韓愈之倫，皆是。此時所修諸史，皆派定一人爲主修，如姚思廉之修梁陳二書，李百藥之主修北齊書，魏徵之主修隋書是。亦有派二人同主修一書，如令狐德棻岑文本之同修周書是。所謂主修，略如後世之總纂，吾意是時必有同修之史官，而史未著其名，所謂同修史官，略如後世之纂修官，宋代重修唐書，以歐陽修宋祁二氏爲刊修官，刊修猶主修也。是時史館之制，有所謂修國史，同修國史，更於其上置監修國史，以宰相領之，即襲唐制，然是時之監修官，多徒擁虛號，無所裁定，劉知幾所謂監之者既不指授，修之者又無遵奉，是其弊也。歐宋同修唐書，一則任本紀志表，一則專任列傳，故以分任而無所抵牾，其後修史，於纂修官外，更立總纂，任其事者，又不限於一二人，此制訖於民國，相沿無改，然溯其始，實由唐代開其先聲，蓋與後漢三國晉南北朝官修諸史，有不能相提並論者。本章推論官修諸史，始於唐而訖於民國，亦以此故。

本期之官修諸史，可分四類。一曰編年體之實錄，皆近於記注者也。二曰紀傳體之正史，皆屬於撰述者也。三曰典禮，四曰方志，皆撰述記注兼而有之者也。官修之史，以此四類爲多，其他屬於乙部之籍，亦有出於官修者，以其可以隨事附見，故不煩專述焉。

一、編年體之實錄

古者左史記言，右史記事，自漢以來，更修起居注，以舉記言記事之職，隋志著錄周興嗣梁皇帝實錄三卷，紀武帝事，謝吳（唐志作吳）梁皇帝實錄五卷，紀元帝事，皆爲官撰之書，原出於記注，而所取材，則不以記注爲限，迨唐以後，則每帝崩殂後，必由繼嗣之君，敕修實錄，沿爲定例，茲就可考者，表之於左。

唐五代宋遼金元明清實錄表

附五十國代																	
後蜀主	後蜀高祖	南唐烈祖	周世宗	周太祖	漢隱帝	漢高祖	晉少帝	晉高祖	唐廢帝	唐愍帝	唐明宗	唐莊宗	梁太祖	哀宗	昭宗	僖宗	懿宗
四〇	三〇	二〇	四〇	三〇	一五	一〇	二〇	三〇	一七	三	三〇	三〇	二〇	八	三〇	三〇	二五
同上	李昊	高遠	王溥等	同上	張昭等	蘇逢吉等	同上	竇虎因等	張昭等	張昭遠等	姚璩等	張昭遠等	張昊等	同上	同上	同上	同上
									張昭即張昭遠避漢高祖劉智遠諱去遠字			壯宗以前撰紀年條三〇卷	又敬翔撰大梁事記卷三〇卷中實錄載行父因時相修庶人友庄反末帝實錄	以上據宋史藝文志			

金																	皇朝實錄
憲宗	睿宗	定宗	太宗	太	哀宗	宣宗	衛王	章宗	顯宗	世宗	睿宗	穆宗	熙宗	太宗	太祖	先朝	七〇
同上	同上	同上	同上	翰林國史院	終	哀宗正大五年通	欽	高汝礪發行簡	完顏璽等	國史院	乾石烈良弼		鄭子聘	乾不烈良弼等	宗廟	先朝	天祥乾統三年耶律德、始修
	書表不爲帝出於道。				道金二代，胡觀、陳文紹，補遺金元三史、文志，及續大野元史、文志。		僅有事述。										此書一名太祖，以下實錄，與七帝爲一書，否則爲續修之本。 結錄以下十帝之事。

世祖	順宗	成宗	武宗	仁宗	英宗	泰定	明宗	文宗	寧宗	順帝	太祖	成祖	仁宗	宣宗	英宗	憲宗	世宗
二一〇	一	五六	五〇	六〇	四〇					缺	二五七	一三〇	一〇	一一五	三六	二九三	二二
童文用等	程鑑夫等	同上	同上	元明海等	吳澄等	王汝等	歐陽玄等	同上	同上		董倫等初修解州胡廣等五條	楊士奇等	奎義等	楊士奇等	陳文等	劉吉等	劉德剛等
	世祖太子真金追諡爲順宗。									右據錢大昕元史稿文志。	高麗中附建文事。				附景宗景泰事蹟八七卷		

清								明							
文宗	宣宗	仁宗	高宗	世宗	聖祖	世宗	太祖	太祖	思宗	熹宗	光宗	神宗	穆宗	世宗	武宗
宗	宗	宗	宗	宗	祖	祖	宗	祖	宗	宗	宗	宗	宗	宗	宗
三五六	四七六	三四七	一五〇〇	一五九	三〇〇	一四六	六五	一〇	原缺	八四	八	五九四	七〇	五六六	一九七
同治元年修	咸豐五年修	道光四年修	嘉慶四年修	雍正十三年修	康熙六十一年修	康熙六年修雍正十二年校訂	順治九年修康熙十二年重修雍正十二年校訂	崇德元年初修康熙二十一年重修雍正二年校訂		溫體仁等	葉向高等	溫體仁等	張居正等	徐爾賢居正等	曹宏範
						一作一四四卷正本與傳鈔本不同，又日本有太祖太宗世宗三朝實錄纂要本。	正本與鈔本不同。	太祖實錄經數修改，今所見者有太祖高皇帝實錄，皆已印行，皆北平故宮本，又有內閣大庫鈔本，太祖實錄八卷，合稱滿州實錄。	以上據明史書文志，今俱有傳鈔本，惟熹宗實錄缺，又崇德元年十二月六年六月一卷。					又有世宗父書宗實錄五〇卷	

權	宗	三七四	光緒五年修	清亡後，實錄館尚在，幾於清室，集成此書，北平湯，持有鈔本。
傳	宗	五九七	宣統間實錄館修清亡後成書訂爲四一七册	
宜統政紀	紀	四三	清亡後濟寧自修	
				同上，有排印本。 右按清代正鑒文獻通考，清史稿藝文志，四庫簡明目錄，及鈔藏各本，並而記之。

唐五代宋遼金元之實錄皆佚，唐實錄之存者，僅韓愈所撰之順宗實錄五卷，錢若水所撰之宋太宗實錄八卷，韓錄尙爲完作，錢錄則殘帙而已。實錄之體，略如荀悅漢紀，爲編年史之一種，卽於一帝崩殂後，取其起居注日錄時政記等記注之作，年經月緯，彙而成編。故自成書之時言之，本爲撰述之一種，然編纂實錄，取材至繁，詔令章奏，悉得入錄，並於大臣名人書卒之下，具其事蹟，略如列傳，其體實爲長編，以備史官之采。故自易代後彙修正史之日言之，則亦與起居注日錄時政記等事，一例視爲記注。是則實錄之書，介乎記注撰述之間，兩唐志皆以之入記注，宋志以下則以之入編年，前後異趣，蓋以此也。唐及五代之實錄，今雖不可盡見，而通鑑考異，稱引最多，唐代諸帝之外，如梁太祖後唐莊宗明宗愍帝廢帝晉高祖少帝後漢高祖隱帝周太祖世宗南唐烈祖皆是。蓋司馬光撰通鑑時，其書具在，故得恣取而博辨之，而宋志且載其目，亦可證也。後人病舊唐書之煩，而仍不能屏廢者，以本紀采取實錄最多，爲可貴也。冊府元龜所錄唐代史料，凡爲唐書及會要所不載者，多出於實錄，知舊唐本紀之可貴，卽知實錄之可貴矣。宋時有實錄，有會要，皆爲國史之長編，元人滅宋，董文炳入臨安，獨取其國史，盡致北方，其後得據以修纂宋史，然理宗實錄爲未成之作，度宗恭帝以下更無實錄，故宋史於理度時，不具首尾，草草成編，實錄之繫於修史，豈不大哉。遼史之成，由於耶律儼陳大任二家之書，而儼卽爲手撰遼實錄之人，今考宋遼二史，所記兩國間之大事，往往互異，則由史家各據其實錄而直書之，不暇疑其異同也。金亡後，實錄在順天張萬戶家（張萬戶名柔，元史有傳，說詳後），元好問欲資張以修金史，後因有阻而止，乃構野史亭著述其上，凡金源君臣言行，採摭所聞，記錄至百餘萬言，元人修纂

金史，多本其所著，元初王鶚倡修金史，亦由得見實錄，由此言之，遼金二史皆資實錄以成者也。元之諸帝，皆有實錄，憲宗以上，世祖時詔翰林國史院追撰成書，其後每帝崩殂，必命史臣撰錄，如前代制，惟順帝以國亡無書，明初修元史，即據元累朝實錄，及后妃功臣列傳而成者。明太祖訖熹宗之實錄，今尙具在，（註四）惟闕思宗一朝，可取談遷國榷補之。清人修明史，凡涉及清祖事皆諱而不言，故近賢考明事者，多舍明史而取實錄，明史所不詳者，實錄皆能詳之，此其所以可貴也。清太祖訖穆宗十朝實錄，早已成書，（註五）蔣良騷王先謙先後輯東華錄，皆資於實錄，而所采事有未盡，蔣錄起太祖天命訖世宗雍正凡三十二卷，王先謙重爲排纂，而自乾隆以下迄同治五朝稱爲續錄，潘頤初別撰咸豐東華錄六十九卷，又在王錄之前而不如其詳。清初三朝實錄屢經改修，漸失本真，人皆棄重修本，而珍視初修本，論者謂王錄詳於蔣錄，而蔣錄又勝於王錄，亦蔣錄多取材於初修本，而王錄則以涉忌諱而刪去之也。德宗實錄，晚成未出，朱壽明撰光緒東華錄，無實錄可據，而其詳賾過於實錄，宣統朝無實錄，而有政紀，是則清實錄之完備，尤過於明代，近年中央研究院定議，取北平圖書館所藏明實錄全帙，委託商務印書館印行，契約已定，以戰事起，致印刷稽遲，迄今尙未問世。近聞日本已取清十一朝實錄附以宣統政紀，太祖實錄職牘圖，合爲千餘冊，景印行世，蓋實錄之可貴，殊過於正史。試舉一例明之，大凡乙國人敘甲國事，往往據事直書，無所隱飾，此其所長也。然異國傳聞，往往失實，不可盡據，此又其所短也。史家考唐代事，或資日本人之記載，考宋遼金元事，必資於高麗史，以其時日本高麗來朝之頻繁也。李氏朝鮮，受明冊封，稟明正朔，事明最爲恭順，始終無間，故其實錄中記載明事最多，而於清代初祖之事，爲明實錄所不及載，清人所諱而不言者，朝鮮實錄往往載之，且極翔實，故近人治清初史者，必取資於是書，而甚寶重之，朝鮮實錄已由日本印行，是則明實錄之印行，匪伊人任，抑且不可緩也。總之，前代實錄爲長編之體，略如遠西各國之史料匯編，修通史專史者，有事於此，可以取用不竭，是蓋可與正史並存不廢，與其謂之撰述，無寧屬之記注，凡撰述之爲長編體者，皆古人記注之林而遠於撰述者也。

二、紀傳體之正史

設局修史，始於唐貞觀三年之詔修梁陳北齊周隋五代史，十八年又重修晉書，後則相沿爲例，訖於民國而未之改，茲取自唐訖民國官修諸正史，列表明之。

史	晉	梁	陳	北齊	周	隋	舊唐	新唐	舊五代	宋	遼	金	元
名	書	書	書	書	書	書	書	書	史	史	史	史	史
卷	一三〇	五六	三六	五〇	五〇	八五	二〇〇	二二五	一五〇	四九六	一一六	一三五	二一〇
撰	唐房玄齡等	唐姚思廉	同上	唐李百藥	唐令狐德棻等	唐魏徵等	晉趙縉劉昫等	宋歐陽修宋祁	宋薛居正等	元脫脫等	元脫脫等	元脫脫等	明宋濂等
考								宰相曾公亮監修					
附													

明史	三三六	清史稿	內有目錄四卷
清史	五三六	民國通志	等

正史之名，始見隋志，至宋而定著十有七，卽史記漢書後漢書三國志晉書，宋南齊梁陳魏北齊周隋八書，以及南史北史新唐書新五代史，是也。明刊監版，合宋遼金元四史，爲二十有一，清乾隆中，詔增舊唐書舊五代史及明史，爲二十有四，凡未奉有明詔及頒諸學官者，不得濫登，蓋久已懸諸令典矣。（註六）民國以後，曾由政府明令以柯紹忞所撰之新元史，列入正史，於是二十五史，其後修清史成，草草付印，謂之清史稿，又以政府禁令不得行，不然，則正史之數有二十六矣。茲以晉梁陳北齊周隋五史，已述其概於前章，新五代史爲私家之作，別述於後，僅取舊唐書以下，訖於明史，具而論之，而清史稿亦以附焉。其一則爲舊唐書。考唐貞觀中，曾命姚思廉撰紀傳體之國史，高宗時長孫無忌許敬宗等續之，敬宗又撰十志，未就，武后時劉知幾朱敬則徐堅吳兢率詔同撰唐書八十卷，此見於史通正史篇所述者也。崇文總目謂吳兢撰唐史，自創業迄開元，凡一百一十卷，意述因其本更加筆削，茲檢新唐書藝文志，著錄唐書一百卷，又一百三十卷，卽吳兢韋述柳芳令狐暉于休烈等先後所撰之作也。撰之者既非一人，亦非出於一時，隨撰隨續，歷時甚久，略如後漢之修東觀記，就本與知幾同撰唐書，就又自行續撰，故由八十卷，增至一百一十卷，其後更由韋述等續撰，故又增百三十卷，而著錄於唐志也。然舊書吳兢韋述柳芳等傳，又謂兢私撰唐書唐春秋，未就，其書凡六十餘篇，述續撰爲一百十二卷，并史例一卷，肅宗又命述芳綴輯吳兢所次國史，述死，芳續成之，起高祖，訖肅宗乾元，凡一百三十篇，其後于休烈令狐暉續增，而未加卷帙，故唐志仍以百三十卷著錄也。據趙翼所考，舊書前半，全用實錄國史舊本，唐紹傳稱玄宗爲今上，卽用實錄原文之證。劉仁軌傳後引韋述論云，卽用韋述所修國史原文之證，所論甚詳，然又謂宣宗以後無實錄，故武帝會昌以後，事多闕略，此又因五代會要所紀，五代修唐書時，屢詔購訪，有紀傳者，惟代宗以前，德宗祇存實錄，武宗實錄並祇存一卷，而言之也。（註七）四庫提要則謂，舊書

於穆宗長慶以前，本紀惟書大事，簡而有體，列傳敘述詳明，賅而不穢，頗能存班范之舊法，長慶以後，本紀則詩話書序婚狀獄詞，委悉具書，語多支蔓，列傳則多敘官資，曾無事實，或但載寵遇，不具首尾，所謂繁略不均，誠如宋人所譏，是則長慶以來，國史實錄皆不之具，無可依據之故。宋史藝文志著錄，武宗以下六帝實錄一百四十三卷，皆宋敏求補撰，（三八）今考通鑑考異，屢引唐實錄，而於武宗後稱引尤多，武宗以上爲唐人舊本，武宗以下，則敏求補撰本也。歐宋修新書時，遺文間出，又有宋錄可據，故敘唐末事差爲詳贍，其能勝於舊書，時爲之也，豈撰書者之咎哉。唐亡之後，梁及後唐皆曾命官修史，未潰於成，其可考者，晉高祖石敬瑭天福六年二月，詔張昭遠賈緯趙熙鄭受益李爲光等同修唐史，並以宰臣趙瑩監修，（三九）其後同修唐史者，又有呂琦尹拙，而瑩爲修史事，綜理獨周密，故舊五代史瑩傳，謂唐書二百卷之成，瑩有力焉，吳縝新唐書糾謬亦盛稱趙瑩之徒，綴輯舊聞，次序官錄，草創卷帙，粗興規模，據此則瑩之監修唐史，非虛領其名而不事事之北，而今本舊書署劉昫等撰，而不及瑩者，晉出帝開運二年六月成時，趙瑩已外任節鎮，劉昫以宰相繼爲監修，遂與修史官張昭遠同表上之，（四〇）此所以首昫名而不及瑩也。然薛歐二史劉昫傳，俱不載其監修唐書，其於唐書，亦無瑩綜理周密之功，而獨尸其名，抑何微幸乃爾。此宜補列瑩名於昫前，以示不沒其勞，（四一）此唐及五代纂修唐書之大略也。

其二則爲新唐書。舊書之缺略，具如上述，其宜重修或訂補，自不待論，至宋仁宗之世，乃以舊書卑弱淺陋命翰林學士歐陽修端明殿學士宋祁重加刊修，至先提舉其事，後爲監修者，則宰相曾公亮也。修撰本紀志表，祁撰列傳，祁稿凡十七年而成，修稿亦歷六七年，其所修之時，則祁在前而修在後，故列傳成於本紀表之前，（註一二）其後書成，應由官高者一人署名，修曰，宋公於我爲前輩，且於此書用力久，何可沒也，祁感其退遜，故於列傳題祁名，本紀志表題修名，然此實用隋志分題長孫無忌之例，非創之於歐宋也（據舊錄解題及四庫提要）。據曾公亮進書表，與歐宋同修書者，有范鎮王疇宋敏求呂夏卿劉義叟，夏卿熟於唐事，博采傳記雜說數百家，又通譜學，創爲世系諸表於新書最有功，敏求亦以熟於唐事，且補修晚唐六朝實錄，爲王彥臣所薦，又

堯臣亦預修唐書，（註一三）是則與修諸氏，皆爲一時名選，而歐宋二氏又爲一代文宗，領袖其上，親爲纂削，且歷十有七年而成，爲時甚久，不同草草，宜新書之無可議矣。然同時有吳縝者，欲因范鎮薦，列於史館，爲歐陽修所拒，心不能平，乃於新書成後，撰糾謬一書，吹毛索癭，大肆抨擊，（註一四）所舉雖不無是處，究無以服歐宋之心也。平心論之，舊書之作，多本國史實錄，長慶以前之本紀列傳，確較新書爲詳贍，故司馬光之修通鑑，寧棄新而取舊，（註一五）且唐代詔令率用駢體，新書本紀多從刪棄，如陸贄所撰興元大赦詔，驍兵悍將，讀之至於感泣，誠千古之至文也，亦以用駢而不取，此歐陽氏主修之失也。唐代詞章，體皆詳贍，而列傳中，必爲減其文句，變爲經體殊失其真。又喜載韓柳文，韓愈平淮西碑，不詳敘李愬入蔡之功，至於仆碑改撰，而通鑑亦不甚取之，新書吳元濟傳，則全就碑文潤色之，於柳宗元傳，錄其文至四首，（註一六）而他傳則無此例，此宋氏之失也。公亮進書表，稱其事增於前，其文省於舊，而劉安世元城雜錄，則謂事增文省，正新書之失，吾謂事增則是，文省則非，尋其所謂事增，即指補綴唐末闕遺之事，所謂文省，即指刪削國史實錄之文，夫新書之長，即在將長慶以後，舊書所不能詳者，悉加輯綴，大體賅備，紀傳固然，而志表尤勝於舊書，故新書之可貴，不在改撰，而在補綴，向使歐宋二氏，於舊史之佳者，多用舊文，不爲刪併，專就唐末史事，去其煩冗，補其闕遺，則爲新書之佳本，而無可議矣。清人沈炳震悟得此理，遂輯唐書合鈔二百六十卷，本紀列傳悉用舊書，志表多用新書，而以他一書之異同，及可補闕遺者，分注於下，並爲宰相世系表作訂誤數卷，此折衷於新舊兩書之間，棄其短而取其長，最爲得作史之意者也。自新書行，而舊書漸微，明代南北兩監本二十一史，皆不及舊唐書，明嘉靖十七年閩人詮重刻舊本，賴以延綿不墜，清乾隆中，詔以新舊唐書並列正史，復於武英殿刊版印行，遂仍得暢行於世，而今人仍貴開刻本，揚州岑建功爲撰校勘記，並附以逸文，亦治舊書之最勤者矣。蓋舊唐書之不亡，若有天幸，前無閩人詮爲之校勘，後無清廷爲之表章，必如薛氏五代史，重煩學人，加以蒐殘補闕之功，可不問而知之也。

其三則爲舊五代史。宋太祖開寶六年四月，詔修梁後唐晉漢周五代史，慮多遜歷歲張潛李昉劉兼李穆李九齡同

修，宰相薛居正等監修，（註一七）七年閏十月書成，凡一百五十卷，目錄二卷，爲紀六十一，志十二，傳七十七，多據累朝實錄，及范質五代通錄，（註一八）薛史之體，略仿三國志，以梁唐晉漢周各爲一書，稱曰梁書唐書晉書漢書周書，而各有紀傳若干卷，合之雖爲一書，分之可爲五史。晁公武讀書志稱開寶中詔修梁唐晉漢周書，趙翼據之，遂謂五代史，乃後人總括之名。（註一九）此殊失考，薛史有世襲僞外國諸傳，及十志，皆不能分繫於某一書，且以十志之迹求之，略如唐修五代史之附於隋書，是則五書實有合而難分之勢，亦猶三國志之魏蜀吳，本可各爲一史，然魏書書末附有外夷傳，而他書無之，正爲合而難分之證。薛史之體，蓋仿三國志南史北史之例，合而一之，以五代相承，順序遞述，尤近於南北史，具有通史之一體者也。其後歐陽修私撰五代史記，藏於家，修沒後，神宗詔求其書，爲之刊行，於是薛歐二史，並行於世。至金章宗泰和七年（宋寧宗開禧三年丙元一二〇七年），詔止用歐史，金史章宗紀，泰和七年十一月詔新定學令內削去薛居正五代史，止用歐陽修所撰，宋金亡後，南北統一於元，元承金制，薛史日湮，明成祖時，輯永樂大典，悉採薛史入錄，惟已割裂淆亂，非其篇第之舊，清乾隆中，開四庫館，求薛史原本，已不可得，館臣邵晉涵就大典中鉅錄拼纂，其闕逸者，則採冊府元龜等書之徵引薛史者補之，仍釐爲一百五十卷，其原書篇目，亦略可尋繹得之，設無大典，則薛史亡矣，薛史多據實錄，故詳贗過於歐史，而歐史後出，亦有可補薛史之闕遺者。故清代以二史不可偏廢，遂並列於正史，或謂薛史原本尙未亡，初在皖人汪允中家，繼歸丁乃揚，乃揚珍惜孤本，不肯示人，世遂無有見之者，惜哉。（註二〇）允中乃揚，獨不能效閩人詮覆刊行世，一旦付之劫灰，將奈之何，收藏孤本，秘不示人，等於窖金埋寶，有書亦等於無書矣。

其四則爲宋遼金三史。宋代國史，最爲詳備，有起居注，有時政記，有日歷，有編年體之實錄，有紀傳體之國史，其時所設起居郎，舍人，著作郎，佐郎，國史院，實錄院，分典撰史之務。宋史汪藻傳謂，書檮前議論之詞，則有時政記，錄柱下見聞之實，則有起居注，類而次之，是爲日歷，修而成之，謂之實錄，此皆宋國史之底本也。實錄之外，卽爲國史，宋代諸帝崩後，嗣君例詔大臣修實錄，而仁宗時，則詔呂夷簡夏竦修先朝國

史，神宗時，既詔修英宗實錄，又詔修仁宗英宗史，孝宗以後，又修神哲徽欽四朝國史志，及列傳，理宗時，又修高孝光寧四朝國史，所謂國史，具有紀傳志表諸體，一如前代之正史，而易代以後，即據此以勒定焉。（註二）國史之作，肇於後漢之東觀漢記，而大成於唐代吳兢等所撰之唐書，其性質異於記注，故亦得爲撰述之一種。南宋時，王稱撰東都事略，備北宋九朝之事，剪裁得當，實勝於元人所修之宋史，亦據國史勒定者也。南宋理度二宗，雖亦有實錄時政記可據，然至宋亡之因，已多不具，而兩朝國史，更未及修，試觀宋史諸志，於寧宗以後事，多闕而不備，而文苑傳，南宋僅周邦彥等數人，循吏傳，竟無南宋一人，固由修史諸人草率將事，亦以國史底本缺略不具故耳。迨元兵入臨安，以董文炳主留事，文炳曰，國可滅，史不可滅，又曰，宋十六主，有天下三百餘年，其太史所記，具在史館，宜悉收以備典禮，乃得宋史及諸記注，歸之元都國史院，此即宋國史舊本，元人所據以修宋史者也。遼制，書禁甚嚴，凡國人著述，惟聽刊行於境內，有傳於鄰境者，罪至死，（註三）故書籍流傳於後世者絕少，元好問云今人語遼事，至不知起滅，凡幾主，下者不論也（元文類漆水郡侯耶律公墓志銘）。則其時史料之缺乏，亦可於此窺見，然不可因此，遂謂遼無國史，其諸帝實錄，已略如上述，又有起居注及月歷，遼史百官志，有起居舍人院，又耶律良傳，重熙中遷修起居注，又道宗本紀，大康二年十一月甲戌，上欲觀起居注，修注郎不攜及忽突董等不進，各杖二百，罷之，此遼有起居注之證也。遼史聖宗紀，統和二十一年三月壬辰，詔修日歷官，毋書細事，又二十九年五月甲戌朔，詔已奏之事，送所司附日歷，此遼有日歷之證也。遼人於實錄外，是否另修紀傳體之國史，今已無考，金滅遼後，遂據遼人記注實錄，以修遼史金史熙宗紀，皇統八年四月甲寅，遼史成，又蕭永祺傳，廣寧尹耶律固奉詔譯書，辟至門下，盡傳其業，固作遼史，未成，永祺繼之，作紀三十卷，志五卷，傳四十卷，上之，比謂蕭永祺遼史，即第一次修成之本也。大定二十九年，章宗即位，以蕭史未善，乃命官重修，以耶律履黨懷英耶律等爲刊修官，移刺益趙汝等七人爲編修官（見金史移刺履黨懷英兩傳，移刺即耶律二字之異書），後增編修官三人，又因黨懷英致仕，詔陳大任繼成其事（太和六年七月），章宗紀太和七年，十二月壬寅朔，遼史成，此之謂陳大任

遼史，卽第二次修成之本也。陳史費時十有八年，應較肅史爲完善，然而遲至金亡未能刊行者，蓋因德運之說未定故耳。茲據大金德運圖說，及宣宗貞祐二年正月集議德運省額所引章宗敕旨（見金文最五十六），金源諸臣，或主以金繼唐，或主繼遼，或主繼宋，發言盈庭，莫衷一是，又據修肅辨遼金宋正統所說，金史章宗紀遼史成一語，正爲罷修遼史，因而結束之，其未及刊行，亦以此也。（註三）金亡以後，遼實錄爲耶律楚材所藏，故得不亡（據蘇天爵三史質疑），後據以重修遼史，殆卽耶律儼所修之皇朝實錄七十卷，或謂肅永祺所修之遼史七十五卷，卽就儼書排纂而成（近人馮家昇說）。今就遼史所引，儼書有紀有志有傳，一如正史，殊乖實錄之體，且今本遼史，絕不稱及肅史，疑其說不爲無因，然元修遼史，得陳大任遼史甚晚，恐因就肅史改作，而原本因以放散，元好問嘗謂太和初昭修遼史，嘗成，尋有南遷之變，簡冊散失，世復不見（故金漆木郡侯耶律公墓志銘）。此卽指陳大任重修之遼史，然其後陳史復出，爲脫脫等所據，以成今本，脫脫進遼史表云。耶律儼語多忌諱，陳大任辭乏精采，二書優劣，大概可知。所謂耶律儼實錄，所謂陳大任遼史，皆元人，所據以修遼史者也。金時亦有起居注。日曆，實錄，金實錄已詳於前，金史百官志，有記注院，修起居注，掌記言動，又秘書監所領之著作局，掌修日曆，略如唐宋之制，又世宗本紀大定七年九月，詔修起居注宗綬守貞兩傳，皆有修起居注之語，元世祖中統二年，王鶚奉詔修金史，采及楊雲翼日曆四十條，陳老日錄二十條，（註三）日錄當如唐宋，宰臣之時政記，否則與日曆相類，所謂起居注日曆、日錄、實錄，皆金史所資以成書者也。金史文藝傳，謂劉祁作歸潛志，以紀金事，元好問著中州集及壬辰雜編，爲修金史時所採用，好問既於順天張萬戶家，得見金實錄，則壬辰雜編所紀載者，必多出於實錄。元史張柔傳，載柔攻下金汴京，獨入史館，取金實錄，並祕府圖書，世祖中統二年，柔以金實錄獻於朝。又王鶚傳，載鶚在金官左右司郎中，蔡州陷，鶚將被殺，萬戶張柔聞其名，救之，並歸，館於保州，按金有保州順天軍，元升爲順天府，卽今保定（清苑縣治）張柔以萬戶率兵鎮此，卽元好問所見之順天張萬戶也。鶚既主於其家，得盡讀金實錄，迨柔獻實錄於世祖，而鶚適官翰林學士承旨，兼領國史院，遂建議修遼金二史，鶚之言曰，自古有可亡之國，無可亡之史，蓋前代史

冊，必代興替與修，是非予奪，待後人而後公故也（與鶚同修金史者，尙有李治徐世隆高鳴胡祺通等，見元史商挺傳）。其後河魯圖進金史表云。張柔歸金史於其先王鶚，惜金事於其後，即指此事，而至正所修之金史，即據鶚稿爲底本。由是言之，金史之修，擬於王鶚，考其初稿，即據寶錄，謂悉采自劉元二氏，尙非衷於情實（孫承澤春明夢餘錄有金史不亡，二人之力一條，一指王鶚，一指元好問），以上所述，皆元人未修三史以前，所考得之大略也。元人與宋合兵滅金，時在宋理宗端平元年，元太宗窩闊台六年（西元一二三四年），遲至元世祖中統二年（宋理宗景定二年西元一二六一年），始因王鶚奏請，而修遼金二史，及世祖至元十六年（西元一二七九年），滅宋，又命史臣通修宋遼金三史，然遲之甚久，而不能成書，與金修遼史同，直至順帝至正三年（西元一三四三年）三月，右丞相脫脫奏請設局，重修三史，中間以六十四年之歲月，因何停頓，蓋亦有故。考是時元廷諸臣，意見不一，或以宋爲正統，當立帝紀遼金爲竊據，當入載記，是以晉書爲例者也。或以遼自唐末保有北方，與五季北宋相次而終，當爲北史，宋受周禪，至靖康，當爲宋史。金破遼克宋，據有中原，當爲北史，建炎以後，中原非宋所有，當爲南宋史，是以南北史爲例者也。（註二四）以元承宋，而摺遼金，漢人之績學者多主之。第元太祖成吉思汗之立國，遠在宋寧宗開禧二年（西元一二〇五年），是時金尙未亡，元人以北方部族，入主中國，不能不相遘金而繼宋，因此爭議不決，又復多所顧忌，致修史之議，未果進行，亦猶金人修遼史，以懿運之議未決，而致停頓也。（註二五）迨至脫脫爲相，乃斷然曰，三國各與正統，各繫其年號（見權衡庚申外史），以此爲三史之義例，並爲定其凡例云。一、帝紀，各史書法進史記漢書新唐書，各國稱號，準南北史。二、各史所載，取其重者作志。三、表與志同。四、列傳（后妃，宗室，外戚，羣臣，雜傳），人臣有大功者，雖父子各傳，餘以類相從，或數人共一傳，三國所書事，有與本朝相關涉者當稟，金宋死節之臣，皆立合傳，不須避忌，其餘該載不盡，從總裁官，與修史官臨文詳議。五、疑事傳遞，信事傳信，準春秋（百衲本遼史卷首）。以上五例，即三史義例所據以畫一者也。先是王禕著正統論，謂金雖據有中原，不可謂居天下之正，宋旣南渡，不可謂合天下於一，其事適類於魏蜀吳東晉後魏之際，是非難明，而正

於是又絕矣。自遼併於金，金併於元，元又併南宋，然後居天下之正，合天下於一，而後正其統（王忠文集）。此說即爲脫脫所本，蓋如王禕所論，則宋與遼金，實同於南北朝時之分據，而脫脫定議以三史分修，實以宋史爲南史，遼金二史爲北史，亦取鑑修以南北史爲例之說也。考脫脫修三史時，脫脫目爲都總裁，鑑修遼世賀惟一張起巖歐陽玄呂思誠揭傒斯李好文楊宗瑞王沂等爲總裁官，而纂修官則三史各異，迨至正四年三月，遼史先成，由脫脫表上，同年十一月金史繼成，五年十月宋史亦成，時脫脫已罷相，由繼任右丞相阿魯圖表上，（註二六）未幾即鑄版行世，得以流傳，至其成書所以如斯之速者，則以三史各有底本在，據而編次之，則大略可觀矣。或以三史成書太速爲病，固由昧於當代之實況，抑知順帝至正八年，方國珍起兵浙江，十一年，郭子興起兵安徽，十三年，張士誠起兵江蘇，漸次以及中原北方，全國成廣亂之勢，時止距書成不及十年，設再待再歲月，舊本散亡，三史恐難成書，藉令成於明人之手，亦必爲殘闕不完之作，是則三史之成，殆若有天幸焉。後賢又病宋史冗雜，遼史簡略，而極稱金史之詳核老潔（見二十二史劄記二十七），不悟宋史於北宋九朝，據王偁東都事略及李燾長編，敘述詳而有體，皆由底本之善，南宋高孝光寧四朝之史亦略備，且宋史之佳處，正在詳而不在簡，後來改撰之宋史，皆不能滿人意者，非謂其不能剪裁，政以其詳不如舊史耳。至其一人重複立傳，編次前後失當，如錢大昕趙翼之所糾舉者，悉出元人補訂未善，倉卒成書之失，非宋國史舊本之咎也。遼史所紀契丹上世之事，當出於遼實錄，由耶律儼蕭永祺相沿而刪定之者。今考遼史本紀志傳中，屢稱耶律儼陳大任，又稱舊史，舊史即指陳氏之作，此外間取材於魏書周書隋書北史新唐書新舊五代史通鑑，而於天祚大慶二年以後事，多采自葉隆禮之契丹國志，蓋撰遼史時，苦於史料缺乏，雜采諸書，多錄原文勉強聯綴，捉襟見肘，隨處可見。然宋人之名著，若江少虞皇宋類苑，李燾續通鑑長編，李心傳建炎癸亥年要錄，朝野雜記，徐夢莘三朝北盟會編，馬端臨文獻通考，乃竟未見采取，豈以有所忌諱而然，抑由時日迫促，無暇以及此乎。（註二七）元人王恽玉堂嘉話，載王鶚所擬金史大綱，備有太祖太宗熙宗海陵廢人世宗章宗衛紹王（實錄闕）宣宗哀宗（實錄闕）九帝紀，天文地理禮樂刑法食貨百官兵衛七志，諸王后妃開國功臣忠義

遷逸儒行文藝列女方技逆臣諸列傳。惲又謂劉親筆作史，大略什部，如帝紀列傳志書，卷帙皆有定體，此皆王劉盡瘁於金史之證。當劉之世，金源文獻，既有實錄可徵，益以劉祁元好問之所紀，既不同宋史之冗雜，亦不似遼史之簡略，其以詳核老潔見稱，非無故也。（施國祁金史詳校序，金源一代，年祀不及契丹，輿地不及蒙古，文采風流不及南宋，然考其史裁大體，文筆甚簡，非宋史之繁蕪，載述稍備，非遼史之闕略，敘次得實，非元史之譌謬。）再就三史之體例言之，各有紀傳志表，本屬一致，而宋史雜世家六卷，於列傳或謂乖於史體，此亦不然，宋史以南唐李氏西蜀孟氏吳越錢氏南漢北漢兩劉氏荆南周氏高氏漳泉留氏陳氏爲世家，序稱仿自歐史，而次於諸彙傳之後者。其意若曰，彼云道學儒林文苑，此云世家，等量齊觀，有何不可，然則所謂世家者，乃冠於列傳之一詞耳，非史記以世家與本紀列傳並列之旨也。以此論次三史，亦可以得其大略矣。其五則爲元史。元初之國史，以蒙古文字紀載，題曰脫必赤顏（譯音），記太祖成吉思汗以往之史事纂詳，元仁宗時，察罕初譯爲漢文，名曰聖武開天記（見元史本傳），明太祖洪武十五年有重譯本，稱曰元朝秘史。（註二）又有聖武親征錄，亦自脫必赤顏譯出，紀太祖初起及太宗時事，今所傳秘史譯本，出於永樂大典，清乾隆中，錢大昕鈔得之，而未著錄於四庫（外間尚有原刊殘本），元文宗至順二年，奎章閣學士虞集等，以纂修經世大典，請從翰林國史院取脫必赤顏（必一作卜）一書，以紀太祖以來事蹟，翰林學士承旨某言，脫必赤顏事關秘禁，非可令外人傳寫，遂止（見元史本紀及虞集傳），此是書所以有秘史之名也。此外則太祖以來之事蹟，悉具於累朝實錄。明初徐一夔言，元不置日曆，不記起居注，獨中書置時政科，遣一文學掾掌之，以事付史館，及易一朝，則國史院據所付修實錄。（註三）據此所說，元代無起居注，及日曆，然考元史百官志，以給事中兼修起居注，左右侍儀奉御，兼同修起居注，又秘書監置著作郎佐郎，如宋遼金制，前代著作郎，即掌修日曆，元英宗時，御史李端，曾有朝廷設起居注所錄皆臣下聞奏事目之語（見元史本紀），王惲修世祖實錄，亦嘗參取起居注（見秋澗集進實錄表），而徐氏謂元代無起居注及日曆者，豈以元之末世，虛置其官而不事其事之謂歟。故其後可據者，祇有實錄，明太祖洪武元年，徐達率軍入北京，始得元十三朝實錄，據錢氏元史藝

文志所考，元有十五帝之實錄，此稱十三朝者，睿宗順宗，皆由追諡，身未爲帝，故置而不數也。元英宗時（至治元年），詔修仁宗實錄，及后妃功臣傳，順帝時（至元元年），又詔修累朝實錄，及后妃功臣傳（見元史本紀），又謝端曾預修文宗明宗寧宗三朝實錄，及累朝功臣列傳（見本傳），凡此所謂累朝后妃功臣列傳，必亦爲明人所得，故得據之以修元史。元人所撰之經世大典，大一統志，於一代之典章及輿地，紀載甚詳。明初其書具在，又得據之以撰諸志，元史成功之易，亦由於此。徐一夔謂元史自太祖至寧宗十三朝，悉據實錄修成，又有經世大典，可以參稽（明史本傳及朱彝尊徐一夔傳），此元史依據實錄大典之證也。明修元史凡二次，第一次，洪武二年二月開局，八月成書。第二次三年二月開局，七月成書，總裁官爲宋濂王禕。據宋濂序，第一次，凡成紀三十七卷，志五十三卷，表六卷，傳六十三卷，順帝時無實錄可徵，未得爲完書，復詔有司，徵采史事，以續成之，故第二次，又成紀十卷，志五卷，表二卷，傳三十六卷，今考元史目錄，本紀四十七卷，其卷三十八以下，則續成之順帝紀也。志表之次第不動，續成之志五卷，列入志第三下，爲五行二，第十七下，爲河渠三，第二十七下，爲祭祀六，第四十一下爲百官八，第四十五下，爲食貨五，續成之表二卷，列入第五下，爲三公二，第六下，爲宰相二，而卷次之總數，仍照增，此可考而知者也。或謂列傳第三十三，始以開國時之耶律楚材張柔史天倪等，次於元末死事諸臣秦不死之後，是爲續修之證（二十二史劄記有此說）。然楚材等爲開國勳臣，初次不容漏載，蓋列傳次序，以蒙古貴臣及色目人居前，而漢人南人（注三〇）次之，蒙古人色目人，漢人南人諸傳之後，各插入續修之傳，而又次於儒學諸合傳之前，故其孰爲初修，孰爲續修，不可遽尋。且初修之列傳凡六十三，續修之列傳凡三十六，合之爲九十九卷，而本書列傳凡九十七卷，缺少二卷，若非於合編時有併卷，則宋序所記續修列傳三十六卷，必爲三十四卷之誤，是尙有待於判定者耳。明修元史時，亦仿元修三史，定有凡例，本紀準兩漢史，志準宋史，表準遼金史，列傳準歷代史，而參酌之，紀傳志表皆不作論贊，據事直書，具文見意（見元史卷首），惟以其成書太速，故其蕪雜缺略，視諸史爲尤甚，良由修史諸氏，不解蒙古文字，蒙人之參與者，亦復數典忘祖，以致一人兩傳，謬誤百出，且有於附傳之

外，別立專傳者。又如元朝祕史聖武親征錄實錄之貴重史料，亦不知采取，且元時疆域極廣，而所詳者僅於中國境內，未足以饜學者之望，此所以有待於補訂重修也。至其成書之速，蓋亦有故，明太祖取下至嚴，諸臣之所重憚，成書稍遲，譴責將至，一也。元以胡人入主，爲明人夷視，於其蒙古舊史，亦不之貴，二也。其後王洙撰宋史實，於恭帝降元之後，每歲書帝在某地，而削去元之年號，成化中，商輅等奉敕修續綱目，亦不甚留心元事，藉令宋王諸氏尚在，以應採祕史親征錄之議，陳於其前，亦必以爲無足輕重，一笑置之，蓋以古今之異勢，而議論亦不同焉，此明修元史之大略也。

其六則爲明史。明代諸帝，除惠帝思宗外，皆有實錄（景帝事附入英宗實錄），實錄中例載諸臣傳，而典章制度，又有會典可據，此明史之基本史料也。惟於實錄之外，曾有官修之國史，萬曆中，閣臣陳士陞疏請本朝紀表志傳之正史，二百餘年來踵襲因循，闕略不講，請力爲整輯，勒成鉅編，於是開館分局，集累朝之實錄，采朝野之見聞，紀傳書志，頗有成緒，忽燬於火（據春明夢餘十三及三十二），後則未聞續作，誠可惜也。明代中葉以後，士大夫喜談本朝掌故，私家作史之風亦盛，如朱國禎之明史概，鄧元錫之明書，陳建之皇明通紀，王世貞之弇州史料，饒遷之國權，皆撰於明亡之前，雖未盡滿人意，然亦具體而微，至明末黃宗羲因之，而作明史案二百四十四卷，其立例有三。一曰國史取詳年月，二曰野史當取是非，三曰家史備官爵世系，（卷三）清修明史之規模，實基於此。清既滅明，盡得其國史，乃於康熙十八年詔修明史，以大學士徐元文爲總裁，元文廷宗羲之弟子萬斯同，主於其家，委以編纂之事，元文去職，繼之者爲張玉書陳廷敬王鴻緒，皆以萬氏主其事，萬氏承義宗之學，熟於明代掌故，能開誦實錄，既以布衣參史局，史館諸纂修所撰稿，皆由萬氏覆審，時鴻緒任列傳，至康熙五十三年傳稿成，表上之，雍正元年又表上本紀志表稿，時萬氏雖前卒（卒於康熙四十一年壬午），而世人咸謂王氏稿，泰半出萬氏手，後乃彙刊爲明史稿五百卷。雍正中，張廷玉受詔爲總裁，遂因鴻緒本以成書，乾隆四年廷玉進明史表云。聚官私之紀載，核新舊之見聞，籤帙雖多，抵牾互見，惟舊臣王鴻緒之史稿，經名人三十載之用心，進在彤闈頒來秘閣，首尾略具，事實頗詳。在昔漢書取裁於馬遷，唐書起本

於劉昫，苟是非之不謬，詎因襲之爲嫌，爰卽成編，用爲初稿。是則廷玉等進呈之明史，多本於鴻緒之史稿，而鴻緒之史稿，又多出自斯同之手筆，所謂經名人三十載之用心，非謂鴻緒，實暗指斯同，明史在諸正史中，稱爲佳史，亦以此也。考乾隆刊行之明史，開列在事諸臣，總裁以張廷玉領銜，而無徐元文王鴻緒，蓋以當日在史館者爲限，萬氏不與纂修之列者，蓋以布衣主於總裁之家，而不受其職名，且已病歿在前故也。迨乾隆四十二年，高宗以明史本紀，所載事實，尙多疏略，特派大臣考覈添修，並諭以親閱鑒定，重刊頒行，其後乃以改訂之本，刊成本紀二十四卷，顧外間見者絕少，近年始由北平故宮博物院，自清宮覓得，景印行世，校其所增補者，僅涉文辭之細，於史事殊少出入，受命諸臣，敷衍塞責，於此可見。惟乾隆間又嘗爲明史撰考證，光緒中長洲王頤蔚直軍機日，於方略館搜得考證正本稿本進呈本三種，皆限於列傳，因據以撰明史考證擄逸四十二卷，是當日所擬修改者，原不限於本紀，觀於考證可知也。（註三）明史之佳，本非一端，如排纂之得當，附傳之得宜，前人論之已詳（如二十一史劄記）。前史有志而無圖，明史歷志，則增圖以明歷數，前史藝文志皆無斷限，而明史藝文，惟載當代著述，此皆以古今異宜，而深得體要者。至其不滿人意之處，厥惟易代之際，忌諱太多，有若遼東一偶建州三衛故事，明人紀載甚多，而明史則諱莫如深，不著一字，紀南明遺事之書，亦不下數十種，而明史以事涉易代，亦復語焉不詳。近人治清初史者，專取明實錄，及朝鮮人之紀載，治南明史者盛道清代禁燬諸書，而以明史爲不足觀，是則於此二事，均有待於補苴，且視清代之重刊本紀爲尤要，世有賢者，理而董之，是所望也。

最後則爲清史。清初設國史院，以大學士領之，其後改設國史館於禁城內，置總裁纂修協修諸官，皆以翰林院官所附詞臣者兼之，其所修之國史，體例如前代之正史，有本紀，有列傳，有表，有志，當有清之季，已將太祖乾隆之十一朝本紀修竣，其後更續修德宗本紀（凡一百三十七卷）。清制，內外臣二品以上，及特旨宣付，臣僚奏請，乃得立傳，今坊間印行之清史列傳八十冊，卽用清國史館之底本，爲歷朝詞臣所修者也。表志二類，亦略具梗概，而不如本紀列傳之有成書，故無考也。（註三）清代有起居注官，例由任其事之翰林官更

番撰記，每半月爲一番，其如何取材則未詳，亦不同前代之有日曆及時政記，惟每帝崩殂，新君嗣位，則成前代例，設實錄館，纂修先君實錄，以爲記注之總匯，又別纂聖訓以垂後，故是時於國史館外，別設實錄館，置總裁提調纂修等官，亦以詞臣兼之，事畢則撤館，而非常設，實錄聖訓，亦修國史者之所取資也。實錄國史兩館，皆設於紫城東華門，內蔣王三氏自實錄鈔出之史料，別爲東華錄，其得名之故以此。清代實錄之例，不以大臣傳附入實錄書卒之下，與前代異，卽以國史已別爲之立傳也。洎清室遜位，民國成立，乃由政府設清史館，以趙爾巽爲館長，下設總纂提調纂修協修等官，任總裁者，爲柯鳳蓀王樹枏吳廷燮諸氏，皆一時績學知名之士，至民國十七年始成書，計本紀二十五志一百四十二，表五十三，列傳三百十六，凡五百三十六卷，又目錄五卷，時遼陽袁氏任校刊事，鑒於北京政府動搖，力主付印，以防散佚，並仿王鴻緒明史稿之前例，命爲清史稿，以示未爲成書之意，刊成未幾，政府禁止發行，故流傳甚少。平心論之，是書積十餘年之歲月，經數十學者之用心，又有國史原本可據，而歷朝所修之實錄聖訓，及宣統政紀，並蔣王朱三氏之東華錄，采摭甚富，史實賅備，囊括以成一代大典，信足以繼前代正史之後，而同垂於奕奕矣。第其書令人不滿者，亦有多端。其一，則諸志實未備作（如氏族志），列傳多有闕遺（如麟慶傳云，子崇實崇厚自有傳，而崇實無傳，又朱筠亦無傳）。其二，則倉卒付印，錯譌太多，而於原稿亦刊削未當（如本紀地理志皆經刊削而後付印）。其三，則書中時流露遺臣民口吻，與往代修史之例不合，最後一端，卽爲政府禁止發行之理據，然因付印尙早，得以流傳，袁氏之功，究不可沒也。

右述諸史，皆屬設館官修，不出一人之手，然如新唐書，由歐宋二氏，殫精而成，明史出於萬斯同私修之稿本，名爲官修準於私撰，斯爲上選。次如舊唐書，舊五代史，宋遼金元清諸史，皆資實錄起居注日錄時政記以成書，雖事有詳略，文有工拙，闕誤尙多，諸待訂補，然亦爲一代必備之典，不得以其出於官修，而橫加非薄，明矣。

三、典禮

典禮之書，其別有二。一曰經禮，典章制度屬之，實始於周之官禮，後世之通典通考會典會要諸書，皆其流也。一曰曲禮，節文儀注屬之，實始於周之儀禮，後世之通禮集禮諸書，皆其流也。禮記云，經禮三百，曲禮三千，各有分際，自古已然，往者秦蕙田撰五禮通考，以屬典章制度之經禮，雜於嘉禮之中，分際不明，爲餘杭章氏所譏，（註三四）是則紀典章制度之書，與言節文儀注者有別，又可知矣。隋志史部以職官儀注，分爲二類，實合古人以經禮曲禮分列之法。清代四庫書目，職官自爲一類，而以儀注合於政書，古人成法，因之而淆，實則職官一類，應入政書，合稱政典，而言禮制之書，別爲一類，仍名儀注，是爲得耳。茲本此說分別次之。

自唐以來，官撰政典之書，首推唐玄宗時官撰之唐六典，蓋以擬周官經而作者也。其後與此續類者，有長孫無忌等所撰之唐律疏義，而元代之大元聖政典章，附新集，至治條例，亦其比也。然此類之書所以立一代之經制，而非以明其因革損益，猶不得被以史稱，官撰之書，專詳一代典制，而又以明因革損益者，其會要言典之書乎。唐蘇冕始次高祖至德宗九朝之事，爲會要四十卷，宣宗時，又詔楊紹復次德宗以來事，爲續會要四十卷，以崔鉉監修，惟宣宗以後，記載尙闕，至宋初王溥，又爲續至唐末，合前所輯，爲新編唐會要一百卷，分目五百十有四，於唐代沿革損益之制，頗能詳核，（註三五）溥復取五代之典章制度，撰五代會要三十卷，是二書所載，略如正史之諸志，與杜佑通典之體例相近，然所載史實，往往出正史外，故研史者極重視之。宋代官撰之會要，視唐尤爲詳備，有慶曆國朝會要，元豐增修五朝會要，政和重修會要，乾道續修四朝會要，乾道中興會要，淳熙會要，嘉泰孝宗會要，慶元光宗會要，嘉泰寧宗會要，嘉定國朝會要，其間重修續修，無慮十餘次，明時其書尙存，曾以分錄永樂大典之各韻，清嘉慶十四年，徐松入全唐文館，始自大典中錄出約得五百卷，雖非完璧，而大略可觀矣。徐氏卒後，書歸繆荃孫，欲由廣雅書局刊行，未果，乃爲提調王秉恩所竊，王

氏卒後，遺書散出，爲吳興劉承幹所得，凡四百七十餘冊，整理數年未就，最後乃由國立北平圖書館以原稿印行，共訂二百冊，不分卷，尙有劉氏編訂之本，凡四百六十卷，雖與原稿重複，而較有條理可尋，尙未及付印。茲考其分類凡十六。一帝系，二禮，三樂，四輿服，五儀制，六崇齒，七運曆，八瑞異，九職官，十選舉，十一道釋，十二食貨，十三刑法，十四兵，十五方域，十六蕃夷。其所載者，不限典章制度，一代之要政，往往隨文附見，固宋史諸志所資以成書，而宋史所不能悉舉者，又約十之七八，此嚴可均所以歎爲天壤間絕無僅有之書也。（註三六）元人無會要，而有經世大典，文宗天歷二年九月，敕翰林國史院與奎章閣學士，采輯本朝典故，仿唐宋會要，纂爲一編，及其書成，賜名皇朝經世大典，蓋卽大元會要之異名也。時纂書之總裁爲趙世延虞集，纂修爲馬祖常楊宗瑞謝端蒙天壽李好文陳祚宋瑩王士點，皆一時知名之士（見元史虞集傳），其後歐陽玄繼爲總裁，李洞揭傒斯王守誠繼爲纂纂，至順二年五月書成，三年三月進呈書凡八百八十卷，目錄十二卷（又附公牘一卷，纂修通議一卷），其目凡十。爲帝號，帝訓，帝制，帝系，治典，賦典，禮典，政典，憲典，工典。六典略仿周官，及唐六典，今原書已亡，僅永樂大典殘本中，窺見厓路，近人自其中輯得數種刊行之，而元史各志，多依據經世大典而成，如食貨志，已有明文無論矣。而兵志之言站赤一節，更與永樂大典所載之經世大典相同，亦其證也。（註三七）今讀元文類卷四十至四十二三卷所載經世大典序錄全文，更可考見其厓路，蓋其美富，應與宋會要等，惜其亡也。元代之聖政典章，專詳章制，爲會要之別一體，蓋近於明清二代之會典。明清二代皆無會要，乃改纂會典，以詳典章制度，明會典初纂成於孝宗弘治十五年，凡一百八十卷，刊印行世，其後武宗正德四年，續有增輯，未及印行，神宗萬曆四年，再事增纂，十五年成書，釐爲二百二十八卷，亦付刊印，故今傳有簡繁兩本，皆明刊也。（註三八）書中以文職武職兩衙門分列，文職六部，都察院九卿及諸司，武職五軍都督府錦衣衛，皆附以南京之官，典禮章制，皆以類相從，清會典一仿明體，始以內閣軍機處繼以六部都察院九卿翰林而八旗內務府亦具載焉。初修於康熙，續修於雍正，至乾隆二十九年，釐爲一百卷，附則例一百八十卷，嘉慶十八年重纂會典八十卷，事例九百二十卷，圖四十六卷，光緒二十五年又增

纂成書，會典仍爲一百卷，事例則增爲一千二百二十卷，圖二百七十卷，故以最後勒定之本爲詳博，其與明會典異者，明以事例，並載書中，清則以事例，別於會典之外也（清初修本亦如明例）。考會典之體以六部分，上仿周禮，次仿唐六典，下亦如元典章，所重在章制法令，與唐宋之會要元之經世大典之兼詳故事者異，故近人有欲爲明清二代別撰會要者。要而言之，二者同屬異流，必兼覽之而後備也。宋人徐天麟撰西漢東漢兩會要，遼人有契丹會要（書亡見尤袤遂初堂書用），元人孟夢恂有漢唐會要（書亡見補元史藝文志），清人楊晨更撰三國會要（二十二卷），孫楷亦撰秦會要（二十六卷），龍文彬則補撰明會要（八十卷），以備一代之典，以及金元清三代亦有待於補撰，往者鑒儀吉撰三國會要（五冊），稿成未刊，又撰晉會要，南北朝會要，皆未成書，秦與朱銘盤（曼君）纂西晉會要八十卷，宋會要五十卷，齊會要四十卷，梁會要四十卷，陳會要三十卷，稿具而未能付刊（清史稿文苑傳載銘盤晉會要一百卷，尙語焉未詳），又撰南北朝魏齊周隋四朝會要，合稱晉南北朝會要，未竟厥功，亦可惜也（見朱氏桂之尊軒遺集所載曼君先生記年錄）。自徐氏而下，皆爲私家之作，本無與於官修之史，以其不可無述，故連類及之。杜氏通典，馬氏文獻通考，皆爲私修，別詳於後，而宋人宋白續通典二百卷，則於真宗咸平四年，奉詔撰成，惜原書久亡，略有逸文可考，清代之續通典，皇朝通典，續通考，皇朝通考，皆奉敕纂修，爲官書之一，理宜並述，此唐宋以來官修政典之大略也。

唐開元中，始命學士蕭嵩王仲邱等，撰大唐開元禮一百五十卷，其中卷一至卷三爲序例，卷四至七十八爲吉禮，卷七十九至八十爲賓禮，卷八十一至九十爲軍禮，卷九十一至一百三十爲嘉禮，卷一百三十一至一百五十爲凶禮，於是唐之五禮略備，新舊唐書禮志，皆取材是書，而杜佑通典於禮典中，節載開元禮爲三十五卷，大體略備，而原書尙有傳本，清代以之著錄於四庫，而外間復有新刊本，此儀禮禮記以後，唯一言禮之書也。宋徽宗曾命鄭居中等，撰政和五禮新儀，凡序例二十四卷，吉禮一百一十一卷，賓禮二十一卷，軍禮八卷，嘉禮四十二卷，凶禮十四卷，總爲二百二十卷，又目錄六卷，格式十卷，宋代言禮之書，莫備於此，今尙著錄於四

庫，略有殘闕。其後淳熙中，禮部太常寺合撰中興禮書行世，而政和禮遂格不行，金有大金集禮四十卷，張瑄等撰，爲金史禮志所本，明有明集禮五十三卷，清有清通禮五十卷，皆由較撰，爲兩代禮制之所本。（註三九）凡儀注之書，通於朝野官民，所以範圍斯世。曲成不遺，亦尤政典中之有法令，爲國人之所信守者，故亦得備史之一體。抑吾謂史者，所以明變遷進化之跡，而典禮之有關於史，亦其能明因革損益也。欲考歷代之節文儀注，應取儀禮典經開元禮政和五禮金明集禮清通禮合而觀之，而因革損益之跡乃得以大明。昔賢之當此而無愧者，首推杜氏通典之禮典，次則秦氏之五禮通考，而徐乾學之讀禮通考專詳因禮者，尙非其倫。蓋此二書，實合歷代之言節文儀注者，次爲一編，以觀其會通，蓋必如是，始足以當史稱，此又因唐宋官修儀注之書而附論及之也。

四、方志

章學誠謂後世之方志，專詳一方之事，如古之列國史，應無所不載，與專詳疆域山川之圖經異，其說允矣。然攷究前代紀地之書，二者漫無經畫，區分甚難，方志爲一方之史，世人已無異議，而圖經亦詳建置之沿革人物古蹟，以明一方之變遷進化，備史之一體，且爲宋以後郡縣志書之所本。故述方志，不能置圖經而不數。隋煬帝大業五年，始命崔廓與諸儒撰區宇圖志二百五十卷，帝不善之，更令虞世基許善心衍爲八百卷。或又曰八百卷，又重修爲一千二百卷，卷頭有圖，山川郭邑，分繪甚悉，故曰圖志，而隋志著錄爲一百二十九卷，唐志少一卷，而題曰虞茂區宇圖，此爲官撰方志圖經之所始，亦古今之鉅製也。（註四〇）唐太宗之子魏王泰，命其著作郎蕭德言，祕書郎顧胤，記室參軍蔣亞卿，功曹參軍謝偃縣易，撰括地志五百五十卷，又序略五卷，略如呂不韋之廣集門客，以撰呂覽，亦爲官撰地紀之一，其內容亦極美備，惜與區宇圖志，同歸散亡，今可見者，逸文而已。唐李吉甫之元和郡縣圖志，宋樂史之太平寰宇記，王象之之輿地紀勝，皆屬私撰，別於下章述之。而是書所引之隋圖經，多爲區宇圖志之逸文，政自可寶。宋神宗熙寧八年，詔王存等修元豐九域志，元豐三年書

成，凡得十卷。所載爲路二十三，京府四，次府十，州二百四十二，軍三十七，監四，縣一千二百三十五，專詳宋代所治之方域，其陷於遼之燕雲十六州，及平灤遼東，以及西夏，邊界之區，皆所不詳，不如太平寰宇記之美備，然考有宋一代方輿者，必以是書爲依據焉。遼金人自撰紀地之書，史所不詳。迨至元代遂有大一統志之輯，元世祖至元二十三年，始命集賢大學士行秘書監事札馬剌丁，秘書少監虞應龍等，蒐輯爲志，以明一統，初未有名，至元三十一年十月書成，凡得七百五十五卷，命名大一統志，成宗元貞二年，三月得嶺南圖志，大德二年二月，又得甘肅圖志，三年七月，又得遼陽圖志，復命秘書監增修，至大德七年二次成書，凡得一千三百卷，由集賢大學士同知宣徽院事孛蘭勝秘書監岳欽等上進，存於祕府，至順帝至正二年始付刊行之，定名爲大元大一統志。錢大昕元史藝文志，據焦竑國史經籍志，黃虞稷千頃堂書目，著錄大元大一統志一千卷，實則爲一千三百卷，元人所撰祕書監志言之詳矣。是書大別，爲一中書省，十行中書省，每省分路或府，路府下有屬州，大抵以一州爲一卷，其事蹟多者，或分爲二卷，三卷。每州之分目，凡十，曰建置沿革，曰坊郭鄉鎮，曰里至，曰山川，曰土產，曰風俗形勢，曰古蹟，曰官蹟，曰人物，曰仙釋，亦不必各目皆備。所紀各事，較後來之明清兩一統志，詳至數倍，故分卷至千三百之多，蓋爲隋唐區宇圖志以後，方志創經之總譜。惜已亡於明代，僅存殘本十五卷，而佚文之見於永樂大典殘本明一統志滿洲源流考熱河志等書，約居全書百分之四五，近人已輯本，可供考證。而明初人所撰大明清類分野書，健全鈔大一統志以成書，內蘊宏博，由是可覩。至其所用資料，多出元和郡縣圖志，太平寰宇記，元豐九域志，輿地紀勝，及宋元所修地方志乘，而明初修元史地理志，多依據是書，其後修一統志，更以是書爲藍本，剪裁原文，舊痕猶在，而不及其美富遽矣。（註四）明初洪武三年，曾敕修大明志書，今已無考，其後景泰中，始敕修寰宇通志，凡得一百十九卷。至英宗時，惡其書成於景帝，乃命李賢等改修大明一統志，至天順八年成書，凡得九十卷，而萬曆中尙有增修。考其體例，以京師南京及各布政使司所統之府，爲分卷之標準，每府之分目，略如元一統志，而增郡名公署學校書院宮室園梁寺觀陵墓祠廟諸目，而無坊郭鄉鎮及里至，蓋有所分合省併，而小有異同者也。大明

一統志，今頗易得，而寰宇通志亦未亡。（註四）清代更因之，以修大清一統志，是書凡修三次，初成於乾隆八年，凡三百四十二卷，次成於乾隆四十九年，凡四百二十四卷（併子卷計之則爲五百卷），最後成於道光二十二年，凡五百六十卷，以其經始於嘉慶十六年，而所增輯之事蹟，亦訖於嘉慶二十五年，故稱之曰嘉慶重修一統志。其書之例，於京師後次以盛京各直省蒙古藩部及朝貢各國，每省先冠圖表，次以統部，總敘一省大要，次以各府廳直隸州，爲分卷之標準，凡所屬之州縣入焉。蒙古各藩部，統部分卷，悉照各省體例，其各府廳直隸州之分目，視明統志爲詳。計分表圖，疆域，分野，建置，沿革，形勢，風俗，城池，學校，戶口，田賦，稅課，職官，山川，古蹟，關隘，津梁，隄堰，陵墓，祠廟，寺觀，名宦，人物，流寓，列女，仙釋，土產，二十七目。所謂明統志，清統志，皆衍大一統志之餘緒以成書，而仍不及其宏博者也。然方志圖經之書，以近世編纂者，爲最有用，故元明清三代之一統志，足供治史地學者之採伐，可以取用不竭，遠非元和元豐諸志可比，且其中彙敘人物風土，一方之要刪略具，蓋以圖經而兼方志之體矣。

州郡之有志書，以括舉一方之事，蓋昉於吳越春秋華陽國志。隋唐五代以前，撰者蓋鮮，宋人宋敏求始撰長安志二十卷，附闡三卷，洛陽志二十卷，洛陽志已佚，而長安志有傳本，惟未著錄於四庫。其次則爲朱長文之吳郡圖經續記，書成於神宗元豐七年，分門二十有八，中有封域，城邑，山水，戶口，物產，風俗，學校，牧守，人物，碑碣，雜錄，備有後來之志書之各目。其後則徐淙潛說友之乾道、咸淳兩臨安志，范成大之吳郡志，施宿張渚之嘉泰會稽志，寶慶續志，陳耆卿之嘉定赤城志，羅澐之寶慶四明志，開慶續志，周應合之景定建康志，鄭瑤方仁榮之景定嚴州續志，皆宋代所修，尙有存本，而著錄於四庫者。至如著錄宋史藝文志之各州郡志，多就亡佚，驟數之而不能終其物，亦非本編所能盡舉也。考此諸志之撰者，或以官於是郡，如周淙施宿周應合鄭瑤方仁榮潘說友是。或以生於是鄉，如朱長文范成大陳耆卿是。或以遊於是地，如張渚羅澐是。官於是郡者，倡修志書，手擬條例，授之幕友，或延鄉紳爲之，而不必手自鈔纂，政可與唐宋以來之官修諸史，等量齊觀，故今日所流傳之州郡志書，十九皆出於官撰也。元人所修之志書，見今存者，如徐碩之至元嘉

禾志，馮復京郭薦等之大德昌國州圖志，張鉉之至大金陵新志，皆爲官於其地時所纂，纂者亦非一人。明代則所纂益多，省府州縣，無不有志，明代設十三承宣布政使司，以代元代之行中書省，地方之稱，本無省名，然若稱爲布政使司，實嫌辭費，均其時之官私文字，仍沿元代而稱省，（註四三）其總一省而爲志書，多名通志。通志濫觴於宋人所撰之閩中記（程世程撰），及廣東廣西南會要（王靖撰俱見宋藝文志），是皆合數州郡而爲一書者，元人因修大一統志，而先由各行省撰送圖志，尤爲省志之顯例。惟此體之書，至明始盛，其名爲通志者，如弘治八閩通志嘉靖江西廣西山東貴州萬曆廣東諸通志是也。亦名總志，如萬曆湖廣四川兩總志是也。或祇名志，如成化陝西志是也。或又易稱爲書，如何喬遠之閩書是也。蓋類始於弘治，而大盛於嘉靖以後，洎乎清代，以訖今茲，各直省藩部，無不有志，而皆名爲通志，蓋通志者，合全省之府廳州縣而通志之，非貫通古今之謂，其實則省志也。然明清二代不名爲省志者，蓋亦有故，明以南北兩京之地，直隸中央，稱爲直隸，其他地方，則稱布政使司，清代亦以畿輔之地爲直隸，又未嘗明定其他地方爲省，清代詔旨奏牘中嘗概稱曰各直省直指直隸之畿輔，省指其他各地方，其後亦稱畿輔曰直隸省，此實不辭之甚，然亦莫由正之，是則此後所修各省之總志，宜正其名曰省志，使人易曉。若如蒙古西藏諸特區無省名者，仍稱通志可耳。考近代所修之通志，其體例大別爲二。一沿用舊日圖經統志之體，分一地方爲若干目，如清雍正中所修之河南通志，分爲四十二目，是也。一用章學誠之說，視方志如列國史，立紀志表傳略錄，以王官爲紀，人物爲傳，官績爲錄，輿地藝文爲志，輔之以略，其他細碎之事，以表明之，始於謝啓昆之廣西通志，而光緒中李鴻章王修之畿輔通志，亦其類也。是類之書，悉由官修，其與正史典禮異者，一則主之中央，一則發動於地方耳。清代之方志，不惟府廳州縣有之，而著名之鄉鎮亦有之，如吳興縣所屬之南潯鎮，有劉承幹所修之南潯志，是也。又近代人喜作志，於名山名水名寺觀，莫不有志，多至不可勝數，然半屬私撰，且已有人撰專書以綜考之，可以勿論。惟唐宋以來，各官署亦皆有志，如唐代之翰林志（李肇撰），宋代之續翰林志（蘇易簡蘇耆編），元代之秘書監志（王士點商企翁同撰），即其顯例。明代所撰尤多，今可考者，有禮部志稿，太僕寺志，南京吏部工部都察

院鴻臚寺太常寺太僕寺諸志，及南雍志，而清代亦有國子監志，官吏，續官吏，以其爲官撰志書之一類，故附述之，此又唐宋以來官修方志之大略也。

總括上述四類，已將本期官修之史，擡舉大略，容有未盡，姑付闕如。或謂本章所述，悉爲史籍，而作者是否爲史家，且其史學何若，亦應一爲衡量，否則仍不能使讀者踴躍滿志也。則應之曰，官修之史，與私家作史異，私史之作者，多爲可稱之史家，如上章所述魏晉南北朝之史家是也。若乃唐宋以來官修之史，皆成於衆人之手，卽有史家雜於其中，亦無由顯名當世，矧歷代撰實錄者，多由總領其事者，署名上進，且其書屬於記注一體，雖具史學，無由自見。正史作者如宋代之歐陽修宋祁，元代之王鶚歐陽玄，明代之宋濂，清代之萬斯同，誠卓卓可稱矣。然歐宋新唐書，已不盡滿人意，金史僅由王鶚編作，而未成於其手，歐陽玄則因成繼前，絕少改作，元史之蕪雜缺略，重爲後人所譏，宋濂徒長辭翰，疏於史學，雖領其事，未嘗究心，萬斯同有功於明史，既未肯居館職，實同於私家作史，又不得與歐宋王宋四人同論。至官修之典禮方志，作者不名一家，較其成績，又下於實錄一等，更不得與正史比倫。惟私家所作之通典通考，乃能博大精深，高視百代，取校官修諸作，無有能及之者。是則本期之史家，及其史學之何若，政有待於更端論次而非本章之所能盡矣。

（註一）略本魏書崔浩高允兩傳，及史通正史篇。

（註二）隋書本紀民間原作人間，由避唐諱。

（註三）據金史元好問傳。

（註四）北平圖書館所藏鈔本最全，國內藏書家，如吳興嘉業堂劉氏亦有傳鈔本，但不全，日本有數本，惟內閣史庫藏本最足。

（註五）北平故宮博物院藏本，十朝之外，兼有德宗實錄，宣統政紀，盛京崇文閣僅藏十朝，劉氏嘉業堂亦有全帙。

（註六）據四庫提要十，正史類小序。

（註七）據二十二史劄記十六，唐實錄國史凡兩次散失，及舊唐書前半全用實錄國史兩條。

（註八）宋史宋綬傳，予竊求補唐武宗以下六世實錄百四十八卷，多於志五卷，必有一誤。

（註九）按實五代史脩紀及五代會要，兩書所紀略同。

（註二〇）舊五代史晉紀。

（註二一）以上略采二十二史劄記十六，將唐書源委條，所考錢氏幾折錯六，劉昫傳不著修唐史條，王氏十七史補六十九，趙益，舊唐書條，爲詳。

（註二二）參閱十七史商榷六十九，歐宋修書不同時條，又宋以歐陽修宋祁爲新唐書刊修官，刊修官即爲後來之總纂總纂，而金修遼史，尙用刊修官之名。

（註二三）據宋史呂夏卿宋敏求兩傳。

（註二四）參閱王明濟揮犀錄，及四庫提要十。

（註二五）文序云，司馬氏修通鑑，悉據舊史，於新書無取焉，並參閱十七史商榷六十九通鑑取舊書條。

（註二六）參閱二十二史劄記十八，新書好相韓文條。

（註二七）據玉海引中興書目，及郡齋讀書志。

（註二八）參閱四庫提要十及二十二史劄記二十一，薛史全採各朝實錄條。

（註二九）章太炎先生史學略說，青晚人汪九中，自言家有舊五代史原本，汪沒不知其書所在，而緒印書館景印本二十四史，欲得薛史原本，久無未得，人疑已入異域，後乃知在丁乃揚家，丁珍惜孤本，託甘穆承失去，世遂無有見者。

（註三〇）參閱二十二史劄記二十三，宋史事最詳條。

（註三一）見沈括夢溪筆談增行均能盡手職條。

（註三二）王惲玉堂嘉話，蘇天爵元文類，俱載此辨，文曰，奉和初選官說曉，規修遼史，後因南宋獻誠告和臣下奏言，增廣問宋昨二

紀，當承宋統，上乃罷修遼史，又近人馮家昇遼史源流考歷代纂修遼史之概況章，可供參考。

（註三三）見金史衛紹王紀贊，而該論考十四，二十二史劄記二十七金史條皆明之。

（註三四）語出綱鑑輯覽宋遼金正統，又見元史脫脫傳。

（註三五）此文略本馮家昇遼史源流考元修遼史之經過一節，其中所舉，如蘇天爵滋溪文稿二十五之三史贊要紀，元人重修三史事最詳，其他則宜辨清卷四十一修遼金宋史據法遼事條列事狀，王惲秋澗大全集玉堂嘉話，以及元文類輯錄，所載論正統之語，皆爲研究元修三史之貴重史料。

（註三六）金史宋史之成元史順宗紀附皆在正四年十月，訂從二十二史劄記九十六及新元史憲宗本紀，據三史通表，重爲訂正。

（註三七）此節多采自馮家昇遼史源流考今本遼史之取材一章。

第六章 唐宋以來官修諸史之始末

〔註二八〕元史一百三十七卷，卷命雖說必亦頗，名曰纂武開天記。

〔註二九〕四庫提要四十六元史下，引徐一鑾始鑿稿。

〔註三〇〕元分人氏爲四等第一蒙古人，第二色目人，即本族人及畏兀人，第三漢人，即漢金所得之中國人，合契丹女真在內，第四項人，即漢地所得之南方人。

〔註三一〕實宗義有明史案二百四十四卷，見鮑增亨集，又有續時略，爲續其父所撰時略而作，皆詳明嘉靖以後事。

〔註三二〕參閱王綱蔚明史考證遺序，張元濟百衲本明史跋。

〔註三三〕據王國維觀堂外集郭森檢官保七十壽序。

〔註三四〕見章氏國學時習會刊行之史學略說。

〔註三五〕參閱四庫提要八十一唐書提要條。

〔註三六〕參閱近人論宋會要研究。

〔註三七〕參閱日本館內文獻古史研究元經世大典考一章，有陳捷等譯本。

〔註三八〕萬有文庫，取萬曆本重印，頗易得。

〔註三九〕本館所藏，略本四庫提要八十二政書類二。

〔註四〇〕略本章家源附志考證。

〔註四一〕參閱續著大元大一統志考證，見遼海叢書第十集。

〔註四二〕國立北平圖書館藏有是書，中缺數卷。

〔註四三〕參閱文史叢報外篇地志統部。

第七章 唐宋以來之私修諸史

唐宋以來，官修諸史，具如上章所述，而私家所修諸史，亦宜以次述之。然往代官修私修之史，非有截然可分之界限，例如沈約宋書，姚思廉梁陳二書，李百藥北齊書，雖奉時君之命，名爲官修，實爲自創義例，成爲一手，無異於私修諸史，是其證也。唐宋以後，亦多是例，宋司馬光承英宗之命而修通鑑，有劉攽劉恕范祖禹諸賢爲之佐，又得以書局自隨，及書成，神宗又爲之命名製序，不可不開之官修矣。然考修是書時，凡屬宏綱細目，悉由光一手草創，無異自撰一史，則修諸氏，雖各分撰一部，用力甚勤，然僅屬初稿，爲編訂比紐之功，最後勘定，仍屬之光。昔者孔子修史，亦極慘澹經營之功，故曰筆則筆，削則削，子夏之徒不能贊一辭，以義例前，正可惜喻。故是書爲馬班二氏以後僅見之作，非沈姚李三氏所可比擬，亦以其準於私史故也。若斯之類，都入本章，略形存實，取便論述，研史之士，幸無譏焉。

本期私修諸史，擬分四類論之。一曰紀傳體之正史別史，又可分爲八目。一如東都事略，作於宋史未成之前，明史稿作於明史未成之前，是爲創作。二如有薛居正之五代史，而歐陽修又撰五代史記，有明代官修之元史，而柯紹憲又撰新元史，是爲改修。三如馬令陸游分五代史之一部而撰南唐書，謝啓昆分魏書之一部而撰西魏書，是爲分撰。四如鄭樵之撰通志，乃取諸史合爲一編，是爲總輯。五如熊方之撰後漢書年表，錢大昕之撰元史氏族藝文兩志，是爲補闕。六如王先謙之撰漢書補注，後漢書集解，吳士鑑之撰晉書輯注，是爲注釋。七如李清之撰南北史合注，沈炳震之有新舊唐書合鈔，彭元瑞劉鳳誥之有五代史記補注，是爲合鈔。八如汪文臺之輯七家後漢書，湯球之輯諸家晉書，是爲輯逸。悉屬於此類者也。二曰編年體之通鑑，是書上仿荀悅漢紀，而後賢續作甚多，朱熹所撰之綱目，亦屬此類，蓋以年月爲經緯者也。三曰以事爲綱之紀事本末，此體創於袁樞，而繼作亦甚多，一一取而述之，蓋以紀載一事爲主，而具其始末者也。四曰屬於典志之通史專史，此類之

最著者，曰杜佑通典，馬端臨文獻通考，秦憲田五禮通考，皆就歷代之政典禮制，綜爲一編，是爲通史。此外如黃宗羲之類修明儒學案，其子百家與全祖望同輯之宋元學案，爲後代學術史之權輿，是爲專史，亦自通史析而出之。又顧祖禹之讀史方輿紀要，顧亭林之天下郡國利病書，則通諸史地理志及郡縣方志以爲一書，亦具通史之一體者也。大抵撰史之法，或以人紀，如諸正史別史是，或以年紀，如通鑑是，或以事紀，如紀事本末是，是爲史之三體。劉知幾謂紀傳編年爲二體，遠紀事一體而不言，固以古無是作，然豈足以概史體之全哉。

一、紀傳體之正史別史

紀傳體八目之一，是爲創作之史。何謂創作，一代之史，未經勒定，而有人撰之於前，致具筌路藍縷之功，而後撰之史，或更不如，是其選也。宋史未成之前，有王稱之東都事略，一百三十卷，敘北宋九朝之事，起太祖建隆，訖欽宗靖康，計本紀十二，世家五列傳一百五，附錄八，而無表志。李心傳謂其擷取五朝史傳，（指太祖，太宗，真，仁，英，）及四朝實錄附傳，（指神，哲，徽，欽，）而微以野史，附益之，因而譏其疏畧（朝野雜記甲四），今宋國史已亡，無從取證，然核以宋太宗實錄殘本，及李應長編，知其敘事，尙約而該，議論亦皆持平，豈宋國史原本卽如是乎。清人汪琬謂元修宋史據是書爲稿本，雖未必盡然，（註二）然於宋國史原本之外，亦多資於是書。且宋史於北宋九朝之事，詳賾而略疏舛，亦以傳書先成規模已具之故，其迹不可掩也。明人錢士升撰南宋書，以配稱作，雖有刪繁就簡之功，而論者謂非其倫，則不知旁求史實，增補闕遺故也。清代邵晉涵有志撰南宋事略，備南宋九朝之事，以極刪繁補闕之能事，而其書實未成，惜哉。（李絳銘日記，謂曾文正得此稿，將刻之，以移督直隸而止。李詳錄記，謂馬新貽督兩江，有人持此稿以獻，未及付刊而遇刺。譚獻復堂日記，且謂海寧唐端甫，曾見活字本，凡此皆影響之談，不足從信。）明史未成之前，先有王鴻緒之明史稿，據康熙五十三年鴻緒所表進，僅爲列傳二百五卷，後於雍正元年，又表進全書三百十卷，計本紀十九，志七十九，表九，列傳二百五，卽含前書在內。迨鴻緒卒後，其子刊成之，並收入橫豎山人集，題曰史

稿，初未暢行，後乃布之於世。（註二）世多謂此書爲萬斯同舊稿，鴻緒攘竊之，以成己名，（註三）雖曰有因，亦未衷情實之論也。考全祖望謂明史稿五百卷皆萬氏所手定，其後雖不盡仍其舊，是亦自爲一書（萬貞文傳，卽斯同之之私謚）。錢大昕亦云，王氏史稿大半出萬氏手（萬季野傳）。全氏所謂明史稿，卽指斯同所修之稿本，後爲鴻緒所修改者，而錢氏亦不過爲約略之辭，非能指實其事也。楊椿觀見萬氏，後爲史館纂修，又不甚滿於王氏，乃謂萬氏以十二年之心力，成史稿四百十六卷，而王氏重加編次，或有刪改，視萬稿頗有異同，（註四）是王稿亦不盡從萬稿也。蓋萬氏先後主於徐元文徐乾學及鴻緒之家，始終以纂修明史自任，實懷元遺山以獨力成先朝史之志，而不肯受新朝職名，列名明史，固其本懷，一也。且當季野之世，有湯斌（註五）倪燦尤側黃虞稷朱彝尊潘耒吳任臣，皆與纂修明史，不必其稿悉出於萬氏，卽謂稿經萬氏刪定，亦不必謂全出其手，是則王氏史稿，並含有諸家之稿在內，可以推知，二也。唐代以後，官修諸史，署名者或爲監修，或爲總裁，如舊唐書之稱劉昫，宋遼金三史之稱脫之，是前此本有是例，史稿之署名鴻緒，亦不爲過，三也。觀鴻緒之進書表嘗曰，或就正於明季之老儒，卽指黃宗羲萬斯同輩而言，正與張廷玉進明史表，謂明史稿經名人三十載之用心，爲暗指萬氏者同符，然終不能明言其爲萬氏之作者。蓋鴻緒身任總裁，假手幕客，實同倩人捉刀，向上明言，必干詰責，且兼合衆作爲一書，舉一而遺其他，亦爲修史之例所不許。鴻緒在日，未及爲史稿作序，歿後草草付刊，或非鴻緒之志。惟史稿既強半出萬氏手，又爲新唐書後有名之作，而書中未嘗一釋其名，實爲有傷忠厚，此雖山鴻緒子孫不知而妄作，亦當由鴻緒自任此責者也。然則謂爲攘竊，豈無以哉。至其與後來勒定之明史，孰爲優劣，亦無定說。世人以史稿出於萬氏，故多褒詞。然清禮親王弘璉陶澍魏源等，皆於史稿致不滿之辭。（註六）其持論最平允者，莫如楊椿，謂其書紀表不知志，志不如傳，弘正前之傳，不如嘉隆以後是也。讀是書者，當自得之。（註七）

此外創作之書，尙有二種，所宜附述，一卽契丹國志，一卽大金國志是也。契丹國志二十七卷，凡紀年十二卷，傳七卷，其餘八卷，附載雜事，宋孝宗淳熙間，葉隆禮奉詔編次，蓋取前人記載原文，分條排比，以成一

編。穆宗以前之紀傳，則本之通鑑，穆宗以後之紀傳及諸雜記，則本之李燾長編歐陽修五代史洪皓松漠記聞武珪燕北雜記諸書，幾全錄其詞，無所更改。蘇天爵三史質疑，謂隆禮不及見遼國史，得於傳聞，故多失實，其說是也。（註八）今考遼史天祚本紀天慶二年以後事，采及此書，悉直錄原文，痕跡未化，其他宋人使遼日記行程錄，藉此考見者亦多，則其價值可知矣。大金國志四十卷，凡紀年二十六卷，傳三卷，雜記附錄十一卷，卷首進表，稱端平元年淮西歸正人宇文懋昭上。考北盟會編所采有歸正人張鑑金虜節要，張棟金虜圖經正隆事迹，此則與之一例，所上表似非偽製。其可疑者，金亡於宋理宗端平元年（西元一二三四年）正月十日，而其書上於正月十五日，相距極近，而述金亡之事極詳，絕無是理，是時理宗在世，而直稱其諡曰理宗，書名大金，尤非宋人所宜出。又屢稱元爲大朝，元兵爲大軍，明明出自元人，不似歸正人之口氣。且其文苑傳中三十二人，全鈔元好問中山集小傳，中州集刊行於宋理宗淳祐九年己酉（西元一二四九年），上距端平元年，尙間以十五年之歲月，金亡已久，不應預襲其文。（註九）金人證其主守緒曰哀宗，金史本紀用之，而此書稱曰義宗，並有注云，或謂哀不足以盡證，天下士夫咸以義宗證，蓋取左氏君死社稷之義。考之金史百官食貨二志，及元史雪不台梁宜願魯華傳，闕闕不花傳，皆用義宗之證，與此書合。愚按王惲玉堂嘉話，載金狀元王鶚（哀宗正大元年中第）官應奉翰林文字，後鶚入元，以禮葬故主爲請，又爲位哭汝水上，私證爲義宗，據證法君死社稷曰義之義也。是則義宗之證，上於王鶚，所謂天下士夫，亦隱指鶚矣（元史新編王鶚傳采及此事卽出嘉話）。鶚曾創修金史，今本金史百官食貨二志，猶稱義宗，當爲鶚稿，而後來未及核改者。據元史王鶚傳，其祭故君於汝水上，在甲辰年（宋理宗淳祐四年西元一二四四年）之後歲餘，更後於端平元年十餘年，作者若非元人，何由知之。惟此書體例，悉仿契丹國志，稱金主爲國主，又紀金初事，多與北盟會編相應，且作者未見金實錄及國史，故其所采雜書，多出宋人之傳聞，與葉書同，核以金史，不盡可信（如述世宗太子允升愛王大智作亂事）。其爲宋人之入元者所輯無疑。或云懋昭僞作，而元人增竄之。愚疑其書本名女真國志，以與葉書相配，後則增竄之人，恐觸時忌，易稱大金，特無佐證以明之耳。以上二書，本應與遼金二史，同爲分撰史之一

續，不得與東都事略比，特以遼金二史列入正史已久，而此二書同傳亦甚久，且爲遼金二史導之先路，故姑以爲創作諸史之一附庸焉。

其次則改修之史，以本期爲最多，茲爲便於省覽，列表明之：

書名	卷數	著者	附考
古史	六十卷	宋 蘇 轍	上自伏羲神農，下迄秦始皇，本紀七，世家十六，列傳三十
尚史	七十卷	清 李 燾	上起軒轅，下迄秦代，本紀五卷，世家十二卷，列傳三十
右改修史記			
續後漢書	四十二卷	宋 賈 常	以續列帝正統，帝紀二卷，年表二卷，列傳十八卷，以魏
續後漢書	九十卷	元 趙 繼 祖	又爲續後漢書，卷一百一十卷。又附錄後漢書，卷一百一十卷。又附錄後漢書，卷一百一十卷。
季書	五十六卷	明 謝 肇 基	經未見，蓋故有可作，中有子卷，實一百三十卷，升昭列

李漢書九十卷	清章陶撰	有評本，又成魏季詩書九十卷，未見傳本。志稱：此書詳核諸郡二氏，於表亦用力尤勤。宋史藝文志：李杞改修三國志六十七卷，已佚，又補元史藝文志：張福續後漢書七十三卷，刊定三國志六十五卷，皆未見傳本。
右改修三國志		
晉一記六十八卷	清郭倫撰	世系一，本紀三，內紀一，志八，列傳四十一，十六國錄十四。
略六十六卷	清周濟撰	本紀六，表五，列傳三十六，國傳十一，集傳七，序目一，十六國去前涼，增拓拔義。
右改修晉書		
五代南北史一百十卷	宋方岳撰	舊書已佚，目見倪燦宋史藝文志補，方氏行誼，見補錄注讀史筆隨。
右改撰南北史		
五代史記七十四卷	吳歐陽修撰	通鑑新五代史，餘無黨注。本紀十二，列傳四十五，考三，世家年譜十一，附錄三，又目錄一卷。
唐書七十卷	清陳鵬撰	紀七，表四，志十，世家十三，列傳三十六，大旨在以後唐昭慶，上承唐統，下啓宋統。
右改修五代史		
宋史實一百卷	明王祿撰	天正正起十二卷，開紀一卷，眉邊外戚傳三卷，宗室世系五卷，宰執年表拾遺傳七卷，相繼傳四卷，直臣傳四卷，文臣傳十卷，忠節傳三卷，君子傳四卷，忠義傳十卷，孝義傳一卷，列女傳一卷，奉行者傳一卷，隱逸傳一卷，小人事傳五卷，權奸傳一卷，佞幸傳一卷，官者一卷，夷服傳一卷，十五志七卷，道統四卷。 大旨以明綱常，列遺金於外國，并削元一代之年號，於宋帝為之末，即以明太祖之高祖追尊德祖元皇帝承宋統，後繼以太極之曾祖顯祖父，至順帝正統十一年，即以爲明元年，且於時帝降元後，統緒盡存在某地矣。

右改修宋史	宋史新編	二百卷	明柯維祺撰	本紀十四卷，志四十五卷，表四卷，列傳一百四十二卷。宋史於瀛國公紀附載二王，此書則爲端宗帝降立紀，終於獻翼，又以遼金入外國傳，與西夏高麗等。
	宋史記	二百五十卷	明王維翰撰	是書體例，略同柯作，是古有傳鈔本，藏北平圖書館，迄未刊行，存九十四卷，內有趙一清朱鑑接附。
	宋史稿	二百十九卷	清陳震中撰	本紀十二卷，志三十四卷，表三卷，列傳一百七十卷。是書蓋就柯王二氏之作，爲欲集補遺之功。
	宋史類編	四十二卷	清邵遠平撰	有紀傳無表志
右改修元史	元史新編	九十五卷	清魏源撰	本紀十四卷，列傳四十二卷，表七卷，志三十二卷。有目錄書考，皆參攷清源廣方回三傳補林鶴梅有缺傳，遺逸經老輩監三傳全缺。
	元史書	二百二卷	清曾廉撰	以元史新編爲藍本，更增以少許之事實，範圍於見聞，搜羅不廣。
	元史見史記	一百六十卷	清屠寄撰	本紀十八卷，列傳百二十九卷，表十二卷，志一卷，內本紀缺一卷，列傳缺十一卷，表缺二卷，實凡一百四十六卷，原書志僅一卷，蓋所缺尚多，此書本爲未成之作。
	新元史	二百五十七卷	清柯紹憲撰	此書有初印本八冊，後續增至十四冊，最後印本則爲二十八冊，而各印本之次第，復有不同，應以後印者爲定本。

昔者譙周以司馬遷史記，書周秦以上，或採俗語百家之言，不專據正經，於是作古史考二十五篇，皆憑舊典，以糾遷之謬誤，（註二）此改撰史記最初之動機也。蘇轍李鏞二氏，皆以史記所紀周秦漢以往之事，語多疏略，欲據經子百家語以補之，與譙周之用意正同。惟周僅致訂補之功，故以史考命名，而二氏則取漢以前事而改撰之，以下接漢書，如轍則據左氏傳，補作柳下惠曹子臧吳季札范文子叔向子產等傳，而鏞所作補傳尤多，亦以史記多所缺略故也。四庫總目謂鏞據馬驢釋史爲稿本，而難析其文，爲之刪裁連絡，改其紀事本末體而爲紀傳，然鏞之自序序傳，未嘗齒及釋史，雖其取材多同釋史，而遽謂以馬書爲稿本，亦不免失之武斷矣。鏞之此作，既悉據古籍，故於每段之下，一一注其所出，全書實同集句，爲諸史中別創一格，立法頗善，亦自可喜，所難滿人意者，其所引之竹書紀年，孔叢子，多屬僞作，帝王世紀，皇王大紀，亦不盡可據，且所作諸合傳，多者百餘字，少者數十字，皆爲自立一傳，固由史材之少，然亦太形寥落矣。史記一書，自有其可貴者在，後人改撰，本難致功，且子長所見之書，究比今人爲多，且較有深知灼見，訂誤拾遺，並行不悖則可，拔趙幘而易漢轡，以爲可取而代，終爲不可能之事也。

班固漢書，本由改撰史記而成，然能斷代爲史，面目一新，其後亦無人能爲之改撰，則以其書通體精善，無隙可尋故也。范曄後書，承諸家紛紛撰作之後，刪定舊本，以成一家之言，可與班書並驅爭先，其後雖有蕭子顯改撰之本，然未及行世，即歸散亡，其美富之不作，又可知矣。自陳壽撰三國志，以魏蜀吳並列，又尊魏帝爲紀，抑蜀吳二主爲傳，爲習鑿齒所不滿，乃以蜀繼漢統，撰漢晉春秋以糾之，惜其書久已不傳。至宋廡常始就三國志，改撰續後漢書，成於宋寧宗慶元中，後六十餘年，元人郝經亦改撰三國志（撰於世祖中統元年以後），而仍其舊名（見經自序），時蕭書尚未行世，而郝書不期與之冥合，及後付刊，始易稱續後漢書，與蕭書同名。兩書皆尊蜀繼漢，深抑魏吳，義例略同習氏，明謝陞之季漢書亦然。其稱續後漢者，以蜀二主可繼後漢獻帝之統也。其曰季漢者，以示別於前後二漢也。通鑑用陳壽之例，以魏紀年，上以承漢，下以起晉，非有若何深義，至朱子作綱目，則嚴正統周流之辨，以昭烈繼漢統，是則引習氏之緒，而不以通鑑爲然者也。蕭郝二

氏，生於宋季元初，值朱子之學大昌，而郝氏最傳綱目，故用其義例，而改撰國志。尋兩書之取材，除陳氏本書及裴注外，別無新材，可以異於原書，惟郝書以原書無志，乃撰八錄以補之，是爲差勝，蓋其大旨，重在書法，而不在事實，亦猶朱子之因通鑑而撰綱目耳。然吾則謂尊蜀抑魏，實爲正論，蓋以明邪正之辨，協是非之公，爲人人心中所欲言，亦如骨鯁在喉，必吐而後快也。（註一二）然則是書之作，豈得已乎。今本晉書，係就臧榮緒本改撰，稱爲新晉，臧書既亡，乃得孤行，否則亦兩唐書兩五代史之比矣。清代郭倫，始撰晉記，其自序謂宜景文及身不帶，而列諸本紀，賈充姚萇傳，述鬼神事，竟如俳優，諸國載記，不年不月，複雜無章，其間謀臣碩士，如張華羊祜杜預王濬劉琨祖逖陶侃王導溫嶠謝安之謀猷，以及劉石諸人之雄武，而本傳蕪冗，曾不足發其不可磨滅之概，至清言婉麗，乃司馬氏所以亂亡，而縷述不哀，皆取舍失衷，是非瞽亂，因重爲刊定，勒成是編。厥後周濟亦撰晉略，包世臣稱其分散故籍，事歸一線，簡而有要，切而不俚，挾得失之情，原興衰之故，臧惡而不沒善，獎賢而不藏惡，大之創業垂統之猷，小之居官持身之術，不爲高論，不尙微言，要歸於平情審勢，足以救敗善後，非典午之要刪，實千秋之金鑑，其推許可謂至矣。惟其序無一語及晉記，以尙未見郭書，然以好采龍驤碎事，爲晉書病者，郭周二氏，亦引以爲病，而亟亟改之，且以刪繁就簡爲主，不甚留意於史實。不知史籍之用有二，或以繁爲貴，如記注是，或以簡爲貴，如撰述是。居今之世，應視諸古史皆如記注，以詳而有體者爲上選，晉記晉略，差能比於干寶孫盛，略備別史之一體，而於詳而有體之晉書，度尙無以勝之。此唐宋以來改撰三國志晉書之大略也。

李延壽之南北史，卽爲改撰南北朝八史之作，而宋代亦改撰唐書，今俱得並列於正史，前已論之詳矣。宋人方岳，曾改修南北史，書已不傳，而正史二十五種中，尙有新五代史新元史，未及論列，又宋元二史改撰之故事，驟數之而不能終其物，并於下文順序論之。

新五代史，本名五代史記，玉海引中興書目云，五代史記歐陽修撰，徐無黨注，紀十二，傳四十五，考三，世家及年譜十一，四夷附錄三，總七十四卷，修歿後，熙寧五年八月十二日，詔其家上之，十年五月庚申，詔藏

秘閣。邵齊讀書志則謂，修以薛史繁猥失實，重加修定，藏於家，修歿後朝廷聞之，取以付國子監刊行。直齋書錄解題始稱爲新五代史，以示別於舊史。又高似孫史略，載神宗嘗問歐陽修所爲五代史如何，王安石曰，臣方讀數冊，其文辭多不合義理。是則遷延五年，始詔藏秘閣，并爲刊行，由於朝議未定也。宋史歐陽修本傳云，奉詔修唐書紀志表，自撰五代史記，法嚴詞約，多取春秋遺旨。（註一二）又宋韓澠澗泉日記，記修與徐鉉書云，五代史昨見曾子固之議，今卻重頭改撰，未有了期。又與梅聖俞書云，聞中不曾作文字，祇整頓了五代史，成七十四卷，不敢多令人知，深思吾兄，如何可得，極有義類，須要好商量，此書不可使俗人見。不可使好人不見，云云。章學誠讀至此條，爲之論曰，按五代史文筆尙有可觀，如云尙有義類，正是三家村學究技倆，全不可語於著作之林也。其云不可使俗人見，其實不可使通人見也。梅聖俞於史學固未見如何，即曾子固史學，亦祇是劉向揚雄校讎之才，而非遷固著述之才，當時僅一吳縝可備檢校，而不能用以致唐史疵病百出。若五代史，只是一部弔祭哀挽文集，如何可稱史才也。（註一三）此可謂工詬古人，與劉知幾同病矣。章氏以弔祭哀挽文集稱五代史者，以其書中之序論，通用嗚呼二字發端故也。然修曾自說明其作書之旨曰，昔孔子作春秋，因亂世而立法，余爲本紀，以治法而正亂君，發論必以嗚呼，曰，此亂世之書也。（註一四）是正多取春秋遺旨之意。茲據徐注所得本紀之書法，如兩相攻曰攻，以大加小曰伐，有衆曰討，天子自往曰征，是爲用兵之四例。易得曰取，難得曰克，是爲得地之二例。它如以身歸曰降，以地歸曰附，立后得其正者，曰以某夫人某妃爲皇后，立不以正者，曰以某氏爲皇后，凡此皆先立一例，而各以事從之，褒貶自見。（註一五）書中所立死節死事一行伶官宦者諸傳，悉寓儆戒後人之意，而其意則於論中發之。蓋若王鳴盛嘗以歐史晉臣周臣兩傳各祇收三人，大覺寂寥可笑。（註一六）不悟此正歐陽氏精意所寄，本書立雜傳以處歷任數朝數姓之人，明其非某一代之臣，如清代之機貳臣傳，所以觸人臣事君報國之節，此亦寓有春秋懲惡勸善之旨也。歐史之可讀者，在重書法而輕事實，唐本紀於廢帝清泰三年十一月大書契丹立晉，以著石敬瑭之爲契丹所立。考春秋隱公四年有衛人立晉之文，晉者衛宣公之名也，石敬瑭以晉爲國號，亦云立晉，此效春秋書法之失，而重爲近人所譏者。（本意

太炎先生史學略說）通鑑亦喜用薛史，其病歐史之簡，亦可窺見，至若本紀之紀事太簡，諸志之僅具司天職方二考，皆由輕視五代史實以爲無足輕重而然。（註一七）此則非嚴正之史家所宜出，而不免見譏於王章二氏也。歐史既成，其甥徐無黨爲之注，側重書法義例，如公穀之於春秋，或謂徐親得於修，出自口授（邵晉涵說見南江書錄），或疑修自注，署無黨名（俞正燮說見癸巳存稿八），愚以前說爲近是。陳師錫序新五代史，稱其筆迹實錄，詳於舊記，亦非妄語。歐史於郭崇韜傳贊云，余讀梁宣底，是即太史公讀歷譜牒秦記之意，其所見之史料，實遠過於宋初，故卷帙不及薛史之半，而頗能多所訂補，於五代末季及十國事並四夷附錄，尤能增入新史實，爲薛史所不及，是以新舊二史，俱能並存不廢。四庫提要之論歐史曰，大致褒貶祖春秋，故義例謹嚴，敘述祖史記，故文章高簡，而事實則不甚經意。又曰，薛史如左氏之紀事，本末該具，而漸制多疏，歐史如公穀之發例，褒貶分明，而傳聞多謬，兩家之並立，當如三傳之俱存，可謂脗合其中矣。與修同時之有吳縝，曾撰五代史纂誤，旨趣與新唐書糾繆略同，有意吹毛索癢，而語亦有是處。（註一八）周密齊東野語，有劉義仲（劉恕之子）以五代史糾繆示蘇東坡之語，疑此即吳氏之纂誤，非別有一書也。明人楊陸榮亦撰五代史志疑，此皆以訂正謬誤爲職志者。迨清代彭元瑞劉鳳誥二氏，以歐史爲正文，取薛史及五代會要諸書散入正文之下，以比裴松之之注國志，是又循李清南北史合注之緒，而爲研五代史者之淵藪矣。

朱溫以鉅盜篡唐，石敬瑭以乞援夷狄而作兒皇帝，皆爲吾炎黃華胄之奇恥大辱，而作史者尊稱之爲梁太祖晉高祖，此尤甚於陳壽國志之尊魏抑蜀，極不協於人心之公者也。或謂宋受周禪，上溯漢晉唐梁，以承於唐，故撰五代史，以明其有所受，不然，薛歐諸公豈不知此，其說是也。若乃事隔數代，嫌忌盡捐，起而正之，亦烏容已。清代陳鱣乃依此義而卒續唐書，以後唐繼唐，故列莊宗明宗閔帝末帝（歐史作廢帝，此從薛史）於本紀，以南唐繼後唐，故亦列烈祖元宗後主於本紀，指梁晉漢周於世家，向之所謂十國，除南唐外，增入岐王李茂貞，合北漢劉崇於漢世家，是爲九世家，與梁晉漢周於列傳，爲十三世家，列傳稱二唐爲諸臣，稱其他爲諸國臣，以示內外之分，瑣細之事，俱詳於表，所繫十志，合薛史之歷志於天文，而別增經籍志，且爲之說曰，唐受命二

百九十年，而後唐興，歷三十年後唐廢，而南唐興，又歷三十年而亡，此六十九年，唐之統固未絕也。後唐系出朱邪，然本於懿宗賜姓爲李，莊宗既奉天祐年號，至二十年始改元同光，立廟太原，合高祖太宗懿宗昭宗爲七廟，唐亡而實存焉。南唐爲憲宗五代孫建王之玄孫，祀唐配天，不失舊物，尤宜大書年號，以臨諸國，卽如當日契丹兒曹而兄唐，高麗遣使入貢，彼尙懷唐之威靈，故尊其後裔，不敢與他國齒，奈何以晉漢周爲正，而反以南唐爲偏據乎。所論甚正，蓋與蕭郝二氏之改撰國志，同一用心，皆爲天壤間必不可無之事，論者不知其義，乃深怪之，以爲好奇之過，豈足以服蕭郝陳三氏之心乎。

宋史成於元末，最爲蕪雜，明清二代之士，致力於改撰者，頗不乏人。考其動機，厥有二端：其一，則元人以宋史與遼金並列，無異李延壽之修南北史，極爲言正統派之學者所不滿，故統宋亡訖於祥興，而爲衛益二王作紀，置遼金於外國傳，以併於西夏高麗，持此論者，多爲明人，如王洙柯維騭王惟儉之徒是也。其二，則取法歐宋之重修唐書，以訂誤補闕事增文省爲職志，精研史學之士，多主張之，其編纂之要旨，亦欲合三史爲一書，以正元代之非，持此論者，悉爲清賢，如陳黃中邵晉涵章學誠之徒是也。二者之論，各明一義，而皆有是處，未可偏廢。危素於元末，曾與修宋遼金三史，而千頃堂書目著錄其宋史稿五十卷（錢氏補元史藝文志據云），疑此爲素在史館時所具之稿，非別有所作也。惟明史周敘傳，記其曾祖以立，於元末時以三史體例未當，欲重修而未能，至殺官翰林學士，思繼先志，於正統末，（註一九）請於朝，詔許自撰，詮次數年，未及成而卒，此則爲改修宋史之最先者。明世宗嘉靖十五年，（註二〇）廷議重修宋史，以禮部尚書兼翰林學士嚴嵩薦其事（見明史議傳），亦未成書。明人改修宋史而能畢功者，有三人焉，曰柯維騭王惟儉王洙是也。明史文苑柯維騭傳，宋史與遼金二史舊分三書，維騭乃合之爲一，以遼金附之，而列二王於本紀，褒貶去取，義例謹嚴，閱二十年而始成，名之曰宋史新編。又王惟儉傳云，惟儉苦宋史繁雜，手刪定自爲一書。洙明史無傳，僅康熙臨海志云，洙著宋史質一百卷，考洙爲正德十六年進士，維騭嘉靖二年進士，惟儉爲萬歷二十三年進士，洙維騭二人之世路相接，而惟儉則二氏之後生晚學也。史質新編二書，皆著錄於四庫存目，一則曰克唐倖孽，維

指難窮，自有史籍以來，未有與心病狂如此人者。一則曰，維麟強援蜀漢，增以景炎祥興，又以遼金二朝置之外國，大綱之謬如是，區區補苴之功，亦不足道，是其列入存目之意，爲由於尊宋統，抑遼金，大綱清廷之忌，然豈得謂爲公論哉。法之自序其書曰，取脫之所修宋史，考究頗末，參極羣書，刪其繁，存其簡，去其枝葉，存其本根，始於天王正紀，終於道統，自嘉靖壬辰迄丙午，凡十六年乃就，名曰史質，以示不文。蓋洙痛惡蒙古之入主中夏，以嚴正閭之辨爲先，故於祥興二年帝昀投海後，卽以明太祖之先祖上嗣宋統，革元代之紀年而不錄，以明其爲僭竊。近人柳詒徵謂，班固作漢書，於王莽之稱帝十五年，亦抹殺之，後世未嘗以爲非，元自世祖至元十七年至順帝二十七年，爲時亦不過八十七年，視新室才四倍有奇，降爲閔紀，亦不爲過，（註三）其說是也。新編之作，蓋因宋史蕪雜舛午，加以排比贅齊，新唐書所謂事增文省者，此書或足以當之。第吾有取於是書者，尤在義例甚嚴，足以協於人心之公，何以明其然耶。其凡例云，宋接帝王正統，契丹女真相繼起於西北，與宋抗衡，雖各建號享國，不過如西夏元昊之屬，均爲邊夷，今會三史爲一，而以宋爲正，遼金與宋之交聘交兵及其卒其立，附載本紀，仍詳君臣行事爲傳，列於外國，與西夏同，是其議論極正，識見最卓。昔太史公作史記，爲繼孔子之後，以立百王之法，故作史須有識有法，先立其大，然後其小者不能奪，柯氏所論，可謂片言居要矣。清代入主中夏，與元相類，故屏革元統，卽等於斥清統之不正，館臣以荒唐傳謬斥洙之書，而於繼職之尊宋抑遼金，亦以爲大綱之謬，由於曲徇時君之意，究不得謂之正論也。夫陳壽三國志，本爲佳史，而其尊魏抑蜀，則爲大綱之謬，蕭郝諸氏起而正之，尤矣。元人所修三史，以宋伍於遼金，極不協於人心之公，亦必待後人正之而後快，如明人之改修宋史，乃天壤間必不可無之事也。沈德符敝帚軒輊語，稱繼職作是書時，至於發憤自宮，以專思慮（見四庫提要引），其用力之精勤，卽此可見。茲考二十二史劄記所舉宋史疏舛之處，柯氏多已訂正（如宋史無夏貴傳劄記會論及之而新編則爲立傳惟以其降元列入叛臣），是又非史質專重義例之比。宋史立道學傳，以尊程朱，清賢陸隴其會論之曰，宋史道學之目，尊道學於儒林之上，所以定儒之宗，非謂儒者可與道學分途（與徐健庵論明史書），而朱一新亦開其然（見無邪堂答問）獨全祖望錢

大昕諸氏以爲非當，錢氏且謂宜爲周程張朱三立專傳（合爲一傳），其餘則入之儒林（見本集跋宋史），四庫提要本之，乃謂宋史之最無理者，莫過於道學儒林之分傳，而柯氏仍之爲非，究之非深根寧極之論也。錢氏之論新編曰，柯氏新編，用功已深，義例亦有勝於舊史者，惜其見聞未廣，有史才而無史學耳（見本集跋宋史新編），斯則爲平情之論矣。（註二）惟儉之書晚成，題曰宋史記，時柯氏之書已行世，惟儉見之，重爲訂補，以成此書，體例略如新編，斷合三史爲一，列二王爲本紀。然以晚成之故，視新編差爲完密，其後吳興潘曾絃得惟儉所撰宋史，招晉江曾異撰新建徐世溥更定未成，而罷，此明代季年事也。明史曹學佺傳載之。據錢謙益列朝詩集小傳謂惟儉家藏閣籍已沈於汴梁之水，吳興潘昭度（曾絃字）曾鈔得副本，趙翼則謂副本雖未遭汴水之厄，亦終歸散佚。又謂維祺之書，未及梓行（見劄記二十三），然先是朱彝尊於柯氏新編王氏史記皆得見之，稱柯氏合宋遼金三史爲一，以宋爲正統，遼金附焉，升瀛國公益衛二王於帝紀以存統，正亡國諸叛臣之名以明倫，列道學於循吏之前以尊儒，歷二十載而成書，可謂有志之士。又謂揭陽王昂撰宋史補，台州王洙撰宋元史實，皆略焉不詳，至柯氏而體稍備，其後臨川湯顯祖義仍，祥符王惟儉損仲，吉水劉同升孝則，咸有事改修，湯劉稿尙未定，損仲宋史記沈於汴水，余從吳興潘氏鈔得，僅存。（曝書亭集四十五書宋史新編後，又朱氏明詩綜五十八王惟儉下，亦敘及宋史記，謂從吳興鈔得，未見出人意表。）愚按柯書刊於明代，（註三）錢大昕據以撰跋，而日本尙有覆刊本，王書未刊，因彝尊傳鈔，亡而復存，而鈔本展轉入柯紹忞手，後歸北平圖書館，是趙氏所說尙有未審，所宜訂正者也（歸有光亦欲改修宋史外集載論贊二十餘篇可證）。全祖望答臨川先生（李紱）問湯氏宋史帖子云，明季重修宋史者三家，臨川湯禮部若士（顯祖），祥符王侍郎損仲（惟儉），崑山顧樞部寧人（炎武）也。臨川宋史，手自丹黃塗乙，尙未脫稿，吳興潘侍郎昭度足成其書，網羅宋代野史，至十餘篋，功卒不就，是時祥符所修，亦歸昭度，然兩家皆多排纂之功，而臨川爲佳，其書自本紀表志，皆有更定，而列傳體例之最善者，如合道學於儒林，歸嘉定魏國諸臣於姦佞，列漢榮秀三嗣王獨爲一卷，以別羣宗，皆屬百世不易之論，至五開禪代之際，遺臣之碌碌者多矣，建炎以後多補，庶幾宋史之善本焉。

甲申以歸石門呂吉甫（潘氏之婿），吉甫姚江黃微君藥洲爲之卒業，成言未果，而吉甫下世，其從子無黨攜入京師，將據其草本開謄，無黨又逝，嘗謂是書若經黃微君之手，則可以竟成一代之史，即得無黨刊其草本，則流傳亦易，而無如天皆有以敗之。後是書展轉歸花山馬氏海寧沈氏，壬子之冬，沈氏諸郎言已歸太倉金氏矣。然是書累易其主，所存僅本紀列傳，而其十餘卷之野史，則不知流落何所，可爲長太息者也。寧人改修宋史，聞其草本已有九十餘冊，乃其晚年之作，身後歸徐尙書健菴，今亦不可問矣（以上見鮑琦亭集外編四十三）。據此則於維艱惟倣二本外，又有湯顯祖顧炎武二氏改修之本。梁玉繩亦云，聞前輩言湯若士有宋史改本，朱黑塗乙，某傳當削，某傳當補，某人宜合某傳，某人宜附某傳，皆注目錄之下，割段分明。王阮奇分廿餘語謂，臨川舊本，在吳興潘昭度家，恨無從購之。許周生云，潘中丞昭度嘗欲重修宋史，先爲宋史鈔，照拾最富，友人楊鳳苞見其殘藁十餘冊，其全書則散佚久矣（警記四）。按昭度爲潘曾紱之字，全梁二氏所謂潘氏湯氏宋史稿本爲曾紱所得者，殆即明史所載曾紱更定之本歟。愚檢王惟倣宋史記稿本，其間朱黑塗乙，添注甚多，粘簽無慮百數十紙，皆作蠅頭細書，且有將刻傳改撰者，凡訂七十二冊，有前跋云，此當爲湯若士改本（記爲王漁洋所撰，又漁洋靈龜集有宋史記凡列跋），又時有墨注，尾標寶王二字，是其中又有宋寶王校改之筆，（註二四）或云悉出寶王，而湯氏所丹黃塗乙者非此本。以愚考之，全氏所謂詳符所修，亦歸昭度，正與明史所記相譬，是則湯氏所據者，即爲惟倣所修，既歸於潘，又招曾撰異徐世溥更定之，而卒用不就也。若王湯二氏各有一稿，則湯氏所丹黃塗乙者，必用宋史原本，用力多而成功少，無乃不憚勞歟乎。夫惟湯氏見王氏之稿，而不甚滿意，遂加以丹黃塗乙之功，某氏所跋，至爲得實，繼之以寶王之校改，而成爲今日所見之本，其本末次第固可考而知也。清乾隆中，陳黃中撰宋史稿二百十九卷，其自序云：

元世祖平宋，即詔開局纂修宋史，訖至正而後成，蓋百年矣。然繁冗疏漏，秉筆者類非史才，又元初去宋未遠，歲月相接，子孫之求句，史官之假借，虛美隱惡，并所不免，亦有後裔寥落，不能表章先世，則雖當記述者，顧並逸之，後來史官，即據前書，潦草敷衍，詞筆庸猥，去取踳駁，令覽者讀未終篇，輒

欲棄去。有明一代改修者不一家，其最著者，如莆田柯維騷之新編，詳符王惟儉之宋史記，亦僅取舊史稍加刪節，至其中一人兩傳及是非失實者，俱並仍之，較長繁短，莫能相向。他如揭陽王昂之史補，天台王洙之史遺，尤簡略不詳，自鄧以下，無足論已。本朝通人朱彝尊，嘗譏諸人長編尚未屬目，輒奮筆著書行世，猶夏蟲之不可語冰，因欲襲宋代諸書，考其是非異同，自定一書，惜老而未果。黃中少時，每欲仿新唐書事增文減之例，重加改修，卒卒未遂，然暇時每遇有關宋史諸書，隨時采獲，積二十年，至乾隆十三年，因盡發向日所筆記者，討論審訂，改竄舊書，歷八寒暑，乃克就稿，汰繁補逸，顯微闡幽，期得是非之公，用存勸懲之義。然建隆以迄紹興，載籍極博，涉獵取材，差爲完備，自時厥後，文獻無徵，旁搜廣羅，不遺餘力，舊史凡四百九十六卷，今茲取其大半，與新唐書之卷適相等，第較量史才，則無能爲役。又歐宋改修唐史，積十七年而後成，其預編輯者十人，皆極一時文學之選，然同時吳縯劉義仲等，猶並著書以糾其謬。矧在寡昧，以一手任編輯之役，成書歲月，又僅居昔賢之半，其抵牾疏漏，更百倍於前人。降伏草茅，謹箴篋笥，隨時訂定，無所折衷，名以史稿，志未成也。（註二五）

據序所言，則是書之成，當在乾隆二十年之後，迨乾隆二十七年壬午，而黃中卒，後爲錢大昕所見，爲之跋云：

吳門陳徵士和叔（黃中字）宋史稿本紀十二志三十四表三列傳一百七十，共二百十九卷。其糾舊史之失，謂韓琦與陳升之王珪同傳，薰蕕無別，陳東歐陽澈與宋季一僧一道士同傳，擬不於倫，康保裔戰敗降契丹，官節獲便，事見遼史，而以冠忠義，杜審琦卒於天成二年，而以冠外戚，凌康佐本紀既書降金，而又入之忠義，李穀資貞固皆五代遺臣，入宋未仕，不應立傳，皆確不可易，於姦臣傳進史彌遠嵩之，而出曾布，頗與鄒意合。若王安石之立新法，引僉人，雖兆宋禍，而本無姦邪之心，鄭清之雖黨於彌遠，其在相位，亦無大惡，和叔俱以姦臣目之，未免太甚矣。此稿增刪塗乙，皆出和叔手迹，然前後義例，未能盡一，紀傳無輪贅，志無懸序，蓋猶未定之稿，較之柯氏新編，當在伯仲之間耳（潛研堂文集二十八）。

據陳氏稿本，今已不可得見，（註二六）其改修之內容，僅可於錢氏跋中，窺其崖略。愚意乙部之作，以後出者爲勝，據陳氏自序，知其用力甚深，補苴實多，且獲見李燾長編等書，據以補柯王二氏之缺略，則其勝於前作，自不待言。而錢氏謂與柯氏新編在伯仲之間，是於陳作尙有微辭，何耶。蓋柯氏於宋史用力已深，大體略備，義例之精，尤非後來諸作所能及，朱彝尊夏竦之譏，殊失之過，錢氏生當多忌之世，亦不敢誦言其佳，故僅以二書相伯仲爲言，陳書之未能付刊，亦以懼觸時忌之故耳。吾謂與其舍柯書而別爲改作，無寧就柯書而詳加訂補，改作則艱難爲功，訂補則因成易爲力也。柯書之已善者，如義例是，則一仍之，柯書之未備者，如陳氏所指數各事，是則爲訂補之，如是則可取柯書列於正史，而稱爲新宋史，柯紹竑之新元史，藉政府之力得入正史，則維祺之作，何爲而不得列入正史，前後二柯，互相輝映，吾知終必有實現之一日也。清代諸賢，多有志於改修宋史，顧炎武朱彝尊之已見於前者，無論矣，餘如全祖望杭世駿邵晉涵章學誠，皆有志於是。試歷舉之：全氏曾言某少讀宋史，歎其自建炎南渡，荒謬滿紙，欲得以爲藍本，或更爲拾遺補闕於其間，荏苒風塵，此志未遂（答臨川先生問湯氏宋史帖子）。此全氏有志改修宋史之證也。梁玉繩謂杭世駿（世駿字），嘗命余刪增宋史別作一書，自揆陋陋，謝不敢爲（響記四）。此杭氏有志改修宋史之證也。章學誠嘗云，時議咸謂前史榛蕪，莫甚於元人三史，而措功則宋史尤難，邵晉涵遂慨然自任，晉涵又謂宋史自南渡以後，尤爲荒謬，以東都賴有王氏事略故也。故先輯南都事略，欲使先後條貫粗具，然後別出心裁，更爲趙宋一代全書，其標題不稱宋史，而稱宋志，然南都尙未卒業，而宋志亦有草創（章氏遺書十八邵與桐別傳）。學誠亦自云，古人云載之空言不如見諸實事，僕思自以義例，選述一書，以明所著之非虛語，因擇諸史之所宜致功者，若如趙宋一代之書（遺書九與邵二雲論修宋史書）。此又邵章二氏有志改修宋史之明證也。大抵明人所改修之宋史，義例精而條理未密，故易於舉功，清賢所擬，改修之宋史，義例不必精，而條理極密，故除陳黃中一人外，餘則徒託空談，而不能成書，蓋非數十年之歲月一手一足之烈所能爲役也。朱彝尊陳黃中俱稱揭陽王昶有宋史補，昶當爲明人，其書則未之見。四庫提要則謂沈世泊有宋史就正編（宋史條下），此書亦未之見。世泊當亦明人也。明人

又有邵經邦撰弘簡錄二百五十四卷，意在續通志，故合宋遼金三史爲一，實不啻三史之簡本。朝鮮王李算亦撰宋史荃一百四十八卷，意在刪繁就簡（撰於清乾隆時，寫本藏朝鮮京城大學圖書館），此皆改修宋史之具體而微者也。清末陸心源撰宋史翼四十卷，其體如元史詳文證補，專就宋史所無者補之，當與王昶之史補爲一類，所有改修與訂補宋史之書，已大略具於是矣。

明初所修元史，不甚慶人之望，正有待於訂補或改修。永樂中胡粹中以元史詳於世祖以前攻戰之事，而略於成宗以下治平之迹，順帝時事亦多闕漏，因作元史續編十六卷，以綜其要，此卽訂補元史之作也。惟其書起世祖至元十三年，迄順帝至正二十八年，用編年體，大書分注，全仿通鑑綱目，可稱元鑑綱目，不得謂之續元史。

迨至清代，則改修之作甚多，間亦有爲之訂補者，其別有二：其一，因元史蕪雜缺略，而廣徵中土固有之史實，以補證舊聞，訂正謬誤，而圖改造新史者，如錢大昕魏源之徒是也。其二，因元代疆域不以中土爲限，別徵西方之史實，以補中土所未聞，證中土所未確，以別造一新史者，如洪鈞屠寄柯紹忞之徒是也。清初邵遠平始撰元史類編四十二卷，意在續其父經邦之弘簡錄。魏源論之曰，遠平類編，襲鄭樵通志之重疊，以天宰輔庶官分題，已大備史法，且有紀傳，無表志，於一代經制，闕略未備。（註二八）然邵氏能取經世大典諸書，以補正史，不無訂正之功，而世祖以下諸本紀，卽爲魏源新編所襲用，是其致功於此，亦匪細矣。其後錢大昕有志於是，致力最深，嘗得元秘史刊行之，秘史敘蒙古初起及兼并諸部落事綦詳，可證元史之誤，徒以譯文質樸，悉用當時俚語，明初修史諸氏，鄙棄不加留意，任其湮沒。錢氏既得秘史，稽考內容，乃知其可據可資，故爲之跋云。論次太祖太宗兩朝事蹟者，其必於此齟折其衷。又嘗云，在館開日，以元史冗雜漏落，潦草尤甚，擬仿范蔚宗歐陽永叔之例，別爲編次，更定目錄，或刪或補，次第屬草，未及就緒，歸田以後，此事遂廢，唯世系表藝文志二稿，尙留篋中（元史藝文志序）。其後徐松亦有志於是，而未能卒業（見魏光燾元史新編序）。又魏源謂嘉定毛氏有元史稿（見新編凡例），毛氏不知爲何許人，疑爲錢氏大昕之誤，大昕卽嘉定人也。繼有作者，則爲魏源之新編，源嘗論舊史之失云：

人知元史成於明初諸臣潦草之手，不知其載筆掌故之荒陋疏舛諱莫如深者，皆元人自取之。兵燹之多寡，非勳戚典樞密之臣一二預知外，無一人能知其數者。拖布赤顏（按卽脫卜赤顏）一書，譯言蠻武開天記，紀開國武功，自當宣付史館，乃中葉修太祖實錄，請之而不肯出，天曆修經世大典，再請之而不肯出，故元史國初三朝本紀，顛倒重複，僅據傳聞。國初平定部落數萬里如墮雲霧，而經世大典於西北藩封之疆域錄籍兵馬，皆係虛列篇名，以金匱石室進呈乙覽之書，而視同陰謀，深閉固拒若是。元一統志亦僅載內地各行省，而藩封及漠北西域皆不詳，又何怪文獻無徵之異代哉。是以疆域雖廣，與無疆同，武功雖雄，與無功同，加以明史館臣，不諳繙譯，遂至重紕疊繆，幾等負塗，不有更新，曷徵文獻（擬進元史新編表）。

據此所論，則元史之冗雜漏落，多由史實無徵，不盡由於修史者之潦草從事矣。源初撰聖武記十卷，以紀述清代掌故，又撰海國圖志一百卷，以考訂域外地理，晚復從事元史，創定體例，獨出己裁，其所徵據，則元代官私之所紀錄，明初諸臣遺老之所紀載，宋遼金明諸史之所出入，與夫佚事遺聞，見於近人各家之說也。又以元之疆域，遠軼漢唐，西北所極，尤應詳載，乃立太祖三朝平服各國傳，至中葉以後，號令不逾金山，內國之事屢見，爲立東北叛藩傳，以明始末，此皆詳舊史之所未詳也。列傳用分類相從之法，於儒林文苑良吏忠義列女奸臣之外，增以遺逸釋老羣盜諸目，於舊史之諸專傳，悉改爲合傳，題曰開國功臣武臣樞臣文臣平宋平金平蜀功臣諸傳。又於諸相臣文臣言臣，皆冠以世祖中葉元末等稱，分標專目，則又爲往史之變例。本紀自世祖以下，襲用邵氏類編，藝文志氏族表，全取之錢氏大昕，此又所謂擇善而從，不必已出者矣。至其文章雅潔，議論明快，尤爲舊史所不及。源歿後，稿展轉由龔自珍莫祥芝，而歸其族孫光燾，於光緒三十一年，乃由光燾序而刊之，亦幸而不亡也（以上據光燾序）。近人考論元代疆域者，謂其西方所極，有奇卜察克汗國（一作欽察汗國），伊兒汗國，察哈汗國，合其而積，大於中國本部之數倍，元史所述，專詳本部，不過爲其全部十分之一二（又有元太宗封地，謂之窩闊台汗國，後併入中國本部，而無與於上述之三大汗國）。自太祖成吉思

汗以詔世祖忽必烈初年，國號本稱蒙古，至世祖至元八年，始改稱大元，元之一名，不足以賅西域諸國，正與元史一書，不足以賅蒙古全部同符。魏氏之新編，於中國本部之史實，已極盡訂補之能事，可謂無憾。然仍不能比於新唐書新五代史而列入正史者，正以西方人所輯蒙古史籍多紀三大汗國故事，魏氏未能兼采，不得謂備耳。譬如田曉萬頃，聚闕未盡，仍有待於後人之拾補，又勢之不容已者也。西方人之撰蒙古史者，如拉施特，志費尼，瓦薩甫，皆爲波斯人，仕於伊兒汗國者。如多桑爲法蘭西人，如霍渥兒特爲英吉利人，而皆生於十九世紀（當中國嘉慶道光時），多桑氏之書凡四卷，所紀始戡吉思汗，迄帖木兒，多以拉施特志費尼二氏之書爲依據，旁徵博引，考證精詳，爲西方蒙古史之唯一佳著。霍渥兒特之書最後出，令書分五大部：第一部曰蒙古本部，所紀爲蒙古先世種族源流，及太祖太宗定宗憲宗四朝兼併各部之事，並及世祖以後諸汗。第二部曰韃靼，所紀爲奇卜察克汗國事，即在俄境之蒙古汗國也。第三部紀伊兒汗國事，即在波斯之蒙古國也。霍氏全書，至此而止。第四部紀察哈台汗國事，第五部紀帖木爾汗國事，皆未成。霍氏於拉施特志費尼瓦薩甫多桑之書，及中土之元史元祕史親征錄之譯本，無不涉獵採擷，以入其書，最爲繁富，治元史學者，不求之於此，則缺憾必不能免。清代道咸間，如徐松張穆何秋濤皆以治西北地理，究心元代西域之史事，而仍不能采及於此。及同光間，洪鈞以甲科高第，奉使歐西各國，先得拉施特之書，以用阿剌伯文寫成，隨員多不能通，乃展轉求得俄人譯本，及多桑霍渥兒特二氏之書，勤加考覈，參證，以成元史譯文證補三十卷。所謂證者，證中國所未確也。所謂補者，補中國所未聞也。洪氏令功未竟，旋就殂謝，中凡有目無書者十卷，聞洪氏草稿略具，卒前付其子洛，令卒成之，洛旋卒，其稿遂失，惜哉惜哉。（註二九）繼洪氏之後，致力於元史者，凡得二人，其一爲屠寄，其一則柯紹忞也。屠氏所著之書曰蒙兀兒史記，初印本僅八冊，繼增至十四冊，屠氏卒後，其家整理遺稿，凡得一百六十卷，合訂二十八冊，民國二十三年刊成，初印之本，悉具其中，而次第標目，稍有異同。其命名爲蒙兀兒史記，而不用元史舊名者，元之初祖，本以蒙古爲部族之稱，一作蒙兀兒，亦稱冒骨子，成吉思汗立國以來，詔誥文檄，則自稱蒙古國，至世祖未改號以前猶然，名爲實賓，不應稱元，一也。屠書所

紀，偏重世祖以前史事，大元之號，非成吉思窩闊台貴由蒙哥諸汗所知，名從主人，不應稱元，二也。居於中國本部之大汗，雖爲各部之宗主，然其他三大汗國，則以蒙古國爲通名，而不必專用大元之號，以大概小，不必稱元，三也。且蒙兀二字，出於舊唐書室韋傳之蒙兀室韋，稱名甚古，讀音亦正，是以屠氏不惟不用元之一號，即蒙古二字音之不甚確者，亦不肯輕用，其立名之矜慎可知也。考元初諸帝皆稱汗，太祖在日，部下尊曰成吉思汗，猶唐宋諸帝之有尊號也。太宗定宗憲宗生前皆無尊號，至於四帝之廟號，皆世祖至元中追諡，故屠氏於本紀題太祖曰成吉思汗，用其生前尊號也。太宗以下皆稱名，曰幹歌歹汗（即窩闊台）者，太宗也。曰古余克汗（即貴由）者，定宗也。曰蒙格汗（即蒙哥）者，憲宗也。曰忽必烈汗者，世祖也。以下類推，其稱名而不稱廟號者，用元祕史及蒙古源流例，成吉思汗獨不稱名，亦用祕史例也。意謂所撰爲蒙古一部族之史，而不同於漢晉唐宋之斷代史，故別創義例，而面目爲之一新焉。其於三大汗國事，紀載亦詳，奇卜察克汗國，創於朮赤拔都父子，洪氏證補已爲作補傳，屠氏因之（拔都改作巴禿，亦從祕史），而取材更富。伊兒汗國創於旭烈兀，以及察哈台諸王帖木兒汗國，洪氏皆擬作補傳，而有目無書，屠氏則補作察阿歹（即察哈台）諸王及帖木兒傳。而旭烈兀傳亦有目無書，至柯氏新史乃爲補成之。屠氏更於漠北三大汗傳中，詳述窩闊台汗國之盛衰，更撰西北三藩地理通釋，以補元史之未備，雖其書爲未成之作，缺卷甚多，而用力則甚勤。又用自注之法，於正文之下有分注，一篇之前，包孕甚多。故近人孟森論之曰：

史之爲書，六代以前，史家多以一心經緯史實，以錄一代之史。唐以後，惟歐陽新五代爲然。先生此書，所得固多出於舊史，然其參訂舊史，以綜合新材，無一字不由審訂其地時日而後下筆。故敘述皆設身處地，作者心入史中，使讀者亦不自謂身落史後，較之心不與全史浹，而以其副徵鉅訂之文詔後人，不免孟子所謂以其昏昏使人昭昭矣（蒙兀兒史記序）。

據此所論，近代史家真能經緯史實心入史中，使讀者亦不自知身落史後者，曾無幾人，而屠氏洵當之而無愧矣。屠氏卒於民國以後，篋中未定之稿，尙待理董，叔子孝實（字正叔），能嗣其業，未幾孝實又卒，其弟孝

宦（字公覆）繼之，整理粗糲，旋付剞劂（據孟序），即今日所傳之最後刊本也。柯氏之書曰新元史，蓋爲訂補舊史而作，上仿歐陽修之改修五代史，亦近代僅見之作也。書成於民國九年，初刊爲鉛印活字本，未幾錢木，並由政府明令列入正史，其始功後於屠氏，而成書則在其前，所取史料，有得之錢大昕魏源者，有得之何秋濤李文田者，有得之洪鈞屠寄者，至其體例，雖與舊史無異，而不乏改訂之處。又本紀以太祖以前事撰爲序紀，略如屠書之世紀，此仿續書金史，而深得體要者。又改順帝紀爲惠宗紀，補撰昭宗紀（順帝太子愛猷識理達臘）表合宗室世系及諸王爲一，名宗室世系表，志分禮樂爲二，名禮志樂志，合祭禮輿服二志爲一，名輿服志，列傳則分儒學爲儒林文苑二傳，改良吏傳爲循吏傳，孝友傳爲篤行傳，刪去姦臣叛臣逆臣三傳，新增蠻夷傳，皆其最著者也。其於經營西域之史事，敘述亦略備，如太祖太宗定宗憲宗四紀，與外國傳之後半，及述不台者別耶律楚材以下諸傳，綜比觀之，可以明其本末。又於三大汗國之盛衰興亡，紀載亦詳。錢大昕撰元史氏族表，係據元祕史及輟耕錄，分蒙古人色月人各爲若干種，而柯氏則分蒙古民族爲黑白野三答兒，而不取錢氏之說。凡此皆蒙古哲撰述之影響，一覽可知者也。元經世大典雖佚，尙有殘本可考，邵氏類編，已知采用，又有元典章，爲魏氏新編所取材。柯氏於此類史料，尤知重視，如於百官志，補入單官封贈蔭官注官守闕起任程限給假丁憂任養等。兵志之馬政，則增入和買馬括馬抽分羊馬三項，又增軍糧一目。刑法志中屢載至元新格以下之條文。食貨志中自至元二十三年頒行立社規條以後，凡屬社之法令無不備載。又於鹽茶酒醋市船四課及和籴幹脫錢官鈔法之通行票緡鈔錢法以及海運振卹等項，資料無不輯補之。此皆由重視大典典章而所得之收穫者。至於采取元祕史魏征錄蒙古源流等書，以補舊史之闕，既悉同於洪屠二氏，而柯氏用力尤勤。（註三〇）故近人論及柯書，一則曰柯氏承諸家之後，參考諸家之著述，修改元史，等於羣雄割據迭興之後，而成統一之功。（註三一）再則曰，元史之有柯氏，正如集百川之歸流，以成大海，集衆土之積累，以成高峰。（註三二）日本東京帝國大學文學部，並因此而贈柯氏以文學博士學位，其推崇可謂至矣。然其中之可議者，亦有數端：舊史

本紀，多取自元十三朝實錄，柯書則取其繁冗者，收入各志，不易尋其首尾，則舊史仍不可廢，一也。藝文志可徵一代文獻，錢氏補輯甚備，故魏氏新編曾氏元書皆采之，而柯書乃不之取，不得謂備，二也。屠氏於洪氏補作諸傳，皆別采新材，矜慎訂補，而柯氏則又悉以原文入錄，不加別白，三也。元代教徒，於釋老外，有四教，耶教，柯書僅有釋老傳，又於也里可溫（卽耶教）之紀事，僅略見於本紀，而於耶教名人之勃萊奴喀皮尼魯卜里克孟德高奴維等，皆不著一字，亦爲漏略，四也。至於霍渥兒特等氏所著之蒙古史料，雖傷繁富，可取正多，而柯氏多未之及，亦有待於後人之譯補，是則柯氏之作，仍不得謂之竟其全功也。茲取屠柯二氏之書，比而論之，屠書取材甚富，考辨至精，特以造端宏大，非一人之精力所能盡舉，故雖卷近二百，父子世業，仍爲草創未竟之作。柯書造端之宏大，亦不下於屠氏，惟多因前人成作，而加以鑒積補苴，雖費組織之力，殊少草創之功，孟森所謂心不與全史淡，而以其竊效鉅訂之文詔後人，不免以其昏昏使人昭昭，正以暗譏柯氏。以是知二氏之作，有一創一因一難一易之分，而其孰爲優劣，亦不待辨矣。以上所述，卽前代改修元史之大略也。（註三）

明史成於清代，忌諱太多，故有明知其爲漏略，而終於不敢著筆者。清史稿更爲未成之作，是皆有待訂補以修。而改修清史，尤爲當務之急。設局官修，久滋詬病，時方多故，亦未暇及此，世有歐陽修柯紹憲其人，必能奮筆一宰，草定新史，以待政府之訪求，吾將拭目以俟之矣。

其三則爲分撰之史。皆在姬周之盛，天子有左史右史，以司記言記事之職，而諸侯亦各有國史，如晉之乘，楚之檮杌，魯之春秋，皆具史之一體，亦後世國別史之濫觴也。興平之世，分據北方者，前後凡十六國，故撰晉書者，或以爲錄，或以爲載記，附於正史，亦具體而微矣。而崔鴻則別撰十六國史，蕭方等則別撰三十國春秋，此又分撰編史之先例也。唐宋以來屬於分撰之史，則有下列諸書：

書	名卷	著撰人	附考
西魏書	二十四卷	清謝夢昌撰	帝紀一，表三，考四，列傳十二，志四十一，凡三十一篇，地城百官屬考，及字文書傳，皆分上下二卷，共三十四卷。
右自魏書分撰			
南唐書	三十卷	宋馬令撰	共生書一卷，列傳三卷，志四卷，列傳四卷，列傳五卷，列傳六卷，列傳七卷，列傳八卷，列傳九卷，列傳十卷，列傳十一卷，列傳十二卷，列傳十三卷，列傳十四卷，列傳十五卷，列傳十六卷，列傳十七卷，列傳十八卷，列傳十九卷，列傳二十卷，列傳二十一卷，列傳二十二卷，列傳二十三卷，列傳二十四卷，列傳二十五卷，列傳二十六卷，列傳二十七卷，列傳二十八卷，列傳二十九卷，列傳三十卷，列傳三十一卷，列傳三十二卷，列傳三十三卷，列傳三十四卷，列傳三十五卷，列傳三十六卷，列傳三十七卷，列傳三十八卷，列傳三十九卷，列傳四十卷，列傳四十一卷，列傳四十二卷，列傳四十三卷，列傳四十四卷，列傳四十五卷，列傳四十六卷，列傳四十七卷，列傳四十八卷，列傳四十九卷，列傳五十卷，列傳五十一卷，列傳五十二卷，列傳五十三卷，列傳五十四卷，列傳五十五卷，列傳五十六卷，列傳五十七卷，列傳五十八卷，列傳五十九卷，列傳六十卷，列傳六十一卷，列傳六十二卷，列傳六十三卷，列傳六十四卷，列傳六十五卷，列傳六十六卷，列傳六十七卷，列傳六十八卷，列傳六十九卷，列傳七十卷，列傳七十一卷，列傳七十二卷，列傳七十三卷，列傳七十四卷，列傳七十五卷，列傳七十六卷，列傳七十七卷，列傳七十八卷，列傳七十九卷，列傳八十卷，列傳八十一卷，列傳八十二卷，列傳八十三卷，列傳八十四卷，列傳八十五卷，列傳八十六卷，列傳八十七卷，列傳八十八卷，列傳八十九卷，列傳九十卷，列傳九十一卷，列傳九十二卷，列傳九十三卷，列傳九十四卷，列傳九十五卷，列傳九十六卷，列傳九十七卷，列傳九十八卷，列傳九十九卷，列傳一百卷。
南唐書	十八卷	宋路振撰	父獻通考經傳志作十五卷，王士禛古夫于卒補錄其，實是宋本紀三卷，列傳十五卷，附元人疏光書錄一卷。
十國春秋	一百十四卷	清吳任臣撰	一吳，二南唐，三吳越，四南唐，五後蜀，六東漢，七南漢，八閩，九楚，十北楚，實為十國，東漢一作東漢，各國原書已佚，自永樂大典輯出。
南唐書	十八卷	清梁廷樞撰	吳十四卷，南唐二十卷，前蜀十三卷，後蜀十卷，南漢九卷，楚十卷，吳越十三卷，閩十卷，南唐四卷，北漢五卷，十國紀元世系表一卷，地理志二卷，職官表一卷，百官表一卷。
南唐書	五卷	清吳蘭修撰	宋劉恕十國紀年四十卷，見宋史藝文志。
右自五代史分撰			
渤海國志	四卷	近人唐晏撰	附東錄二卷，考吳十八卷，南唐文字略四卷。
渤海國志	三卷	近人黃維翰撰	附地理志一卷，金石志一卷。

渤海國志長編		二十卷	今人撰	地略二卷，紀二卷，表四卷，列傳五卷，考四卷，文徵一卷，續考一卷，餘錄一卷，成書於民國二十年。
右自唐書分撰				
南宋書	六十卷	明錢士升撰	去歲里列國之名，列於表傳，又合通鑑傳於通鑑傳。	
西夏書	四十二卷	清吳廣成撰	起唐僖宗中和三年，訖宋徽宗崇寧五年。	
西夏記	二十八卷	近人戴紹章撰	北參用編年體。撰法西夏國志十六卷，周穆西夏書十五卷，皆未刊，陳鳳西夏書十六卷，亦未見。	
存自宋遼金史撰				
南疆逸史	四十四卷	清溫春臨撰	紀略四卷，列傳四十卷，紀南明四事，下同。	
小續紀年附考	二十卷	清徐壽撰	用編年體。	
小續紀傳	六十五卷補遺五卷	同上	上記卷傳卷	
南明書	三十六卷	清錢綺撰	未刊。	
右自明史分撰之南明史				
清室國別記	一卷	章炳麟撰	紀清人國前史事，下同。	
清前紀	一册	近人孟憲承撰		
明元清系通紀		同上	已刊十六册，未竣功。	
賊情彙纂	十二卷	清張德堅撰	咸豐五年已即成書，準止於四年事，係紀太平天國之政治制度。	
李秀成供狀	一篇	李秀成自述	有木刊及鉛印兩本，文字略有異同。	

太平天國史料第一集	近人輯撰	留學法國時搜集。
太平天國叢書十卷	近人蕭一山撰	自英京倫敦搜集，並就原本排印。
太平天國戰紀一編	嚴偉瀛編	據東京成所撰天國志以成，謂天國北王韋昌輝之子也。
太平天國野史二十卷	近人凌善法撰	據氏所撰初安姓民所藏之生擒紀事，然其平亂書簡又有涉秘，頗與史略一書，此二書皆自歐陽氏舊藏。
太平天國戰史	著日漢公編	所採有太平實錄殘本，及李秀成遺傳日錄。
太平天國史綱	近人羅爾綱撰	凡八章，公嘉十六年一月出版之書，時在諸家之後。

右自清史分撰之清開國史及太平天國史

茲再依次論之，往者魏收作魏書，以孝武西奔，稱爲出帝，更以高歡所立之孝靜帝繼之，蓋收身爲齊臣，不得
 不以齊承東魏，然其不協於人心之公，不待言矣。爾時有平繪者，別撰中興書，崇文總目稱其敘事不倫，（註三四）
 義例當同於收作。隋開皇中乃詔魏澹別撰魏書，自道武下訖恭帝，爲十二帝紀，退東魏孝靜帝稱傳，以正收繪
 之失。然澹書久佚，其僅存者，亦羅入收書，幾不易辨。澹書以爲魏亡於恭帝，則自孝武西遷以下四世（武文
 廢恭四帝）俱列爲本紀可知也。唐初李延壽作北史，亦用魏澹之例，以西魏爲正，猶列孝靜於本紀，列傳悉仍
 收書，未加是正。清代謝啓昆深鑒收書之失，遠師魏澹之例，取孝武以下四帝事蹟，別撰西魏書，改撰大旨，
 見於敍錄，所撰諸考，尤能訂補收書諸志之闕失，洵別史中之佳製也。蕭梁之末世，蕭督以武帝家孫，立於江
 陵，凡歷三主三十三年乃亡，世稱後梁其事蹟略見於周隋書北史，而語焉不詳，蔡元恭後梁春秋十卷，及姚最
 之梁後路，皆已不傳，明人姚士粦亦作後梁春秋二卷，用編年體，（註三五）今行於世。近人江都毛乃庸更作後梁
 書二十卷，本紀四，曰高宗，曰中宗，曰世宗，曰孝靖帝，表二，曰世系，曰交涉，志四，曰疆域，曰職官，
 曰藝文，曰梵宇，列傳十，曰后妃，曰高宗諸子，曰中宗諸子，曰世宗諸子，曰張續等，曰蔡大寶等，曰劉盈

等，曰沈巡等，曰王琳等，曰敘傳，最初僅見其敘傳一篇（續刊中國學報第四冊），後則業已刊行。尋其敘錄，稱及蔡元恭，而不及姚士彝，姚書極易得，乃不之見，甚可怪也。以上三書，皆就魏書周書隋書北史之一部而分撰者也。

新舊兩唐書，皆爲渤海立傳，渤海出於粟末靺鞨，始王姓大氏，名祚榮，於唐武后聖歷元年，立國於肅慎，世受唐封，傳十五王，二百二十九年，至後唐明宗天成元年，爲遼所併滅。其史實散見於諸書者至夥，兩唐書多遺而不載。唐人張建章於文宗大和中，撰渤海國紀三卷，久已不傳。近人唐晏始采摭羣籍以成渤海國志四卷，崇仁黃維翰更撰渤海國記三篇。唐志有筆路藍縷之功，而疏略實甚。黃記精簡可誦，而於域外之書，亦罕見采取，間有舛誤。愚於民國二十年始，因唐志以撰渤海國志長編二十卷，於中籍外，凡別見於朝鮮日本史籍者，一一采摭無遺，分年排次，先成世紀後記各一卷。又取其中之宗臣諸臣士庶屬部遺裔別爲五傳。又撰地理職官族俗食貨四志。附以文徵叢考，記傳諸考所未盡者，以表明之。大氏一國之事蹟略備。時黃記尙未出，愚於付刊前，借得稿本，又爲訂正數事，惟以體爲長編，頗病繁縟，繼來加以剪裁，方爲定本。唐代屬國甚多，其已撰爲專史者，除渤海外，殊不多見。此即取兩唐書之一部而分撰之史也。

宋人爲令，因其祖元康，世家金陵，習知南唐故事，未及撰次，乃繼先志，而撰南唐書三十卷，所繫序贊，皆以嗚呼二字發端，蓋規仿歐史也。其後陸游亦撰南唐書十八卷，簡核有法，勝於馬書。於烈祖李昇紀後論云，昔馬元康胡恢皆常作南唐書，自烈祖以下，元康謂之書，恢謂之載記，是則宋代撰南唐書者，又有胡恢（宋史藝文志補云，恢金陵人），惟已不傳。其稱馬令爲元康者，以孫述祖，猶濫之於談，固之於彪，令之作，卽等於元康之作也。（註三六）明末李清始取兩南唐書合而爲一，署曰南唐書合訂二十五卷，刊本罕見。清代詳符周在浚，清浦湯運泰，皆爲陸書作注，（註三七）周氏注本，附以吳興劉承幹補注十八卷，湯氏注本，雖已付刊，則不易得。此又研南唐史者必讀之書也。宋人范炯林禹合撰吳越備史，用編年體，以紀錢氏一姓之舉蹟。清代梁廷枏撰南漢書，吳蘭修撰南漢紀，皆南唐書之亞。其合十國爲一書者，有宋路振之九國志，清吳任臣之十國

春秋。所謂十國者，吳楊行密南唐李昇前蜀王建後蜀孟知祥南漢劉龔楚馬殷閩王審知吳越錢鏐荆南高季興北漢劉崇是也。歐史仿晉書載記之例，爲十國撰世家，以別於一系相承之五代，而其名始定。（註三八）路氏九國志，名爲九國，所紀實爲十國，每國先爲國主作略傳，如本紀，後附以諸臣傳，亦用紀傳體。吳氏以歐史紀十國事，尙語焉不詳，乃採諸舊史雜史以及小說家言，並證以正史，以成十國春秋。又於諸傳本文之下，自爲之注，載別史之可存者，且於舊說之非是者，多所辨證，所撰表志，考訂尤精，惟王鳴盛譏其每得一入，卽作一傳，僧道婦人之傳，每篇祇一二行。卽徐鉉騎省集亦未之見。蓋專以博爲事，而未之能精者（十七史商榷九十八十國春秋條）所論殊當。以上諸書，皆就新舊五代史之一部而改撰者也。

明人錢士升，取南宋九帝之事，別撰南宋書，亦得爲別史之一種。而南宋之世，北方有遼金蒙古，先後崛起，與之對峙，又有西夏李元昊，傳世十，歷年一百九十，立國於宋仁宗朝道元年，至理宗寶慶三年，爲蒙古所併滅，其事具於宋遼金三史之西夏傳，而宋史尤詳。近人羅福長因夏人所傳之掌中珠一書，得通西夏自製之樹體文字，并爲宋史西夏傳作疏證，惜未卒業而歿。清代洪亮吉撰西夏國志十六卷，周春撰西夏書十卷，陳崑撰西夏事略十六卷（著錄清史稿藝文志），皆不見傳本，書或未成。張鑾西夏紀事本末，傳世已久，吳廣成西夏書事，原刊本不多見，最近始覆印行世。近人開縣戴錫章廣輿羣書，分年排次，以成西夏紀，書最晚成，差爲詳備，考西夏一國事者，應於是取資焉。此皆就宋史及遼金二史之一部而分撰者也。

明思宗於崇禎十七年甲申三月殉國，是年五月，明遺臣迎福王由松卽位於南京，改明年元爲弘光，是年（卽清順治二年）五月南京陷，由松尋殂。初稱聖安皇帝，後諡安宗。弘光元年閏六月，唐王聿錫立於福建，改是年元爲隆武，明年（順治三年）八月，以福州降清。初稱思文皇帝，後諡紹宗。十一月桂王由榔於肇慶，改明年（順治四年）元爲永曆，而聿錫弟聿錫亦立於廣州，改元紹武，是年十一月，以廣州陷，自縊。由榔在位十五年，至順治十八年十二月，緬甸人執以獻於清，明年遇害。鄭成功曾諡爲昭宗。又有魯王以海稱監國於順治三年，先後居於紹興舟山廈門等地，十年去監國號，歸於鄭成功。此四主歷時十有八年，清代稱之

福唐桂萼四王（桂王一稱永明王），此於宋末之二王。然宋史附二王於瀛國公紀，明史稿仿之，尙爲福唐桂三王立專傳，而明史則不然，附由崧事於福王常洵傳，聿繼事於唐王桂傳，由樞事於桂王常瀛傳，以海事於魯王植傳，而於目中不著其名，非細檢無由知之，且所載事蹟極略，不足備一朝之史。於其時之宰執大臣，舍生取義之士，如史可法高弘圖姜日廣何騰蛟瞿式耜朱大興張國維金聲之徒，雖亦爲之立傳，而所遺者亦甚多。又以牽涉時忌，不復能具首尾，此有待於補訂改撰者也。清代史家稱此時期爲南明，或稱殘明，後明記此十有八年之事，謂之南明史。昔者全祖望謂明季野史不下千家，近人安陽謝國楨撰晚明史籍考，著錄存佚之籍，大略與之相等，卽專紀南明四主者，亦不下百餘種，可謂多矣。蓋自黃宗羲撰行朝錄，以記隆武永曆及魯監國之事。而顧炎武則撰聖安本紀。李清則撰南渡錄，古藏室史則有弘光實錄鈔以紀弘光一朝之事。又有思文大紀（不知撰人）紀隆武一朝事。王夫之撰永歷實錄，紀永歷一朝事。查伊璜撰魯春秋，瀟湘耆民撰海東逸史，紀魯監國事，皆屬甚備，足補明史之缺。其合四朝而通爲一書，前有溫審臨之南疆逸史，後有徐肅之小腆紀年及小腆紀傳。逸史之書，採摭彙詳，而紀年紀傳二書，足補逸史之未備。若以紀傳中之列傳，補入逸史，更取紀年及其他紀南明事之野史，詳慎裁定，爲之作注，則卽可成一完備之南明史。惜至今尙無人從事於此也。查伊璜曾撰罪惟錄八十四卷，（註三九）稱明惠帝爲惠宗讓皇帝，成祖爲太宗文皇帝，景帝爲代宗景皇帝，思宗爲毅宗愍皇帝，弘光帝爲安宗簡皇帝，隆武帝爲紹宗襄皇帝，附以唐王桂王魯監國。是蓋能合南明事爲一書者。考建文帝薨無諡，清乾隆元年始追諡恭愍惠皇帝，明史據以題署，景帝之諡，則成化中所上，至弘光帝卽位於南京，於二帝並加追諡稱宗，齊於列帝。衡以名從主人之例，則建文帝之宜稱惠宗，景帝之宜稱代宗（唐代諱世，故有代宗，明代已有世宗，又以代宗爲號，有人譏其不學，然此非所論於題署），自有不待論者。成祖文皇帝崩後，本以太宗爲廟號，所修實錄，合猶以太宗名之，世宗嘉靖中始爲改號，太祖之後，繼以太宗，其尊無上，今乃易太宗而稱祖，將置太祖於何地，此最不衷於理者也。仍稱太宗，是爲得之，崇禎帝殉國後，二閏月，南都上諡曰烈皇帝，廟號思宗，明年又改號毅宗（據朱彝尊史館上總裁第七書，又稱威宗烈皇帝，懷宗端

皇帝），至明史所題之莊烈愍，皇帝亦清廷所鑒，是宜用思宗或毅宗之號，以符名從主人之例。至安宗紹宗之號，則爲永歷帝所上諡，是猶宋人之諡衛王爲端宗，一代之運未終，夫亦何可廢也。是則查錄之題署，勝於明史遠甚，後來重修新史斷宜從之。清賢究心南明史事者，溫季諸氏外，前有金祖同楊鳳苞，後有戴望傳以禮（字節子）李慈銘夏燮，全氏鮑琦亭集中，紀載南明遺事者，不可備指。楊鳳苞撰南疆逸史十二跋，謂溫氏之書，簡而有法，世稱信史，惟惜失之太簡，要必爲之注，以補其闕。又附舉明季野史數百種，（註四）戴望亦自稱勝國南燼遺事，二十以前，最所留心，喪亂以後，輟而不爲（致傳節子書）。以禮華延年宜題跋，慈銘越縵堂日記，以及當途夏燮所撰明通鑑，皆有校訂舊籍，證別真偽之功，不可沒也。元和錢綺（字陝江）撰南明書三十六卷，（註四）徐非雪又撰殘明書四十卷，皆爲傳以禮所見，而世乃無傳本。近人無錫孫靜庵（其名待考）擬撰續明書一百二十五卷，情未卒業。儀徵劉師培順德邱寶皆欲作後明書，亦皆未成，（註四）師培且請章太炎先生預爲之序矣。最近則有海鹽朱先生希祖，意獲南明野史，多爲珍本，實突過傳以禮所見，間有未著錄於晚明史籍者，先生嘗言欲撰南明史，因循未果。又謂顧亭林詩集自注，有東武二年之語，有戴望所藏潘耒初刊本可證，東武卽爲隆武之譌，蓋因有所避忌，以音近而改隆爲東，而後來撰五藩實錄者，以懷王常清嘗爲臺灣鄭氏所立，遂以東武年號屬之，此想當然爾之詞耳。愚以見羅振玉重訂紀元編，亦仍其誤以入錄，得先生所考，可以正之矣。其他考訂甚多，不暇悉舉，惟盼其詳之早成耳。前代之修史者，往往以續作補前史之未備，如五代史不爲韓通立傳，而宋史有周三臣傳，此可師之善例也。晚近所撰清史稿，不爲南明四王立傳，（註四）無以彌明史之缺，以言佳史，渺乎遠矣。訂補改作正待後賢。以上所述，皆就明史之一部而分撰者也。（註四）

清史之應分撰者有二部，一爲清開國史，一爲太平天國史。明人稱清初之部族，曰建州，曰女直，編清太祖日記，其最著者，如茅瑞徵之東夷考略，天都山臣（闕名）及葉向高之女直考，陳繼儒之建州考，海濱野史（闕名）之建州私志，管葛山人（彭孫貽之別號）之山中聞見錄，黃道周之奴酋篇（博物典故卷末），皆是。

然悉得諸傳聞，且紀載甚略，不足以饜閱者之望也。女真避遼諱，改稱女直，爲清初之所出，建州爲清祖始封之衛名，而奴酋者又明人所以稱太祖奴爾哈赤者也。紀載建州女直事，最詳最確者，首推明實錄，次則朝鮮實錄。就此二書取材，參以諸家紀載，其相得以瞭然。第以明史修於清代，諱先代事而不言，清史稿太祖紀，雖云其先蓋金遺部，又天命元年國號曰金，亦病語焉不詳，有待於專書紀載，又不俟論也。近人考清初事，多屬日本學者，以乙國人談甲國事，猶多皮相之論，影響之談。章太炎先生始撰清建國別記，以明人之書爲依據，其以猛奇帖木兒（清譯改爲孟特穆）爲太祖奴爾哈赤之高祖，更沿東華錄之誤。余嘗爲文考論之，武進孟森撰清朝前紀，敘清入關以前事，多取材於日本稻葉岩吉之清朝全史，閱亦多所發明，後得見明代朝鮮兩實錄，鈔其中所記清入關前之史實，爲明元清系通紀一篇，惜未竣功而卒。近頃治清初史，頗亦有人，然無有出孟氏右者，甚望將來有人續成其志，而別成一善本，此分撰清開國史之大略也。清道光三十年（西元一八三〇）十一月三十日，洪秀全楊秀清等發難於廣西桂平縣之金田村，稱太平天國，至同治二年（一八六二）六月十六日，清軍攻下金陵，始覆其所謂天京。又明年十二月始全部殲滅。先後歷十五年，不爲不久。洪楊用基督教義，以太平真主自命，猶耶穌之稱救世主，故以太平天國爲號，而秀全亦自稱天王，當時貶之者，目爲盜賊，後來譽之者，又稱爲革命，此皆入主出奴之見，不足以爲定論也。然其結局，既歸覆滅，文獻隨以俱毀，卽有紀其事者，如官修之粵匪紀略，出於戰勝者之口，可信之程度至少。又如王闡運之湘軍志，王定安之湘軍記，皆記曾李用兵之始末，絕無一語道及洪楊內部之事，自應別求可信之史，以饜讀者之望，不待言矣。咸豐五年張德堅承曾國藩之命，撰賊情彙纂十二卷，頗能詳其政治制度，而行世最晚，金陵破滅之日，忠王李秀成手錄供狀數萬言，詳敘天國之始末，特以語犯時忌，間爲閱者所刪改，今所傳本，不盡爲其真面，是爲可惜。其後順德羅惇縉乃撰太平天國戰紀，謂本於北王韋昌輝之子以成所撰天國志，細核其文，亦不盡與李供吻合，然亦比較可信之史實也。當洪楊盛時，編刊書籍多，又有詔諭諭書之刊本，多爲西方之傳教士及使臣商人攜回本國，今英法荷美德俄諸京圖書館多有之。近人程演生蕭一山先後由法英兩京蒐獲太平天國史料甚夥，並就原

本攝印之。自是以來，世人始得窺見洪楊時代自製文書之面目，洪楊初起，本以覆清室爲的，含有民族觀念，民國以來，人咸樂稱道之，而研其國史乃大有人在，國內之天國史料，亦往往聞出，（如中央圖書館購藏之英傑歸真，卽其一種，）近人撰太平天國史者，或名別史，北平廣業書局刊，不詳撰人，或名野史，或名戰史（俱見前表），或名雜記（簡又文輯），其間名貴可信之史料，亦非甚少，間有以荒誕不經之說入錄者。以吾所知，惟羅爾綱之史綱著墨不多，而語語扼要，頗能明其因果演變之迹，後來者雖不可知，而舊有諸作，殆恐無以勝之，此又分撰太平天國史之大略也。

分撰諸史，大略如上，至何以如此之多，亦不可以無述，吾求其故，蓋有二端：一由於避繁就簡，一由於就僻好奇。蓋一代正史，卷逾數百，累世炎殛，令人望而生畏，遂憚而莫爲，有若柯維騷王惟儉陳黃中之以一人之力改修宋史，求之前代，實無幾人，惟就正史中之一部，廣蒐資料，加以改撰，事蹟有限，卷帙非繁，積以歲年，殺青可寫，避繁就簡，亦爲人之常情一也。習見之書，人皆忽視，難得之簡，衆必爭求，近代如徐松張穆何秋濤之徒，或考西域，或探北徼，寫成數卷，卽博重名，百年以來，研討元史之風，日新月異，轉而從事晚明，覃及天國，雖費搜尋之功，容省探討之力，而又敝帚自享，以罕見珍，就僻好奇，尤爲學人通病，二也。總此二因，遂成風尚，一往難返，莫知所極，此爲禹域學術升降所繫，非一朝一夕之故矣。

其四則爲總輯之史。其體始於梁武帝之通史，魏元暉之科錄，一則合諸斷代史而爲一書，仍用紀傳之體，一則總前代事分爲若干科，略如後來之通典通考，亦紀事本末一體之所本也。唐姚康復又撰統史（二百卷），其體近於宋高似孫之史略，章學誠所謂摭節繁文自就羅括者也。通史一書，與梁元帝同燼於江陵（據胡三省通鑑注序），科錄亦早歸散佚，無可考論，其可述者，惟有鄭樵通志一書，此總輯之史之僅見者也。

宋史鄭樵傳，稱其好著書，自負不下劉向揚雄，搜奇訪古，遇藏書家必借留，讀盡乃去，時當高宗南渡，嘗得書對，因言班固以來歷代爲史之非。高宗曰，聞卿名久矣，敬陳古義，自成一家，何相見之晚耶。後著通志成，高宗命以事督進呈，會樵病卒，茲考其著書之旨趣，悉具於通志序。序中極端推崇司馬氏之史記，而盛

譏班固以下斷代爲史之非。其略云：

自書契以來，立言者雖多，惟仲尼以天縱之聖，故總詩書禮樂而會於一手，然後能同天下之文，貫二帝三王而通爲一家，然後能極古今之變。仲尼既歿，百家諸子興焉，各效論語，以空言著書，至於歷代實績，無所紀載。迨司馬氏父子出，世司典籍，工於制作，故能上稽仲尼之意，會詩書左傳國語世本戰國策楚漢春秋之旨，通黃帝堯舜，至於秦漢之世，勒成一書，分爲五體。本紀紀年，世家傳代，表以正歷，書以顯事，傳以著人。使百代而下，史官不能易其法，學者不能舍其書，六經之後，惟有此作。……自春秋之後，惟史記擅制作之規模，不幸班固非其人，遂失會通之旨，司馬氏之門戶，自此衰矣。班固者浮華之士也。全無學術，專事剽竊，由其斷漢爲書，是致周秦不相因，古今成間隔，自高祖至武帝六世之前，盡竊遷書，不以爲慚，自昭帝至平帝六世，資於賈逵劉歆，復不以爲恥，況又有曹大家終篇，則固之自爲書也幾希。後世衆手修書，道傍築室，掠人之文，竊鐘掩耳，皆固之作俑也。且善學司馬遷者，莫如班彪，彪續遷書，自孝武至於後漢，欲令後人之續己，如己之續遷，既無衍文，又無絕緒，世世相承，如出一手，善乎其繼志也。……司馬談有書，而司馬遷能成其父志，班彪有其業，而班固不能續父之書，固爲彪之子，既不能保其身，又不能傳其業，爲人如此，安在乎言爲天下法。范曄陳壽之徒繼踵，率皆輕薄無行，以速罪辜，安在乎筆削而爲信史耶。孔子曰，殷因於夏禮，所損益可知也，周因於殷禮，所損益可知也，此言相因也。自班固以斷代爲史，無復相因之義，雖有仲尼之聖，亦莫知其損益，會通之道，自此失矣。語其同也，則紀而復紀，一帝而有數紀，傳而復傳，一人而有數傳。語其異也，則前王不列於後王，後事不接於前事。如此之類，豈勝斷梗。……遷法既失，固弊日深，自東都至江左，無一人能覺其非，惟梁武審爲此慨然，乃命吳均作通史，上自太初（註四）下終齊室，書未成而均卒，隋楊素又奏令陸從典續史記，訖於隋書，未成而免官。豈天之阨斯文而不傳與，抑非其人而不祐之與。

尋樵所論，未必盡衷於理，特其主作史以通爲貴，故不能不揚馬而抑班。後來史家能與之同調者，則有章學

誠，常於文史通義中撰釋通中第二篇，以明祁喬所在。其論通史一體之源流，則云：

梁武帝以遷固而下，斷代爲書，於是上起三皇，下訖梁代，撰爲通史一篇，欲以包羅衆史，史籍標通，此蓋暢也。嗣是而後源流漸別，總古今之學術，而紀傳一規乎史遷，鄭樵通志作焉。統前史之書志，而撰述取法乎官禮，杜佑通典作焉。合紀傳之互文，而編次總括乎荀袁，司馬光資治通鑑作焉。鑑公私之述作，而銓錄略仿乎孔蕭，裴璘太和通鑑作焉。此四子者，或在正史之規，或正編年之的，或以典故爲紀綱，或以詞章存文獻，史部之通，於斯爲極盛也。至於高氏（唐高峻及子迥）小史姚氏統史之屬，則摛節繁文，自就囊括者也。羅氏（泌）路史鄭氏（元錫）兩史之屬，則自具別裁成其家言者也。范氏（質）五代通鑑熊氏（克）九朝通略，標通而限以朝代者也。李氏（延壽）南北史薛（居正）歐（陽修）五代史，斷而仍行通法者也。其餘紀傳故事之流，補輯纂錄之策，紛然雜起，雖不能一律以繩，要皆仿蕭梁通史之義，而取便耳目，史部流別，不可不知也。（釋通）

又論通史之利病甚詳略云：

通史之修，其便有六，一曰免重複，二曰均類例，三曰便銓配，四曰平是非，五曰去牴牾，六曰詳鄰事。其長有二，一曰其剪裁，二曰立家法。其弊有三，一曰無短長，二曰仍原題，三曰忘標目。何謂免重複，夫鼎革之際，人物事實，同出並見，勝國無徵，新王興瑞，卽一事也。前朝草竊，新王前驅，卽一人也。董卓呂布，范陳各爲立傳，禪位冊詔，梁陳並載全文，所謂複也。通志總合爲書，事可互見，文無重出，不亦善乎。何謂均類例，夫馬立天官，班創地理，齊志天文，不載推步，唐書藝文，不敘淵源，依古以來，參差如是，鄭樵著略，雖變史志章程，自成家法，但六書七音，原非沿革，昆蟲草木，何嘗必欲易代相仍乎。惟通前後而勒成一家，則例由義起，自就囊括，隋書五代史志，終勝於沈蕭魏氏之書矣。何謂便銓配，包羅諸史，制度相仍，惟人物挺生，各隨時世，自后妃宗室標題，著其朝代，至於臣下，則約略先移，以次相比，然子孫附於祖父，世家會聚宗支，一門血脈相承，時世盛衰，亦可因而見矣。卽楚之屈

原，將漢之賈生同傳，周之太史，偕韓之公子同科，古人正有深意，相附而彰，義有獨斷，末學膚受，豈得從而妄議耶。何謂平是非，夫曲直之中，定於易代，然晉史終須帝魏，而周臣不立韓通，雖作者挺生，而國嫌宜慎，則亦無可如何者也。惟事隔數代，而衡鑑至公，庶幾筆削平允，而折衷定矣。何謂去牴牾，斷代爲書，各有裁制，詳略去取，亦不相妨，惟首尾交錯，互有出入，則抵牾之端，從此見矣。居攝之事，班殊於范，一劉始末，范異於陳，統合爲編，庶幾免此。何謂詳鄰事，僭國載紀，四裔外國，勢不能與一代同其終始，而正朔紀傳斷代爲編，則是中朝典故居全，而蕃國載紀乃參半也。惟南北統史，則後梁北魏悉其端，而五代繁編，斯吳越荆潭終其紀也。凡此六者，所謂便也。何謂具剪裁，通合諸史，豈第括其凡例，亦當補其闕略，截其浮辭，平突填砌，乃就一家繩尺，若李氏南北二史，文省前人，事詳往牒，故稱良史，蓋生乎後代，耳目聞見，自當有補前人，所謂憑藉之資易爲力也。何謂立家法，陳編具在，何貴重事編摩，專門之業，自具體要，若鄭樵通志，卓識名理，獨見別裁，古人不能任其先聲，後代不能出其規範，雖事實無殊舊錄，而辨名正物，諸子之意寓於史裁，終爲不朽之業矣。凡此二者，所謂長也。何謂無短長，纂輯之書，略以次比，本無增損，但易標題，則劉知幾所謂學者寧習本舊怠窺新錄者矣。何謂仍原題，諸史異同，各爲品目，作者不自更定，自就新裁，南史有孝義而無列女，通史稱史記以作時代，（註四七）一偶三反，則去取失當者多矣。何謂忘題目，帝王后妃，宗室世家，標題朝代，其別易見，臣下列傳，自有與時事相值者，見於文辭雖無標別，但玩敘次自見朝代。至於獨行方技文苑列女諸篇，其人不盡涉於時事，一例編次，若南史吳達韓靈敏諸人，幾何不至於讀其書不知其世耶。凡此三者，所謂弊也。

（同上）

章氏所論六便二長三弊，雖云泛論通史，且多以南北史爲依據，而所謂利病，卽爲通志利病之所在，卽謂此論爲批評通志，無不可也。至其著論爲鄭氏張目者，則曰，鄭樵生千載而後，慨然有見於古人著述之源，而知作者之旨，不徒以詞采爲文，考據爲學也。於是遂欲匡正史遷，益以博雅，貶損班固，識其因襲，而獨取三千年

來遺文故冊，遂以別識心裁，蓋承通史家風，而自爲經緯，一家言者也。學者少見多怪，不究其發凡起例，絕識曠論，所以斟酌華言爲史學要刪，而徒摘其援據之疏略，裁翦之未定者，紛紛攻擊，勢若不共戴天，古人復起，奚足當吹劍之一快乎。又曰，鄭氏所振在宏綱，而未學吹求則在小節，是何異譏諱彭名將，不能作鄒魯趨跽伏孔鉅儒，不善作雕蟲篆刻耶。又曰，孔子作春秋，蓋曰其事則齊桓晉文，其文則史，其義則孔子自謂有取乎爾。夫事即後世考據家之所尙也。文即後世詞章家之所重也。然夫子所取，不在彼而在此，則史家著述之道，豈可不求義意所歸乎。自遷固而後，史家既無別識心裁，所求者徒在其事其文，惟鄭樵稍有志乎求義，而繼學之徒，翫然起而爭之。然覽其所論，即一切科舉之文辭，胥史之簿籍，其明白無疵，確實有據，轉覺賢於遷固遠矣（中鄭）。凡此皆章氏之創論，爲前人之所不敢言不能言者。蓋當章氏之世，戴震則斥鄭樵爲陋儒，王鳴盛則指漁仲爲妄人，語有過當，心不能平，此又釋通中鄭二篇之所由作也。

通志之作，仿自梁代之通史，樵已自言之矣。梁武帝命吳均等會通史記以下諸史，而爲一書，去牴牾，免重複，均類例，便銓配，章氏之所謂便者，已略具之。其書凡六百卷，註四八。自秦以上，皆以史記爲本，而別採他說以廣異聞，至兩漢以還，則全錄紀傳，而上下通連，臭味相依，又與蜀二主，皆入世家，五胡及拓拔氏，列於夷狄傳，大抵其體皆如史記，惟無表而已（本史通六家）。所謂上下通連，臭味相依，卽爲楚之屈原，將漢之賈生同傳，周之太史，借韓之公子同科，而爲銓配之得當者。至於兩漢以還，全錄紀傳，是又有無短長仍原題忘標目之三弊，而無可諱言者也。通史之名，起於會通諸史，亦總輯而爲一書之義，與今世之所謂通史，其名雖同，其實異矣。鄭樵以梁代通史久佚，發憤重有所作，署曰通志。釋名見於自序其言曰，古者記事之史謂之志，書人傳，天子有問無以對，責之疑，有志而不志，責之丞，是以宋鄭之史，皆謂之志，太史更志爲記，今謂之志，本其舊也。是則其命名之義，正同通史。惟樵寄方禮部書云，樵欲自今天子中興，上達秦漢之前著爲一書，曰通史（夾漈遺稿）。是樵初欲名其書爲通史，後乃定名通志，亦猶司馬光初撰通鑑，欲名通志，爲一例耳（詳見下節）。考通志爲書凡二百卷，帝紀起三皇，訖隋恭帝，凡十八卷，附后妃傳二卷，易表

爲譜，效周譜也，凡四卷，易志爲略，避大名也，凡五十二卷，周同姓世家一卷，附宗室傳八卷，周異姓世家二卷，列傳九十八卷，載記八卷，四夷傳七卷，是其書有紀傳世家載記譜略六體。如周之諸侯稱世家，本史記，晉之十六國稱載記，本晉書，蓋會通諸史而爲一書，而未及盡一其體例者。抑樵之所自負者，惟在二十略。其自序云：

江淹有言，修史之難，無出於志，誠以志者憲章之所繫，非老於典故不能爲也。不比紀傳，紀則以年包事，傳則以事繫人，儒學之士，皆能爲之，惟有志難，其次莫如表，所以范曄陳壽之徒，能爲紀傳，而不敢作表志。志之大原，起於爾雅，司馬遷曰書，班固曰志，蔡邕曰意，華嶠曰典，張勃曰錄，何法盛曰說，餘史並承班固謂之志，皆詳於浮言，略於事實，不足以盡爾雅之義。臣今總天下之大學術而條其綱目，名之曰略，凡二十略，百代之憲章，學者之能事，盡於此矣。其五略，漢唐諸儒所得而聞，其十五略，漢唐諸儒所不得而聞也。

所謂五略，曰禮，曰職官，曰選舉，曰刑法，曰食貨。樵則謂雖本前人之典，亦非諸史之文也。其十五略，曰氏族，曰六書，曰七音，曰天文，曰地理，曰郡邑，曰陰陽，曰器服，曰樂，曰藝文，曰校讎，曰圖譜，曰金石，曰災祥，曰昆蟲草木。大半爲諸史志之所不具，故又曰凡十五略，出臣胸臆不涉漢唐議論也，樵以紀傳者，編年紀事之實蹟，自有成規，不爲智而增，不爲愚而減，故卽其舊文，從而損益之。至於二十略，則開皆由自得，不用舊史之文，依此求之，似無所因襲矣。第細檢其中之地理略，則全襲通典之州郡典，總序之前，雖敘水道，亦雜采漢書地理志及水經注而成，豈以生值南宋，兩河淪陷，無從考徵，不得不鈔錄成書耶。器服一略，多與金石複出，而所謂服，則全襲通典之嘉禮。其禮樂職官食貨選舉刑法六略，亦但刪錄通典，無所辨正。職官略中，以通典所引之典故，悉改爲案語大書，儼同自撰。藝文略分門太繁，舛誤尤多。災祥略則悉鈔諸史五行志。（註四）是則襲用舊文，不止紀傳爲然，則所謂自得者，果何說耶。其所謂自得者，當指六書七音諸略而言。然六書略則與說文全不相涉，七音略則謂三十六字母可貫一切之音，且於貴其說云得之梵書。又謂

江左之儒知有四聲而不知七音，不悟反切之學，爲中土所固有，且在創製字母之前，唐以後人歸納反切，而襲字母，本末之序，不可誣也。豈所謂漢唐諸儒所不得而聞者，卽指此類而言耶。（註五）又考之諸史，惟魏書有官氏志，專詳北族，而語焉不詳，唐書宰相世系表，限於華宗，而不下於庶民，撰通史者，宜有氏族一志，而鄭氏乃爲創作之，是可尙也。若乃校讐一略，申明劉向歆父子以來整齊百家辨章學術之法，圖譜一略合古人左圖右史之義。卽鄭氏自謂學術超詣本乎心識如人入海一入一深者。亦章氏所謂別識心裁絕識曠論斟酌羣言爲史學要刪者。揆鄭氏之初意，本欲鎔鑄羣言，自成一家，而載筆之時，力不副心，不僅紀傳世家載記，全鈔諸史，無所剪裁，卽其所極意經營之二十略，亦不免直錄舊典，而憚於改作。今讀其序文所云云，徒見其好爲大言，而有名不副實之疑。或謂章學誠因載震聲痛詆通志，故作釋通中鄭之論，謂通志示人以體例，本非以考證見長，不知鄭氏果在標準綱領，則作論明之可矣，何必鈔襲史傳，曾不憚煩如此，（註六）洵篤論也。章氏創通義例，以論文史，又以通史爲乙部之圭臬，喜鄭氏議論之雋快，足以助其張目也。故盛爲稱道之，而以援據之疏，爲不足病，至其立論高遠，實不副名，所犯之病，正同鄭氏，千載之下，引爲知己，有以也夫。

惟謂唐書五代史，皆本朝大臣所修，微臣所不敢議，故紀傳訖隋，若禮樂行政，務存因革，故引而至唐云，此所以明其書之斷限也。清乾隆三十二年敕修續通志五百二十七卷，體例一仍鄭氏，紀傳起唐，諸略起五代宋，而皆訖於明末，其於紀傳，定爲二例，一曰異名者歸一，如五代史家人傳，析入后妃宗室，一行傳，析入隱逸孝友，宋史道學傳，併入儒林，元史儒學傳，析入儒林文苑。一曰未備者增修，如唐書之姦臣叛臣逆臣傳，明史之閹黨流賊土司傳，皆諸史所無，而爲考核事實，分立此門，是也。其於諸略，不惟綴之而已，於鄭略之未載者，則補其闕遺，已載者則正其僞誤，如鄭氏藝文略，有但列書名卷數者，茲則各補撰人爵里是也。續志之作，雖出官修，而大體精善，至繼續通志而作之清通志（原名皇朝通志），則僅有二十略，而無紀傳及譜，是爲政典之一，不得與正續通志比數，又可知矣。

劉知幾以史記爲六家之一，史記通上古迄漢武而爲一書，不以某一朝代爲限，實梁武通史之所自昉也。然史記其有簡裁，不似通史之鈔最前史以爲一書，通志之病，正同通史，此非吾意中通史之極則也。劉氏於史通中罕論及通史一體，僅謂通史（指梁武通史）以降，蕪累尤深，遂使學者寧習本書而忽窺新錄（六家）。而四庫提要於通志下亦云，其例綜括千古，歸一家言，非學問足以該通，文章足以鎔鑄，則難以成書。此又撰總輯之史之難於斷代者矣。然劉氏又謂書事之法，其理宜明使讀者求一家之盛興，則前後相會，討一人之出入，則始末可尋（感經）。此又論及通史之長，爲不可廢，不惟通志一書若是，凡通鑑通典諸書以貫通各代爲職志者，亦無不如是也。

其五則爲補闕之史。范曄後漢書未及作志而歿，梁人劉昭取司馬彪續漢書之八志以補之，并爲作注，此補闕之史所自始也。然范書不特闕志，抑亦無表，宋人樛方始爲後書補作年表十卷，清人錢大昭更作後書補表八卷，合補志補表爲一編，則范與班儕可以無憾，此後賢拾補之效也。沈約撰宋書，以范陳二史俱無志，所撰諸志，悉上接史漢，不以宋爲斷限，唐人撰五代史志，附於隋書，而經籍一志，上接漢書之藝文，亦不以五代爲限，此亦後來補志之濫觴也。補闕之史，以補表補志爲最夥，清代以前，有宋錢父子之補漢書志，金蔡珪之補南北史志，與熊表鼎足而三，惜蔡志久佚，僅存一志一表而已。清代學者，以輯佚補闕爲能事，研經之外兼治乙部，補志補表之作，蔚爲大觀。迄於民國，此風未殺，爰就所知，彙而爲表：

書	名	卷	撰	著	人	附	考
補漢書	兵志	一卷	宋	錢文子	撰	知不齊校書本，亦收二十五史補編，下同。	
補後漢書	年表	十卷	宋	樛方	撰	通行本，清諸氏校補五卷，並遺一卷。	
後漢書	補表	八卷	清	錢大昭	撰	通行本	
補後漢書	藝文志	一卷	清	錢大昭	撰	廣雅叢書本	

補後漢書藝文志	四卷	清 侯 康 撰	嶺南遺書本
補後漢書藝文志	十卷	清 顧 懷 三 撰	金陵叢書本
後漢書藝文志	四卷	清 姚 振 宗 撰	快閣師石山房叢書本
補後漢書藝文志	一卷	曾 樸 撰	光緒乙未刊本 又附錄藝文志考十卷
三國志三公宰相年表	三卷	清 黃 太 華 撰	二十五史補編
三國志世系表	一卷	近人 周 明 泰 撰	排印本 又陶元珍有補遺一卷
三國志官表	三卷	清 洪 飴 孫 撰	廣雅本
補三國疆域志	二卷	清 洪 亮 吉 撰	廣雅本 謝宗英三國疆域志補注十五卷，又三國疆表二卷，金兆豐有校補三國疆域志不分卷。
補三國疆域志	四卷	清 侯 康 撰	嶺南本
三國疆域志	四卷	清 姚 振 宗 撰	快閣師石山房本
魏校晉書地理志	一卷	清 方 慎 衡 撰	廣雅本 畢沅有晉書地理志補注五卷，方慎衡有晉書地理志補注一卷。
東晉疆域志	四卷	清 洪 亮 吉 撰	廣雅本
補晉書兵志	一卷	清 錢 儀 吉 撰	家刊本
補晉書藝文志	四卷 附錄一卷	清 丁 子 國 鈞 撰	丁氏叢書本
補晉書藝文志	六卷	清 文 廷 式 撰	排印本
補晉書藝文志	四卷	清 宋 榮 光 撰	排印本
補晉書藝文志	四卷	吳 士 鑑 撰	刊本

補晉書藝文志	四卷	黃	遠	元	撰	排印本
十六國通鑑城志	十六卷	清	洪	亮	吉	撰 廣雅本
十六國年表	一卷	清	張	儉	曾	撰 昭代叢書本
補宋書宗室世系表	一卷	經	振	下	撰	自刊本
補宋書刑法志	一卷	清	鄭	懿	行	撰 鄭氏遺書本
補宋書食貨志	一卷	同			上	同上
補宋書藝文志	一卷	清	張	欽	撰	二十五史補編本
補南齊書藝文志	四卷	陳	述		撰	同上
補梁書鍾嶸志	四卷	清	洪	喬	孫	撰 廣雅本
補陳頤城志	四卷	戴	勵	蘇	撰	二十五史補編本
補魏書民志	一卷	谷	麟	光	撰	同上 張穆延昌地形志，以延昌時爲準，爲補正魏書地形志而作。
隋唐之變月表	一卷	清	黃	大	華	撰 同上
隋書經籍志補	二卷	張	勵	一	撰	同上 侯廣補宋齊梁陳魏北齊周各書藝文志各一卷，均給補梁書陳書藝文志各一卷，未見傳本。
補南北史志	六十卷	金	蔡	珪	撰	見金史本傳原書佚
補南北史年表	一卷	清	周	嘉	猷	撰 廣雅本
補南北史帝王世系表	一卷	同			上	同上
補南北史世系表	五卷	同			上	同上

南北史補志	十四卷	清	莊士鐸	撰	淮南書局本，補天文地理五行雜儀四志。
南北史補志未刊稿	十三卷	同		上	二、五、十、十三卷，補與歷代律刑法職官食貨氏族耆老七志，惟藝文志三卷未見。
補南北史藝文志	三卷	徐	崇	撰	同上
補五代史藝文志	一卷	清	顧	三	撰
宋史藝文志補	一卷	清	文	正	撰
西夏藝文志	一卷	清	王	仁	撰
遼史藝文志補證	一卷	清	王	仁	撰
補遼史藝文志	一卷	張	任	撰	撰
金史氏族志	二卷	陳	述	撰	他見中央研究院歷史語言研究所集刊
補元史氏族志	三卷	清	錢	大	撰
補元史藝文志	四卷	同		上	同上
補遼金元藝文志	一卷	清	文	撰	八史經籍志本
補三史藝文志	一卷	清	金	撰	本見羣書拾補
建文遜國之際月表	二卷	清	劉	撰	實地先哲遺書本

附註：

外如萬斯同歷代史表五十九卷，良辰變歷代方輿年表若干卷，皆非專補一史，故未一一列入，沈約鑑二十一史同譜五十四卷，更不關人。

右表所列，以補志爲多，若補表則僅當補志四之一耳。志有全補者二，若蔡珪汪士鐸之南北史補志是也。表有全補者三，若熊鉉二氏之補漢書年表，張愉曾之補十六國年表，是也。補志以經籍藝文爲多，凡得二十五種，漢隋二志，本屬相接，紛紛補作，誠爲多事，綜觀諸家所補，後漢三國晉南北朝諸志，多屬千篇一律，陳陳相因，隋志而外，或就本傳所舉，他書所引，此次著述，以爲部目，蓋屬佚籍，無此考見，如後漢藝文志晉書兩藝文志，補者各有五，何不憚煩乃爾，舉人好事，本爲一病，避難就易，藉以得名，亦其蔽也。然以隋志衡之，著錄之書增至數倍，又或明其來歷，附以考證，亦極便學者之檢考焉。遼金元三史皆無藝文志，而清撰明史，只限本代，舊著存佚，無可考見，於是錢大昕所發憤而補元史藝文志，而遼金二朝人之著作，難以附焉，衡其重要，堪與漢隋二志比。蓋史籍中之必不可無者，不得取與諸家之作，同類而並議也。次如此者，厥爲地理，綜其補作，凡得六種，若洪亮吉之十六國疆域志，非爲晉書所不能詳，抑亦研十六國史者之要籍也。兵刑食貨，以多具於本書，故補者甚少，而氏族一志，端倪具於魏書，而錢大昕乃爲元史補氏族志，以爲魏氏新編何氏新史之先聲，近人陳述又爲金史補氏族志，條貫稍明，蓋憂其難矣。清儒治學，長於輯佚，如邵晉涵自大典中輯得舊五代史一種，卽出斯學之賜，而諸氏之撰補志，亦由輯佚蛻變而出，其爲有功後學，又不待言。

抑考補志之作，有不限於表列各種者，如郝經續後漢書所撰八錄：曰道術，曰歷象，曰職理，曰職官，曰禮樂，曰刑法，曰食貨，曰兵。是就三國志所原無者，而悉爲補撰，亦汪氏南北史補志之類也。陳鱣改撰五代史，而爲續唐書，於舊史諸志之外，別增藝文一志，馮鶚撰遼史拾遺，亦補選舉藝文二志，是亦顧樸三補五代史藝文志之倫類也。近頃所刊之二十五史補編，彙諸補志，而爲一書，誠使學者之尋檢，然於郝陳二氏之書，未知擬取，猶不得謂備，此則修書亦難矣哉。

病宋史之缺略，而爲之作補傳者，陸心源之宋史翼是也。病元史之缺略，而爲之作補紀補傳補表者，洪鈞之元史譯文證補是也。馮鶚撰遼史拾遺二十四卷，雜采諸書以補遼史之闕略，雖不加別擇，近於史料，而網羅之

富，殊爲罕見，楊復吉撰遼史拾遺補五卷，杭大宗更仿厲氏之例，以撰金史補，擬全書爲百卷，而實未成，僅有傳鈔本五卷可考，此又病遼金二史之闕略而從事者也。至近人羅振玉所作補唐書張義潮傳，王國維所作宋史忠義傳王稟補傳，皆於二史外，廣徵史實據而補之，（註五三）此雖屬一鱗一爪，亦不可無述者。

其六則爲注釋之史。釋史之作，莫始於公穀，春秋之有公羊穀梁二傳，皆重義例，而不甚詳事實，然其所發明者，乃褒貶予奪之審法，爲近代之史家所不取，故後人乃爲別之曰，此經學非史學也。今本史記，以三家注爲主，一爲宋裴駰之集解，一爲唐司馬貞之索隱，一爲唐張守節之正義。後來者莫能尙矣。按之隋志於裴注外，僅有徐野民史記音義十二卷，梁邵蕤生史記音三卷，其他則未之有聞，而漢書注本，有應邵服虔韋昭劉顯夏侯詠蕭該晉灼陸澄姚察劉孝標梁元帝等二十餘家之多，何其盛也。蓋漢書中多存古義，非訓釋不能通，故馬融受漢書於班昭，至伏閣下讀之，且漢書多本之史記，通漢書之義訓，卽已通史記之半，魏晉六朝人重漢書而薄史記，故習漢書者亦多於史記，注釋之多，殆由此矣。至唐顏師古乃集衆家之訓釋而爲一編，是爲今本之漢書注。師古於太宗貞觀十一年爲秘書少監，太子承乾命師古注漢書，解釋詳明，承乾表上之，太宗命編之秘閣，顏氏敍例所謂，備君體上哲之姿，膺守器之重，懿孟堅之述作，嘉其弘瞻，以爲服膺鑒說，疏案尙多，蘇晉衆家，割斷蓋馳，蘇氏纂集，尤爲抵牾，自茲以降，蔑足有云，顧召幽仄，俾竭芻蕘，歲在重光，律中大呂，是謂涂月，其書始就，是也。重光爲辛，卽貞觀十五年辛丑，承乾以十七年被廢，十九年師古卒，年六十五，則書成時，年六十一，卽承乾被廢前二年也。據敍例，師古以前注漢書者凡五種，服虔應劭，晉灼臣瓚蔡謨也。大約晉灼於服虔外，增伏儼劉德鄭氏李斐李奇鄧展文穎張揖蘇林張晏如淳孟康項昭韋昭十四家，臣瓚於晉灼所采外，增劉寶一家，顏注於五種注本外，又增荀悅崔浩郭璞三家，其注以解釋詳明稱，爲班書功臣，由於能集衆家之長也。舊唐書師古傳，叔父游秦撰漢書決疑十二卷，爲學者所稱，師古注漢書，名取其義，今注中不載游秦，敍例亦不舉其名，或以盜竊爲疑，（註五三）不悟古人爲學，或父子世業，或叔姪相繼，晉自稱曰某氏學，人稱之爲一家之言，豈有以一人一世而獨成其學者。班固踵其父彪之業而撰漢書，而敍傳中不稱其父曾撰

史記後傳，微范書爲之作傳，何由微之。然古人不以爲病者，正由父子世業學成家言故也。以此爲解，庶有當乎。據隋志著錄范曄本後漢書一百二十五卷，梁刻令劉昭注（梁書本傳作集注），是昭已取范書而全注之矣。昭以范書無志，乃取司馬彪續漢書之八志以補之，并爲之注。於是范書中又含有彪書之一部，今則志注存，而紀傳之注亡，唐章懷太子李賢取范書紀傳注之。據新唐書章懷本傳及張公謹岑長倩傳，與章懷共任注釋者，有張大安劉訥言革玄許叔牙成玄一史藏諸唐寶寧等，既非一手所成，不免有賸駁漏略之處。論者謂章懷之注范，不減顏監之注班，誠爲過譽，然後來者亦莫之能先也。或又謂章懷注范，悉本劉昭，又謂於紀傳則改昭注，於八志注則仍昭舊，昭注久亡，無由質證，語出逆億，未敢謂然。（註五四）宋人劉敞與兄敞及敞子章世，撰兩漢書刊誤，謂之三劉刊誤，而吳仁傑又有兩漢刊誤補遺十卷，此亦兩漢注本之附庸也。三國志有裴松之注，專務補闕，不以注釋爲事，前已論之。晉書有何超（唐人）音義三卷，楊齊宣（字正衡）爲之序，或謂齊宣撰者（胡三省通鑑注序）誤也。新唐書有李綰補注二百二十五卷（見宋藝文志），董衡（宋人）釋晉二十五卷，新五代史有徐無黨注，而他史之有注釋者，則甚罕見，以上所述，乃考論諸史舊注之大略也。

清代儒者食漢學昌明之賜，取羣經一一爲之改撰新疏，近代說經之語，萃以入錄，蔚爲鉅觀。更有餘力覃及子史，疏證補注集解之書連犂而出。讀其一書可備多書之用，此又注釋家進步之一徵也。注釋史部之書，約舉爲下列數種：

書	名	卷	數	撰	著	人	附
漢書補注	注	一百二十卷	王	先	謙	撰	用藏注本
後漢書集解	解	一百二十卷	王	先	謙	撰	月藏懷太子注本
晉書集解	註	一百三十卷	吳	士	鑑	撰	
新唐書注	注		唐	景	崇	撰	全書未成，僅本紀十卷先成付刊。

蓋清代學者，研習漢書至勤，其總而漢者，如錢大昭漢書辨疑二十二卷，後漢書辨疑十一卷，續漢書辨疑九卷，沈欽韓漢書疏證三十六卷，後漢書疏證二十卷，周壽昌漢書注校補五十六卷，後漢書注補正八卷。其專釋後漢者，如惠棟之後漢書補注二十四卷，其分釋一篇或數篇者，尤不勝枚舉。若汪邁孫全祖望錢坫吳卓信陳澧之於地理，錢大昕李銳之於律歷（三統術），徐松之於西域傳，皆屬專門絕學。至於顧（炎武）闕（若璩）王（念孫）俞（樾）諸家集中，釋兩漢者，隨處可見。王先謙攝其菁英，以爲一編，先於光緒二十六年成漢書補注，次於民國四年成後書集解，近人論其書者，以先謙受業周壽昌門下，得其指授，究心班書，用力三十餘年，鈔集百餘萬言，取精用宏，致思最勤，（註五五）而地理志尤爲卓絕。（註五六）竊嘗衡論兩書，實以補注爲善。王氏自謂近儒致後漢者，莫勤於惠棟，於其惠氏後補注，服膺有年，而憾與章懷注別行，無人爲之合併，爰推闡其遺文奧義，取而備載之。又外徵古說，請益同人，而成集解一編（自序），是則以惠書爲主，而復少有增益焉。茲考其書，於惠注外，殊眇精言助義，且多所漏略，不如補注遠甚。蓋書成之日，王氏已屆髦年，精力不繼，間或假手他人，書已付刊又由門人黃山爲作校補，附於每卷之後。然考覽諸家之說，究以此書爲備，是亦補注之亞，不可廢也。補注三國志者，有杭世駿侯康趙一清梁章鉅（旁證三十卷）周壽昌諸家，而趙一清三國志注補六十五卷，最爲精審，如以諸家之補注，附於裴注之後，亦陳志之一善本矣。近人吳士鑑撰晉書補注一百三十卷，亦用裴注之法，取諸雜記類書，以詳諸家之異同，采摭略備，頗便省覽。吳與劉承幹見之願任刻資，遂署劉名，以爲同撰，雖云多財好事，嘉惠學子非淺矣。清季學部尙書唐景崇發願爲新唐書作注，其與舊書有異同者，則取而考辨之。又雜取唐人記載入注，其體亦如集解。迨成稿過半，（唐氏曾命象山陳漢章爲注地理藝文二志，及列傳數篇，見陳著史學通論，是其書亦不盡出己手，）而唐氏旋歿，近有人取其本紀注十卷付刊，而列傳志表闕焉。如有人焉，能因其業而卒成之，亦乙部之鉅製也。清人之究心史記者，以梁玉繩之史記志疑爲最著。近則有瞿方梅之史記三家注補正，李笠之史記訂補，僅能就其片辭隻義，爲之箋證訂補，無有能如王吳二氏之例。就全書而爲之統釋者，有之其唯日本瀧川資言之史記會注考證乎。瀧川氏之書，以三家

注爲主，累日會注，合三家注而名之也。其在三家注以後之注釋，竟而載之，時下已意，謂之考證，其體一依王氏補注集解已於序例言之矣。考證中之所采者，以清人之說爲夥，如錢大昕王念孫梁玉繩張文虎孫貽讓，下至近人崔適李笠諸家，靡不畢載。又以羣書治要太平御覽，校其文字之異同。而日本學者之治史記者，自中井積德以下尤備舉之。樵拾至勤，爲他家所未有，惟考其所下已意，頗涉拘略，應釋要義，亦不免腐淺。又於明人凌稚隆史記評林所錄諸家近於評點文義者亦時時引之，別擇未精，亦是一病。蓋是書以比輯爲事，而不以綜覈見長也。語曰，禮失而求諸野，中土之彥既不能早就此業，而讓異國人爲之，迨其書行，爲治史記者所不能廢，則亦不能置而不數，學術如此，其他可知，國力不競，有以也夫。

以上所述，悉爲統釋一史之作，尙有取某史之一篇而爲之注釋考證者，亦不可無述焉。以其繁也，列表明之：

書	名	卷	著	人	附
史記天官書考證	十卷	新	孫星衍撰	又有天官書補註一卷	
史記三書正義	三卷	清	王元啓撰	三書者律書曆書天官書也	
史記三書釋疑	三卷	清	錢坫撰		
史記天官書恆星圖考	一卷	近	人朱文盛撰		
漢書藝文志考證	十卷	宋	王應麟撰		
漢書人表考	九卷	清	梁玉繩撰	未刊	
漢書地理志稽疑	六卷	清	全祖望撰	又漢書人表考補一卷，續考補一卷。	
漢書律歷志正誤	二卷	清	王元啓撰		
新輯注漢書地理志	十六卷	清	錢坫撰	附徐松集解	

漢書地理志補注	一百三卷	清吳卓信撰	
漢書地理志水道圖說	七卷	清陳澧撰	吳卓信漢志水道圖說補正二卷
漢書地理志補校	二卷	清楊守敬撰	又洪顯和石渠志水道補校五卷
漢書地理志校注	二卷	清江紹蘭撰	
漢書地理志詳釋	四卷	清月吳蘭陽撰	
漢書藝文志拾補	八卷 六卷	清姚振宗撰	
前漢書藝文志注	一卷	劉光寶撰	
前漢書食貨志注	一卷	同	
漢書西城傳補注	二卷	清徐松撰	
後漢書郡國志校補	四卷	清朱右曾撰	未見
前漢書律曆志補注	二卷	清錢坫撰	未刊
魏書地形志校錄	三卷	清溫日鑑撰	
魏書宗室傳注	六卷	近人羅振玉撰	附表一卷
魏書官氏志疏證	一卷	清陳毅撰	
隋書地理志考證	九卷	清楊守敬撰	
隋書經籍志考證	十三卷	清章宗源撰	備有吏部，餘未見。
隋書經籍志考證	五十二卷	清姚振宗撰	
新唐書天文志疏證	百卷	清張宗泰撰	

新唐書藝文志注	八卷	清 繆荃孫撰	傳鈔本
唐書方輿表考證	百卷	清 董沛撰	未見，沈炳震校正唐書方輿表及宰相世系表訂補附唐書合鈔後。
宋史西夏傳統證	一卷	近人 羅福頤撰	大宛而卒
治史地理志考	五卷	清 李慎微撰	

大抵往代史家，所撰諸史，限於時日見聞，不能無所疏略，後人爲彌補其闕，有所撰述，可約爲三類：一爲補闕之作，前已述之。一爲考證之作，一爲校訂之作，即本節著錄諸書是也。惟校訂之作，尚不止此，如盧文韶羣書校補一書，含已校正諸史多種，不暇一一備舉，觸類引申，思過半矣。

其七爲合鈔之史。所謂合鈔者，即取兩種以上之史，綜爲一編，明其異同，以省閱者翻檢之勞者也。往者班固漢書，於武帝太初以前，悉用史記，而時時增損其文，故不能無異同，宋人倪思撰班固同三十五卷（或云劉辰翁撰非是），考其字句異同，以明得失，例以史記本文大書，凡史記無而漢書所加者，則以細字書之，史記有而漢書所刪者，則以墨筆勒字旁，或漢書移其先後者，則注曰漢書上連某文下連某文，或漢書移入別篇者，則注曰漢書見某傳，二書互勘，長短較然，（註五七）此即後來合鈔之史之濫觴也。明季李清曾撰南北史合注一百九十一卷，南唐書合訂二十五卷，初著錄於四庫，後以所撰諸史同異錄，內稱清世祖與明思宗四事相同，以爲擬非其倫，觸犯清廷忌諱，遂將著錄各書，悉爲撤出。今考四庫提要，雖不見李清之名，而簡明目錄以利行在前，猶以南北史著錄於別史類，南唐書合訂著錄於載記類，是則以帝王之威欲爲毀滅其迹，而猶未能也。惟前數年，故宮博物院檢點清內廷所藏諸書，李氏二書之稿本具在，而原擬之提要，仍冠於其端，此極可珍貴之史料也。爰爲遂錄於左：

一、南北史合注提要 臣等謹案，南北史合注一百九十一卷，明李清撰，清字心水，號映碧，揚州興化人，禮部尚書思誠之孫，大學士春芳之玄孫，崇禎辛未進士，官至吏部給事中，事蹟附明史李春芳

傳。清以南北朝諸史並存，冗雜特甚，李延壽雖併爲一書，而諸說兼行，仍多矛盾，嘗與張溥議，欲仿裴松之注例，合宋齊梁陳四史爲南史，魏齊周隋四史爲北史，未就而溥歿。後清簡開佛藏，見三寶記載有北魏大統中遺事，咸通錄載有齊文宣隋文帝遺事，高僧傳載有宋孝武帝遺事，因思卒前業，乃博采諸書以成此注，參訂異同，考訂極爲精審。又於原書之失當者，略爲改正其文，如高歡宇文泰未篡以前，史皆之爲帝者，皆改稱名，後梁之附北史者，改爲南史，宋武帝言零陵王，直書爲弑，魏馮胡二后以弑君故，編爲逆后，與逆臣同書。又二史多纖緯佛門事，以非史體，悉改入注，其持論亦爲不苟。然裴松之注三國志，雖多所糾彈，皆仍其本文，不加點竄，卽世說新語不過小說家言，劉孝標所注，一政其謬妄，亦不更易其文，蓋古來注書之體如是也。雖周改古史爲古史考，荀悅改漢書爲漢紀，范蔚宗合編年四族紀傳五家爲後漢書，並採撫舊文，別爲新製，未嘗因其成帙，塗乙州黃，蓋古來著書之體如是也。清既不能如郝經三國志，改正重編，又有旨如顏師古之注漢書，循文綴解，遂使南北二史，不可謂之清作，又不可謂之延壽作，進退無據，未覩其安。至於八史之中，四史無志，南北二史亦無志，故清削宋書南齊書梁書陳書四史之志，取其事實，散入紀傳之中，不知隋志本名五代史志，故其事上括前朝。當時未有南北史，無所附麗，故奉詔編入隋書。清既合注南北史，自應用續漢十志補後漢書之例，移掇編入，而以劉昭之例詳考諸書以注之，於典制典章，豈不明備，乃屑屑刪改紀傳，置此不言，亦爲避難而趨易。今特以八代之書低牾冗雜，清能會通參考，以歸一是，故特錄而存之，其瑕瑜並見，則終不相掩也。乾隆五十一年五月恭校上，總纂官臣紀昀，臣陸錫熊，臣孫士毅，總校官臣陸費輝。

二、南唐書合訂提要 臣等謹案南唐書合訂二十五卷，明李清撰，清有南北史合注，已著錄，是書紀南唐一代事，以陸游書爲主，而以馬令注及諸野史補之。凡陸書所無而增入之傳，則以補遺二字分注其下，蓋仿裴松之注三國之法，而稍變通之。書則引唐餘紀傳年世總釋諸說，大抵欲以李氏紹長安正

統，仍由陸游之謬說。不知知誥爲徐溫養子，得國後始自言出自唐宗，其世系本無確證，即使果屬建王嫡系，而附庸江左，奉朔中原，亦斷不能援昭烈蜀都之例。以此而學郝經蕭常之書，劉知幾所謂貌同而心異者也。然其他更定陸書義例者，如鍾蔣李延鄭等，於本紀摘出，別列忠義傳，以經大節，頗合至公。又張洎等之列入唐周末臣傳，樊若水之列入叛逆傳，亦深協春秋斧鉞之義。其間文獻缺遺，詳徵博引，亦多考證。視江南野錄江表志諸書，實遠甚之，故糾其持論之紕繆，而仍取其考古之賅洽焉。乾隆五十一年八月恭校上。（下略）（二文俱見郭伯恭四庫全書纂要考）

二書內容，具如上述，惟南北史合注以八書之異於二史者，分注正文之下。觀此一書，可抵八書之用，雖云出於鈔撮，妙存精義，而便於學子非淺矣。聞李氏後裔之在興化者，尙藏有南北史合注稿本，而興化李詳復藏有南唐書合訂之殘本，且此書曾經刊行，非絕無僅有之孤本，清代禁燬各書，以有人收藏，逐漸出世，則此書終有好事者爲之重刊行世，吾儕拭目俟之可也。繼李氏之後而爲合鈔之業者有二：一爲沈炳震之新舊唐書合鈔。一爲彭元瑞劉鳳誥合撰之五代史記補注。沈書撰於雍正癸丑（十一年）以前，凡二百六十卷，積十年之力乃成。其於紀傳，一從舊書，而以新書分注之，於志多從新書，而以舊書分注，自有所見，則加案以別之。茲考其書，於紀傳亦非概從舊書，如宣宗以下諸紀，多從新書增入，而列傳中之從新書增入者，尤屬不乏，蓋舊書於唐季史料，所得甚微，闕遺待補者，非止一二事，宋人修新書時，則遺籍間出，足供采取，於舊書之所闕遺者，爲之大事補綴，此卽新書之勝於舊書者，前已詳論之矣（見第六章）。沈氏識得此旨，既知穆宗長慶以前，舊書爲備，乃悉用之爲正文，又知長慶以前，闕遺甚多，乃取新書各傳，附於舊書正文之後。蓋於新舊兩書之長，均能取精用弘，此沈書所以爲精善也。至於諸志，亦非盡用新書，如曆天文五行地理兵饑衛六志，皆用新書，而樂職官輿服經籍刑法五志，仍以舊書爲正文，而以新書分注之，禮選舉食貨三志，則新舊參用，是其不固一隅，折衷至當，又可知矣。其於諸表，俱從新書增入，而於宰相方鎮兩表，都有增刪。又別撰宰相世系表訂譌十二卷，附於書後，用力既勤，足爲唐書功臣。或謂王先謙撰沈書補注二百六十卷，稿具未刊，

（註五八）而唐景崇所撰之唐書注，不過就沈書加以刪裁訂補之功，以云勝之，則病未能。此繼李氏而有作者一也。清初朱彝尊，曾與鍾廣漢同注五代史，稿具十四五，未幾失去，後又續輯，同時有徐章仲（其名待考），亦注五代史，彝尊序之（見曝書亭集三十五），而未見刻本，據俞正燮癸巳存稿（卷八）所考，宋人姚寬（字全威）曾爲五代史作注，用裴松之注三國注例，惜其未傳。又謂朱彝尊所注之五代史，亦用裴注例，曾在濟南見其手稿，即用南監版本夾手書籤千七百餘條，多碑拓文字，此蓋從事綜輯而未及勘定者。其後彭元瑞成五代史記傳注十六卷，亦猶姚朱二氏之注歐史也。劉鳳詒更因彭稿，而成五代史記補注七十四卷，以其中含有彭稿十六卷，遂並署元瑞之名，以爲合撰，此劉氏用心之忠厚也。惟據俞正燮所紀，則云，甲子秋爲此學，依姚朱彭例，采書裁貼成編，朱籤存者已全采，惜不能校寫。又云，劉宮保在浙日，以正燮稿本，廣延諸經籍舍人校對，皆茫然。及罷官寓家蘇州，又延王君渭校之，王君目醉不看書。丙子秋，仍以稿本還正燮，正燮自食不給，不能看書，仍還之宮保，而阿監使爲寫法本，未校也，越十年，正燮仍以還宮保廣東，竟無有爲校者，其未審處，惟自知之，他人未必能察也。所謂宮保，即指鳳詒而言，據此則是書稿本，多出自正燮，而劉氏不過以位尊多金能任刊刻，遂自尸其名耳。創注此書，爲朱彝尊，繼之者爲彭元瑞，畢其後者，爲俞正燮，任校刊者爲劉鳳詒，是此一書實成於四氏之手（或謂尚有徐炯），而鳳詒獨與元瑞同署，遺彝尊正燮而不舉，果何說耶，豈正燮所紀尙非信而有徵耶。尋補注之作，以歐史爲正文，又全錄徐無黨注，并以薛史五代會要五代史補五代史闕文五代史纂誤以及北夢瑣言冊府元龜諸書，彙而爲補注，命曰補注，對徐注而言也。是時薛史甫自大典輯出，行世未廣，故是書悉取之，分注歐史正文之下，故與其謂之補注，無寧謂爲合鈔，蓋其體仿裴松之，而與沈炳震爲一類者也。此繼李氏而有作者，二也。一代之史，作者往往數家，佚者無論矣。唐書五代，均新舊並行，南北二史之外，更有八書，宋史之有柯王，元史之有屠柯，亦爲新著，卷帙既繁，異同尤夥，繙閱之頃，殊病其煩。惟有一鈔一體，則同者不復再舉，異者列爲子注，一編之內，本末粲然，可與彙注集解之書，異曲同工，雖欲無述，不可得也。

其八則爲輯逸之史。清代學者，長於輯逸，於經學然，於史學亦然。其爲之最早者，有姚之駟之後漢書補逸，前已略言之矣（見第四章）。其後則孫志祖王謨皆有謝承後漢書輯本，而汪文臺之七家後漢書，尤爲詳備，凡得謝承書八卷，司馬彪書五卷，華嶠袁山松書各二卷，薛瑩張璠書各一卷，末附失名氏後漢書一卷，共二十一卷，不惟悉注所出，內容豐富，且無姚書以續漢八志爲出於范曄所撰之誤，此則後勝於前者也。此外長於輯逸者，則有黃奭湯球諸氏，黃奭所輯之書，曰漢學堂輯佚書。其目如下：

薛瑩後漢書一卷 華嶠後漢書注一卷 謝沈後漢書一卷 袁山松後漢書一卷 張璠後漢書一卷 虞預晉書一卷 朱鳳晉書一卷 何法盛晉中興書一卷 謝靈運晉書一卷 臧榮緒晉書一卷 衆書晉書一卷 陸機晉紀一卷 于寶晉紀一卷 習鑿齒漢晉春秋一卷 鄧粲晉紀一卷 孫盛晉陽秋一卷 劉謙之晉紀一卷 孔衍春秋後語一卷 陸賈楚漢春秋一卷 司馬彪九州春秋一卷 荀綽晉後略一卷 盧湛晉八王故事一卷 晉四王遺事一卷 王隱晉書地道記一卷

湯球所輯者，則爲下列數種：

九家舊晉書三十七卷 晉紀五卷 晉陽秋五卷 漢晉春秋四卷 崔鴻十六國春秋輯補一百卷 十六國春秋纂錄校本十卷 蕭方等三十國春秋不分卷 武敏之三十國春秋：

常璩蜀李書 和苞漢趙記 田融趙書 吳篤趙書 王慶二石傳 范亨燕書 車頻秦書 王景暉南燕書 裴景仁秦記 姚和都後秦記 張諮涼記 喻歸西河記 段龜龍涼記 劉昉燉煌實錄 張詮南燕書 高同燕志

此外工於輯逸者，尚有數家：

書名	卷	著者	附考
古本作新紀年輯校	一卷	王國維	
世本	本一卷	孫承澤	陳其榮補訂孫輯世本二卷，附考證。
校輯世本	本二卷	雷學淇	
世本輯補	十卷	秦嘉謨	
宋表世本注	五卷	張澍	
重訂謝承後漢書補遺	五卷	孫志祖	

至清代乾隆時官輯史部之書，尤有卓卓可稱者：

宋薛居正舊五代史一百五十卷。

宋吳縝五代史記纂誤三卷。

宋李燾續資治通鑑長編五百二十卷。

宋兩朝綱目備要十六卷，無撰人。

宋王益之西漢紀年三十卷。

宋熊克中興小紀四十卷。

漢劉珍東觀漢記二十四卷。

元郝經續後漢書九十卷。

右舉官修諸書，多自永樂大典輯出，亦即爲清修四庫全書之先聲。其後輯逸之風漸盛，迄於今而未殺，雖謂由於清廷之提倡，無不可也。愚之研史，亦喜輯佚，向纂渤海國志長編，即由謂夢書鈔寫比次而成。後纂王黃華先生（庭筠）年譜，亦用輯佚之法。金史之誤，凡得數事，悉爲正之，此輯佚之效也。大元大統志一千三百

卷，原書佚於明初，而大典中引用最夥，借使乾隆之世，得有徐松之徒，肯爲一一鈔出，則不難恢復舊觀，可與宋會要兩相輝映，乃竟任其亡佚而不知恤，良可惜矣。愚曾由滿洲源流考熱河志諸書輯出大一統志四卷，刊入遼海叢書第十集，而於分見大典殘本各韻，尙未及一一輯出。又如元代之經世大典，亦可自大典殘本輯出多卷，此又輯佚之有資於研史者也。

綜上八目言之，乙部諸書，創作最難，而改修分撰次之，補闕注釋又次之。總輯合鈔之史，多仍舊作，義例既定，著手非難，而輯佚之史，有抱殘守闕之意，既近於補闕，復類於合鈔，八月之中，斯爲較易者矣。唐宋以來，私修諸史，以改修之作爲多，而創作之史，則僅三四見，此何故也。蓋是時創作之史，多屬官修，私家草創，易觸忌諱，故寧避近就遠，從事改修，多寡不倫，誠非無故，總輯之史，除鄭氏外，絕未一見，造端宏大，卷帙繁重，非一手一足之烈所能爲役也。清儒長於考證，喜事比輯，故補闕注釋合鈔，輯佚之史，獨多於往代，此以治經之法，移而治史，食漢學昌明之賜者也。然亦時涉細碎，未得始終條理之宜，語曰，矯枉者必過正，又曰，尺有所長，寸有所短，其斯之謂歟。

二、編年體之通鑑

編年之史，莫古於春秋及竹書，春秋者魯之史記，而竹書則魏之史記也。左氏傳爲釋春秋而作，其體亦爲編年，而紀載甚備，史通六家篇，以左傳家居其一，卽編年史之初祖也。其後荀悅易班書之紀傳體而爲編年，悉由鈔撮成書，是爲漢紀，袁宏張璠于寶裴子野之徒，尤而效之，於是斷代之史，編年與紀傳並行，迨有宋司馬光出，創修通鑑，貫穿今古，以爲一書，而面目爲之一新，殆由左傳漢紀二書擴而充之以成鉅製者也。光富自資，凡百事皆出人手，獨於前史粗嘗盡心，每患遷固以來文字繁多，欲刪削冗長，舉撮機要，專取關國家盛衰，繫民生休戚者可爲法惡可爲戒者，爲編本一書，使先後有倫，精粗不雜。（註六〇）又於仁宗嘉祐中，詣其門人劉恕曰，春秋之後，迄今千餘年，史記至五代史一千五百卷，諸生歷年不能竟其篇第，畢世不能舉其大略，

厭煩趨易，行將泯絕。余欲託始於周威烈王命韓趙魏爲諸侯，下訖五代，因丘明編年之體，仿荀悅譜要之文，網羅衆說，成一家言。（注六）是則光之蓄志修史，蓋已久矣。厥後承乏侍臣，因聞以請，英宗遂命光論次歷代名臣事迹，以爲一書，並得就祕閣繕閱，給吏史筆札，以治平二年受詔，至神宗元豐七年成書，歷時十有九年，其採用之書正史之外，雜史凡三百二十二種，其殘稿在洛陽者，尙盈兩廬。故其遺書表，嘗稱臣之精力，盡於此書，又襄其事者，史記前後漢書屬劉攽，三國晉南北朝屬劉恕，唐五代屬范祖禹，皆所謂天下選也。光初名其書爲通志，約戰國至秦二世爲八卷以進，至英宗所命修者，則祇因歷代君臣事迹，而未有定名也。迨治平四年神宗卽位，十月初開經筵，命以其書進講，始定名曰資治通鑑，御製序文，俟書成日寫入，又歷七年，書始撰就，上起周威烈王二十二年，下訖五代之末，凡十二代，一千三百六十二年，爲卷二百九十有四，信爲乙部之總會，編年史之圭臬矣。光於劉恕，極推重之，英宗嘗命光自選館閣英才，共任修書之役。光對曰，館閣之士誠多，至於專精史學，臣未得而知，所識者，惟和川劉恕一人而已。光又謂與恕共修書凡數年，史事之紛錯難治者，則以諉之，已則仰成而已。（注六）茲考通鑑之文，博而得要，簡而不遺，始終如出一手，是則光筆削潤色之功，可一覽得之，其曰仰成，蓋謙詞也。恕嘗諱於光曰，公之書不始於上古或堯舜，何也。光曰，周平王以來，事包春秋，孔子之經，不可損益。恕又曰，曷不始於縱橫之後。光曰，經不可續也。（注六）是則光之用意可識矣。然胡三省則爲之釋曰，孔子序書，斷自唐虞訖文侯之命，而繫之秦，魯春秋則始於平王四十九年，左丘明傳春秋，止哀之二十七年，趙襄子甚智伯事，通鑑則書趙興智滅以先事，以此見孔子定書而作春秋，通鑑之作，實接春秋左氏後也（通鑑注序）。三省又曰，爲人君而不知通鑑，則欲治而不知自治之源，惡亂而不知防亂之術，爲人臣而不知通鑑，則上無以事君，下無以治民，爲人子而不知通鑑，則謀身必至於辟先，作事不足以垂後（同上）。此又與太史公所論春秋之旨相同（見第二章）。依此所釋，則光雖不欲尸續經之名，而實際已不啻續之矣。光既自言，因丘明編年之體，仿荀悅簡要之文，故於書中義例，皆爲論以發之，而起以臣光曰一語，此卽用左傳君子曰漢紀悅曰之例，亦由左傳漢紀二書擴而充之之明證也。且前代

編年之史，有若兩漢紀晉紀宋略齊典梁典，皆爲斷代之書，本可據之以通爲一編，惟至宋代，多就散亡，其可見者，僅有荀袁二紀。且漢紀一書，係由班書鈔撮而成，絕無翦裁，殊乏精義，而通鑑則不然，凡前漢十二帝之紀事，雖不出荀悅所紀之範圍，而與漢紀之面目則大異，蓋取史漢之文，徐徐自出手眼，治於一爐，創爲新作。試取其書觀之，無一語不出於史漢，而無一處全襲史漢，非特前漢爲然，全書無不如是，所謂剝膚存液，取精用宏，神明變化，不可方物者，非通鑑一書不足以當之。此所以爲冠絕古今之作也。且通鑑之難能可貴，尤在貫穿古今事迹而爲一編，凡梁武鄭樵所遜謝而不能爲者，而光則綽綽然有餘裕矣。梁武通史已亡，無從取證，鄭樵通志全書其在？非惟紀傳全出鈔襲，不足置數，卽其自負甚深之二十略，亦非有甚深之精義，嚴密之組織，以視通鑑之融會衆家，首尾一貫，其不可同日而語，又何待深論耶。鄭樵章學誠二氏，皆尊通史而鄙斷代，樵所自造，已難滿人意，而學誠更不能自造一史，近頃學人，亦盛論通史，權其利病，具體之作，則無間焉。求其比較精善，供人考覽者，仍爲通鑑一書，不特此也。通鑑於晉代，則兼采十六國史，於南北朝，則兼采八朝所撰之私史，於唐五代，則兼采實錄，及諸家紀載，其所採用之書，多就亡佚。今人徵考正史以外之史，實往往於通鑑求之，以得梗概，此又通鑑難能可貴之一端也。或謂通鑑專詳君臣事迹，屬於政治一類，至於社會制度學術文化，非其範圍所及，是則僅爲通史之一部，不足以概其全也。不悟中土史籍，偏重政治，君臣事迹之外，皆屬語焉不詳，以今人之見，衡論古人，未能得其情實，何足以服其心哉。且胡三省於本書唐玄宗開元十二年內注云，溫公作通鑑，不特紀治亂之迹而已，至於禮樂歷數天文地理，尤致其詳，讀者如飲河之鼠，各充其量，此爲本其命意所在，而特發其凡者，然則謂通鑑一書，屬於政治一類者，亦非深符名實之論矣。或又謂光受英宗之命，而撰是書，設局自隨，選賢爲佐，與前代官修之史何異，不得與於私家撰述之林也。此亦不然，試考光之自言，及劉恕所述，其蓄志修史，非一日矣。及承英宗之命，乃得實踐其言，且官修諸史，皆取稟謄修，任編纂者，往往闕筆相視，含毫不斷，而光之修通鑑則無是也。編纂之役，統由自任，上無監修之牽制，下無同輩之推諉，二劉一范，則悉取光旨，共任助役，有相濟之美，無意見之差，故撰人獨著

光名，而他人不得與，雖云近於官修，而與向來之官修者異矣。『光謂修通鑑成，惟王勝之借一讀，他人讀未盡一紙，則欠仲思睡（見通鑑胡序文獻通考經籍編年考及容齋隨筆），是則以文繁而不易終卷，亦常人賤近貴遠之所教也。試問今之研史者，能不取通鑑而誦習一過乎，古人之所謂難者，正今人之所謂易，亦以其書，去今已遠，爲大儒鴻博所稱，故競取而讀之，未嘗以其繁而置之賤近貴遠之見有以使之然也。』惟光已以本書浩繁，覽者難省，別撰目錄三十卷，以收提綱挈領之功，又以其中之一事，有用三四出處纂成者，別撰考異三十卷，以明異同去取之準，晚年又病目錄太簡，更著舉要歷八十卷，以適厥中，而未成也。至其所撰歷年圖，百官表，稽古錄，無一不與通鑑有關，又有釋例一卷，不必盡出光意，而其門人劉恕又撰通鑑外紀十卷，起包羲氏，訖周威烈王，以補通鑑所不及，本應名曰前紀，恕以爲成於病中，采摭未備，謹不敢當，改曰外紀。其後金履祥，亦撰通鑑前編十八卷，舉要三卷，然其博洽非外紀之比，袁樞又爲通鑑作紀事本末，於紀傳編年二體之外，別創一格。將於下節論之。至王應麟有作，更爲通鑑撰答問，撰地理通釋。於是通鑑一書，遂爲專門之學，可與漢書比隆矣。

世稱顏師古爲漢書功臣，吾謂胡三省亦通鑑功臣也。三省生於宋末，理宗寶祐丙辰（四年）進士，承其家學，而治通鑑，先是劉安世有通鑑音義十卷，至宋末已不傳，三省乃依陸德明經典釋文例，筆爲廣注九十七卷，並著論十篇，至恭帝德祐二年丙子三月，元兵入臨安，攜恭帝北去，三省避地越之新昌，稿失去，亂定還鄉，後睹他本爲之注，乃以所注並通鑑考異，散入本書各文之下，初名通鑑新注，後又易名音注，訖乙酉冬乃克成編，又以蜀史焘所撰釋文，舛謬甚多，別撰釋文辨誤十二卷，以附本書之後，乙酉歲爲元世祖至元二十二年（西元一二八五年）^①。卽宋亡後之六年，而白序用歲陽名，署曰旂常作噩，其不肯題至元年號，亦陶潛於義熙後但題甲子之旨也。又其自序有云，或勉以北學於中國，嗚有志焉，然吾衰矣，是其不肯仕元之意，顯然可觀。至序中宋朝英宗皇帝一語，疑元人刊書時所易，原文應曰國朝，此又可一覽而知者也。自來著錄家，皆稱三省爲元人，非是，若爲正之稱曰宋人，庶幾符其意志乎。王應麟通鑑地理通釋，撰於元世祖至元十七年庚

長，爲宋亡之明年，而自跋亦但題曰上章執徐，亦猶三省之用心也。元人袁桷清容集，謂三省經三十年之兵難，稿凡三失，乙酉歲留袁氏家塾，目手鈔竄注，已丑寇作，以書藏窖中得免，按己丑爲至元二十六年，所謂寇作，不知何指，至謂乙酉之前，稿凡三失，亦不盡可信，應以自跋爲主。三省之注通鑑，嘗自比於顏之注班。其言曰，注班者多矣，吾灼集服應之義，而辨其常否，臣瓚總諸家之說，而駁以己見。至小顏新注，則又譏服應之疏案尙多，蘇晉之割斷蓋鈔，皆臣瓚以差爽，祇蔡謨以牴牾，自謂窮波討源，稱會甄釋，無復遺恨，而劉氏兄弟之所以譏顏者，獨顏之議前人也。人苦不自覺，前注之失，吾知之，吾注之失，吾不能知也。蓋胡注之於通鑑，亦所謂窮波討源，稱會甄釋，無復遺恨者，其於名物訓詁，固已與衍浩博矣，所釋地理，尤爲精審，偶有小失，無害其大，故吾謂胡氏爲通鑑功臣，非溢美也。

通鑑一書，訖於五代，有宋以後，尙待續修，南宋李燾踵通鑑之例，備探北宋一祖八宗一百六十餘年之事蹟，起太祖建隆元年，訖欽宗靖康二年，以成一書。燾謙不敢言續通鑑，以光修通鑑時，先成長編，乃曰吾書可名續資治通鑑長編，及以具書上進，孝宗覽之，則曰吾已許李燾題爲續通鑑長編矣。通鑑爲時君所重，至於如此，而續書之可貴，亦由此見之矣。

移於孝宗淳熙元年，纂成全書九百八十卷，舉要目錄六十八卷合爲一千又三十六卷（據建炎朝野雜記甲四及玉海四十七）六百八十七冊，重爲上進，然文獻通考備著錄長編一百六十八卷，與上進者，多寡懸殊特甚，或謂前者併子卷計之，亦不爲無因也。明初修永樂大典，曾以是書錄入宋字韻下，而徐乾學於康熙初，獲舊本一百七十五卷，於泰興季氏，凡太祖太宗真宗仁宗英宗五朝，大典本略與徐氏本合，而分注之考異，則視徐氏本加詳，神宗哲宗二朝，徐本所闕，亦具載於大典，而大典所闕者，惟徽宗欽宗二朝，及熙寧紹聖間七年之事耳。此書已由四庫館臣自大典輯出，釐爲五百二十卷。以余所知，如薛映王會宋綬三氏率使契丹行程記，具錄宋國史契丹傳者，而是書一一具載之，可與文獻通考（契丹傳）遼史地理志互證，又可正契丹國志之誤。其進書狀，則謂寧失之繁，勿失之略，命名長編，政以此故。其後楊仲良（亦宋人）因燾書以撰皇宋通鑑長編紀事本

末一百五十卷（中闕數卷）；凡長編所闕之卷，尙可據此得其梗概。清代黃以周等遂據楊書以撰續資治通鑑拾補六十卷，於是長編之全書，乃大略可識矣。續李氏長編者，則有李必傳（南宋人）之建炎以來繫年要錄二百卷，與長編要錄互證者，則有徐夢筆（南宋人）之三朝北盟會編二百五十卷。要錄一書，述高宗一朝三十六年之事，編年繫月，全仿通鑑，而上與長編相續。會編則自徽宗政和七年七月與金人海上通好之日起，至高宗紹興三十二年完顏亮犯淮敗亡之日止，凡分三帙，以政和宣和爲上帙，靖康爲中帙，建炎紹興爲下帙，專敘一朝與金人結盟敗盟之事，故名曰三朝北盟會編。其書亦爲編年體，惟每事先立一綱，其下取諸家所說及制詔書疏傳誌以詳其究竟，實爲編年體之別派，而與朱子通鑑綱目互相呼應者也。凡長編要錄會編三書，皆引證賅洽，具舉原書，要錄則與會編相近，而會編視二書爲尤詳。心傳夢筆二氏，生於同時，年世相仿，要錄成書在前，爲夢筆所見，故會編一再引用之。及會編成書行世，而要錄尙未刊行，故心傳又屢引會編之說，且會編所錄，雖以宋金交涉爲限，而長編所佚之兩朝事，亦可藉此考見其梗概，吾故因論長編，而將要錄會編二書附及之。

上述二李氏之書，皆不得謂之續通鑑，而真能續通鑑者，則別有其書在，明人王宗沐薛應旂皆撰宋元通鑑，以續司馬氏之書，其文視二李氏爲簡，已異乎長編之體矣。然其所采之書甚少，如長編要錄會編諸書，皆未寓目，遑言造作，王書有年月參錯事蹟脫落之失，薛書更以表章理學爲主，其他則不甚措意，其於遼金二史，所錄尤少，蓋有鄙夷不屑道之意存焉。以言續鑑，尙有不稱，其足以當續鑑之稱而無愧者，其餘畢二氏之書乎。清代徐乾學始撰資治通鑑後編一百八十四卷，與其役者爲萬斯同閻若璩胡渭，皆一時之選也。其書於事蹟之詳略，先後有應參訂者，皆依司馬光例作考異以折衷之，其諸家議論足資闡發者，並採系各條之下，間附己意，亦依光書之例，標臣乾學曰以別之，其以端宗帝昀繼恭帝之後，系年紀號，尤協人心之公，並可正宋史之失。是時清廷文網未密，故得申其所見，若在乾隆四庫閉館之後，則不敢以此著諸簡牘矣。其於李氏長編，亦知援據采入，惜所見者，爲一百七十五卷之殘本耳。蓋是時，乾學方鎮一統志局，多見宋元方志，而若璩諸人復長

於地理之學，故所載輿地，尤爲精核，至其真樸審勘，用力頗深，訂誤補遺，時有前人所未及，四庫提要，亦嘗稱之矣。惟前修未密，後出轉精，其終遜於畢氏之續作，又時爲之也。畢沅於乾隆時，官湖廣總督，以好士名，如邵晉涵章學誠之以史學名家者，皆在其幕中，畢氏乃於此時，發願修續通鑑，屬僚友爲之，大抵就徐乾學本，加以損益，閱二十年，書乃脫稿，或謂此書最後紹邵晉涵校定，卽今日通行之本也。然據章學誠所論，邵君出緒餘爲之覆審，已大改觀，畢氏卒後，其家仍用賓客初定之本付刊，蓋邵君覆審之本，已因畢氏家被籍沒，而不可訪矣。（註六四）其說確否，不敢遽定，至畢氏纂書之旨，則具見學誠代畢制軍致錢宮詹（大昕）一書之中，大略言之，其一，則以宋遼金元四史爲正本，不惟宋事在所宜詳，遼金大事一無遺漏，其於元事，則多採文集，間及說部，一矯舊作詳宋而忽遼金元之弊。其二，則所採長編爲足本，並據繫年要錄及熊克中興小紀，宋季三朝政要諸書，以補徐本之未備，而寧宗嘉定以後之闕略，尤注意補其遺聞佚事。其三，則別作考異散入本書正文之下，其例略同徐本。其四，則不用徐本之例，繫以臣某曰，以爲據事直書，善惡自見，苟無卓見特識，發前人所未發，轉病其贅，故付闕如。書中又謂邵與桐（晉涵）章實齋與商義例，語出章氏，當無虛飾，其所以勝於徐本後來居上者，亦當在此數端矣。愚喜研宋事，曾讀畢鑑數過，覺其長於綜輯，而短於銓裁，其於四史及二李之書，概取原文入錄，欲如司馬氏之融會衆家，治於一爐，不特去之彌遠，抑亦絕不可能，此固由於書成衆手，敷衍完篇，亦以與其役者，才謝三長，無二劉一范之選，宜其不能追蹤古人，與通鑑並美也。張之洞書目答問云，有畢鑑則諸家續鑑皆可廢，此語亦不盡然，畢鑑於遼金元人名地名官名，悉從清代譯改。又於宋恭帝德祐二年被擄北上之後，卽系以元年，削端宗帝昀之號而不書。又從通鑑輯覽之例，以德祐二年三月以前屬之宋，四月以後屬之元，一年之中，而有兩號，雖云攝於時君之威，未敢以此獲譴，究遠凍冰以來相承之法，此又鄙見未敢苟同者也。考畢鑑凡二百二十卷，初次付刻，僅至一百三卷而止，嘉慶六年，桐鄉馮集梧又爲補刻一百十七卷，而全書始完，得以行世，否則不堪問矣。以上所述，又明清二代編纂續鑑之大略也。

徐氏二氏之撰續鑑，本應下及明末，乃竟避而不爲者，明去清近，易代之際，詳則語涉忌諱，略則不足言史也。顧及清季，文網漸疏，撰明鑑者，乃有二家：一爲陳鶴之明紀，一爲夏燮之明通鑑。陳書凡六十卷，起太祖訖思宗崇禎元年之五十二卷，爲鶴自撰，未及竣功而卒，卷五十三以下之八卷，則由其孫克家續成之（克家別撰考異若干卷未及刊行）。夏書凡九十卷，又有前編四卷，紀太祖建號以前之事，附記六卷，紀晚明弘光隆武永歷三帝及魯監國之事，合爲百卷，并自撰考異，散入正文之下。又仿司馬氏之例，別撰目錄五卷，其用力之勤，又非陳氏所及也。陳書參稽雜史多種，而大致原本明史，及明史稿，不如夏書網羅之富。惟兩書同屬草於咸豐同治間，而各不相謀，故無繫年要錄與北盟互相印證之功。明紀早出，故蘇州官書局覆刊司馬氏通鑑劉氏外紀及補配畢氏續鑑時，并取陳氏明紀配之，不復齒及夏書，以其尙未行世也。夏書所據者，除明史及永樂正德嘉靖等數朝實錄外，多據乾隆官撰之通鑑綱目三編，則可彌未見實錄之闕。元順帝爲宋恭帝之私生子，權衡庚申外史紀之，建文遜國出亡，未嘗自矯，各應參明史紀事本末詳之，夏書皆以爲可信。又所系論評，多采乾隆御批輟覽及三編發明，皆爲究心史學者所不愜心。且明代歷朝實錄，既未全覩，則所補直者，究屬甚微。今人所不滿於明史者，夏氏究未能彌其闕失，凡此諸端，皆待訂補，況清社旣屋，紀傳之史略具，而編年一體亦待續纂，有志研史者，曷不一留意及此乎。

劉氏外紀，金氏前編，所以補鑑前之闕，王薛徐畢陳夏六氏之後編續編，及明紀明鑑，可以續正鑑之後，皆編年一體必備之籍也。宋人曾慥撰通鑑補遺一百篇今已不傳。清人嚴衍乃作通鑑補正，取正史所載者，以補通鑑之闕遺，如通鑑所紀五代事時，遼史未出，僅據宋人所紀及傳聞入錄，不失之虛，則失之略，衍爲一一補之，亦足以爲治鑑之助矣。此書實行與其門人談允厚同撰，衍又有補正略三卷，錢大昕稱其有功通鑑，爲胡三省後所僅見，語蓋不誣。

以通鑑爲藍本，少爲更其體例，使簡約易省，因而別張一軍者，則朱子元晦之通鑑綱目是也。據朱子曰序，謂司馬溫公著通鑑舉要曆八十卷，未成，而南陽胡文定公（安國）復爲補遺若干卷，然猶病不能領其要而及其詳

也。乃與同志，因兩公書，別爲義例，增損闡括，以就此編。蓋義以首年，而因年以著統，大書以提要，而分注以備言，使夫歲年之久近，國統之離合，事辭之詳略，議論之同異，通貫曉析，如諸指掌，名曰資治通鑑綱目，凡五十九卷。又手定凡例若干事，曰系統，曰歲年，曰名號，曰即位，曰改元，曰尊立，曰崩葬，曰篡賊，曰祭祀，曰行幸，曰恩澤，曰朝會，曰封拜，曰征伐，曰廢黜，曰罷免，曰人事，曰災祥。每一事之前，皆以凡字發之，以擬左氏傳之五十凡。或謂綱仿春秋，而兼采諸史之長，目仿左氏，而稽合諸儒之粹（王懋竑朱子年譜），故大書以提要者謂之綱，仿春秋之經也。分注以備言者謂之目，仿左氏之傳也。尋朱子初意，不過欲因司馬光之書，而爲提綱挈領之作，使人省覽而已。今觀其書之起訖，一依通鑑之舊，並仍其故名，其題曰綱目，亦猶目錄舉要歷，爲通鑑作一簡本，又與門人趙師淵（字訥齋）論綱目書云，此書無他法，但綱欲謹嚴而無脫略，目欲詳備而不煩冗，則其意可觀矣，豈有他哉。然朱子之用意，頗在勸懲，屢於凡例中見之。故自序又曰，歲周於上而天道明矣，統正於下而人道定矣，大綱概舉而監戒昭矣，衆目畢張而幾微著矣。如奪曹魏之紀，以存漢統，排武后之號，以繫唐年，卽所謂歲周於上統正於下者也。又如揚雄不能執漢臣之節，而書曰莽大夫，陶潛不肯仕劉宋之朝，而稱爲晉處士，卽所謂鑒戒昭幾微著者也。近人謂史重容觀，勸懲之旨爲無關，因以盛譏朱子，不悟朱子所生之日，正春秋學昌明之時，研史之士，率爲圭臬，雖以歐陽修之能文章，通史法，而所撰五代史記，不能不上效春秋之書法，是則朱子效法春秋自訂凡例，又何足深怪也耶。本書之綱，或出朱子自撰，或命門人分撰，而其目則屬趙師淵爲之，成書之歲，爲宋孝宗乾道八年壬辰（西元一一七二年據本書自序），朱子年僅四十餘，精力未衰，度必能親手校訂，不得以其一部假手門人，遂謂其未能親手勘定也。先是呂祖謙撰大事記十二卷，始周敬王三十九年，蓋以上接左氏，訖漢武帝征和三年，本欲訖於五代，會疾作而罷，朱子嘗稱伯恭（祖謙字）宗太史公之學，非漢儒所及者，大收指是書也。同時張栻亦撰經世紀年，以昭烈上繼獻帝，而附吳於下，正爲綱目所本（見元劉壎隱居通義二十四）。徐夢莘所撰北盟會編，與朱子同時，亦用綱目體，後此則綱目盛行，爲編年體之小宗，亦所謂不廢江河萬古流者，實由朱子倡之，何

必專宗司馬氏以自隘耶。元末陳經撰通鑑續編二十四卷，述盤古至高辛氏爲第一卷，以補金氏前編所未備，次撫契丹在唐及五代時事，以補通鑑之未備，其餘二十二卷，則述有宋十八帝之事，以上接五代，乍觀此書，似續通鑑，實則大書分注，全仿綱目，當名之曰續綱目，此續綱目之最先者也。明成化中，乃命大學士商輅等撰通鑑綱目續編二十七卷，所采之書，多出中祕，與宋遼金元四史，頗有異同，薛應旂等，遂據此以撰宋元通鑑，是則此書，雖非盡善，要不可輕易抹殺也。清乾隆中，更敕撰通鑑綱目三編，以紀明事，而清綱目現尙無人續作。又乾隆中，因明李東陽之通鑑纂要，敕撰通鑑輯覽一百十六卷，附明唐桂二王本末二卷，此書亦用綱目體，簡要有法，未可以爲官書而得之。清康熙中，青浦楊陸榮，依據遼金二史，撰遼金正史綱目三十卷，遼金各居其半，此書不及二史之詳，而有綱有目，頗便省覽，且向來撰編年史者，咸以遼金事附於南宋，而此書則割出別行，亦可謂一規格矣。此書僅有傳鈔本，余於往歲自日本靜嘉堂文庫借鈔得之，蓋陸氏麗宋榷故物也。凡此所述，皆爲綱目體，亦通鑑一書之支與流裔也。茲將上方所述，綜爲一表，以便省覽：

書	名	卷	數	撰	著	人	附	考
資治通鑑	綱	二百九十四卷	同	宋	司馬光	撰		
通鑑綱目	綱	三十卷	同	上				
通鑑綱目	綱	三十卷	同	上			單行本較數人本書正文者爲詳，然異同甚少。	
通鑑綱目	綱	八十卷	同	上			宋成	
通鑑綱目	綱	一卷	同	上			實爲其曾孫俊所輯，一作通鑑綱目。	
通鑑綱目	綱	二十卷	同	上				

歷	年	通鑑	同	上	
通鑑	節要	六卷	同	上	
右爲司馬光自撰之通鑑，及與通鑑有關之作。					
資治通鑑	書注	二百九十四卷	宋胡三省撰		
通鑑	釋文辨誤	十二卷	同	上	
通鑑	地理通釋	十四卷	宋王應麟撰		
通鑑	答問	五卷	同	上	
通鑑	問疑	一卷	宋劉發仲撰		發仲，恕之子也。
通鑑	論	三十卷	明王夫之撰		假古事以申己見。
右爲通鑑注釋					
通鑑	外紀	十卷 目錄五卷	宋劉恕撰		
續資治通鑑	長編	五百二十卷	宋李燾撰		
建炎以來繫年要錄					
資治通鑑	前編	十八卷 要略三卷	元金履祥撰		此書爲李燾書之續
宋元資治通鑑		六十四卷	明王宗沐撰		
宋元資治通鑑		一百五十七卷	明薛應旂撰		
資治通鑑	後編	一百八十一卷	清徐乾學撰		
續資治通鑑		二百二十卷	清畢沅撰		

明	紀	六十一卷	清陳鶴撰其孫克家續成	
明	通鑑	一百卷	清夏燮撰	附有目錄若干卷
資治通鑑補正	又補正各三卷	清張澍撰	又查和豫撰刊誤二卷	
續通鑑長編拾補	六十卷	清黃以周撰同輯		
右續補司馬氏通鑑				
資治通鑑綱目	五十九卷	宋朱熹撰	卷首凡例一卷	
資治通鑑綱目續編	二十七卷	明商輅等奉敕撰		
資治通鑑綱目前編	二十五卷	明南軒撰		
資治通鑑綱目三編	四十卷	清乾隆中敕撰		
通鑑輯覽	一百十六卷 <small>乾隆二年本末二卷</small>	清乾隆中敕撰		
三朝北盟會編	二百五十卷	宋徐夢莘撰	用綱目體，故附於此。 徐氏又有盟盟彙編五十卷已失。	
通鑑輯覽	二十四卷	元陳桱撰	此書爲綱目體，非續通鑑。	
遼史正史綱目	三十卷	清楊陞榮撰	遼十五卷，金十五卷。	

右爲朱子因通鑑所作之綱目，及綱目體之各編年史。

三、以事爲綱之紀事本末

劉知幾謂史有二體，紀傳編年是也。論者多謂紀傳以人爲主，編年以年爲主，而未及以事爲綱之記事體，猶不

得謂之盡致也。愚謂正史有本紀，其標明爲某帝，其內容則爲編年，此以年爲主之史也。又有列傳以紀一人之行迹，此則以人爲主矣。然正史中又有書志，書志所紀，於典章制度之外，或紀一事之首尾，如史記之有封禪河渠二書是也。由是言之，雖紀傳體之正史，雖以人爲主者，亦含紀年紀事之二體在內矣。說文之釋史字曰，史記事者也。史指記事之官，固非指書而言。然凡名爲史之書，必職司紀事，又不待言。無論其體以人爲主，以年爲主，而皆屬記事之史。魏元暉招集儒士崔鴻等，依仿梁武帝通史，而取其行事尤相似者，以爲科錄，或云，撰錄百家要事，以類相從（據史通六家及魏書宗室傳），此實紀事一體之濫觴。特以事爲綱之史，在唐以前則甚罕見，而科錄一書亦早佚，故知幾亦不復舉之耳。梁任公有言，善鈔書者可以成創作，荀悅而後，惟袁樞是也。蓋荀悅取漢書之文，分年排纂，以成漢紀一書，非於漢書之外，別取新材，然能易其紀傳體爲編年，爲後來作史者所仿效，此卽鈔書可以成創作之顯例也。袁樞生於南宋，以通鑑紀一事而隔數卷，首尾難稽，乃自出新意，區別門目，以類排纂，每事各詳起訖，自爲標題，每篇各編年月，自爲首尾，始於三家之分晉，終於周世宗之征淮南，凡得二百三十九事，釐爲四十二卷，名曰通鑑紀事本末。此書亦全鈔通鑑而成，別無取材，然能易其編年體，而以事爲綱，此亦善鈔書可以成作者也。樞書既成，而未顯，孝宗淳熙三年十一月，參政龔茂良始言樞所編紀事，有益見聞，詔嚴州摹印十部，仍先以繕本上之（王應麟玉海），帝讀而嘉歎，以賜東宮，及分賜江上諸帥，曰，治道盡在是矣（宋史本傳）。而楊萬里殺其書，則曰，大收舉事之成，以後於其萌，提事之微，以先於其明，其情匿而泄，其故悉而約，其究遐而邇，其繁治亂存亡，蓋病之源，醫之方也。此皆緣其書之精善，見稱於當世君臣者也。

章學誠極推崇袁書，謂有化臭腐爲神奇之效，於文獻通考書數篇申其旨云：

司馬通鑑病紀傳之分，合之以編年，袁樞紀事本末又病通鑑之合，而分之以事類。按本末之爲體也，因事命篇，不爲常格，非深知古今大體，天下經綸，不能網羅縷括，無遺無濫，文省於紀傳，事豁於編年，決斷去取，體圓用神，斯真尙書之道也。在袁氏初無此意，且其學亦不足與此，書亦不盡合於所稱。故歷代

著錄諸家，次其書於雜史，自屬纂錄之家便觀覽耳。但即其成法，沈思冥索，加以神明變化，則古史之原，隱然可見，書有作者甚淺，而觀者甚深，此類是也。故曰神奇化臭腐，而臭腐復化為神奇，本一理耳。

尋此所論，其旨有二，一謂尙書爲記事之善，袁氏傳尙書之義，而創紀事本末一體，此即章氏所謂書教也。一謂袁氏初意不過鈔纂通鑑，以識一事之始末，而其究則能文省於紀傳，事豁於編年，故曰作者甚淺，而觀者甚深。此又梁氏所謂善鈔書可以成創作也。蓋近世新史之體，皆以事爲綱領，以明因果，嬗變之蹟，故樞所創紀事本末之法，實與近世新史之體例爲近。若紀傳體以人爲主，一事散見數篇，賓主不辨，與編年體之一事隔越數卷，首尾難稽者，其爲病正同。此雖吾國史家相傳之成法，而今日不免譏爲臭腐者也。章氏臭腐化爲神奇之語，可謂善喻矣。紀傳一體，創於司馬遷，而大成於班固，編年一體，創於左氏，而大成於司馬光，皆竭畢生之力而成一書，不圖其體皆遠於近世之新史，而紀事一體，亦可云擬於元暉，而大成於袁樞。章梁二氏不釋科錄，尙嫌其漏，惟袁樞善用鈔最之法自具一專之首尾，而竟與新史相近，成爲不刊之名作。語曰，其作始也簡，其將畢也鉅，若袁樞者，抑何幸也。

仿袁樞之體而繼作者，則有下列數種：

書名	卷數	著者	人附
宋史紀事本末	二十六卷	明馮琦原編陳邦瞻纂補	考
元史紀事本末	四卷	明陳邦瞻撰	
西夏紀事本末	三十六卷	明張鑑撰	
左傳紀事本末	五十三卷	清高士奇撰	
遼史紀事本末	四十卷	清李有業撰	

金史紀事本末	五十二卷	同	上	
明史紀事本末	八十卷	清	顧在田撰	
續明紀事本末	十八卷	清	彭孫貽撰	
明朝紀事本末補編	十五卷	清	楊際泰撰	
三藩紀事本末	四卷	清	楊仲良撰	又有皇朝中興紀事本末，附爲案歐陽守道撰。
皇宋通鑑及編紀事本末	一百五十卷	沈	輯	見十七史商榷一百。
通鑑前編紀事本末	百卷	清	李銘撰	明皇鑑本
續資治通鑑紀事本末	一百十卷			

又有通鑑紀事本末補後編五十卷，清仁和張星曜撰，以袁氏有紀崇信釋老之亂國亡家爲篇者，乃雜引正史所載，附以稗官，雜記及諸儒明辨之辭，條分類載，以爲此書，丁日昌藏稿本，見莫與之宋元舊書經眼錄。

右舉諸書，如宋遼金元西夏左傳兩續通鑑等紀事，關由採撫正史及本書而成。然如明史三藩二紀事，則俱撰於明清二史未成之日，固無本書之可採也。明代臨朐馮琦，始撰宋史紀事本末，未就而歿，御史劉日梧得其遺藁，贈陳邦瞻續成之。大抵本於琦者十之三，出於邦瞻補撰者十以六，宋史最爲繁蕪，南渡以後尤甚，邦瞻凡立一百九目，條分縷晰，眉目井然，故其書雖稍次於袁樞，而其難則倍之，學子頗患宋史難讀，如能先讀此書，則可尋得頭緒，而宋史亦不難治矣。又邦瞻之意，以遼金大事可附於宋，故於是書中兼詳遼金，此猶柯維騏王惟儉諸氏之見解也。四庫提要因謂是書可稱宋遼金三史紀事，第李有棠所撰遼金二紀事，不惟依據正史，復能旁采他書，以極其博，又仿裴注三國胡注通鑑之例，自爲之注，名曰考異，亦屬難能可貴，可與邦瞻陳書並行。陳氏元史紀事，則失之略，元初事蹟，既已敘入宋史紀事，元亡事蹟，又待敘入未成之明史紀事，而本

書無一語及之，則其所紀者亦僅矣。谷應泰之明史紀事，則異說甚多，一說山陰張岱撰此稿，應泰以五百金購得之。一說談遷編年（即所撰國權一百卷），張岱列傳，兩家具有本末，而應泰並採之，以成紀事（四庫提要引邵廷采說）。一說此書出自海昌談遷，而後論則杭州陸圻所作也（姚際恆說）。一說此書乃德清徐焯作（朱彝尊說）。總之應泰位躋通顯，倩人代作，勢有可能，至據人之善以爲己有，則有關人之品格，非有確證，不敢信其然也。書中所紀，如成祖設立三衛，親征漠北，以及沿海倭寇，議復河套，皆視明史爲詳，且多有出入。蓋明末清初之際，私撰明史者有數家，爲應泰所見，故據以撰紀事，不得以清修之明史未成，遂謾詆爲無據，其敘建文遜國一事，則據野史傳聞，謂其遜跡爲僧，亦可姑備一說矣。張鑑之紀西夏，實開吳廣成西夏書事之先河，楊陸榮之紀三藩，又溫曰容南編逸史之別體也。楊仲良長編紀事，撰於南宋，卷首有歐陽守道一序，未言爲何人所撰（宋史藝文志以爲守道撰誤），阮元四庫未收書目提要據陳均九朝編年引，用書日始知出於仲良，此書幸得不亡，可據以補長編之闕。而爲考宋事者所寶焉。武威李銘漢爲畢氏續鑑撰紀事本末，蓋以上續袁樞之書，刊於光緒二十九年癸卯，而行世未廣，余於二十五年之冬，在南京書肆得見一帙，欲購而爲他人先得，未幾武進孟森亦得一帙於北平，作跋張之，而世人乃知有此書，此亦敘紀事本末一體所應附記者也。

往者馬驥撰左傳事緯及釋史二書，皆用紀事本末體，論者謂左傳事緯，實勝於高士奇之紀事本末，蓋持平之論也。釋史凡一百六十卷，起開關，訖秦末，首太古，次三代，次春秋，次戰國，每事立一標題，詳其始末，且有別錄，以當諸史之表志，皆博引古籍，附以辨證，意在補史記所未備，供學人之擷取，惟其所引諸書，不盡可據，蓋以多爲勝，遂不復加以別擇，斯則美中不足耳。至三朝北盟會編一書，本爲編年中之綱目體，而四庫提要以之入紀事本末類者，蓋以其書專敘北盟，不雜他事故也。類此之書，又有多種，爲避繁冗，故從略焉。

近年坊間印行清史，紀事本末一書，凡八十卷，署曰黃鴻壽撰，以一題爲一卷，時清史稿尚未刊行，自太祖記

德宗十一帝之事蹟，悉採東華錄，而參以私家紀載，宣統一朝，則雜采羣書以成之。然清代各帝，均有實錄，視東華爲詳，宣統朝亦有政紀。又清國史館之諸臣列傳，近亦彙印成書，而撰者未及采取，則其內容可知矣。如以世祖貴妃董鄂氏，爲冒辟疆之姬人董小宛，出於野史記載，近人孟森已謂其誣，而本書亦謾爲采入，尤不得之信史也。茲以清代有史稿，而無紀事本末，又其爲書明晰可尋，故取而並論之。

四、屬於典志之通史專史

典謂典禮，志謂方志，二者之書，屬於官修者，上章已略論之矣。私家著述之屬於典禮者，有通典及文獻通考二書，是蓋古官禮之遺，而以明因革損益爲務者也。昔者杭世駿謀士必以四通，謂杜佑通典鄭樵通志及馬端臨文獻通考司馬光資治通鑑也。而曾國藩亦嘗語人曰，人而不讀四通，何以爲通人，此所謂四通者，於通典通志通考之外，益以秦蕙田之五禮通考，至通鑑則擴而不數焉。（註六五）初劉知幾之子秩於開元末，採經史百家之言，作周禮六官所職，撰分門書三十五卷，號曰政典，大爲時賢稱賞，房琯以爲才過劉更生，杜佑得其書，以爲條目未盡，因廣其所闕，參以開元禮，勒成通典二百卷。（註六六）凡分八門，曰食貨，曰選舉，曰職官，曰禮，曰樂，曰兵刑，曰州郡，曰邊防，每門又各有子目。其自序云：

所纂通典，實采羣言，徵諸人事，施諸有政，天理之先，在乎行教化，教化之本，在乎足衣食。易稱聚人曰財，洪範八政，一曰食，二曰貨。管子曰，倉廩實，知禮節，衣食足，知榮辱。夫子曰，既富而教，斯之謂矣。夫行教化在乎設職官，設職官在乎審官才，審官才在乎精選舉，制禮以端其俗，立樂以和其心，此先哲王致治之大方也。故職官設然後興禮樂焉，教化隱然後用刑罰焉，列州郡俾分領焉，置邊防遏戎狄焉。

此蓋釋其編第之旨，而皆有深意存焉。茲考其書，蓋采羣經諸史，每事以類相從，舉其始終，歷代沿革廢置及當時羣士議論得失，靡不條載，上溯黃農，下訖有唐，天寶之末，肅代以後，間有因革，亦附載注中，佑於

代宗大曆中，爲淮南節度掌書記，實纂斯典，至德宗貞元十七年官淮南節度使，乃奏上之，歷時蓋甚久也。（註六七）愚考其書之美善，應與通鑑並稱，通鑑穿貫十六代一千三百六十二年之事，以爲一書，鎔鑄羣史，如出一手，而通典亦鎔鑄羣經諸史，成一家言，簡而能備，蔚乎其文，一也。通鑑敍君臣事迹，詳於治亂興衰，蓋出於諸史之紀傳，通典記典章制度，明乎因革損益，蓋原於諸史之書志，二者如輔車相依，必合觀之乃備，二也。通鑑之學，已成專門，胡注三釋，均稱絕業，而通典言禮一門，多至百卷，鴻博論辨，悉具其中，又能徵引古經，時存舊話，三也。（註六八）未幾杜氏又刪其要爲理道要訣十卷，凡三十三篇，皆設問答之辭，末二卷又記古今異制，自謂詳古今之要，酌時宜可行，於貞元十九年表上之，蓋後於通典之成二年也。（註六九）迨至宋末馬端臨出，乃以杜氏之書，天寶以後闕而未備，理宜續輯，乃因杜書而廣之，以撰文獻通考三百四十八卷。凡立二十門。曰田賦，曰錢幣，曰戶口，曰職役，曰征榷，曰市糴，曰土貢，曰國用，曰選舉，曰學校，曰職官，曰郊社，曰宗廟，曰王禮，曰樂，曰兵，曰刑，曰輿地，曰四裔。凡十九門。俱因通典之成規，而離析其門類，天寶以前，則增益其事迹之所未備，天寶以後，至宋嘉定之末，則續而成之，曰經籍，曰帝系，曰封建，曰象緯，曰物異，凡五門。則通典所未有，而採摭諸書以成之者也。至其增析之故，端臨於自序中曾申明之。其言曰：

有如杜書綱領宏大，考訂該洽，固無以議爲也，然時有古今，述有詳略，則夫節目之間，未爲明備，而去取之際，頗欠精審。蓋古者因田制賦乃米粟之屬，非可析之於田制之外也。古者任土作貢，貢乃包篋之屬，非可難之於稅法之中也。乃若敍選舉，秀孝與銓選不分，敍典禮，則經文與傳注相汨，敍兵則盡遺賦調之規，而姑及成敗之迹，諸如此類，寧免小疵，至於天文五行藝文，歷代史各有志，而通典無述焉。馬班二史，各有諸侯王列侯表，范曄東漢書以後無之，然歷代王侯未嘗廢也。王渾作唐會要及五代會要，首立帝系一門，以敍各帝歷年之久近，傳授之始末，次及后妃皇子公主之名氏封爵，後之編會要者仿之，而唐以前則無其書，凡是二者，蓋歷代之統紀典章係焉。而杜書亦不復及，則亦未爲集善述之大

成也。

至其以文獻通考名書之故，端臨亦自釋之曰：

昔夫子言夏禮之禮，而深慨文獻之不足徵，釋之者曰，文典籍也，獻賢者也，生乎千百載之後，而欲尚論千百載之前，非史傳之實錄具存，何以稽考，儒先之緒言未遠，足資討論，雖聖人亦不能臆爲之說也。竊伏自念，業紹箕裘，家藏墳索，插架之收儲，趨庭之問答，其於文獻，蓋庶幾焉。……凡敘事，則本之經史，而考之以歷代全要，以及百家傳記之書，信而有徵者從之，乖異傳疑者不錄，所謂文也。凡論事，則先取當時臣僚之奏疏，次及近代諸儒之評論，以至名流之燕談，稗官之紀錄，凡一語一言，可以訂典故之得失，證傳之是非者，則采而錄之，所謂獻也。其載諸史傳之紀錄而可疑，稽諸先儒之論辨而未當者，研精覃思，悠然有得，或竊著己意附其後焉。命其書曰文獻通考（自序）。

蓋端臨爲宋末宰相馬廷鸞之子，家於饒州之樂平，承其家學，而有是著，名以文獻，蓋有由也。宋史廷鸞有傳，而不爲端臨署一字，端臨於度宗咸淳中，漕試第一，會廷鸞件買似道去國，端臨因留侍養，不與計偕，宋亡後，曾任衢州路柯山書院山長，據通考卷首所載，有元仁宗延祐六年，王壽衍之進書表，英宗至治二年之抄白，去宋亡已四十餘年，而端臨尙健在，度已七八十歲矣。元史亦不作端臨立傳，故其事蹟不甚可考，端臨本南宋世家子弟，國亡之後，閉戶著書以終老，其志有足悲者。今本通考，刊於元代，書中屢稱宋朝，殊爲不辭，蓋即國朝二字之刊改，其不肯仕元，又可知也。（註六）通典之美善，可比通鑑，然杜書行時，通鑑尙未出世也。至通考一書，則撰於通鑑之後，而端臨之意，蓋以取配通鑑。其言曰：

詩書春秋之後，惟太史公號稱良史，作爲紀傳書表，紀傳以述理亂興衰，八書以述典章經制。後之執筆操簡牘者，不能易其體。然自班孟堅而後，斷代爲史，無會通因仍之道，讀者病之。至司馬溫公作通鑑，取千三百年之事迹，十七史之紀述，萃爲一書，然後學者開卷之餘，古今咸在。然公之書詳於理亂興衰，而略於典章經制，非公之智有所不逮也。編簡浩如烟埃，著述自有體要，其勢不能以兩得也。竊嘗以爲理亂

興衰，不相因者也。晉之得國異乎漢，隋之喪邦殊乎唐，代各有史，自是以該一代之始終，無以參稽互察爲也，典章經制實枅因者也。殷因夏，周因殷，繼周者之損益百世可知，聖人蓋已預言之矣。爰自秦漢以至唐宋，禮樂兵刑之制，賦斂選舉之規，以至官名之更張，地理之沿革，雖其終不能以盡同，而其初亦不能以遽異。如漢之朝儀官制，本秦規也，唐之府衛租庸，本周制也，其變通張弛之故，非融會錯綜原始要終而推尋之，固未易言也。其不相因者，猶有溫公之成書，而其本相因者，顧無其書，獨非後學之所宜究心乎（自序）。

第近賢多揚通典，而抑通考，以爲其書除因襲通典之外，多鈔取史志會要，及宋人議論，類於冊府類函者，附於其中，以視通典之體大思精，簡而得要，渺乎其莫及焉。其言未嘗不是，抑吾聞李燾之撰續鑑長編也，曰，事失之繁，勿失之略。長編之可取者，在寧繁勿略，通考之可取者，亦在寧繁勿略。近代名人如曾國藩，教其子先讀通考，而未嘗舉及通典，蓋曾氏畢生從政，頗得力於是書，又舉通考卽可以賅通典，而通考之有用，從可知矣。以吾所知，近人武進呂思勉，治國史頗具條貫，其書中所稱引之典章制度，嘗舉通考而罕及通典，豈非以其稱引者，多爲杜書所未備乎。近賢之喜稱通典，蓋亦有故，通典一書，長於言禮，多存古訓，極有裨於治經，而通考則否，此專經之彥所取資也。通典之文，簡而不俚，首尾一貫，極有助於文章，而通考則否，此又經文之士所樂道也。若夫研史之士則不然，典禮貴明其因革，而不必多錄舊說，文章貴詳其原委，而不必過爲修飾。以體例言，通典之詳於典禮未必是，以事實言，通考之詳於紀載未必非，雖通典所載魏晉六朝儀禮之文，別有其可貴之價值，乃應劃入經學範圍，自爲專書，混而爲一，未見其可。此爲經學史學不同之分際，非深通其異同之故者不能知也。清儒之治史學者，多自經學入，以治經之法治史，故盛稱通典，不知總覽全編，窺其大略，固以簡嚴爲貴，若專取某一門而探討之詳如通考，猶病其略，況通典乎，此又治史之術之不同於治經者矣。且吾觀究心典章制度之人，無不以通考爲寶藏，而恣其擷取，猶高語於人曰，吾取君卿，而鄙貴與，滔滔者皆是，又奚足貴哉。羣經之中有周官，以明典章制度者也。又有儀禮，禮記，以明節文儀注者也。

通典通考，實兼具二者之用，故曰爲古官禮之遺。然周官一書，僅當通典之職官典，通考之職官考，儀禮禮記二書，僅當通典之禮典，通考之郊社宗廟王禮三考，其他各典各考，非古官禮之所盡具也。馬氏謂太史公作八書，以述典章經制，斯言最謬，是以通典之述州郡，則仿自漢書地理志，述邊防，則出自諸史外國傳，通考之述藝文，則仿自漢隋兩志，苟一一取而探索之，必皆有其淵源。是故謂仿自官禮則可，謂悉出自官禮則不可。若乃鄭氏通志之二十略，太平鈔自通典，而無所增補，以視馬書更遠不如。且馬書所載宋制最詳，多爲宋史各志所未備，所下案語，亦能貫穿古今，折衷至當，是又通考之長，非通志之所能盡具也。章學誠譏通考無別識通裁，實爲類書，便於對策敷陳之用（釋通），此殊不然，章氏嘗許通志一書有別識通裁矣。而二十略多鈔自通典，不易一字，不識所謂別識通裁者果何在，而通考之於通典，則無是也。淺學之士，貴耳賤目，其輕視通考，實由章氏啓之。以上兩書，爲典禮類之通史，即自通史中之一部而貫穿古今以敘述之者。善治史者，主以通典之精簡，輔以通考之詳贍，則能兼取其長，而折衷至當矣。

通典通考二書，私家皆有續作，宋人宋白續通典，起唐至德初，至周顯德末，凡二百卷。（計凡食貨二十，選舉十二，職官六十三，禮四十，樂五，兵十二，刑十一，州郡二十六，邊防十一，又目錄二卷，時論非其重複，不得傳布。見玉海五十一。）雖率真宗詔撰，無異白之自作，其後雖了翁又續宋書，名曰國朝通典，皆見稱於馬端臨通考自序。而端臨則謂宋之書成而傳習者少，雖則尉繚而未成書，今則宋書久佚，應在元代以後通鑑考異，引用數事，時在北宋成書未久，可以勿論，惟通鑑注屢屢引之，爲元末其書尚在之證。通考敘天寶後訖五代事，自必依用宋書，不得以端臨前傳習者少，或竟未見其書，就其所稱，今行世者，獨杜公之書，遂斷定爲未見其書也。明人王圻撰續文獻通考二百五十四卷，上接宋寧宗嘉定，下訖明神宗萬曆，其於馬書門類，稍有增易。蓋欲於通考之外，兼擅通志之長，其於明代以上，則悉取宋遼金元四史入錄，初意王氏之書，作於明之中葉，文淵舊藏具在，前代逸事，不難旁求，乃於明代以前，悉取宋遼金元四史入錄，絕少新材，爲之失望。然其書以多爲勝，又輯明事甚備，其經籍考著錄之書，多可與焦竑國史經籍志明史藝文志相印證，亦爲不廢之

典。清四庫館臣，譏其體例揉雜，頗外叢生，遂使數典之書，變爲兔園之策。（註七〇）然取此以衡清修續通志，度亦無以相勝也。旌德汪氏，曾藏續文獻通考補十冊，四十八卷，海寧朱奇齡（字與三）撰，清康熙時優貢也。卽補王圻之書，續萬曆以後事，訖於明末，合彼兩書，可備一代之典。情爲鈔本，迄未刊行。由是言之，續通典通考者，各有兩種，而傳世者止有王氏續考一書。清代官撰之續通典續通考，大體尙可，惟通考本爲增補通典之未備而作，兩書實爲一書，而續之者，併爲一書可矣。而必各依原門，一一爲之續撰，既蹈重疊之誚，抑何其不憚煩耶。今之考典制者，重視王氏續考，尤過於官書，是又以罕而見珍矣。清廷續通典通考而不足，又爲之撰皇朝通典，及皇朝文獻通考，且因有續通志，又撰皇朝通志，不過去其紀傳與譜，而僅撰二十略，以接前書耳。通志之二十略，去其氏族六書七音校讎圖譜金石昆蟲草木諸略，亦與杜馬二書無異，此亦所謂續其所不必續者。蓋清高宗性喜夸大，震於三通之名，遂取而一一續之，以成其所謂九通。至於是否必要，是否重複，則又有不暇計者矣。近人吳興劉錦藻，以清修皇朝通考（卽清通考），訖於乾隆二十六年，乃取而續之，名續皇朝文獻通考，其初稿撰於清光緒末年，故祇續至光緒三十年而止。民國以後，錦藻以南方多故，避地至遼東，居於大連灣，又續其書至宣統三年清亡之日止，上接前書，而有清一代之典制備矣。錦藻卽嘉業堂主人劉承幹之父也。錦藻雖續官書，實爲私撰。愚檢讀其經籍考著錄各書，略繫解題，實遠勝於清史稿藝文志，其他各考，亦極詳贍，繼杜馬之業，而儕乎朱二氏，以續成一代之典，誠爲近頃所僅見矣。

通考各代之禮制，而撰成一書者，始於徐乾學之讀禮通考一百二十卷，助其修書者，爲閻若璩，或又謂其稿出於萬斯同，斯同固精於三禮者也。惟所考者，特詳因禮，不能備五禮之全，後乃並吉軍嘉賓四禮，別撰五禮備考若干卷，稿本見存浙江圖書館，而書實未成。厥後秦蕙田乃撰五禮通考二百六十二卷，依周禮吉凶軍嘉賓之五日，立爲五門七十五類，以樂律附於吉禮宗廟制度之後，以天文推步勾股割圓，立觀象授時一題統之，以古今州國郡邑山川地名，立體國經野一題統之，並載入嘉禮，是則取歷代之典章制度之屬於禮者，而通考之，視徐書爲大備矣。然四庫提要則謂其事屬旁涉，非五禮所應該。而章太炎先生亦曾論及是書曰：

此書由戴東原錢竹汀方觀承等參酌而成，觀象授時一門，戴氏之力居多，合書記載詳盡，勝於通志。先是徐乾學作讀禮通考一百二十卷，特詳凶禮，於是秦書於凶禮獨略，名爲五禮，實止四禮，此一失也。又古典章制度，本非五禮所能包舉，秦書二百六十二卷，吉禮占其大半，且多祭祀一類，考古有餘，通今不足，此又一失也。通考綜朝覲巡狩諸事，稱曰王禮，選舉學校，分門別立，而秦書一皆入之嘉禮，其中又設觀象授時體國經野諸類，以統天文輿地，此又極可笑者也。彼以爲周禮朝覲屬於賓禮，後世帝王一統，賓禮止行於外藩，臣工入見，無所謂賓禮，故以朝禮入嘉禮，巡狩之禮亦并入焉，不知其爲大謬也。夫體國經野，設官分職，周禮六官皆然，而吉凶軍嘉賓五禮，爲春官大宗伯所掌，大宗伯掌邦教，以佐王和邦國，以吉禮事邦國之鬼神，以凶禮哀邦國之憂，以賓禮親邦國，以軍禮同邦國，以嘉禮親萬民，以五禮爲綱，其目三十有六。周代衆建諸侯，禮則宜然。後世易封，建爲郡縣，五禮之名，已不甚合。且嘉禮以親萬民，焉得以政治制度當之。禮記云，經禮三百，曲禮三千，鄭康成謂經禮者，周禮也，曲禮者儀禮也。余以爲觀象授時，體國經野，設官分職，學校制度，巡狩朝覲，皆可謂之經禮。左傳所謂禮經國家定社稷序民人利後嗣，孝經所謂安上治民莫善於禮，是也。經禮之外，別立曲禮一類，然後依五禮分之，如是始秩然不紊，今但以五禮分配，於是輿地歸體國經野，職官歸設官分職，一切驅蛇龍而放之菑，不識當時戴東原錢竹汀輩，何以不爲糾正也（史學略說）。

所論可謂切中其失，知經禮曲禮之宜分，則典章制度不宜混入於節文儀注之內明矣。或謂秦書蓋因徐氏五禮備考舊稿增補而成。愚未得見備考，無以斷其說之然否。然取通典通考二書，與秦書比而觀之，以其名言，則秦書僅當彼二書言禮之一部，以其實言，則秦書所含不止言禮，又似彼二書之別一禮。夫古人言禮，實包典制在內，故亦合稱典禮，所謂經禮是也。依此言之，則通典通考俱可稱爲通禮，然秦書所載者，實不能賅通典通考在內，則其所注重者在節文儀注之典禮，又不待言矣。秦書之後，又有黃以周禮書通故一百卷，精博過於秦書，可謂後來居上。然其所重不在因革損益之迹，故仍以秦書爲唯一之禮史，曾氏取秦書以與三通相配，謂爲

四通，亦非無故也已。愚謂諸言通史者，於三通外，不可遺通鑑而不數，杭氏之說尤矣。再益以秦書，則可稱爲五通。通志兼政事典制而並舉之，通鑑則專詳政事，通典通考則專詳典制，秦書又於典制之外，兼詳節文儀注之典禮，合此五書，乃得備通史之全，通此五書，乃得居通人之號。所謂典禮類之通史，亦大略盡於是矣。

通史之外，又有專史，專史者，自通史析而出之，而語又加詳者也。例如通典，凡分八門，每門可自爲一史，析爲專史八種，通考凡分二十四門，每門可自爲一史，析爲專史二十四種，故自其合而言之，謂之通史，自其分而言之，又謂之專史。今世所撰之專史，或曰田賦史，則曰財政史，或曰教育史，或曰民族史，或曰邊疆史，一尋其源，多由自杜馬二書，此一種通史可析爲多種專史之明證也。吾國專史之最著者，首推類於傳記之學術史，其述者雖有多種，然可稱爲代表之作者，亦不過二三種而已。朱子於宋孝宗乾道九年癸巳，撰伊雜淵源錄十四卷，記周敦頤以下及程頤程顥兄弟交遊門弟子言行，以明其學之所自，此稍具學史雛形者也。逮明末清初，黃宗羲撰明儒學案六十二卷，而吾國乃有真正之學史。先是周海門汝登撰聖學宗傳，孫鍾元撰理學宗傳，宗義則謂各家自有宗旨，而海門見聞隘陋，主張禪學，撓金銀銅鐵爲一器，是海門一人之宗旨，非各家之宗旨也。至鍾元則雜收不復甄別，其批注所及，未必得其要領，而其聞見亦猶之海門也。於是搜採有明一代講學諸人文集語錄，分析宗派，以爲此書，大約分全明爲三期：初葉猶行程朱之學，故先立崇仁河東南學案，崇仁以吳興弼爲首，而胡居仁婁諒附焉。河東以薛瑄爲首，而呂柟附焉，此皆純以程朱爲主者也。此期又立白沙學案，以陳獻章爲主，一傳而爲湛若水，此派自立門戶，不附程朱，近於陸學，實啓王學之機械。中期則以王學爲主，首立姚江學案，專述王守仁，次浙中江右南中楚中北方粵閩各學案，皆綴以王門二字，以見傳授之廣，此王學極盛之時也。末期則立東林蕺山兩學案，東林以顧憲成高攀龍爲首，蕺山則爲劉宗周一人，亦宗羲之所師法也。此期以修正王學末流之弊爲務，而下啓清儒考證學及浙東史學之緒。又立諸儒學案，以收諸家以外之講學諸子。至於敘次之法，先爲諸家撰小傳，以概其生平，次錄其精要語，以明論學之大旨，此可謂體大

思精網羅宏富者矣。此書之佳處有三：一能分別各家論學之宗旨，二能透露其人生之精神，三於一偏之見，相反之論，尤能著眼理會，已具見於其自撰之發凡矣。書成於清康熙十五年丙辰以後，時宗義年近七十，猶發凡起例，續纂宋元學案，僅成十七卷而卒，其子百家續之，亦未卒業，其後全祖望乃爲續成之。自乾隆十年以至十九年（爲全氏卒之前一年）之十年中，全氏無歲不修此書，其所修補者，殆居全書十之七，有原本所有而爲之增損者，有原本所無而爲之特立者，亦有自原本析出而別爲一案者。草創甫定，而祖望卒，稿本歸其門人盧鎔，又由宗義之玄孫稚圭同其子正輔爲之整補，寫成八十六卷，又經王梓材爲之校補，足成祖望序錄百卷之數（梓材又有宋元學案補遺百卷，近人刊入四明叢書），書經五六人之手，積久而後付刊，噫何其難也。此書之佳處，每一學案之前先立一表，備舉其師友弟子，以明學派淵源，及其傳授之廣，次立小傳，次錄論學語，後綴附錄，載其遺聞逸事，及後人評論，其方法視明儒學案爲更進一步矣。所立宋儒諸學案，應以濂溪開道伊川橫渠晦翁象山六學案爲主，而三程朱陸之傳授尤廣，並爲學案之中堅。首以安定泰山，溯其源也。次之以涑水百源，則周張二程之亞也，再次以南軒東萊水心龍川，則朱陸二氏之亞也，其餘則二程朱陸之支與流裔也。元儒學案舉魯齋靜修草廬諸氏略備一格而已。明人馮從吾曾撰元儒考略四卷，掇拾殘叢，稍存梗概，或亦全氏之所取資乎。清人唐鑑撰國朝學案小識十五卷，專明程朱之學，推崇清初之二陸（陸隴其陸世儀）二張（張履祥張伯行），而於湯斌以下兼宗陸王者，率多貶辭，門戶之見太深，不如黃全之書遠甚，而坊刻取與相配，稱爲四朝學案，抑何幸也。近人唐晏撰兩漢三國學案十一卷（在龍溪精舍叢書），以易書詩禮樂春秋論語孝經孟子爾雅爲目，而次治各經之學者於下，末附明經文學列傳，亦以明文章之本於經術，此書之作，蓋以明經學之傳授，而其體不得與，然亦新撰學史之一種也。清代儒先長於考證，惠棟戴震俱爲大師，言易必取荀爽，言書必斥僞孔，言詩必宗毛氏，言禮必崇三鄭，言左氏必主服虔，皆漢人之說也。惠氏之弟子江藩，爲撰漢學師承記八卷，以尊揚之，雖以漢學先導之顧炎武，亦僅列於附錄，又別撰國朝宋學淵源記（凡二卷又附記一卷）以載宋學諸家門戶之深，與唐氏同，然由是書可窺見清儒治學梗概，亦學史中之後勁也。然學史之書尙有不正者，萬

斯同之儒林宗派，熊賜履之學統，張伯行之伊維淵源續錄，載望之顏氏學記，或明各家之派別，或究一家之始末，若斯之類，不可殫數，姑舉一二，以明其概而已。

專史之作，初不以上述爲限也。如朱彝尊撰經義考（三百卷），翁方綱撰經義考補正（十二卷），專錄經部之書，不論存佚，悉加比輯，謝啓昆小學考（五十卷），亦用斯例，覽之可收辨章學術之效，此經學小學二史之權輿也。章學誠仿經義考之例，撰史籍考三百二十五卷，書既未就，稿亦散佚，否則亦史學史之權輿矣（詳見下章）。南海張維屏撰詩人徵略，滿州震鈞亦撰書人輯略，皆以清代爲限，亦與近頃之文學史爲近。阮元曉人傳（四十六卷），羅士琳續曉人傳（六卷），諸可寶曉人傳三編（七卷），周亮工印人傳（三卷），皆具專史之一體，特其所敍，前者以書爲主，近於目錄，後者以人爲主，近於傳記，與近頃以學術爲主之專史，有新舊之不同耳。凡此所述，悉自典禮一類之專史擴而充之以至於無極者也。吾謂專史之作，應肇自諸史之志傳，如合諸史之儒林傳，可爲學術史，合文苑傳，可爲文學史，合藝文志，可爲目錄學史，合地理志，可爲輿地沿革史，合食貨志，可爲經濟史，此與分析通典通考之各門可成爲若干專史者同旨。故謂學史之作，至黃宗羲而其規模，可也，謂始於黃宗羲，不可也。

析一通史可爲若干專史，此學貴分析之效也。反之，亦可合若干專史而爲一通史，此學貴綜合之效也。今之方志，以縣爲單位，綜合若干縣志，即可成一省志，亦如綜合若干專史而爲一通史。然政事典禮之史，皆以縱爲通，而方志之史，則以橫爲通，此所謂橫通，又非章學誠之所謂橫通也（參閱文史通義橫通篇）。吾國輿地之學，肇於晉之裴秀，而盛於唐之賈耽。晉書裴秀傳云：

秀，儒學治聞，且留心政事，……以職在地官（武帝時官司掌土地之職），以禹貢山川地名，從來久遠，多有變易，後世說者，或顛牽引，漸以暗昧，於是甄摘舊文，疑者則闕，古有名而今無者，皆隨事注列，作禹貢地域圖十八篇。奏之，藏於祕府。其序曰，圖書之設，由來尚矣。自古立象垂制，而賴其用，三代置其官，國史掌厥職，晉漢居咸陽，蕭何盡收秦之圖籍，今祕府既無古之地圖，又無蕭何所得，惟有

漢世輿地及括地諸雜圖，各不設分率，又不考正準望，亦不備載名山大川，雖有龜形，皆不精審，不可依據。或荒外迂誕之言，不合事實，於義無取。大晉龍興，混一六合，以清宇宙，始於庸蜀，采入其阻，文皇帝乃命有司，攷訪吳蜀地圖。蜀土既定，六軍所經，地域遠近，山川險易，征路迂直，校驗圖記，因或名，水陸徑路，爲地圖十八篇。制圖之經有六焉，一曰分率，所以辨廣輪之度也。二曰準望，所以正彼此之體也。三曰道里，所以定所由之數也。四曰高下，五曰方邪，六曰迂直，以三者各因地而制宜，所以校夷險之異也。有圖象而無分率，則無以審遠近之差，有分率而無準望，雖得之於一隅，必失之於他方，有準望而無道里，則施於山海隔絕之地，不能以相通，有道里而無高下方邪迂直之校，則筭路之數，必與遠近之實相違失，準望之正矣。故以六者參而考之，然遠近之實，定於分率，彼此之實，定於道里，度數之實，定於高下方邪迂直之算，故雖有峻山鉅野之隔，絕域殊方之迴，登降詭曲之因，皆可得舉而定者，準望之法既正，則曲直遠近，無所隱其形也。

蓋古人雖有輿圖，而粗率特甚，自裴秀出，始立制圖之經。所謂分率準望道里高下方邪迂直六者，卽今日製圖之新法，亦不能出其範圍，此誠史學界之一大發明也。註七二舊唐書賈耽傳則云：

耽好地理學，凡四夷之使，及使四夷還者，必與之從容訊其山川土地之終始。是以九州之險夷，百蠻之土俗，區分指畫，備究源流，自土蕃陷隴右，積年國家，守於內地，舊時鎮戍，不可復知。耽乃蓋隴右山南圖，兼黃河經界遠近，聚其說爲書十卷。表獻曰，臣聞楚左史倚相，能講九丘，晉司空裴秀創爲六體，九丘乃成賦之古經，六體則爲圖之新意。臣雖愚昧，夙嘗師範，累蒙拔擢，遂忝台司，雖歷踐職任，誠多曠闕，而率土山川，不忘寤寐，其大圖外傳四海，內別九州，必藉精詳，乃可摹寫，見史籍集，續冀畢功。然南隴右一隅，久淪蕃寇，職方失其圖記，境土難以區分，輒打課虛徵，採摭輿議，盡關中隴右及山南九州等圖一軸。伏以洮澗舊墟，接連監牧，甘涼右地，控帶朔庭，鼓路之偵候交通，軍鎮之備禦衝要，莫不

匠意就實，依稀像真。如聖恩遣將護邊，較書授律，則靈慶之設險在目，原會之封略可知，諸州諸軍，須論里數人額，諸山諸水，須言首尾源流，圖上不可備書，憑據必資記注，謹撰別錄六卷。又黃河爲四續之宗，西戎乃羣羌之帥，臣並研尋史牒，剪棄浮冗，罄所聞知，編爲四卷，通錄都爲十卷，文義鄙朴，伏增慙悚，總宗覽之稱善（此貞化九年事）。至十七年，又撰成海內華夷圖，及古今郡國縣道四夷述四十卷。袁獻之曰，臣弱冠之歲，好聞方言，筮仕之辰，注意地理，究觀研考，垂三十年。絕域之比鄰，異蕃之習俗，崑崙獻琛之路，乘船來朝之人，咸究其源流，訪求其居處，開闢之行賈，戎貊之遺老，莫不聽其言而撮其要，閭閻之瑣語，風謠之小說，亦收其異而芟其僞。……去興元元年，伏奉進止，令臣修撰國圖。……近乃力竭衰病，思殫所聞見，冀於丹青，謹令工人畫海內華夷圖一軸，廣三丈，縱三丈三尺，率以一寸折成百里，別章甫左衽，奠高山大川，緝四極於纖縞，分百郡於作績，宇宙雖廣，舒之不盈庭，舟車所通，覽之咸在目。并撰古今郡國縣道四夷述四十卷，中國以禹貢爲首，外夷以班史發源，郡縣紀其增減，蕃落敘其盛衰，前地理書以黔州屬西陽，今則改入巴郡，前西戎志以安國爲安思，今則改入康居，凡諸疎舛，悉從釐正，隴西十地，播棄於永初之中，遼東樂浪，陷屈於建安之際，曹公棄陜北，晉氏遷江南，緣邊累經侵盜，故墟日致湮沒，舊史撰錄，十得二三，今書搜補，所獲太半。……其古郡國題以墨，今州縣題以朱，今古殊文，執習簡易。……優詔答之（新舊就傳較此爲略）。

就所言製圖之法，大抵原於裴秀，惟所製之華夷圖，率以一寸折成百里，深合今日經緯分度之法，視裴秀之分率法，而益爲精密矣。據新唐書藝文志，著錄就所著書有古今郡國縣道四夷述四十卷，關中隴右山南九州別錄六卷，吐蕃黃河錄四卷，蓋卽舊書本傳之所載者。又有地圖十卷，皇華四達記十卷，貞元十道錄四卷。新書地理志末云，貞元宰相賈耽，考方域道里之數最詳，從邊州入四夷通譯於鴻臚者，莫不畢紀，其入四夷之路，與關戍走集最要者也。其下紀入四夷之道凡七。一曰營州入安東道，二曰登州海行人高麗渤海道，三曰夏州塞外通大同雲中道，四曰中受降入回鶻道，五曰安西入西域道，六曰安南通天竺道，七曰廣州通海夷道，各紀其經

道里甚詳。愚考武經總要北蕃地里一卷，及登州海程下，數引賈耽皇華四達記，而文與唐志略同。是則唐志所謂邊州入四夷道里，卽節錄皇華四達記之文也。高麗金富弼三國史記，亦數引賈耽之書，一曰古今郡國志，一曰四夷述，殆卽耽所著之古今郡國縣道四夷述，僞齊劉豫阜昌中，曾刊華夷圖於石，作縱橫方格，略如耽所述（中路補入宋代地名及諸夷），原石見存長安碑林，是蓋用耽所續之本，尋舊書本傳所紀，蓋以華夷圖繪於四夷述之前，共爲一書，故新唐志亦不復別舉之也。耽之於地理學，不惟究心於圖之製法，且極注意沿革，其以古郡國題以墨，今州縣題以朱，至今猶爲不易。而所撰古今郡國縣道四夷述一書，兼具古今，明其因革，應爲地方總志之善本，視隋代官撰之區宇圖志，唐魏王泰命其府僚合撰之括地志，尤爲切實有用，難能寶貴，是蓋縱橫並用以爲通者，亦爲治地理沿革學者之開山也。其後元人朱思本，所畫方圖，爲羅洪先所本，以改製輿圖，朱圖尤爲顧祖禹所見（方輿紀要凡例），而今亦不可復得，是亦賈耽之後勁，而不可不述者。

賈耽之後，地志之可述者，在唐則有李吉甫之元和郡縣圖志，宋樂史之太平寰宇記，王象之輿地紀勝，至王存之元豐九域志，出於官撰，已述於上章者，則不之數焉。吉甫之書，以憲宗元和時之郡縣爲本，起京兆府，盡隴右道，凡四十七鎮，成四十卷，詳載四至八到。及開元元和之戶數，每鎮皆有圖冠於篇首，故有圖志之稱。宋孝宗淳熙二年，程大昌稱圖已亡，故今僅志存，而又有關卷，實存三十四卷。清嚴觀有補志九卷，繆荃孫又輯佚文三卷，則所闕者亦僅矣。洪邁跋是書，謂爲元和八年所上，然書中有更置宥州一條，乃在元和九年，蓋吉甫於書成後，又自續入之也。前於此者之圖經地志，如區宇圖志括地志，均已散佚，惟此書爲最古，其爲世所寶重，宜矣。樂史之書，撰於宋太宗時，而所敘郡縣，多屬唐代之舊，是時燕雲十六州，久爲石晉割贈契丹，而史亦取其地，一一列入版圖。蓋史之作此書，實以賈耽十道志李吉甫郡縣圖志爲藍本，凡爲原書所有者，大半錄入。又宋人之意，仍以十六州爲中國舊疆，恢復之念，未嘗一日能忘，與其置而不數，無寧過而存之也。賈耽之書，吾所未見，吉甫之書，於前代圖經地志，採摭頗多。然樂史猶謂賈李之書爲闕漏，於列朝人物題詠，並有登載，始爲後來方志必列人物藝文之所始。茲考唐宋二代地理之書，自以寰宇記爲最賅博，而前

此佚書之逸句，亦常藉此得以考見，此是書之所以可貴也。原本爲二百卷，今本闕卷一百十三至一百十九之七卷，遼藝文志自日本訪得卷一百十三至十七又十八卷之半，共爲五卷半，刊入古逸叢書之內，則所闕者，僅爲一卷有半矣。王象之更取李樂二書，及王存九域志之紀名勝古蹟者，別爲輿地紀勝二百卷。又就宋人詩集中之縣名勝古蹟者，附益之。惟其中尙闕二十二卷，元代修大一統志，所錄李樂諸氏之記載，多自是書間接逢錄，試取殘本證之，可知吾說不謬。至如歐陽忞之輿地廣記，祝穆之方輿勝覽，雖非上述數書之比，然亦九域志之亞，猶附庸之於大國焉。

遼金時代，官撰之地方總志，今無所考。惟元代於官撰大一統志之外，又有二書。其一曰聖朝（一作大元）混一方輿勝覽，其二曰大元混一方輿要覽。勝覽書凡三卷，無撰人名，今傳元訓事文類聚翰墨全書，後乙集地理類，及羣書通要彙集皆以此書錄入之。首以各行省爲綱，次則省屬之各路府，次則各路府屬之州，次則州屬之縣，每州縣之下，略具沿革故事，山川形勝，可與元史地理志互證，而時有異同。翰墨全書本爲元代坊賈所刻，而其中往往含有遺珍，此書即元人地方總志僅存之作也。錢大昕補元史藝文志，於勝覽外，並著錄郭衡大元混一方輿要覽七卷，而見無傳本，厲鶚遼史拾遺，凡六引要覽，其中三事，同於勝覽。愚頗疑翰墨全書羣書通要所著錄者，卽爲郝氏之書，而節刪七卷爲三卷，錢氏集中有跋勝覽一首，未嘗語及郝作，是則要覽，亦爲錢氏所未見。蓋據千頃堂書目而著錄，然于頃堂目，祇有要覽，而無勝覽，而錢氏則併著之，亦其考古之疏也。愚又在日本京都得見混一方輿理歷代國都之圖一幀，專詳元代方輿，而爲明人改題者，疑爲要覽所冠之圖，然亦無可取證矣。

明代於官修寰宇通志一統志之外，有二鉅製，卽編纂祖禹之讀史方輿紀要是也。祖禹生當明末，遭亡國之痛，伏處故里，自撰一書，年三十九始功，經二十年之歲月乃成。其全書之大旨，悉具於總序凡例之中。總序三首，實爲一首而分三段，蓋仿太史公自序而作，其序作書之動機，由於稟父遺命。先是祖禹之高祖大棟，於嘉靖時官光祿丞，著九邊圖說行世，祖禹蒙此影響，故篤志於地理學。祖禹又述其父柔謙臨歿之言曰，及余之

身，而四海陸沈，九州騰沸，僅獲保首領具衣冠以從祖父於地下，而十五國之幅員，三百年之圖籍，泯焉淪沒，文獻莫徵，能無悼歎乎。故於父歿四年後，命筆撰述，以成此書。而祖禹亦自謂，凡吾所以爲此書者，亦重望夫世之先知之也。不先知之，而以惘然無所適從者任天下之事，舉宗廟社稷之重，一旦束手而畀之他人，此先君所爲憤痛呼號扼腕以至於死也。是卽自述其作書之動機也。祖禹又釋其名書之意云：

地道靜而有恆，故曰方，博而職載，故曰輿，然其高下險夷，剛柔燥溼之繁變，不勝書也。人事之廢興損益，圯氣穿塞之不齊，不勝書也。名號屢更，新舊錯出，事會滋多，昨無今有，故詳不勝詳者，莫過於方輿。是書以古今之方輿，衷之於史，卽以古今之史，質之於方輿，史其方輿之鄉導乎。苟無當於史，史之所載不盡合於方輿者，不敢濫登也。故曰讀史方輿紀要（凡例）。

吾謂史學之與輿地，相資爲用者也。研史而不明輿地，則必多扞格難通之處，且輿地之屬於古今沿革者，乃爲史學之一部，與治自然地理人文地理者殊途。試取諸史地理志而連貫讀之，以求其通，是爲輿地沿革之學，則無有善於此書者矣。書凡一百三十卷，首論州域形勢九卷，次十三司一百十四卷，次川瀆六卷，末以分野一卷殿之。前世撰地志者，偏重名勝古蹟，至於邱壘山川攻守利害，多略而不書，紀勝勝覽諸書且勿論，寰宇記亦不免此病，獨元和志識得此意，而後則罕有能繼之者。故此書敍山川險易古今用兵戰守攻取之宜，興亡成敗之迹，最詳，而於景物遊覽之勝則從略，此又作書經世致用之微旨也。至其敍次之法，每司先冠總序，次之以圖，次則有正文，有分注，有特見者，有附見者，大抵以府州縣爲綱，而以在某一縣內之城鎮山川附注之，大抵頂格書者爲正文，低格寫者爲注，夾行寫者爲注中之注，凡涉史蹟，纖悉靡遺，而首尾聯貫如一論文。其論州域形勢，則用朱子綱目之法，自撰綱要，而復自爲之注，眉目清晰，便於省覽。近人柳詒徵之中國文化史，錢穆之國學概論，皆以善用其法而蔚然稱爲名作者也。祖禹之著此書，蓋集百代之成言，考諸家之緒論，窮年累月，兢兢不休，至於舟車所經，亦必覽城郭，按山川，稽里道，問關津，以及商旅之子，征戍之夫，咸與從容談論，考核異同（據自序）。而其友南昌彭士望則稱之曰，是人則蹢躅窮餓妻子之不惜，獨身閉一室之中，心

周行大地九萬里之內外，別白真偽，如視掌中，手書口宣，立爲判決，召東西南北海之人，質之而無疑，聚魁奇雄傑閎深敏異之士，辨之而不窮，據之而有用（據士望方輿紀要序）。由是言之，其用力之深，爲何如也。祖禹承其先志，抱有亡國之痛，除晚年一應徐乾學之招參修一統志之外，未肯一入仕途，蓋與黃宗羲顧炎武王夫之諸氏，節概意趣相同，謂之明遺民可也。故其書中豈以明之十三司爲主，無一語及於新朝。近有傳鈔本出世，校以刊本，如遼東行都司一卷，所紀建州故實，以涉時忌而削剝者至夥，有人錄出爲補遺一卷，凡今本稱明者，悉爲國朝二字，又可徵其微尙之所存矣。清嘉道中有許鴻磐者，撰方輿考證一百卷，以清代之各直省爲主，體例一依顧書，雖能訂其闕誤，補其未備，而議論之闊博，識力之遠大，不如顧氏遠甚，蓋以考訂補綴見長，而不敢以疆域形勢爲務者也。近歲此書始有刻本，愚嘗取校顧書，故得從而衡論之。

與祖禹年世相若者，有崑山顧炎武，年世稍後者，有無錫顧棟高可與祖禹合稱三顧。炎武著肇域志未成，又著天下郡國利病書，其志亦在經世，與祖禹爲梓鼓之應。惟其書係雜取各府州縣志，歷朝奏疏文集及明實錄鈔撮而成，蓋爲所撰肇域志之稿本，以其中所載多爲明代史實，故世人與方輿紀要並重之。棟高所著書曰春秋大事表，係將左傳之全部，分爲若干標題，綜集一題之事實，列而爲表，蓋與通鑑紀事本末之作法相同，不過易紀事而爲表耳。梁任公極稱是書，亦善鈔書可以成創作之一例。清代史家如萬斯同，以善製表名，近人吳先生廷燮所撰歷代方鎮年表，袁然鉅帙，可與萬氏之歷代史表後先輝映。至如清代官撰之歷代職官表，陳芳績之歷代地理沿革表，楊丕復之輿地沿革表，段長基之疆域沿革二表，皆總考諸史以爲一書，非一枝一節之比，極有裨於治史。方志具史之一體，首之以圖，輔之以表，與紀傳編年之史同功，吾故取棟高之表而並述之也。

以上所述之方志，多爲地方總志，合全中國以爲紀述之準，其次則有省志縣志，省志概稱通志，前章已略述之。清代之府廳州縣志，多由名家主撰，如馬驥之鄒平縣志（顧亭林考訂）陸隴其之靈壽縣志，王昶之太倉州志，戴震之汾州府志，洪亮吉之懷慶府志，章學誠之和州志，永清縣志，段玉裁之富順縣志，李兆洛之鳳臺縣

志，莫友芝之遵義府志，陳澧之番禺縣志，郭嵩燾之湘陰縣志，王闓運之湘潭縣志，李慈銘之紹興府志，蔣萃蓀之順天府志，江陰縣志，（註：一）或以官於其地，或以生於是鄉，或以交舊延修，或以旅程所至，不必設局置局，多由一手草成。章學誠不得自撰一史，猶待寄其意於修志者，此史家之不得已也，又何可以無述乎。地方總志，屬於方志類之通史，府廳州縣志，屬於方志類之專史，而各省通志，則介乎通史專史之間，是故典禮方志兩類，各有其通史與專史，而本節所述亦大略具之矣。

本期私修諸史之四類，如上所述，不過略具梗概，然已有繁而不殺之歎，誠以作者之多也。茲總所述，括以二端，一曰本期史家之學較，二曰本期史學之趨勢。

愚向謂權論吾國史家，應以史籍爲依據。凡史家所擅之史學，即具於所著史籍之中，論古代然，論近代亦然，其在例外而當別論者，僅劉知幾章學誠數人而已。以吾所知，唐代則有賈耽杜佑，宋代則有歐陽修司馬光袁樞鄭樵馬端臨，明清之交則有顧祖禹黃宗羲，此皆章學誠所謂具有別識通識者。其他若唐之吳兢柳芳，宋之宋祁胡三省，金之元好問劉祁，元之王鶚蘇天爵，明之宋濂柯維騷王維儉，清之全祖望錢大昕屠寄柯紹忞，不過隨時補苴，規模未遠，非上述數家之比也。司馬光鄭樵合十七史之紀傳以爲一編，而一則仍爲紀傳，一則改爲編年，杜佑馬端臨合十七史之書志以爲一編，而一以精簡勝，而一以詳贍勝，而顧祖禹更以方輿爲經，史事爲緯，治史地之學爲一爐，而人始知治史者不可不明地理，此皆具有通識者也。賈耽因裴秀之成法而精研之，以製華夷圖，袁樞析通鑑爲若干事類，以成紀事本末，黃宗羲彙萃講學家之傳誌學說，而創修學術史，此皆具有別識者也。然通識之中未嘗無別識，而別識之中亦未嘗無通識焉。若乃歐陽修之不假衆手，奮筆闢室，自撰一史，上以追綜子長孟堅，下以開明清二代私家撰史之風，尤爲唐宋以來所僅見，又不能以別識通識而論之者。要之皆就其所撰之史，以爲權論之資，而其所擅之史學亦即在是，一也。論者多謂魏晉南北朝之世，私家修史之風最盛，後世莫能比數，此非衷於情實之論也。試觀本期之私史，林林總總，多於魏晉南北朝時數倍，詎得謂不能比數。雖然，此兩期之私史，則不無其異致焉。後漢亡於魏，而東觀紀以成，魏易爲晉，而三國志

以作，晉有東西，而作史者十八家，雖分南北，而有書者十六國，至於在南之宋齊梁陳，在北之魏齊周隋，私家之作，莫不勝數。且如干寶晉紀，撰於南渡之後，孫盛陽秋，作於興亡未終，不必易代，乃得命筆，以今例古，亦不其然。近世私家作史，困難甚多，宋之王偁，以一手一足之烈，述東都九帝之事，體武歐陽，本屬罕觀。明人好撰國史，而吳炎潘耒章莊廷鑑之徒，以修明史受禍，後遂相戒而不爲。特撰史之風，不能因此而殺，於是避近代，而轉趨前古，怯於創作，而轉勇於改修，不敢談治亂興衰，而轉考典章制度，大抵本期諸史，不出上述三端。是故私史雖多，而面目大異於昔，趨勢如此，其他可知，二也。

總而言之，本期史學，自有相當之成績，相當之進步，不過考古之作多，而通今之士少耳。時涉多忌，史難舉，雖豪傑之士，亦爲之無可奈何，此劉知幾章學誠二氏，所爲徒垂空論而不能自造一史也。

（註一）參閱四庫提要五十東都事略條。

（註二）南齊書雖係周勃緒身後，其子孫續版進呈，以版心錯簡雲山人史稿，遂續編發。今按其版心，祇有續雲山人集五字，而書之頁名，仍係劉史稿。

（註三）魏源古微堂集評明史稿，陳康祺燕下都叢錄四條，皆謂王氏爲續編。

（註四）楊祥孟邵堂集，上明鑑綱目簡端裁書。

（註五）湯斌亦有明史稿若干卷，刊入集中。

（註六）見續寧縣志及古微堂集。

（註七）此節據陳守節明史稿考證（國學論叢第一卷第一號），及重刊明史編纂考略（金陵學報第一卷第二期）。

（註八）此節據國庫提要別史提丹陽志條。

（註九）此節略用四庫提要別史大金國志條。

（註一〇）據晉書八十二司馬彪傳，傳又云，彪後以周書未盡善也。按古史考中凡百二十二事爲不當，多采汲冢紀年之義。

（註一一）周必大讀後漢書序云，蘇試配王莽之說，以爲竄改三國時亦，兒輩愚者，罔辨取則聲靈，曹敗周穆快，遂謂君子小人之澤，百世不斷。

（註一二）此本諸津縣間所編四朝國史本條。

(註一三) 餘讀淵泉日記，及陳氏所論，皆見章氏遺書外編一信裡。

(註一四) 見重脩書錄解題。又玉海載歐陽修事跡云，修始必以嗚呼，此亂世而立治法。

(註一五) 據新五代史徐鉉，及二十二史劄記二十一，歐史書法嚴峻條。

(註一六) 十七史商榷九十二斷代爲史錯綜非是條。

(註一七) 章氏信據云，厚歐氏之意，五代典制，荒略不足爲法。故存司天職方，使有稽考而已。

(註一八) 四庫正史類，著錄五代史纂誤三卷，是陳二家書目，皆作五卷，宋志作三卷，原書已佚，館臣自永樂大典中輯出三卷，凡百七
二事，證以是氏所稱二百餘事，約存十之五六，是經已略具矣。

(註一九) 考佐宋史新編序，景泰中，翰林學士周叙上言，自願重修宋史，後竟卒於職司，未能成編，與本傳作正統末著撰。

(註二〇) 吳向之先生告余，在嘉靖十五年，當據實錄，本傳推定嘉靖中。

(註二一) 柳氏有述宋史贊一文，載史學雜誌第一卷第一期。

(註二二) 四庫提要本謂其糾謬補遺，亦頗有所考訂。

(註二三) 書目答問云，宋史新編有明刊本，按明刊本尙能覓得。

(註二四) 宋寶王半爵如，婁縣人，起家市井，藏書極富，苦心校讎，精邃無比。按寶王之世不詳，當爲清初人。

(註二五) 出陳寶中東莊遺集二，此書僅南京圖書館日本靜嘉堂有藏本。又序中所舉宋藝文志，見曝書亭集四十五續通鑑長編宋史新
編附書後。

(註二六) 靜嘉堂本東莊遺集，有王芭孫識於宋史稿自序眉云，此書可惜，不知安往矣。是王氏在日，已不知其下落。

(註二七) 以上略本四庫提要四十七，元史續編條，又千頃堂書目著錄危素元史稿五十卷，素是否於明初修元史，無考，且千頃堂目所選
錄者，不盡可據，故未敘入正文。

(註二八) 語出魏源纂述元史新編後。

(註二九) 據臨澗寧元史譯文證補序。

(註三〇) 略采日本東京帝國大學文學部東洋史學系教授會河相基新元史審查報告，見學術雜誌，及臨文淵正史考略。

(註三一) 同上。

(註三二) 見元史學業七十六。

(註三三) 本節所述多采自李恩純元史學。

（註三四）此書不見隋志，紙見文獻通考一九二引。

（註三五）士壽又撰周魏春秋若干卷，今佚不傳，見四庫提要六十六載記顧存日從梁榮欣之下。

（註三六）四庫提要稱元趙世延所作陝撫重修南唐書序，有馮元康胡恢等述有所述之語，竟以爲令祖元康所作，殆當時未睹其本傳而致誤，云云。按世延語不於陝撫重修祖本絕論，非甚明謬，所糾非是。

（註三七）湯遜纂南唐書法十八卷，唐年世祖釋一卷，州軍紀首釋一卷，道光二年魏鑑山房刻本，見書目答問補正。

（註三八）歐史稱劉崇爲東漢，九國志因之，而通鑑十國紀年皆作北漢，而十國春秋從之，又宋史亦於諸國作世家，能以併於宋者爲限。

（註三九）詳惟錄原名明書，以莊廷璠收受牽涉，先自檢舉得免死，乃改稱罪惟錄，詳見第一章。

（註四〇）吳郡李瑤得南唐通鑑殘本二十卷，加以改定，題曰南唐釋史勘本，雖體多所補苴，而以己意更定，易通鑑釋，殊不可爲訓。近年溫書是本復出，兩書亦可互訂。

（註四一）南明之稱，當始自錢氏之作，又朝鮮人亦有南明書之作。

（註四二）鄧實南疆逸史叙，余向有發明史之志，因稍申輟，俟友中志余之志者，其因爾多如余，按舊文略指申叙也。

（註四三）清高宗敕修通鑑輯覽，附三王事於編末，而勝於明史。

（註四四）本節多采自謝國楨晚明史籍考，其有未備，原書可供參考。

（註四五）見中國近百年史料第一輯。

（註四六）按上自太初一語，本之史通六家。梁書吳均傳，召撰通史，起三皇，迄齊代，以章本紀世家功業，列傳末說卒，是太初即謂上古。乃梁氏論過去之史學界一文，則云，上自漢之太初，似謂均書上接史記，非也。尋通又謂其書自秦以上，皆以史記爲本，則已包括史記在內，其非接通書可知。史記自序，謂其書訖於漢武之太初，而史通亦用上自太初一語，二語從同，未爲斷舉，此梁氏致誤之由也。又胡三省通鑑注序云，梁武帝通史至六百卷，侯景之亂，王僧辨平建業，吳文德惠書七萬卷俱西江陵之陷，其書燼焉。是則兩唐志所著錄者，乃爲虛列其目。

（註四七）原注，通志漢魏諸人，皆據漢魏時代，非據史書也。而史記所載之人，亦據史記，而不稱時代，則誤仍原文也。

（註四八）梁書武帝紀，太清二年，通史成，凡六百卷。舊唐經籍志，新唐藝文志，皆作六百二卷，疑有目錄二卷在內。史通六家作六百二十卷，疑爲六百二卷之譌，隋志作四百八十卷，與諸書皆不合，未知其確。

（註四九）略本得庫提舉別史類地志一條。

（註五〇）語本章太炎先生，史學略說下篇。

(註五一)同上。

(註五二)羅輝初刊於寶堂叢刻，繼重加刊宋教入丙寅稿，王作見後會學考要選。

(註五三)本節參閱十七史圖補七，漢書叙例條。又據洪頤軒讀書叢錄十九，據史記索隱於郊祀志注，周勃與樊噲合而稱，則五刑載當連合。顧古曰，是漢書索隱，又稱姚鼐說，樂府說，非不盡注所出。今本漢書注，從而略之耳。

(註五四)參閱王先謙後漢書集解述略。

(註五五)李肖躬漢書補注補正序。

(註五六)楊樹達漢書補注補正自序。

(註五七)本四庫要四十五。

(註五八)見書目金同補正卷一。

(註五九)俞氏所考，出王明清揮展後敘。

(註六〇)本司馬光通鑑表。

(註六一)通鑑外紀後序。

(註六二)本司馬光通鑑外紀序。

(註六三)通鑑外紀後序。

(註六四)據彭氏遺書十八部集別傳。

(註六五)沈氏語見定齋集枕大齋逸事狀，俞樾序碑書通故謂曾氏五體通考，體大物博，歷代典章，具在於此，三遺之外，得此而四，爲學者不可不讀之書。

(註六六)劉秩舊唐書三十五卷，其舊唐書篇類甚多。又東坡志林云，陸之晉兵書，成取通典，通典雖杜佑所集，然其源出於劉秩。

(註六七)參閱舊唐書杜佑傳，及李翰通典序，大略謂，淮南蕭德使南回章元甫，元甫卒於六年，故通典之撰，必在六年之前。王澐引宋中興書目，謂貞元十年表上，唐會要尚以爲十九年二月，皆非是，應從舊唐書本傳。

(註六八)通鑑要略十卷，唐宋兩編文志，並著錄雜家，亦見崇文總目，王澐五十二又謂存杜氏之通鑑及序。朱子謂爲乖古是今之書。困學紀聞(十四)亦屢引其書，所會要以爲貞元十九年二月表上通典，實即此書之說。日本內藤虎次郎有纂策一道，專論通典編年及此，見支那學雜誌。

(註六九)此說與前說無異，不詳所出，又謂於仁元於檢合州儒學教授，其自其著文獻通考。又任書院山長，故通鑑教習以獎勵。

之，而鑄國未嘗之官也。細讀本書卷首之鈔白自知。

（註七〇）據四庫提要八十一，續通志下，又四庫以王圻續通考入類書存目。

（註七一）宋書藝文傳，作左海經方丈圖，隋書立篇，製木爲圖，山川土地，各有分圖，離之則州郡殊別，合之則宇宙爲一，後此亦承魏之風而興起者。

（註七二）參閱樂府超近三百年學術史十五地理學一編。

第八章 劉知幾與章學誠之史學

吾國史家，能自造一史垂之百代，實始於司馬遷，而成於班固，故吾前撰專章述之，至取諸家所作之史，爲之闡明義例，商榷利病，則又始於劉知幾，而章學誠繼之，前之馬班爲作史家，未必不能評史，後之劉章爲評史家，亦嘗有意於作史，必合而一之，乃得謂之史學。吾於古代，取馬班二氏爲作史家之權輿，茲於近代，又取劉章兩家爲評史家之圭臬，劉章兩家之史學，非一二語所能盡，特立專章論之，亦繼軌馬班之意也。

史學一辭，創於十六國之石勒，晉書（卷一百四）載記，石勒於晉元帝太興二年（西元三一九年）自立爲趙王，以任播崔潛爲史學祭酒，是也。至劉宋文帝元嘉中，儒玄史文四學並建，以太子率更令何承天立史學，（註一）明帝泰始六年，又以國學廢，置總明觀，內分玄儒文史四科，科置學士各十人，南齊因之。（註二）又其時史學學生之著者，有山謙之可考，宋書禮志，元嘉二十年，太祖（卽文帝）將親耕，以其久廢，使何承天撰定儀注，史學生山謙之已私鳩集，因以奏聞，是也。謙之後又爲史科學士，禮志又謂，太祖詔學士山謙之章封禪儀，是也。（註三）按石勒所立，尙有律學祭酒，祭酒者，一學之長也，史學與律學分立，已樹分門研習之規，劉宋以儒玄文史分爲四學，後又分爲四科，儒以研經爲務，玄則屬於諸子，而文章悉具於總集別集，合以史籍，是爲經子文史四學，晉人荀勗類別羣書分爲甲乙丙丁四部，洎唐人撰隋書經籍志，乃有經史子集之名，後來相沿無改，此又可與學科分部互證，而史學之自成一科，亦自此始矣。觀夫史學生山謙之能於在學研習之日，私撰儀注，其達於史學明習典禮可知。而主學之何承天，亦以明禮著稱於時，惜史學設科，南齊以後無聞焉。南朝太學諸師，講經皆具講疏，聲容之盛，冠於今古，（註四）設史學之立，繼繼弗替，所具講疏，必能流傳至今，又何必待劉知幾出，而始有專論史學之書哉。

劉知幾，字子玄，以避玄宗嫌名，故以字行，彭城人也，幼年，父藏器爲授古文尚書，業不進，及聞爲諸兄講

春秋左氏傳，輒能辨析所疑，以爲書能如是，讀之何難，由是遠近覽李史，擢進士第，蓋其喜治史學，嗜之於飢渴，殆出於天性矣。於武后時，官著作佐郎，轉左史，曾以本官兼修國史，曆中宗睿宗，至玄宗立，又除著作郎，累官至左散騎常侍，開元九年，遭貶，旋卒，年六十一。劉氏自述其幼年治史之次序云：

先君授以左氏，期年而誦誦都畢，於時年甫十有二矣。……又讀史漢三國志，既欲知古今沿革，曆數相承，於是觸類而觀，不假師訓，自漢中興以降，迄乎皇家實錄，年十有七，而窺覽略周，洎年登弱冠，射策登朝，旅游京洛，頗積歲年，公私借書，恣情披閱，恆如一代之史，分爲數家，其間雜記小書，又競爲異說，莫不鑽研穿鑿，盡其利害。……始在總角，讀班謝兩漢，便怪前書不應有古今人表，後書宜爲更始立紀，當時聞者，以爲童子何知，而敢輕議前哲，於是赧然自失，無辭以對，其後見張衡范曄集，果以二史爲非，其有暗合古人者，蓋不可勝紀（史通自序）。

其與劉氏志同道合者，則有東海徐堅，永城朱敬則，沛國劉永濟，義興薛謙光，河南元行沖，陳留吳兢，壽春裴懷古，其於徐堅，則謂晚與之遇，相得甚歡，雖古者伯牙之識鍾期，管仲之知鮑叔，不是過也。又於武后時，與朱敬則徐堅吳兢同修唐書，及中宗卽位，又與堅兢同修則天皇后實錄。故舊自稱曰，三爲史臣，再入東觀，凡此皆見史通正史自序，及兩唐書本傳。本傳又謂，子玄常慨時無知己，內負有所未盡，乃委國史於著作郎吳兢，是則兢之年輩又後於劉氏，兢以盡力唐國史有聲於時，而劉氏則自負其才，未肯以此自限者也。

劉氏所撰之書，實有多種，今傳世者，祇有史通一書，即其研史精神之所寄也。劉氏自述作書之動機云：

凡所著述，皆欲行其舊議，而當時同作諸士，及監修貴臣，每與其鑿柄相違，齟齬難入，故其所裁削，皆與俗浮沉，雖自謂依違苟從，然猶大爲史官所嫉。嗟乎，雖任當其職，而吾道不行，見用於時，而美志不遂，鬱快孤憤，無以寄懷，必寢而不言，嘿而無述，又恐沒世之後，誰知予者，故退而私撰史通，以見其志（同上）。

新舊本傳亦云：

子玄介直自守，累歲不遷，會天子西還，子玄自乞留東都，三年，或言子玄身史臣，而私著述，驛召至京，領史事，時宰相韋巨源紀處訥楊再思宗楚客蕭至忠皆領監修，子玄病長官多，意尚不一，而至忠數責，論次無功，又仕優塞（舊書補至忠責其著述無課），乃奏配求罷去，爲至忠言五不可。至忠得書，悵惜不許，楚客惡其言詆切，謂諸史官曰，是子作書，欲置吾何地，始子玄修武后實錄，有所改正，而武三思等不聽，自以爲見用於世，而志不遂，乃著史通內外四十九篇，譏評古今。

劉氏所謂五不可，已具錄於第五章，然既自謂任當其職，見用於時，何以不盡力於國史，而竟以優塞無功見責於時宰耶。劉氏與吳兢同撰國史，劉氏既以優塞無功，而又先卒，其後兢遂自成唐書，自創業迄開元，凡一百一十卷（見第六章），然兢曾又私撰唐書，及唐春秋，及兢卒，其子上進，凡八十餘卷，或云使者即其家求之，得六十餘篇，而論者謂其事多紕繆不逮壯年（據新舊兩書本傳）。今本舊唐書，於開元以前，多本吳兢，而世人皆稱撰人爲劉昫，而兢有語及吳兢者，凡官撰之史，往往史官爲其贊，而宰相尸其名，以至依違苟從，互相推避，此劉氏所以優塞無功，而終不能自造一史也。

劉氏之著史通，嘗以揚雄法言，王充論衡，應劭風俗通，劉勰文心雕龍自況。其言曰：

若史通之爲書也，蓋傷當時載筆之士，其義不純，思欲辨其權歸，殫其體統，夫其書雖以史爲主，而餘波所及，上窮天道，下揆人倫，總括萬殊，包容千有，自法以降，迄於文心而往，固以納諸胸中，曾不遺芥者矣。夫其爲義也，有與奪焉，有褒貶焉，有鑒誡焉，有勸刺焉，其爲貫穿者深矣，其爲網羅者密矣，其所商略者遠矣，其所發明者多矣，蓋談經者，惡聞服杜之嗤，論史者恆言班馬之失，而此書多識法哲，悉述前非，獲罪於時，固其宜矣，猶冀知音君子，時有觀焉。尼父有云，罪我者春秋，知我者春秋，抑斯之謂也（自序）。

又自釋以史通名書之義云：

書以載削餘暇，商榷史籍，下筆不休，遂盈篋，於是區分類聚，編而次之。昔漢世諸儒，集論經傳，定之於白虎觀，因名曰白虎通，余既在史館而成此書，故便以史通爲目，且漢求司馬遷後，封爲史通子，是知史之稱通，其來自久，博采衆議，爰定茲名（卷首序錄）。

按史通撰成於中宗景龍四年庚戌（西元七一〇年），其前二年以在東都，私自著述，爲人所糾，私著之書，當爲史通，書成凡二十卷，如今傳本，此據自序而知之也。同時徐堅見其書歎曰，爲史氏者，宜置此於座右也。而宋代之宋祁，則曰，知幾以來，工詞古人，而拙於用己（新唐書劉子玄傳贊）。其所見不同如是，可謂先後一揆。四庫提要嘗舉其撰疑古惑經等編，以爲世所共詬。又如六家篇譏尚書爲例不純，載言篇譏左氏不遵古法，人物篇譏春秋不載由余百里奚范蠡文種公儀休事臧穰苴，則直斥爲謬妄，此蓋出於儒者尊經之見，不足以服劉氏之心。此外所舉，雖不無是處，究近毛舉細故，有意味求，惟謂班固陳壽爲記言之奸賊，載筆之囚人，可以肆諸市朝，投畀豺虎（曲筆篇），則未免指斥太過。宋祁所謂工詞古人者，殆指此耳，特劉氏論史所長，初不在此，置之不論可也。

大抵論史之書，其途有二。一曰揚權利病，一曰闡明義例。揚權利病者，主於分析，闡明義例者，貴乎綜合，二者相資，未可偏廢。或謂史通一書，以揚權利病爲職志，蓋善於用析，以演繹法爲論列者，此知其一不知其二之言也。茲考本書內篇凡三十九篇，外篇凡十三篇，總爲五十二篇，內篇之末三篇，曰體統，曰紀繆，曰馳張，皆亡佚已久，然新唐書本傳，已云史通內外四十九篇，且考內篇之序，所亡三篇，皆在自序之後，頗爲不倫，或本無此三篇，抑編者之錯置歟。外篇之首，冠以史官建置古今正史二篇，古代之史家，卽爲史官，而史籍之精者，悉爲正史，子玄取古代之史官，及隋唐以往之正史，序而列之，以明源流所自，觀其於內篇之首，卽云自古帝王編述文籍，外篇言之備矣。編述必出於史官，文籍悉歸於正史，由此可證此二篇之撰在前，而內篇之撰尙在後，否則其本末之序紊矣。次則總論諸史之體例，而首以六家二體。六家者，尙書家春秋左傳家國語家史記家漢書家是也。二體者，紀傳編年是也。春秋左傳，則屬於編年，史記漢書，則屬於紀傳，此二

證之權輿也。尙書則屬於記言，春秋則義在紀事，史記則闡通史之規，漢書則爲斷代之祖，左傳則以年分，國語又以國別，此六家之所以名也。至於正史之各類，一曰本紀，二曰世家，三曰列傳，四曰表，五曰書志，六曰論贊，七曰序例，各以一篇論之，又以載言一篇，繼於二體之後，爲衍列傳一體未竟之緒而作者也。尋史通全書，以史官正史六家二體四篇之包蘊爲最富，蓋內外篇之綱領，論史者之總樞也。蓋非洞究源流，則史例難以明，所謂闡明義例，貴乎綜合，誠亦莫大乎是，豈僅主於分析，以揚權利病爲職志哉。若夫自題目以下迄於辨職之二十五篇，則以揚權利病爲務，亦以分析見長，所謂以演繹法爲論列者，其在是矣。辨職之後，復綴以自敘一篇，而內篇終焉，外篇則史官正史二篇而外，有若惑經申左二篇，則尙論古經傳之得失，附於古人之辭友，而疑古一篇，又自曝其所見，以待論定，亦後來崔述考信錄之濫觴也。點煩雜說以下，迄於附錄七篇，皆爲條舉舛繁隨手割記之作，本爲內篇之遺，非劉氏精意之所寄，至忤時篇則爲專載與蕭至忠書而作，又本書之附錄也。要之劉氏論史，好指陳利病，言非一端，然非絕口不談義例，淺人不察，始謂其事以揚權利病爲職志，此真知其一不知其二之言也。或謂內篇皆論史家體例，辨別是非，外篇則述史籍源流，及雜評古人得失（參四庫提要），斯言也，大致得之。

茲取劉氏議論之精要者論之，劉氏視春秋左傳爲古史，春秋之書，爲親者諱，爲尊者諱，故魯隱公被弑，而書曰薨，周襄王實爲晉文所召，而書曰天王狩於河陽，此雖爲魯史舊法，孔子不敢擅改，而去史以傳信之義則遠矣。左傳則不然，春秋重名，左傳徵實，春秋略舉大綱，左傳詳於紀事，研史之士，貴詳而徵實，是以劉氏有惑經申左之作。如王充之有問孔刺孟，言人之所不敢言，浦起龍所謂學究之所駭明者不與較者是也，此一事矣。自來記言記事之書，概名曰史，然當時史官記載，務求詳盡，鉅細不遺，是爲史料。後來秉筆之彥，據以勒定成書，是曰史著。漢世天下計書，上於太史，是爲備采之史料，太史公據此以成史記，是爲勒定之史著。然自現代史家視之，前古之所謂史著，亦正今日之所謂史料，史料史著，本屬變動不居，而其釐然有別，則古今初無二致。劉氏則曰，書事記言，出自當時之簡，勒定刪定，歸於後來之筆，當時草創者，資乎博聞實錄，

後來經始者，貴乎僞識通才，必綜其事業，前後不同，然相須而成，其歸一揆（史官篇），分析之當，議論之情，後有述者，無以尚之，此二事矣。史家略遠詳述，由來舊矣，不曉此旨者，輒輕加詆譏。劉氏則曰，余以爲近史癡絮，誠則有諸，亦猶古今不同，勢使之然，魯史所書，實用此道，自宣成以前，三紀而成一卷，至昭襄以下，數年而占一篇，是知國阻隔者，記載不詳，年淺近者，撰錄多備，夫論史之煩省者，但當要其事有妄載，苦於榛蕪，言有闕遺，傷於簡略，斯則可矣，必量世事之厚薄，限篇幅以多少，理則不然。又曰，往之所載，其簡如彼，後之所書，其繁如此，若僅同後來於往世，限一概以成書，將恐學者必翫其疏遺，尤其率略者矣（煩省篇）。其持論之道，固最近史家之所尚，亦放之中外而審準者，此三事矣。作史須先立例，尤貴有法，劉氏則曰，史之有例，猶國之有法，國無法，則上下靡定，史無例，則是非莫準（序例篇），是則例卽法，法卽例矣。又論本紀列傳之作法曰，蓋紀之爲體，猶春秋之經，繫日月以成歲時，書君上以顯國統，而陸賈晉書，列紀三祖，直序其事，竟不編年，年既不編，何紀之有。又紀者既以編年爲主，唯敘天子一人，有大事可書者，則見之於年月，其書事委曲，付之列傳，此其義也（本紀篇）。又曰，夫紀傳之不同，猶詩賦之有別，而後來繼作，亦多所未詳。案范曄漢書，記后妃六宮，其實傳也，而謂之爲紀，陳壽國志，載孫劉二帝，其實紀也，而呼之曰傳，考數家之所作，其未達紀傳之情乎（紀傳篇）。凡此所論，又足以垂示史法，作方來之準則，此四事矣。劉氏之論作史也，主於徵實去僞，尚簡汰煩。故於載文篇則謂，載文之失有五。一曰虛設，二曰厚顏，三曰假手，四曰自戾，五曰一概。於邑里篇則謂，爰及近古，其言多僞，至於碑頌所勒，茅土定名，虛引他邦，冒爲己邑，此乃尋流俗之常談，忘著書之舊體。於言語篇則謂，楚漢世隔，事已成古，魏晉年近，言猶類今，已古者卽購其文，猶今者乃驚其質，天地長久，風俗無恆，後之視今，亦猶今之視昔，而作者皆怯書今語，勇敢昔言，不其惑乎。於曲筆篇則謂，漢末之董承耿紀，晉初之諸葛母氏，斯皆破家殉國，視死如生，而歷代諸史皆書之曰逆，將何以激揚民教，以勸事君者乎。古之書事也，令賊臣逆子懼，今之書事也，使忠臣義士羞，若使南董有靈，必切齒於九泉之下，凡此皆以明徵實去僞之旨也。又於敘事篇云，夫國

史之美者，以敘事爲工，而敘事之工者，以簡要爲貴。於浮詞齷齪則謂，詞繁者出一言而已周，才繁者資數句而方決。於書事篇牘則謂，近代史筆，敘事爲煩，推而論之，其尤甚者有四。凡祥瑞之出，非關理亂，而史官徵其謬說，眞僞莫辨，其煩一也。藩王岳牧，朝會京師，非復異同，載之簡冊，一何辭費，其煩二也。近世自三公以下，一命以上，苟治厚祿，莫不備書，贊唱爲之口勞，題署由其力倦，具之史牘，夫何足觀，其煩三也。夫人之有傳也，惟書其里邑而已，其失之者，則有父官令長，子秩丞郎，敘其名位一二無遺，此實家牒，非關國史，其煩四也。夫記事之體，欲簡而詳，疏而不漏，若煩則盡取，省則多捐，此乃忘折中之宜，失均平之理，凡此皆以明尚簡汰煩之旨也，此五事矣。上述五事，皆其持論之至精者，故爲擷取大要，以備考覽，其餘揚權利病，不名一端之論，則有不暇悉舉者矣。

劉氏之論，有應節取者，有不可以爲典要者。其論藝文志則云，班漢定其流別，編爲藝文志，續漢已遵，祖述不暇，夫前志已錄，而後志仍舊，類煩互出，何異以水濟水。愚謂凡撰志者，宜除此篇，必不能去，當變其體（書志篇），釋其意旨，蓋謂總錄羣籍，宜別爲專書，無取附入正史，不知歷代藝文，可與列傳互證，史所宜詳。前漢以往之羣籍，設無班固爲之著錄，豈復有他書可考耶。惟前志已錄，後志仍舊，實嫌繁複，清樸明史，藝文不載前代，蓋採劉氏之論，而加以折衷者，後有作者，亦不能違，此應節取者也。至其論表則云，以表爲文，用述時事，施諸譜牒，容或可取，載諸史傳，未見其宜，且表次在篇第，編諸卷軸，得之不爲益，失之不爲損，用使讀者，莫不先看本紀，越至世家，表在其間，緘而不視，語其無用，可勝嘆哉（表賦）。不悟表之爲用，便於記載煩細，凡本紀列傳所不能盡載，而又不忍遺棄者，惟有佐之以表，乃足以宏其用，唐宋以下諸史，大抵有表，近代史家如萬斯同，亦以善於製表，有裨研史，劉氏此論，可謂一言不智。且劉氏亦非不知表之有用也。嘗曰，觀太史公之製表也，燕越萬里，而徑寸之內，犬牙可接，昭穆先代，而方尺之中，雁行有序，使讀者舉目可詳（雜說篇），何爲一書之中，前後矛盾若是。此又不可爲典要者也。然劉氏又以天文五行符瑞諸志，作者相仍，殊爲煩費，所謂古之天猶今之天也，今之天即古之天也，必欲刊之國史，施之何代不

可（書志篇），尤爲至當不易之論，而後來作者，罕能悟此，爲可慨也。至論其作史自注之例，則盛稱裴廣陳壽周處常璩之作，文言美辭，列於章句，委曲敘事，存於細書。又曰，亦有躬爲史臣，手自刊補，雖志在該博而才闕倫敘，除煩則意有所憾，畢載則言有所妨，遂乃定彼榛楛，列爲子注，其言是矣。然又譏裴松之之注國志，喜聚異同，不加刊定，恣其繁雜，坐長煩蕪（補注篇），此則得失相兼有難以概論者矣。

劉氏因身任史官，與修史之役，而不得申其志，故發憤而有史通之作。其於模擬篇云，模擬之體，厥途有二。一曰貌同而心異，一曰貌異而心同。又曰，蓋貌異而心同者，模擬之上也，貌同而心異者，模擬之下也，然人皆好貌同而心異，不尙貌異而心同者何哉。蓋鑑識不明，嗜愛多僻，悅夫似史，而憎夫真史，此子張所以致譏於魯侯有蕪公好龍之喻也，此藍欬真賞難遇，而慨乎其言之矣。且劉氏嘗謂自梁陳以降，隋周而往，諸史皆貞觀年中羣公所撰，近古易悉，情僞可求，至如朝廷貴臣，必父祖有傳，考其行事，皆子孫所爲，而訪彼流俗，詢諸故老，事有不同，言多爽實（曲筆篇）。又謂晉書多採晉林世說幽明錄搜神記，或談諧小辨，或神鬼怪物，其事非聖，揚雄所不觀，其言亂神，宣尼所不語（採撰篇），雖所論甚當，而其放言無忌，則爲後來所僅見。蓋劉氏之志，既不獲申於修史，故於當代官修之史，亦抨擊不遺餘力，縱有才堪釐革，而以人廢言，勿謂秦無人，吾謀適不用，此劉氏所以借喻於繞朝也（本序詞篇）。

吾國文史之學，以魏晉南北朝之世爲極盛，以文學言，先有梁昭明太子蕭統之文選，以爲齊梁以往文章之總集，繼有劉勰之文心雕龍，以揚榷其體例，並闡明其義蘊焉。以史學言，隋唐以往，作者如林，雖於江陵之陷，太半隨梁元以同殉，然著錄於隋志史部者，悉爲私家名作，亦多至不可勝數矣。劉氏生當南北統一之世，有唐鼎盛之時，遺文間出，史籍大備，就其所見，一一取而論列之，以成史通一書，誠爲文心之匹，宜其取以自況也。且考隋志著錄之史書，唐初罕觀其全，半存殘帙，劉氏身任史官，悉覽中祕，其得盡窺，自不待言，今之言後漢者，多重謝承華嶠，言晉史者，必稱干寶臧榮緒，言十六國史者，或述崔鴻肅方等，言南北朝史者，又推裴子野王劭，言古史者，又取資於汲冢紀年及瑣語，而劉氏則一再稱引，評騭加詳，原書雖亡，猶可

藉此以窺其大略，是則史通之功，尤在宣究曲隱，保存遺佚矣。至於疑古篇以堯舜禹之禪讓爲可疑，盛經篇以春秋有五虛美十二未喻，不避非聖侮經之咎，更融合近代學者爲史學而治史之精神，凡此諸端，皆非可與其他史家，取而並論者也。

劉氏領國史且三十年，禮部尙書鄭惟忠嘗問自古文士多史才少何耶。劉曰，史有三長，才、學、識，世罕兼之，故史才少，夫有學無才，猶愚買操金，不能殖貨，有才無學，猶巧匠無樞機斧斤，弗能成室，善惡必書，使驕君賊相知懼，此爲無可加者，時以爲篇論（新書本傳）。茲考史通有賈才篇，所以明史才也，有識鑒篇，所以論史識也，劉氏歎史才之難，而盛讚蔡邕劉峻，誠爲過言，然謂文史異轍，與文之勝質，實爲至論。至謂假令其間有術同彪蟻，才若班荀，懷獨見之明，負不刊之業，而皆取窮於流俗，見嗤於朋黨，遂乃哺糟歠醪，俯同妄作，被褐懷玉，無由自陳，此又自發其憤慨也。其論史識，則謂識有通塞，神有晦明，毀譽以之不同，愛憎由其各異。又謂丘明躬爲魯史，受經仲尼，語世則並生，論才則同恥，彼二家者，師孔氏之弟子，預達者之門人，才體本殊，年代人隔，安得持彼傳說，比茲親授，末又歸之於廢與時也，窮達命也，而書之爲用，亦復如是。凡此皆足與前論相發明，惟祇論史才史識，而不及史學，何也。夫豈不以史通全書，皆闡論學，不待明言，而讀者自能了了耶。

劉氏既不屑於撰史，而委其事於吳兢，乃別撰劉氏家史及譜考，以見其意，按據明審，議者高其博（本傳），此後來章學誠不得躬爲史臣，而寄意於方志之意也。惜其書已不傳，無由窺其意旨，又據唐會要所載，劉氏晚年奉勅與諸史臣同修姓族系錄及則天中宗睿宗三帝后實錄，是則官修之史，未能終於不與也。特其治史精神，仍在史通一書，史稱劉氏善持論，辨據明銳，視諸儒皆出其右（本傳），讀史通可見其然。又謂，其歿後，玄宗詔河南府就家寫史通，讀之稱善，追贈工部尙書，諡曰文（本傳），此與陳壽歿後由范曄表上其書略同，而榮遇過之。且劉氏之二子鍊秩，皆究心史學，秩著政典三十五卷，爲杜佑通典所本，鍊亦著史例三卷，惜皆不傳，是則以名父之子世其家學，尤爲史家所罕見云。

史通行世以後，頗有學人致力於其書者，其流別有三。其一有釋其意旨而爲之注釋者，其二有病其繁謬而爲之刊正者，其三有以唐宋以後應並載而爲之續作者，試分述之。

史通舊本，至明代流傳已少，如永樂大典之網羅繁富，而獨遺是書，其後陸深得蜀刻本，爲校其譌舛重刻之，而恨無別本可悉，萬曆壬寅（三十年），長洲張鼎思又據陸本重爲校定，曲筆篇增四百餘字，鑒識篇增三百餘字，而去其自他篇闕入者，然未詳其所增益者，果據何本。惟先於此者，又有萬曆五年，華亭張之象刻本，疑未爲張鼎思所見，惟陸氏及鼎思兩本，脫誤仍多，如補注篇則闕其下半，其採自所捐以下，又因習篇文也。而因習篇僅存十三行，多自史官篇竄入，非其本文，而又闕其上半，惟是時既有張之象本，凡補注因習兩篇之闕文具在，續以增補，居然復完，未幾李維禎（本寧）取史通評之，郭孔延又作附評者，則孔延所補也。惟四庫提要謂郭氏所據者爲張鼎思本，無據何焯所見萬曆郭氏刊本，已將曲筆篇夫史之曲筆評者以下一百九十九字誤入鑒識篇者，加以釐正，則前說亦未必可信，其後王惟儉因郭氏所釋，參以張之象本，重爲釐正，名曰史通訓故，惟儉自稱增入因習一篇，並於直書曲筆二篇有所更定，又於此外校正一千一百四十二字，繼取郭本相校，則僅曲筆篇增入一百一十九字，而因習直書二篇，並與郭本相同，或者郭氏已據張之象本加以釐正，而惟儉更從而依據之也。郭氏所釋，淵略實甚，惟儉引證較詳，號稱善本，迨及清代，北平黃叔琳於注文心雕龍之外，並取史通注之，因其書爲訂補王本而作，故名曰史通訓故補。同時無錫浦起龍亦撰史通通釋，初所見者，爲鄭王二家注本，及書將成，又得見黃注本，爲訂補若干事，書中所稱春風亭本，卽王注本，所稱北平本卽黃注本也。通釋出諸家後，又用力勤，故最爲詳密，然勇於改字，又所下按語，染時文批點之習，是爲小疵。此外清代學人，如何焯盧文弼顧千里，皆致力於史通，並有校本行世，何焯所據爲張之象本，又得見馮已蒼評本，又稱張之象得見宋本，陸深張鼎思兩本，次因習爲上下兩篇，題曰因習上第十九，因習下第二十，然因習上篇佚其上半，而下半則誤入補注篇，張之象本已爲之是正矣。馮本則改題因習上篇爲因習第十九，改題因習下篇爲邑里第二十，不以一題分爲兩篇，核與全書之例相符，較爲整齊畫一，而諸注本多因之，此必別有所居

也。盧文弨曾見華亭朱氏鈔宋景本，（其五）於馮何二家外，又得饒遵王校本，據之以校史通，得數百事，錄入羣書拾補，又謂浦氏注釋本，正字大書，皆同宋本，歎其精覈。至何氏所謂曲筆篇之文誤入鑒識篇者，顧千里則以爲不誤，雖是非尙待論定，而諸家考訂之勤，亦於此見之矣。最近四部叢刊取張鼎思本景印之，孫毓修爲選校記，敘諸本異同綦詳，亦諸刊本之較精者。象山陳先生漢章又撰史通，補釋二卷，其所釋者，如謂春秋外傳始見漢書律歷志，不始於韋昭，左傳舊人以爲敏，有懷弓可證，董生乘馬三年不知牝牡，出於御覽，皆足訂正浦釋之闕誤。又詁疑古一篇，乃子玄假古以切今，懲前而懲後，以紀氏削去爲非，是則別有所見，較之紀氏所指秦人不死蜀老猶存二事，尤爲能夠沈索隱也。如取所釋附於通釋，則裨益學子非淺矣，此諸家注釋之大略也。（註六）

唐末宰相柳燦，以史通譏駁絕史過當，著史通析微十卷以正之，又名柳氏釋史，學者服其瞻博（兩唐書本傳），此訂正史通之最先者也。明人陸深既取史通校刊之，又擇其中精要語，別爲史通會要三卷（見四庫存目），附以後人論史之語，時以已見參之。明人胡應麟謂深輯史通，因劉氏者十七，續劉氏者十三，繁者削之，謬者刊之，俚者文之，眞子玄功臣。又謂會要辨論甚該，獨謂藝文不必志，於義未盡（少室山房筆叢四及十三）。愚嘗自陸氏儼山外集中抽讀之，覺其所謂精要者，殊不盡廢人意，而所附諸家之論，多爲書生之見，以言刪定，似有未稱。迨清紀昀則謂子玄自信太勇，立言好盡，第其抉擇精當之處，足使龍門失步，蘭臺變色，而偏駁太甚，支蔓弗翦者，亦往往有之，使後人病其繁雜，罕能卒業，併其微言精義，亦不甚傳，乃爲之存其精要，削其煩複，所取者記以朱筆，紕謬者以綠筆點之，冗漫者以紫筆點之，除三色筆所點外，排比其文，尙皆相屬，命曰史通削繁（據紀氏自序）。又於書眉，別爲評語，以醒眉目，其後涿州盧坤遠止錄朱筆爲一帙，並汰浦釋之支贅者，付之創闕，蓋紀氏以史通一書爲載筆之圭臬，故研治甚深，其所刊削，語皆穿貫，如化工造物，天衣無縫，學者讀之，灑然自喜，愚謂研史之士，先讀削繁，乃知史通之易曉，再取原書讀之，亦迎刃而解，此紀氏長於文字之效也。考紀氏於史通四十九篇中，刪去載言表歷疑古點煩四篇，尙餘四十五篇，

其中仍用原文者，爲載文補注邑里品藻直書曲筆鑒讀駁才煩省難述十篇，加以刊削者，而爲其餘三十五篇，然所刪之處未必悉當，研史之士仍須全讀，如所刪之表歷篇，固不足存，而其他三篇，儘多精言要義，而於疑古篇謂其非經於聖人，故盡去之，紀氏之見，亦與柳燦陸深從同，或以生於君治大昌之日，不得不爾，若在今日，必不然然，必如陳氏所釋，其庶幾乎，此諸家刊削之大略也。

劉氏之後而續其書者，殊罕其倫，韋學誠文史通義雖文史並釋，實以釋史爲主，謂爲劉氏以後僅見之作，雖曰不覺，特以其書義蘊宏深，別於下文論之。近人張爾田撰史微內篇八卷，自謂向歆之業，自是得一理蘊，然考其意旨，乃以明諸子之出於史，與專治史學者有別，不得謂爲史通之倫類也。最近則有瑞安宋慈抱撰續史通內外篇，布之於世，茲就余所見者，錄其篇目如左。

內篇 凡二十篇

情馬，斥班，尊歐，恨李，國志，晉紀，唐書，宋史，四通，兩案，曲筆，浮詞，表志，紀傳，補述，方乘，載記，論贊，沿革，體例。

外篇 凡五篇

考獻，監修，模擬，創造，囚時，（下闕）。

內篇已登，而外篇尙非全帙，度其全書當已畢功，且或全付刊載，而愚未之見，（註七）茲就已見各篇，略致商榷。

竊觀史通之書，作於唐之景龍，自是迄今，時逾千載，續作本不易書，衡以史家詳近略遠之例，其可述者，亦奚止一端，茲語其要，應首以史官正史二篇，續書考獻一篇，敘舊唐以下迄於明史，卽爲續前書正史而作。然敘宋重修唐書，不及宋敘求之補唐實錄，敘宋史，不及元初之修本，敘金史，不及張柔所得之實錄，及王鶚之初修本，其敘元明二史，亦多漏略，且前書所謂正史者，兼紀傳諸年別史雜史四者而已。而續書專就紀傳一體之列入正史者論之，豈足以概其全乎，其於唐宋以來之史官，則更不著一字，此又疏略之尤者也。其次則爲六

家二體兩篇之訂補，愚以爲自有袁陽通鑑紀事本末行世，代有踵作，於是紀傳編年二體之外，又增出紀事一體，是可謂之三體，應撰一篇論之。至如杜佑通典專詳典禮，黃宗羲明儒學案專詳學術，是於上述三體之外，別創通史學史之一格，亦子玄所未及窺見者也。續書有四通兩案二篇，略闡斯旨，然於通史專史之分，既病語焉不詳，而於紀事一體，尤未能儘量闡發，以補前書之未備，大者如是，小者可知矣。續書喜用儂語，好爲低語，文效史通，而遜其栗密，蓋宋氏生長浙東，習於永嘉一派，所論近於東萊博議，張浦史論，又時時襲取四庫提要及朱彝尊趙翼之說，而不甚別白，非嚴正史家所應出，至其略於唐宋以後，不中論史之程，又其小焉者矣。觀其標目，曰借馬斥班尊歐恨李，班有何可斥，李有何可恨，以此論古，直同兒戲，客觀未樹，成見不捐，烏觀所謂通乎。且如國志晉記爲劉氏所已言，何必重標是目，唐書宋史固應論列，何爲遺遼金元明諸史而不數，表志篇子玄之失，補史爲近代所長，方志備史之一體，論之是矣。然所應續者詎止於此。至沿革篇本論史部之如何分類，體例篇本論作史之宜有凡例，合標體例二目可矣，何爲分列兩篇，沿革之名，尤難索解。他如蕭常郝經之續後漢書，本爲改撰國志，而稱爲補漢書，王洙柯維騏之改修宋史，意在尊華攘夷，刪繁就簡，尤與增補無關（補述篇），又盛稱郭倫晉紀，而不及周濟晉略，此皆可解而不能解者也。然其中亦不無精語存焉。其論五代史云，薛史據列朝實錄，事蹟頗詳，歐公仿馬遷遺文，體例尤謹，薛史病於叢脞，歐史失在闕遺，二書蓋不可偏廢。若選舉刑法之詳，禮樂職官之要，上繼唐餘下開宋始者，能於薛史是棄乎（尊歐）。其論南北史云，蓋南北史無他技，但以刪削遷移爲務，刪削不問其事之有關係與否，但以減官名裂字句爲工，遷移不問其人之應離合與否，但以編家傳忘品彙爲先，不知官名減則職掌不明，字句裂則事蹟必漏，家傳多則朝代難分，品彙忘則褒貶相互，以史遷之才，刪削遷移，左傳國策，援引多誤，況延壽乎（恨李）。其論新唐書則曰，唐有天下幾三百年，雖文人學士之星馳，亦令主明時之代出，聖詔原出於臣手，謠言豈乏於帝心，至德宗大赦改元，下詔罪己，山東士卒，見之感泣，李抱真謂人情如此，賊不足平，則文字之用大矣，歐公刪之，豈徒沒陸贄之功，亦且失興元之政（唐書）。其論史記云，項羽黽與隴畝，五年之間政由已出，尊爲本

紀，明其革命，且遷史以政治其主，卽尊爲主，故項羽剖符行封則稱紀，呂雉臨朝稱制則稱紀，此意蓋非劉氏所能知，厥後唐書以武曌篡竊後事，躋諸本紀，以武曌殞屑穢史，別入后傳，宗法遷史，信得其宜，而宋史以瀛國公及益王廣王附本紀，雖江山之不復，尙朝廷之猶存，正統緒餘，虛名僅見，勝於漢書以孺子嬰附王莽傳者（紀傳）。其論明儒學案云，黃氏學案，上自吳興弼，下逮劉宗周，敘其遺行則如觀丰儀，詮其微言則如親賢歎，時代近則采訪易周，筆削嚴則紀載可信，不以考古凌人，而以知今治世，其書蓋契春秋大義，而以因時爲貴（國時），以上所論，雖不免有所因襲，殆亦愚者千慮不無一得之效歟。

以上已將劉知幾史學之源流，敘述略竟，再進而敘述章學誠之史學。

章學誠，字實齋，浙江會稽人也，生於清乾隆三年戊午，卒於嘉慶六年辛酉（一七三八—一八〇一），年六十四，幼不甚慧，二十歲後始究心史，後游北京，依朱筠，得見當世名流，繇此知名，與邵晉涵相友善，以同治史學也。四十一歲成進士，歷主北方各書院講席，又爲和州永清亳州修志，又居畢沅幕府，修湖北通志，後歸故里，時游揚州以老。

章氏曾自述蚤歲治史之次第云：

二十歲以前，性絕駭澁，讀書日不過三二百言，猶不能久識，二十一二歲駭駭向長，縱覽羣書，於經訓未嘗領會，而史部之書，乍接於目，便似夙所攻習者，然其中利病得失，隨口能舉，舉而疏當，人皆謂吾得力於史通，其實吾見史通已二十八歲矣。二十三十四時，所筆記者，今雖亡失，然論諸史於紀表志傳之外，更當立圖，列傳於儒林文苑之外，更當立史官傳，此皆當日之舊論也。……至吾十五六歲，性情已近於史學，鑒課餘暇，私取左國諸書，分爲紀傳表志，作東周齊幾及百卷，則兒戲之事，亦近來童子所鮮有者（遺書第九家書六）。

章氏又自謂，吾於史學，蓋有天授，自信發凡起例，多爲後世開山，其自負爲何如，觀其所自述者，與劉子玄之所自述者，奚以異焉，此所以前後曠然相接，爲史家不祧之宗也。

章氏所著之書，以文史通義校讐通義二書爲最著，其所論者，亦不盡屬於史學，如文史通義所述或論理學，或言文事，包蘊頗富，命名文史，即非專論史學之徵，其他所著之雜文亦然。校讐之學，雖近於史，然亦漸成專門，本編所論，既以史學爲範圍，則應專取其論史之語，及整理史部者，比次之，以詳其史學之究竟。第一所宜論者則六經皆史之說者。往者王守仁嘗謂五經皆史，是則此論，非章氏所獨創，特闡其義而益精，則自章氏始耳。其說曰，六經皆史也，古人不著書，未嘗離事而言理，六經皆先王之政典也。夫尙書春秋之爲古史，人人得而知之矣，古人於典章儀注，通稱爲禮，是禮爲典志之一，亦得稱史，而易爲卜筮之專書，詩爲韻文之總集，樂則詩歌被於管絃之譜也，何爲命以史稱。推章氏之意，以爲詩三百篇，悉出史官之所錄，易掌於太卜，太卜亦史官之一，惟樂亦然，古人於史官以外無著作，故掌於史官者，悉得稱史。且以易詳吉凶，有前民用之効，如後世之頒歷，韓宣子稱易與春秋爲周禮，此亦易得爲史之證，其說可謂極辨析之能事矣。信如所言，古代之典籍，無不得名爲史，史之範圍，抑何廣乎。夫史籍有史料史著之分，史官所掌，屬於史料之科，即章氏所謂記注也。詩易所包，誠具有史料之一部，然亦不盡屬於史料，即讓一步言之，凡易詩樂之所包蘊，悉可以史料目之，亦不過曰六經皆古之記注也。且考古代官署治書之史，皆名爲史，其所典錄者，不過如今日之檔案，還稱之爲史，不幾於撰述之史著無別乎。然章氏亦未嘗不考見及此，其言曰，三代以上，記注有成法，而撰述無定名，所謂有成法者，即掌於諸史之檔案，由此推之，則章氏所謂六經皆史者，不過檔案之漸就整理者耳。且考章氏之所謂史，非僅以六經爲限也，嘗曰，愚之所見，以爲盈天地間，凡涉著作之林，皆是史學，六經特聖人取此六種之史以垂訓者耳。子集諸家，其源皆出於史（報孫淵如書）。後來之揚其波者，如張爾田，江瑛，金兆豐，皆謂諸子百家，莫不原本人事，其出於史官。夫史學不專家，而文集之中有傳記（亦章氏語），是則集部含史之一體，亦屬可信，廢經子集之名，而悉集於史，可謂整齊盡一矣，其奈名不副實何。是故謂尙書春秋爲史，可也，謂易詩禮樂爲史，不可也，謂易詩禮樂爲史料，可也，還謂爲史著，不可也，此愚夙日所持之論也。

第二所宜論者，則記注撰述之分是也。記注撰述之分，初中其旨於劉知幾，所謂書事記言出自當時之簡，勒成冊定歸於後來之筆，是也。章氏則謂三代以上記注有成法，而撰述無定名，三代以下撰述有定名，而記注無成法，記注即今日所謂史料，撰述即今所謂史著，前已略論之矣、見第三章）。然在章氏以前，不僅劉知幾權論及此，而鄭樵亦爲之說曰：

有史，有書，學者不辨史書，史者官籍也，書者書生之所作也，自司馬以來，凡作史者，皆是書，不是史（夾漈遺稿與方禮部書）。

劉氏所謂當時之簡，與鄭氏所謂史，皆指屬於記注之史料，劉氏所謂後來之筆，與鄭氏所謂書，皆屬於撰述之史著，與章氏所論，前後若合符節，特二氏所言，不過摘舉其要，迨至章氏乃爲之發揮盡致耳。章氏又引申其旨云：

撰述欲其圓而神，記注欲其方以智也，夫智以藏往，神以知來，記注欲往事之不忘，撰述欲來者之興起，故記注藏往似智，而撰述知來擬神也。藏往欲其賅備無遺，故體有一定，而其德爲方，知來欲其扶擇去取，故例不拘常，而其德爲圓（文史通義書教下）。

第章氏猶以爲未盡，又有所謂著述與比類之別，比次獨斷考索之分，其論著述與比類云：

古人一事，必具數家之學，著述與比類兩家，其大要也。班氏撰漢書，爲一家著述矣，劉歆賈謐之漢記，其比類也，司馬撰通鑑，爲一家著述矣，二劉范氏之長編，其比類也。兩書本自相因，而不相妨害，但爲比類之業者，非知著述之意，而所次比之材，可使著述者出，得所憑藉，有以悉其縱橫變化，又必知己之比類，與著述者各有淵源，而不可以比類之密，而笑著述之或有所疏，比類之整齊，而笑著述之有所畸輕畸重，則善矣。蓋著述譬之韓信選兵，而比類譬之蕭何轉餉，二者同缺一不可，而其人之才，固易地不可爲良者也（報黃大猷書）。

又論比次獨斷考索云：

天下有比次之書，有獨斷之學，有考索之功，三者各有所主，而不能相通。自漢氏以來，學者以其所得之撰述，以自表見者，蓋不少矣。高明者多獨斷之學，沈潛者尚考索之功，天下之學術，不能不具此二途。譬如日晝而月夜，暑夏而寒冬，以之推代而成歲功，則有相需之益，以之自封而立畛域，則有兩傷之弊。……若夫比次之書，則掌故令史之孔目，簿書記注之成格，其原雖本柱下之所藏，其用止備稽檢而供采擇，初無他奇也。然而獨斷之學，非是不可取裁，考索之功，非是不為按據，如旨酒之不離乎糟粕，嘉禾之不離乎糞土，是以職官故事案牘圖牒之書，不可輕議也。……然獨斷之學，考索之功，欲其智，而比次之書，欲其愚，亦猶酒可實尊彝，而糟粕不可實尊彝，禾可登簠簋，而糞土不可登簠簋，理至明也（登客問）。

按此所謂比類比次，皆指記注而言，所謂著述，固與撰述無殊，而獨斷考索二者，又為撰述之所必具，皆與前說互相發明，而又語益加詳者也。考史部分類，始於隋志，其後諸史未有大異，其分類之標準，概以紀傳編年之史為主，而與其他之屬於史者附入之，劉知幾概稱前書為正史，其餘則權為十流，於史通離述篇論之，亦導源於隋志者也。現世史籍之分類，其法不一，而以史料史著分為兩類，為最新之方法，或謂此受遠西史學傳來之影響，與中國無與，不知百餘年前，有若章氏，已為之開發無遺，此較六經皆史之說，尤為可貴而有據，故治史之士，樂為述之。

第三所宜論者，則通史之倡導也。章氏雖以記注與撰述並言，亦謂記注為古人所重，然終不以記注為作史之極則，故推崇揚通史，其持論大旨，且於釋通中鄭二篇，前於述鄭氏通志時，已為略舉之矣。其他諸作，於重撰述而輕記注之旨，時時流露於字裏行間，試舉數例，以見其然。其一云：

遷固書志，采其綱領，討論大凡，使誦習者，可以推驗一朝梗概，得與紀傳互相發明，足矣，至於名物器數，以謂別有專書，不求全備，猶左氏之數典徵文，不必具周官之纖悉也。司馬禮書，末云俎豆之事則有司存，其他抑可知矣。自沈范以降，討論之旨漸微，器數之加漸廣，至歐陽新唐之志，以十三名目，成書

至五十卷，官府簿書，泉貨注記，惟恐不詳，宋金元史，繁猥愈甚，連牀疊几，難窺統要，是殆欲以周官職事，經禮容儀，盡入春秋，始稱全體，則夫子刪述禮樂詩書，不必分經爲六矣。馬班豈不知名物器物不容忽略，蓋謂各有成書，不容於一家之言曲折求備耳。天惟經生策括，類家纂襲，本非著作，但欲事物兼該，便於尋檢，史家網紀雜言，將勒不朽，而惟沾沾器數，拾餘不暇，是則不知春秋官禮意可互求，而例則不可混合者也（亳州志掌故例議上）。

其二云：

或曰，王伯厚氏搜羅摘抉，窮幽極微，其於經傳子史，名物制數，貫串旁鶩，實能討先儒所未備，其所纂輯諸書，至今學者，資衣被焉，豈可以待問之舉而忽之哉。答曰，王伯厚氏蓋因名而求實者也。王氏因待問而求學，既知學則超乎待問矣。然王氏諸書，謂之纂輯可也，謂之著述則不可也，謂之學者求知之功力可也，謂之成家之學術則未可也。今之博雅君子，疲精勞神於經傳子史，而終身無得於學者，正坐宗仰王氏，而誤執求知之功力，以爲學卽在是爾，學與功力，實相似而不同，學不可以驟幾，人當致功乎功力則可耳，指功力以爲學，是猶指薪黍以謂酒也。……今之俗儒，且憾不見夫子未修之春秋，又憾戴公得商頌而不存七篇之闕目，充其僻見，且似夫子刪修，不如王伯厚之善搜遺逸焉，蓋遂於時趨，而誤以襲積補苴，爲足盡天地之能也（博約上）。

尋章氏之意，蓋以古人之史籍，於撰述之外，別有記注一種，所謂別有專書，卽屬於記注之類也。卽其所指名物器數之微，所輯策括纂要之書，悉當屬於記注，而與撰述無與者也。章氏尊揚通史，故極稱鄭樵，視記注之書，下於通史一等，故謂王伯厚之書爲纂輯，而不得謂之著述。同時有戴震，以精於名物器數，見稱一時，而章氏不以爲然。其曰以襲積補苴爲學者，指戴震一派而言也。以史學見解言，襲積補苴，本屬於纂輯一類，亦得名之爲記注，而不得以撰述稱之。故章氏又謂吾於史學，貴其著述成家，不取方圓求備，有同類纂（家書）。是其立言之旨，仍以撰述爲極則，求之古人，則馬班其首選也。抑章氏之論史，又有不止於此者。如

云：

孔子作春秋，蓋曰其事則齊桓晉文，其文則史，其義則孔子自謂有取乎爾。夫事即後世考據家之所尚也。文即後世詞章家之所重也。然夫子所取，不在彼而在此，則史家著述之道，豈可不求義意所歸乎。自遷固後，史家既無別識心裁，所求者徒在其事其文，惟鄭樵稍有志乎求義，而綴學之士，翫然起而爭之，然則充其所論，即一切科舉之文辭，皆史之簿籍，其明白無疵，確實有據，轉覺賢於遷固遠矣（申鄭）。

又云：

吾於史學蓋有天授，自信發凡起例，多爲後世開山，而人乃擬善於劉知幾，不知劉言史法，吾言史意，劉議館局纂修，吾議一家著述，蔑然前途，不相人也（家書）。

又云：

鄭樵有史識，而未有史學，曾言具史學，而不具史法，劉知幾得史法，而不得史意，此余文史通義所爲作也（和州志志隅自序）。

是則章氏之所自負者，惟在深通史意，亦即孔子自謂竊取之義也。其所謂史意史義，又即所稱別識心裁，凡此皆申明重撰述而輕記注之旨也。章氏又云：

通志精要，在乎義例，蓋一家之言，諸子之學識，而寓於諸史之規矩，原不以考據見長也。……文獻通考之類雖仿通典，而分析比次，實爲類書之學，書無別識通裁，便於對策敷陳之用（釋通）。

章氏之盛稱通志，以爲其書有別識通裁，近於撰述，而甚鄙馬端臨不明史意，無別識通裁寓乎其中，故以類書目之，亦以其近於記注也。竊嘗論之，記注撰述之分，變動不居者也。前日視爲撰述者，正爲今日之記注，後日視爲記注者，亦即今日之撰述，左傳國語，可謂撰述矣，而太史公據之史料，以修史記，是即以記注視之。今之撰新通史者，亦僅據二十五史爲史料，故論者謂吾國舊史，悉當以史料視之，是亦不以爲撰述矣。即以今之通史專史論之，皆所謂撰述也。通史所述爲概括之事實，專史所述具一類之始末，撰通史者，必取資於各專

史，是則視專史如記注矣，然則謂之史鈔類纂可乎。有如李燾之續鑑長編，李心傳之繫年要錄，馬端臨之文獻通考，章氏視爲史鈔類纂者，爲之正自不易，必先有此等史鈔類纂之書，然後具有別識心裁之撰述，乃易於措詞，章氏尊揚通史，故重撰述而抑鈔纂，似謂專史亦不得撰述之名者，豈其然乎，豈其然乎。

第四所宜論者，則方志學之建立也。劉章二氏皆有志於修史，劉氏爲史官甚久，承命修國史實錄，而以不得行其志，遂不甚措意於此，其究亦不能自撰一史，以見其志，僅撰史通，以示作史之準則而已。章氏雖成進士，而不得與翰林之選，清之翰林，即前世之史官也。官修之史，章氏既不得與，乃欲自撰一史，致力於趙宋之書，終以力有不逮，而徒託空言，轉而寄其意於修志，蓋以方志亦一方之史也。章氏於此旨頗有闡發，如云：

有天下之史，有一國之史，有一家之史，有一人之史，傳狀誌述，一人之史也，家乘譜牒，一家之史也，部府縣志，一國之史也，綜紀一朝，天下之史也，比人而後有家，比家而後有國，比國而後有天下，惟分者極其詳，然後合者能擇善而無憾也（州縣請立志科議）。

又云：

郡縣志乘，卽封建時列國史官之遺，而近代修志諸家，覬仿唐宋州郡圖經而失之者也。周官外史，掌四方之志，注謂若晉之乘楚之檮杌魯之春秋，是一國之史，無所不載，乃可爲一朝之史之所取裁。夫子作春秋，而必徵百國春秋，是其義矣。若夫圖經之用，乃是地理專門，按天官司會所掌書契版圖，注，版謂戶籍，圖謂土地，形象田地廣狹，卽後世圖經所由仿也。是方志之與圖經，其體截然不同，而後人不辨其類，蓋已久矣。……知方志非地理專書，則山川郡里坊表名勝，皆當彙入地理，而不可分占篇目，失賓主之義也。知方志爲國史取裁，則人物當詳於史傳，而不可節錄大略，藝文當詳載書目，而不可類選詩文也。知方志爲史部要刪，則胥吏案牘，文士綺言，皆無所用，而體裁當規史法也。夫家有譜，州縣有志，國有史，其義一也，然家有譜，則縣志取焉，縣志所徵，則國史取焉，今修一代之史，蓋有取於家譜者

矣，未聞取於縣志，則荒略無稽，薦紳先生所難言也，然其故實，始於誤仿圖經纂類之名目，此則不可不明辨也（代張吉甫司馬撰大名縣志序）。

蓋國史與方志，本爲同條共貫之書，不過一紀國家之事，一紀地方之事，範圍有廣狹之殊，而同屬於史，則無疑義。第自來論者，多謂方志爲專詳地理之書，與章氏同時之戴震，卽力持其義，曾謂志以考地理，但悉心於地理沿革，則志事已竟（見章氏記與戴東原論修志）。故隋唐以來諸史之經籍藝文等志，皆以方志之書入史部地理類，直至章氏，始辨析方志與圖經之別，方志應如吳越春秋華陽國志，爲別史之一種，此可謂創通大義前無古人者矣。余考章氏立論之精者，無過於方志立三書議，其略云：

凡欲經紀一方之文獻，必立三家之學，而始可以通古人之遺意也。仿紀傳正史之體而作志，仿律令典例之體而作掌故，仿文選文苑之體而作文徵，三者相輔而行，缺一不可，合而爲一，尤不可也。

考章氏此論，蓋與上文六經皆史之說，記注與撰述之分，以及通史之倡導，皆有互相貫通之義。何以明之，茲以六經皆史爲原則，而六經卽有撰述與記注之分，如尙書春秋，則撰述也，三禮及時，則記注也。再細分之，則三禮屬於記注中之掌故一類，詩屬於記注中之文徵一類，是則方志之立三書，實原於六經皆史之旨矣。章氏嘗謂古人之於名物器數，別有專書詳之，撰史者不必求備，故所倡導之通史，必以合於撰述者爲依歸，而於掌故文獻二者，則述之不必太詳，以別於史鈔類纂，皆此旨也。且章氏之於方志，不僅坐而言之已也，如所撰和州亳州永清天門諸志，及湖北通志，皆能以其義例，實現於著述之中，可謂能實踐其言矣。又有進於此者，章氏所撰諸志，紀傳表考（易志稱考又稱書以避大名），諸體略備，一如正史，以樹方志爲史之規，其於列傳，則佐之以表，凡其人已於正史有傳者，則具其名於表，並曰事詳某史，其正史所不具者，或史具而多漏略者，始爲傳以傳之。又極重圖，不惟輿地宜有圖，建置水道，更宜分列專圖。又謂藝文應專列書目，附以提要，別以詩文，入之文徵。又爲別撰掌故，以實現其方志分立三書之旨。又其治史主於諸史，目錄之後，另撰別錄附焉。且爲之說云，誠得以事爲綱，而紀志表傳之與事相貫者，各注於別錄，則詳略可以互糾，而繁複可以較

省，治史要義，末有加於此也（史籍別錄例議）。此又推其修志之法以治史，以明史志之相通，以上所述，皆章氏所建立之方志學，具有別識通裁成一家之言者也。

第五所應論者，則校讐學之闡明也。吾國校讐之學，始於劉向劉歆父子，漢成帝時，詔光祿大夫劉向總率書，每一書已，向輒條其篇目，撮其指意，錄而奏之。迨向卒，哀帝復使向子歆，卒其父業，歆於是總率書而奏其七略（據漢志），而向復有別錄二十卷，夫條其篇目，是謂著錄，撮其指意，是爲提要，七略別錄，由是而分，亦後世解題提要之書之所本也。宋幾班固據七略而撰漢書藝文志，有著錄而無提要，又去其輯略一篇，而爲六略，隋志以下，繼以著錄，於是流而爲目錄之學，而校讐之旨微矣。宋代曾鞏率時君之命，校理秘閣羣書，每一書已，必撰一序以述其旨，錄而奏之，卽師向歆之成法。然鞏爲辭章之士，遠於學術，非真能究明校讐之旨者，其後鄭樵，乃於通志中撰校讐略，以明部次羣籍之法。惟當鄭氏之世，七略別錄均已亡佚，僅就漢志考論，未能窺向歆學術之全，且樵重通史而輕斷代，詆幾班氏太過，其於漢志亦有吹毛索癥之病，不得以爲定論也。章氏承樵之風，而作校讐通義，以發明古人官師合一之旨爲最精。其言曰：

有官斯有法，故法具於官，有法斯有書，故官守其書，有書斯有學，故師傳其學，有學斯有業，故弟子習其業，官守學業，皆出於一，而天下以同文爲治，故私門無著述文字。……秦人禁偶語詩書，而云欲學法令者，以史爲師，其棄詩書非也，其曰以史爲師，則猶官守學業合一之謂也。由秦人以史爲師之言，想見三代盛時，禮以宗伯爲師，樂以司樂爲師，詩以太師爲師，書以外史爲師，三易春秋，亦若是而已矣，又安有私門之著述哉（校讐通義原道）。（註九）

蓋自表面觀之，秦人以史爲師，似爲衰世之法，不知其正合古制，此由七略諸子十家出於王官之說推而得之，可謂發前人之所未發矣。次則謂著錄之法，甲乙部次不同，而其書含有兩種學術以上者，可用七略互注之法，分見各部（據班氏漢志自注），以收申明流別曲盡其用之效。又如孔子三朝記出於禮記，弟子職出於管子，而七略兩著其目，是爲裁篇別出之法，此亦章氏之所闡明也。至如所云，校讐之先，宜盡取四庫之藏，中外之

籍，擇其中之人名地號官階書目，凡一切有名可治，有數可稽者，略仿佩文詩府之例，悉編爲韻，乃於本韻之下，注明原書出處，及先後編第，自一見再見，以至數千百，皆詳注之，藏之館中，以爲羣書之總類，遇有疑似之處，即名而求其編韻，因韻而檢其本書，參互錯綜，即可得其自是（同上校讐條理），又即今日盛行之索引法。同時汪輝祖撰史姓韵編三史同姓名錄二書，章氏曾爲敘之，即本此論而作者也。其於鄭氏所論，多所訂正，茲不悉舉，惟其後又撰史籍考，期與朱彝尊經義考相配，其纂輯要旨，具於論修史籍考要略史考釋例二篇之中。要略所舉之例，一曰古逸宜存，二曰家法宜辨，三曰剪裁宜法，四曰逸篇宜採，五曰嫌名宜辨，六曰經部宜通，七曰子部宜擇，八曰集部宜裁，九曰方志宜選，十曰譜牒宜略，十一曰考異宜精，十二曰板刻宜詳，十三曰制書宜尊，十四曰禁例宜明，十五曰採摭宜詳。釋例則謂，著錄之書，肇自劉氏七略，班氏因之，而述藝文，自是荀勗阮錄，隋籍唐藝，公私迭有撰記，其因著錄而爲考訂，則劉向別錄以下，未有繼者，宋晁氏公武陳氏振孫始有專書，而馬氏文獻通考遂因之以著經籍，學者便之。又云，考訂與著錄，事雖相貫，而用力不同，著錄貴明類例，求於書之面目者也。考訂貴詳端委，求於書之精要者也。蓋晁氏之郡齋讀書志，陳氏之直齋書錄解題，於著錄書名卷數撰人之後，繫以提要，說明其書之旨趣，間以考訂其得失，此即清修四庫全書總目提要之所由昉也。朱氏經義考，先分四柱，首著書名，名下注其人名，次行列其著錄卷數，三行判其存佚及闕與未見，次繫以序論類跋目次，最後附以考證，故其書原稱經義存亡考，章氏仿之，而於序論題跋多從節刪，以避煩冗，蓋其所論校讐之法，悉實現於此書，惜以其亡而不得窺見也。

上述五事，已將章氏之史學，擷舉八要，不必再爲旁舉矣。惟章氏既以能得史意自負，故於史學亦有所闡明，此不可以無述也。章氏之言曰：

古無史學，其以史見長者，大抵深於春秋者也。陸賈史遷諸書，劉班部於春秋，家學得其本矣。古人書簡而例約，雖治史者之法春秋，猶未若後世治經學者之說，春秋繁而不可勝也。故春秋之義行，而名史皆能自得於不言之表焉。馬班陳氏不作，而史學衰，於是史書有專部，而所部之書，轉有不盡出於史學者矣。

蓋學術歧而人事亦異於古，固江河之勢也（史考釋例）。

又云：

古人史學口授心傳，而無成書，其有成書，即其所著之史是也。馬遷父子再世，班固兄妹三修，當顯庸之際，人文蔚然盛矣，而班固既卒，漢書未成，豈舉朝之士不能贊襄漢業，而必使其女弟曹昭就東觀而成之，抑何故哉。正以專門家學，書不盡言，言不盡意，必須口耳轉授，非筆墨所能罄，馬遷所謂藏名山而傳之必於其人也。自史學亡，而始有史學之名，蓋史學之家法失傳，而後人攻取前人之史以爲學，異乎古人以學著爲史也（同上）。

蓋章氏喜陳古以刺今，故謂馬班陳氏不作，而史學衰，然謂古人史學無成書，其有成書，即其所著之史，則爲精確不易之論。試考劉知幾以前，何曾有論史專書，考史學者，即於所著之史求之，此外則無有也。至謂史學亡而始有史學之名，史學之家法失傳，而後人攻取前人之史以爲史，此則出於尊古卑今之見，即實論之，未見其然。夫古人之作史者，如左馬班陳，誠重乎不可尙矣。然於史學之科律，既未之闡明，即後學之治史者，亦苦無從著手，非古人之智慮不及此也，爾時去古未遠，著述尙質，文成而後法立，學即寓於書中，作史者本不需法，又何史學之足云。魏晉以後，史籍漸繁，載言之士，不必盡預作史之選，預其選者，亦未必盡申其志，於是以其餘暇，囊括諸史櫛其利病，而史通一書，緣之以作，而史學之成家，亦始於是時。凡一學術之成，皆由時勢孕育激盪使然，不有子玄，亦必有人能撰是書，似天有以間之，有所迫而後爲之者也。章氏謂鄭樵有史識，曾鞏具史學，劉知幾得史法，豈所謂史識史法，皆不得謂之史學乎。夫別史識於史學之外，始於劉知幾，然非謂有史識者，不必具有史學也。章氏又謂劉言史法，吾言史意，似史意又超乎史法之上，不知史學之包蘊至廣，所謂史識史法史意，皆具史學之一體，蓋必知孔子所謂其事其文其義，三者合而一之，乃得謂之史學也。第章氏又分史學專部，爲考訂義例評論彙求四門，並爲之區分曰：

世士以博稽言史，則史考也。以文筆言史，則史纂也。以故實言史，則史纂也。以議論言史，則史評也。

以體裁言史，則史例也。南宋至今積學之士，不過史纂史考史例，能文之士，不過史選史評，古人所爲史學，則未之聞矣（上朱大司馬論文）。

茲以愚見論之，藏求之書，固不足以當史學，然如史纂史考史評史例四者，豈不通史學者所能爲乎。鄙屑而不屑道，未見其可。蓋史纂屬於事，史選屬於文，史評史例屬於義，卽章氏所分之四門，亦未嘗不以考訂義例評論列於史學之內。吾故曰，必三者合而一之，乃得謂之史學也。然章氏又昌言史德，其言曰：

才學識三者，得一不易，而兼三爲難，千古多文人，而少良史，職是故也。昔者劉子玄蓋以是說，謂足以盡其謬矣。雖然史所當者義也，而所具者事也，所憑者文也，非識無斷其義，非才無以善其文，非學無以練其事，三者固各有所近也，其中固有似是而非者也。記誦以爲學也，辭采以爲才也，繁斷以爲識也，非良史之才學識也。能具史識者，必知史德，德者何謂，著書者之心術也，所患夫心術者，謂其有君子之心，而所養未底於粹也，而文史之儒，競言才學識，而不知辨心術以議史德，烏乎可哉（史德）。

是則史德一項，又爲史家三長之本，蓋因前代撰史之士，多爲無行之文人，故章氏慨乎言之，若爲嚴正之史家，則必不爾，是則劉氏三長之論，仍屬至當不易也。

其次尙有宣述者，則章氏嘗以因事命篇，爲作史之極則是也。於紀傳編年二體之外，因事命篇始於袁樞之通鑑紀事本末，章氏盛贊之，以爲體圓用神，真得尙書之遺矣。而於此旨，更有闡發。如云：

夫史爲記事之書，事萬變而不齊，史文屈曲，而適如其事，則必因事命篇，不爲常例所拘，而後能起訖自由，無一言之或遺而或溢也。……或考典章制作，或敘人事終始，或載一人之行，或錄同類之事，或錄一時之言，或著一代之文，因事命篇，以緯本紀，則較之左氏之翼經，可無局於年月後先之累，較之遷史之分例，可無歧出互見之煩，文省而事益加明，例簡而義益加精，豈非文質之適宜，古今之中道歟。至於人名事類，合於本末之中，難於稽核，則編爲表，以經緯之，天象地形輿服儀器，非可本末該之，且亦難以文字著者，則繪爲圖以表明之，蓋通尙書春秋之本原，而拯馬史班書之流弊，其道莫過於此（書教下）。

章氏此論，合於近世新史之體例，前已論之。又以因事命題之法，有時而窮，佐之以圖表，其於史學，可謂極盡研幾之能事矣。又引中自注之法，以撰別錄，以極因事命篇之用。其說云：

史以紀事者也，事同而人隔其篇，猶編年之史，事同而年異其卷也。左氏年次正文，忽入詳具某年之句，人知無是理也。馬班紀傳正文，遽曰詳具某人之傳，何以異乎。然杜氏之治左也，於事之先見者，注曰爲某年某事張本，於事之後出者，注曰事見某公某年，乃知子注不入正文，則屬辭既無杆格，而覈事又易周詳，斯無憾矣。……紀傳紀年，區分類別，皆期於事有當而已矣。今於紀傳之史，取其事見某傳互見某篇之類，以其紊入正文，隔闕屬辭義例，因而改爲子注，洵足正史例矣，而於史之得以稱事而無憾，猶未盡也。一朝大事，不過數端，紀傳名篇，動逾數十，不特傳文互涉，抑且表志就記無不牽連，逐篇散注，不過使人隨事依檢，至於綱要領觀者茫然，故於紀傳之史，必當標舉事目，大書爲綱，而於紀志表傳與事連者，各於其類，附注篇目於下，定著別錄一類，冠於全書之首，傳覽者如振衣之得領，張網之挈綱，治紀傳之要義，未有加於此者也（史篇別錄例議）。

別錄之法，非僅用於紀傳已也，亦可用之於編年。其說云：

今爲編年，而作別錄，則如每帝紀年之首，著其后妃皇子宗室，勳戚將相節鎮卿尹臺諫侍從郡縣守令之屬，區別其名，注其見於某年爲始，某年爲終，是亦編年之中，可尋列傳之規模也。其大制作，大典禮，大刑獄，大經營，亦可因事定名，區分品目，注其終始年月，是又編年之中，可尋書志之矩則也。至於兩國聘盟爭戰，亦可約舉年月，繫事隸名，是又於編年之中，可尋表歷之大端也。如有其事其人，不以一帝爲終始者，則於其始見也，注其終詳某帝，於其終見也，注其始詳某帝可也。其有更歷數朝，仿其意而推之可也（同上）。

蓋章氏論史，嘗稱自注之善，謂使自注之例得行，則因援引所及，而得存先世藏書之大概，因以校正藝文著錄之得失，是亦史法之一助（史注），此說誠爲至當不易。宋代二李（李燾李心傳）所撰之史，其自注之可貴，

尤逾於本文，卽其證也。惟其所謂別錄，雖視通鑑目錄舉要歷爲加密，然亦僅爲索引之一種，須附本書而行，不能自成一史，上較袁樞，尙恐未逮，若夫以事爲綱，經緯詳明，可備古今之要刪者，其卽近人所稱之通史別史乎。

洪儒謂春秋有大義數十，炳如日星，吾昧於經學家法，不敢妄有論列，惟如章氏之所闡明，實有儼然不可磨滅之處，而所闡明者，厥爲史之義例，蓋善於用綜，以歸納法而得之者也。章氏嘗謂胡太學度，於裝積編纂之功，比小子爲縝密，而小子於論撰裁斷，亦較胡君爲長，不特取材互省功力，卽成書亦互資長技（上朱大司馬書），可謂知己知彼矣。蓋以章氏比於劉知幾，一則以揚權利病爲先，一則惟闡明義例是務，惟以揚權利病爲先，故詳於批評，亦兼及體要，惟以闡明義例是務，故挈其綱領，而略於節目，試以經學家之派別喻之，劉氏如治古文學，正文字，明訓詁，究名物器數，而微言大義，卽寓乎其中，章氏如治今文學，惟宜究微言大義之是務，而以文字訓詁名物器數之瑣細者，爲不足措意焉，此則二氏之辨也。

文史通義始撰於乾隆三十六七年之間，其後朱春浦書所云，出都以來，頗事著述，斟酌藝林，作爲文史通義，是也（按章氏於三十六年十月出都）。其後續有所作，以迄於卒，如浙東學術一篇，係作於嘉慶五年庚申（是年所撰之文總題曰庚申雜訂），卽章氏卒前一年也。章氏於病篤時，以著述全稿，屬蕭山王宗炎（字穀陸）編定，宗炎旋寫定一目，未及付刊而卒，章氏之次子華綬先勘定文史通義內篇五卷，外篇三卷，並校讎通義三卷，初刊於道光十二年（壬辰），於王氏舊目頗有更定，卽今之通行本也。茲考內外兩篇，各爲六十一，外篇所載，悉論方志之作，後已別署爲方志略，內篇之純論史學者，不過史德史釋史注傳記釋通中鄭答客問（凡三篇）九篇而已。卷一凡十一篇，專明六經皆史之義，其餘皆文史兼論，其意以爲史須載之以文，離文不足以言史也。惟其中又有泛論學術者，如朱陸浙東學術二篇是也。有專論文學者，如文德文理古文公式古文十弊諸篇是也。然論史之行，亦以寓焉，其命名文史通義，亦以此也。校讎通義撰於乾隆四十四年，初爲四卷，後二年游汴，遇盜失去，幸前三卷有友人鈔存本可據（據西冬戊春志餘草），此卽初刊本所據也。

其後有文史通義補編，章實齋文集鈔散見於各叢書中，民國十年，浙江圖書館始將所藏鈔本章氏遺書十八冊，編爲二十四卷，排印行世，然猶未備，是年吳興劉承幹亦彙刊章氏遺書三十卷，外篇十八卷，其所收者，除兩通義外，有方志略文集外集，湖北通志檢存稿及未成稿，又以信撫乙卯割記丙辰觀識知非日札閱書隨割五種，附以永清縣志和州志及補遺附錄校記，是爲外編。後又取其紀元經緯考續爲外編之第十九二十兩卷，章氏遺著，大略具是，非浙本之比矣。茲考其編次之法，大抵依王宗炎所編舊目，而又爲之變通，如改文史通義內篇爲六卷，原刊本外篇之論方志者，多具於方志略及永清和州兩志，無事複載，故取諸論文史之散篇，別編爲外篇三卷，又原刊校讐通義無外篇，乃取諸論校讐之散篇，編爲一卷，覈以浙本，蓋用王氏舊目也。又文史通義內篇文字，與原刊本多所異同，而篇目亦有增併，（註一〇）所可考者，大略如此。

章氏所登憲經營者，厥惟稽考一書，其書始功於乾隆五十三年。時居湖廣總督畢沅幕中，初爲撰論修史籍考要例一文，未幾開局纂修，實由章氏主持其事，而洪亮吉凌廷堪武億等亦與其役，中間因別撰湖北通志，未得專力於此，迨五十八年畢氏失職，章氏亦去湖北，然是時已程功十之八九矣。（註一一）然此書實代畢沅而作，執筆者亦非一人，及畢氏歿，稿已散失大半，章氏乃就其家收拾殘遺，欲以獨力續成之。嘉慶三年居杭州，藉謝啓昆之力，乃得著手補修，並爲重訂凡例，遺書中所載史考凡例是也。茲錄其總目如下：

史籍考總目

制書 二卷。

紀傳部 正史十四卷，國史五卷，史稿二卷。

編年部 通史七卷，斷代四卷，記注五卷，圖表三卷。

史學部 考訂一卷，義例一卷，評論一卷，叢求一卷。

律史部 雜史十九卷，霸國三卷。

星歷部 天文二卷，歷律六卷，五行二卷，時令二卷。

譜牒部

專家二十六卷，總類二卷，年譜三卷，別譜二卷。

地理部

總裁五卷，分載十七卷，方志十六卷，水道三卷，外裔四卷。

故事部

訓典四卷，章奏二十一卷，典要三卷，更書二卷，戶書七卷，禮書二十三卷，

目錄部

兵書三卷，刑書七卷，工書四卷，官曹三卷。

總目三卷，經史一卷，詩文（即文史）五卷，圖書五卷，金石五卷，叢書三卷，釋道一卷。

傳記部

記事五卷，雜事十二卷，類考十三卷，法鑒三卷，言行三卷，人物五卷，別傳

六卷，內行三卷，名姓二卷，譜錄六卷。

小說部

瑣語二卷，異聞四卷。

共三百二十五卷。（註一三）

考史籍之分類，應以阮錄（註一三）隋志爲祖，劉知幾則謂，偏記小說自成一家，能與正史參行，爰及近古，斯道漸煩，史氏流別，殊途並驚，權而爲論，其流有十。一曰偏記，二曰小錄，三曰逸事，四曰瑣言，五曰郡書，六曰家史，七曰別傳，八曰離記，九曰地理書，十曰郡邑簿（雜述篇），是皆別於紀傳編年二體之外者也。其後史籍多祖隋志，其流或殊，大體未異，章氏所分十一部，五十五子目，是否悉當，別待推論，惟與劉氏用意正同，而又加詳者也。史考本未殺青，原稿以未刊而佚，楊守敬李之鼎合撰之叢書舉要，言畢沅未刊書有史籍考百卷，不過虛標其目，或謂其殘稿見藏美國國會圖書館（據書目學問補正），亦未知其審也。（註一四）

章氏史籍考一書今既不傳，亦未嘗無人爲之重作，長沙余萃皋（未詳其名）撰史書綱領一書，俞樾爲之序云，「余民竭數十年之心力，撰述成書，體規朱氏經義考，網羅古今史書志乘，錄其鉅者凡例，親經義考加詳，而卷帙倍之，匹於甲乙二部之藏，不啻握其鉛槧」，其推許可謂至矣。（湘陰郭嵩燾亦爲此書作序，見養知書屋集。）惜其書迄未付刊，不知流落何所（湘潭黎君澤濟首考及此），或稍余氏所撰本名史考綱目，近日研史之

士每欲發憤重撰史籍考，而憚其繁重，有最嚴梁舊史而爲之考者，如海鹽朱氏是，有卒晚明史籍而爲之考者，如安陽謝氏是，以言理董全軼則尙有待，倘得是書爲藍本，而補其未備，不亦事半功倍乎。

章氏所撰諸志，以永清縣志二十五篇（今分十卷）爲最全，和州僅餘殘本（今分三卷），亳州天門兩志，則未之見，湖北通志爲章氏主修，稿本略具，始以畢沅入覲之際，爲陳燦所駁，繼以畢沅失職，主者易人，而全書易其面目，前就檢存未成兩稿求之，可以見其大凡。其書分爲四部，一爲通志本書，二爲掌故，三爲文徵，四爲叢談。本書分爲紀圖表考政略列傳六目，掌故分爲吏戶禮兵刑工六科，文徵分爲甲（正史列傳），乙（經濟策畫），丙丁（詞章詩賦）四集，此本於方志立三書之議也。附以叢談，以補其未備，章氏所撰諸志，以此志爲用力最深，乃今僅得見其殘稿，惜哉惜哉。

校讐之學，爲治書而生者也。先章氏爲此學者，有明人胡應麟之經籍會通，四郡正譌，經籍會通四卷，一曰源流，二曰類例，三曰遺軼，四曰異同，篇章略具，亦校讐通義之先聲矣。又有焦竑於所撰國史經籍志後，附以糾繆一卷，駁正漢隋唐宋諸志及諸家書目分門之誤，亦論校讐學之可稱者。其於章氏之後，續其書者，凡得兩家，一曰雙流劉成所之續校讐通義，二曰杜定友之校讐新義。劉氏所撰諸書，多涉皮相，殊眇精義，蓋不足論，杜氏用西人十進法，部次吾國舊籍，因譌書籍分類，與學術分類，不能併爲一談，新義一書，即爲發揮此義而作，惟杜氏所論書籍編目之法，爲近來圖書館所通行，非有湛深之理據也。且中西書籍，源流各異，強異爲同，捉襟肘見，杜氏之論，亦多扞格難通，以爲定論，尙有待焉。夫校讐之學，爲史學之支裔，然尙有人廢其業而續其書，向微遺端，鄭章衍緒，上下千載，此道不孤，至於文史通義一書，尙未聞有人爲之續作，範圍有廣狹之殊，撰述有難易之別，率爾操觚之士，其不敢輕於從事，又不待問矣。

近人或推鄭樵，以爲可與劉章二氏鼎足而三，愚謂非其倫也。（註一）章氏嘗盛推鄭氏通志，以爲其精要在乎義例，此蓋章氏自道其所得，而引鄭以自助耳。鄭氏以一人之力，穿貫諸史，會爲一書，體大氣銳，誠可驚歎，然其力不副心，漏略百出，且語多襲舊，迹不可掩，前已略論之矣。其史學之識解，略異於通志總序及夾漈遺

稿與方禮部書，總其精要之語，亦不過百數十言而止耳，求如劉章二氏之自具篇章，首尾一貫，則鄭氏病未能也。且鄭氏治史之精神，尤在「營」一略，其中精語雖多，已不能掩其粗疏之迹，況下於此者乎。或又謂吾國自有左丘明司馬遷班固荀悅杜佑司馬光袁樞諸人，然後有史，自有劉知幾鄭樵章學誠，然後有史學。（註一六）愚謂能撰史者，必通史學，左馬班荀諸人皆長於撰史，其精於史學必矣。且史學之名，始於後趙石勒，則劉知幾之前，亦不得謂之無史學，惟論史學之專書，具有家法，言成經緯，則自劉氏始，而章氏繼之，鄭氏不得與焉。此吾所以於馬班二氏之後，極有取於劉章二家之作也。（註一七）（註一八）

（註一）宋書齊次宗傳，會稽朱贛之，諡川康肅之，並以儒學經世諸生，時劉子學未立，上留心藝術，使丹陽何尚之立玄學，太子率更令何承天立史學，司徒參軍翟元立文學，凡四學並建。

（註二）見南齊書百官志。

（註三）隋志著錄山陰之史興記，南徐州記，丹陽記三種，又宋蘇繆令山陰之集十二卷，是譜之後又出嘉善令，又沈約宋書自序云，史故著作郎何承天，始撰宋書，草立紀傳，止於武帝時臣，篇牘未廣，其新撰志，唯天文律曆，自比外悉久，承請口誦之譜之建初，又被詔撰述，卒值病亡，是譜之會與海內書，遂當代史學名家矣。

（註四）神治徵南縣太學志，以此記譜，載史學雜志各期。

（註五）廣文類謂何鍾會見朱氏景鈔宋本微誤，細校羣書本史數何氏跋語自見。

（註六）以上參閱四庫提要史料類，（註七）參閱日本史通。

（註七）原書見同治縣志各期，及國學論衡。

（註八）江戶漢子感言，評百家之學俱源於史，余非聖學固通史，謂諸子十家莫不原本人事其出史官（卷七六）。

（註九）參閱文獻通考原書中。

（註一〇）如內篇之禮教所見士習博雜雜說應賦六篇，皆原刊所無也，原刊且無學篇書後與妙學篇並列，且其附於妙學篇之後。

（註一一）遺書與阮學使請求遺書。

（註一二）此目及史考釋例，均用馬敘倫鈔楊見心藏章氏未刊稿，今收入遺書補編。

（註一三）阮氏七錄序條，見廣弘明教卷三。

(註一四)阮櫟通鑑錄卷二，有楊鼎勳仿朱氏經義考例纂史籍考一文，實爲書院之課讀，凡朱氏所有各類，均擬仿之，以見其旨，又謂長沙余氏仿類義考之例，作史考綱目，而求之見，近人鄭鶴聲史部目錄引之，並錄所論，爲之列目，題目史籍考二，非實有其書也。

(註一五)見梁任公過去之中國史學界。

(註一六)同上。

(註一七)本章論章氏者，參閱胡適姚名達合撰之章實年譜。

(註一八)月知錄十七，有史學一條，謂唐穆宗長慶二年，陳謨大度廣有比來史學廢絕之語，於延立三史料以課士，又宋恭宗淳熙十一年十月太學博士倪思有舉人輕視史學之語，又大司成孫昂在哲宗時，請罷史學，哲宗斥爲僭倣，此可供本章之參考者。

第九章 近代史家述略

撰史之例，詳近略遠，近代史家，姑以清代爲斷，可指數者，無慮數十人，茲取其最著者論之，或以章學誠生於浙東，於文史通義中著有浙東學派一篇，因謂史學爲浙東所獨擅，此似是而非之論也。考浙東學派起於宋，時有永嘉學派金華學派之稱，永嘉之著者爲陳傅良（止齋），葉適（水心），金華之著者爲呂祖謙（東萊）。陳亮（同甫），祖謙與朱子同時，於朱陸二派之歧異，則兼取其長，而輔之以中原文獻之傳，而陳傅良葉適陳亮皆好言事功，同時又有唐仲友（說齋），以經制之學，孤行其教，當時號稱浙學。呂祖謙既著大事記，其後又有王應麟（伯厚）籍於浙東之後儀，究心史學，著述最富，亦承永嘉金華之風而興起者也。浙東人研史之風，元明之世，本不甚盛，至清初黃宗羲出，昌言治史，傳其學於萬斯同，繼起者又有全祖望章學誠邵晉涵，皆以浙東人而爲史學名家，於是浙東多治史之士，隱然以近代之史學爲浙東所獨擅，並上溯於宋之永嘉金華，以爲淵源之所自，世人之不究本末者，亦翕然以此稱之，一閩成市，豈得爲定論哉。觀黃宗羲承其師劉宗周之教，而導源於王陽明，蓋與宋代呂葉二陳絕少因緣，其源如此，其流可知，萬斯同固親承黃氏之教矣，全祖望私淑黃氏，續其未竟之學案，亦不媿爲黃氏嫡派，至於章邵二氏，異軍特起，自致通達，非與黃全諸氏有何因緣，謂爲壤地相接，颶風興起則可，謂具有家法互相傳受，即起章邵二氏於九原亦不之承也。茲篇所著，豈以專門名家者爲斷，生存者不以入錄，弗取學派之說，矧稍偏黨之見，通議之士，或有取焉。

世謂黃宗羲爲清代史家之開山，非虛言也。宗羲字太沖，學者稱梨洲先生，餘姚人也，其學雖導自其師劉宗周，然亦源於家學，其父尊素，明末東林黨之鉅子也，以許魏忠賢被逮，途中圖變，被殺，汝近日心齋，不必看時文，且將架上之獻徵錄略涉讀之，自斯以來，黃氏始治史，問里則世學樓鈕氏，澹生堂祁氏，南中則千頃堂黃氏，絳雲樓錢氏，皆富於藏書，資而讀之，其學日進。考其治史之言，蓋一由於矯時弊。全祖望曾論及之

云

自明中葉以後，講學之風已爲極敝，高談性命，束書不觀，其稍平者，則爲學究，皆無根之徒耳。先生始謂學必源於經籍，而後不爲蹈虛，必證明於史籍，而後足以應務，元元本本，可依可據，前此講堂痼疾，爲之一變（兩上證人書院記）。

二由於寄其故國之思，其爲萬斯同作歷代史表序云：

嗟乎，元之亡也，危素趨報恩寺，將入井中，僧大梓云，國史非公莫知，公死，是死國之史也，素是以不死，後修元史，不聞素有一辭之贊，及明之亡，朝之任史事者衆矣，顧獨歸一草野之萬季野以留之，亦亦可慨也夫。

蓋當其時，不惟王學已屆末流，有不勝其弊之勢，必須以實學挽之，而黃氏遷居草野，聲聞甚著，時君必欲致之京師，且畀以修明史之任，意雖頗爲，而義不可出，故委其責於弟子萬斯同，斯同出而黃氏之志售矣。其曰，危素不死，而於修史無一辭之贊，已則不然，其度量不亦遠哉。黃氏又云：

自科舉之學興，史學遂廢，昔蔡京蔡卞當國，欲絕滅史學，至欲廢資治通鑑之版，然卒不能，今未有史學之禁，而讀史顧無其人，此人才所以有日下之歎也（歷代史表序）。

此蓋以治史期勉後學，而卒能繼起有人，此黃氏所以爲一代史學之開山也。黃氏所撰諸書，以明儒學案爲最，又撰宋元學案，未成，前已論之，又輯明史案二百四十四卷，明文海六百卷，皆與有明一代之史相關，史案久佚，而世傳之行朝錄，則其殘軼也。明文海收入四庫者僅四百八十二卷，所缺一百十八卷，蓋以忌諱而去之耳。自言閱明人文集二千餘家，文海與十朝國史相首尾，則其究心明史，不僅限於實錄矣。黃氏又謂讀史不多，難以證理之變化，多而不求於心，則爲俗學，故上下古今，穿貫羣言，自天官地志九流百家之教，無不精研，而尤究於歷法，於魯盤國時，作大統歷知之，又注授時回回泰西三歷（指清史稿本傳），或又以所著明兩待訪錄見推，此蓋審其政治思想，而無與於史學者也。

次於黃宗義者，則萬斯同也。斯同字季野，鄞縣人，從宗義遊，博通諸史，尤熟於明代掌故，曾以布衣參修明史，已略載於前章，卒年六十，錢大昕作萬先生傳，方苞作萬季野墓表，皆紀其學行甚詳。方苞述萬氏之言云：

史之難爲久矣，非事信而言文，其傳不顯，李朝曾蒙所譏，魏晉以後賢好事迹，並暗昧而不明，由於無選固之文是也。而在乎則事之信尤難，蓋俗之偷久矣。好惡因心，而毀譽隨之，一室之事言者三人，而其傳各異矣，況數百年之久乎。故言語可曲附而成，事迹可懸空而構，其傳而播之者，未必皆直道之行也，其聞而書之者，未必有別載之識也，非論其世知其人，而且見其表裏，則吾以爲信，而人受其枉者多矣。吾少館於某氏，其家有列朝實錄，吾默識暗誦，未嘗有一言一事之道也。長游四方，就故家長老求遺書，考聞往事，旁及郡邑志乘雜家志傳之文，靡不網羅參伍，而要以實錄爲指歸，蓋實錄者直載其事與言而無可增飾者也。因其世以考其事，張其言，平心以察之，則其人之本末可八九得矣。然言之發或有所由，事之端或有所起，而有流或有所激，則非他書不能具也。凡實錄之難詳者，吾以他書證之，他書之誣且濫者，吾以所得於實錄者裁之，雖不敢其謂可信，而是非之枉於人者蓋鮮矣。昔人於宋史已病其繁蕪，而吾所述將倍焉，非不知簡之爲貴也，吾恐後之人，務博而不知所裁，故先爲之極，使知吾所取者有可損，而所不取者，必非其事與言之真而不可益也（望溪集十二）。

此卽萬氏治史之梗概也。尋其意旨有三，一貴徵實，而不應雜好惡毀譽之見，二以實錄爲本，而於雜記短書則博觀而慎取之，三史之初稿貴詳，以免不應去而去之病，史貴徵實，劉知幾已爲之發揮盡致矣。史之初稿貴詳，亦李燾長編寧詳勿略之旨也。若夫實錄之書，蓋亦不無文飾，唐高祖太宗實錄，於玄武門之變，多所諱飾，不可盡據，夫人而知之矣。明成祖靖難之師，殺姪自立，懷有慚德，故於太祖實錄，修改至於數次。又削建文一朝之事而不書，則實錄又可爲信史乎。萬氏之意，蓋謂諸史料中以實錄爲比較可信，所錄多爲諱章奏，不煩筆削，所謂直載其事其文，無可增飾者也。實錄有未暇未備者，再慎取他書以訂補之，蓋雜記短書，

語多謬妄，最難取信，故曰：凡實錄之難詳者，吾以他書證之，他書之詳且濫者，吾以所得於實錄者裁之。近人多重野史而輕官書，而流弊至於無等，是則萬氏所論，乃兩害相權姑取其輕之意耳。萬氏又長於禮，曾助徐乾學修續禮通考，或以全祖望有乾學更請季野編成五禮之書二百餘卷之語，遂謂秦蕙田五禮通考，由攘竊萬氏之作而虛，（註一）無徵不信，厚誣先哲，愚不敢妄爲附和（參閱第八章論典禮一節），然萬氏治史之廣博，亦可於此窺見矣。

繼萬斯同而起者，則有全祖望，祖望字紹衣，學者稱謝山先生，亦鄞人也，成進士後，膺館選，已而被檮，遂不復出，以著述自娛，其所究心者，爲晚明文獻之學。初李紱見其文曰：此深寧（王應麟）東發（黃震）後一人也。在翰林時，與李紱共借永樂大典讀之，日各盡二十卷，其學問之博以此，時開明史館，祖望爲書六通移之，先論藝文，次論表，次論忠義隱逸兩傳，其表章遺獻之意，隱然可見，生平服膺黃宗義，亦深蒙萬斯同之影響，卒年五十一，所著書曰鮑琦亭集，經史問答，宋元學案，集中所載如錢忠介張蒼水諸傳，皆明末死節之士，又爲顧亭林，黃梨洲，李二曲，陸稼書，萬貞文，劉繼莊諸氏，志碑作傳，皆以表彰隱逸高蹈不仕之大節，試取全書讀之，十九皆史料也。蓋明季北都既陷，諸臣展轉南方，孤力支撐，屢仆屢起者，先後相望，惜無人爲之表彰，將有就湮之勢，全氏痛心於此，取以自任，就所聞者，泐筆記載，今日考南明史者，得以左右逢源，取用不竭，以祖望保存之力爲多。阮元稱之曰：經學史才詞料三者，得一足傳，而祖望兼之。又謂百尺樓臺，非積年功力不可。愚謂全氏之可稱者，厥惟史才，經學詞料，不過藉以潤色其史才耳。夷考其時，文網正密，以喜談明史受禍者，不知凡幾，而全氏獨夷然不顧，口詢手纂，積稿等身，殆後又得流傳，亦無人爲之評發，抑何幸也。經史問答中，論史者約百餘條，首論戰國策，餘皆史漢，後漢以下未暇爲也。全氏頗喜言史法，曾論史記實田爲一傳附灌夫固非，漢書合韓安國爲一傳尤不合。其言曰：

竇田薰蕕，相去遠甚，竇本不以外戚得封，自以七國時功，而爭梁王，爭樂太子，其大節甚著，在景帝時，當與條侯作合傳，晚節不善處進退之間，自是無學術，然安得謂之凶德，而使與田汾同傳。田汾特聖

子，無一可解，晚有交通淮南之大逆，只合黜之在外貶傳，史公生平習氣，樂道人盛衰榮枯之際，以自寫其不平，而不論史法，故以灌夫之故，強合竇田爲一傳。漢書則因韓大夫在東朝與議竇田之獄，而併牽合之，尤非也，安國祇應與鄭莊輩合傳。

又論漢書東方朔傳云：

史漢皆喜於文字見奇詭，而不論史法，漢書較史記略減，然如司馬相如東方朔傳，仍所不免，以史法論，朔之斥吾邱，歷黃假，戒侈奢，其生平大節，三者已足，何得滑稽之醜態乎，其實文字，亦不尙此穢語。

愚按用竇傳，爲史記中最生色文字，其所以生色者，即在善寫其盛衰榮枯之際，設去此一節，便覺索然寡味矣。大抵撰合傳者，不必其人人銖兩悉稱，但能以事聯綴之，彼此相關，能合而不能分，卽爲極合傳之能事。史記中諸合傳，每能貫徹此旨，後來諸史，惟歐宋所撰之新唐書，偶爾有之，如張巡許遠合傳，其事並不分敘，又能以南霽雲雷萬春事，此真善學太史公者。若阮南雷與張許不倫，豈得謂之通識哉。至論東方朔傳，亦與之同病，蓋東方朔之卓然可傳，爲人樂道而不衰者，即在託諷而諷諫，所謂託諷諫，卽以其爲滑稽之雄，本傳所述，皆以著其滑稽，雖毗於奇詭，不足爲病，而全氏以史法繩之，不亦遠乎。全氏所談史法，大抵如是，蓋全氏所著悉爲史料，不能與成家之史相提並論，就其所表著者論之，已爲吾情心折久矣，宋元學案，別著於前，故不復論。

次於全祖望，而可稱之史家，則錢王趙三氏是也。錢氏名大昕，字曉徵，一字辛楣，嘉定人也，以進士入翰林，累官至少詹事，年未五十，丁父艱，還不復出，卒年七十七。王氏名鳴盛，字鳳喈，號西莊，亦嘉定人，與錢氏同年進士及第，累官內閣學士，兼禮部侍郎，後亦因丁母艱不復出，卒年七十六。趙氏名翼，字雲松，號甌北，陽湖人也，亦進士及第，累官貴西兵備道，因案醵敘，遂乞歸，不復出，卒年八十六。三氏皆邃於史學，錢氏著二十二史考異，王氏著十七史商榷，趙氏著廿二史劄記，皆統釋諸史，逐年積累而成，歷時久而

後出者也。阮元之論錢氏曰，先生於正史雜史，無不討尋，訂千年未正之謬，校正地志，於天下古今沿革分合，無不考而明之，精通天算，三統上下，無不推而明之，於金石無不編錄，於官制史事，考核尤精，因歎以爲人所難能。蓋錢氏於正史雜史而外，兼及輿地金石典制天算，治史範圍，廣於同時諸家，故所著又有宋遼金元四朝朔閏考，潛研堂金石文字跋尾，而精意所寄，尤在十駕齋養新錄一書，可與顧炎武日知錄相伯仲，宏博不如，而精實過之。文集中所載與袁簡齋書，論唐宋官制，守判試知檢校諸稱，援引精確，分析入微，爲前人論史書中所罕見。卽如所論三史一條云，三史，謂史記漢書及東觀記也，引續漢郡國志春秋三史會同征伐一語爲證，唐以後東觀記失傳，乃以范書當三史之註，所論何等明晰。（註二）至王鳴盛十七史商榷，則論三史者凡三條。其一，亦引續漢郡國志，而謂後漢爲指陳承或華嶠書（卷三十二）。其二，則以三國志呂蒙傳注引江表傳有省三史諸家兵書之語，是時尙無謝華二氏之書，無以解之，乃謂三史似指戰國策史記漢書（卷四十二）。其三，則取前兩說而並舉之（卷九十九），是蓋忘記三國之世已有東觀漢記流傳於世也。是則錢氏所釋，爲至書不易矣。（註三）文集中又有答問十二卷（卷四至十五），中有兩卷論史，似勝於全氏之問答，如遼史地理志有頭下軍州，而元史則多用投下字，似爲部落之稱。錢氏則釋之曰：

元之投下，卽遼之頭下，遼代之投下軍州，皆諸王外戚大臣，及諸部從征俘掠，或置生口各國，集建州縣以居之，橫帳諸王國舅，公主，許親立州城，自餘不得建城郭，朝廷賜州縣額，其節度使朝廷命之，刺史以下，皆以本立部曲充之，官位九品之下，及井邑商賈之家，征稅各歸頭下，唯酒稅課納上京鹽鐵司，元時各頭下，不設節度使，自魯趙王外，亦未嘗有建立城郭者，其餘大略，與遼制同。

錢氏又據元史諸傳所載投下之目，有兩投下，三投下，四投下，五投下，七投下，十七投下諸稱，各舉證以明之，其解釋可謂審矣。愚向讀頭下投下之稱，未得其審。錢氏所釋雖審，而未及詳釋其字義，以愚考之，清代王公有圈地之制，有帶地投充之人，就所投充之丁戶，而加以編制，是爲王公之包衣奴僕，其義亦猶遼代於所俘掠生口而部勒以團集之制也。頭下之義卽就投充之丁戶加以部勒，故亦謂之投下，遼代之頭下軍州，元代之

殺下，皆在邊地，正如漢代之立屬國以處置降夷者，不過一則直屬於國家，一則撥歸諸王外戚大臣而爲之奴隸耳。就所投之丁戶，編一集團，而建州縣，設官以管理之，正與清代之王公設包衣以管理其投戶者同意，遼元清三代之制，可取互證，錢氏未及詳言，愚故從而引申之。答問之中，如此條之精潔者，甚多，不及悉舉，或多稱其考異，不知其所重者爲文字之異同，及訓釋之當否，其精言要義，多不具於此，讀者不察，遂謂錢氏史學，似未出於王趙二氏之手，此則皮相之論也。王氏史學，悉具十七史商榷一書，會稽治史，宜考典制，又謂與治經不同。其說云：

大抵史家所記典制，有得有失，讀史者不必橫生意見，臆駭議論，以明法戒也。但當考其典制之實，俾數千年建置沿革，瞭如指掌，而或宜法，或宜戒，待人之自擇焉可矣。其事蹟則有美有惡，讀史者亦不必強立文法，擅加與奪，以爲褒貶也。但當考其事蹟之實，年經事緯，部居州次，記載之異同，見聞之離合，一一條貫無疑，而若者可褒，若者可貶，聽之天下之公論焉可矣。……治史之法，與讀經小異而大同，何以言之，總以明道，而求道者，不必空執義理以求之也。但當正文字，辨音讀，釋訓詁，通傳注，則義理自見，而道在其中矣。讀史者不必以議論求法戒，而但當考其典制之實，不必以褒貶爲典制，而但當考其事蹟之實，亦猶是也，故曰同也。若夫異者則有矣，治經斷不敢駁經，而史則雖子長孟堅，苟有所失，無妨簞而砭之，此其異也。抑治經豈特不敢駁經而已。經文艱奧難通，若於古傳注，憑己意擇取融貫，猶未免於僭越，但當墨守漢人家法，定從一師，而不敢他徙，至於史，則於正文有失，尙加箴砭，何論褒駁，即古一輩乎。其應擇善而從，無庸偏徇，固不待言矣，故曰異也。要之二者雖有小異，而總歸於務求切實之意，則一也（十七史商榷自序）。

或據此序，謂商榷一書，重在典章故實是也，然細考其書，典章故實固居其大半，然亦論及版本義例，不拘一體，與錢氏考異，皆善於用析以演繹法而得之者也。至趙氏之廿二史劄記則不然，趙氏意在總貫羣史，得有折衷，自序所謂多就正史紀傳表傳，參互勘校，至古今風習之遞變，政事之履更，有關於治亂興衰之故者，亦隨

所見附著之，卽此意也。茲考其書，如論漢書多載有用之文，舊唐書舊五代史多用實錄國史，宋遼金三史初修重修之始末，皆敘次甚詳，不待他求而略具，至東漢之宦官與黨禁，六朝之清談，南北朝通好之使命，唐代宦官及節度使之禍，五代諸帝多由軍士擁立，宋代制祿之厚，冗官之多，和戰之是非，元代百官以蒙古人爲之長，明代內閣首輔之權重，及才士驕傲之習各條，皆屬一代大事，而能列舉多證，鉅細而談，以明其事之因果嬗變，尤合近代治學之方法。卽其細者，如漢多黃金，三國關張之勇，五代人多以彥字爲名，明初文字之禍，亦皆本末洞然，富有逸趣，讀其書者，乃至不忍釋手，蓋他人之治史者，喜以稗乘勝說爲證，而趙氏則以本實證本書，或以其他正史證某一史，蓋由清實以輕虛誕之法，推而出之，其識見尤高人一等，統觀全書，悉由善於用綜以歸納法而得之者。記曰屬辭比事春秋教也，趙氏可謂善於屬辭比事矣（李慈銘謂割記爲乾嘉時一老儒所作，趙氏據而有之，不知何據）。此其治史之術，又與錢王二氏不同者也。錢王二氏之書，皆以廿二史命名者，明代以舊唐舊五代不列正史，故祇有廿一史，清代增明史，則爲廿二史，趙氏割記並新唐書五代而釋之，而不稱廿四史者，其時二史未奉有列入正史之明諭也。錢氏考異，分後漢之志爲續漢，增舊唐書而無舊五代及明史，故亦爲廿二史，至王氏所釋，迄於五代而止，雖論及舊唐舊五代，亦不列於數內，稱十七史，用宋人語也，考異割記之名，無待詳釋，至王氏之書命名商榷，蓋取史通自序商榷史篇遂益益之義。又謂商榷也，權衡也，言商榷其益略也。（註四）王氏又著蛾術編，不專言史，錢氏尙有三史拾遺，諸史拾遺，附考異以行，又曾究心元史，先撰氏族藝文二志以見志，或謂劉有元史稿若干冊，著錄於日本島田翰之古文舊書考，因疑其書未亡。（註五）然錢氏未嘗一語及此何也。趙氏又著陔餘叢考，成書在割記之前，其中論史之語，再加訂正多入割記，其後臨海洪頤順亦喜治史，其讀書叢錄中，有七卷爲論史之語，專考史記兩漢，其後又續三國以下訖隋，爲諸史考異十八卷，然僅小有補苴，不逮三氏遠甚，故亦不復詳論云。

與錢王趙三氏同時，以治史有聲者，又有邵晉涵，晉涵字與桐，號二雲，餘姚人也，以進士入四庫館，任編纂，仕至翰林院侍講學士，卒年五十四，晉涵與章學誠同里，俱喜治史，故最相得，章氏亟稱其從祖廷策之史

學，廷案字含魯，著有東南紀事，西南紀事，詳於南明臣復之事，而章氏尤稱其思復堂集，以其中多載明人軼事也。全祖望嘗譏廷案之短，章氏則謂全氏通籍館閣，入覲中祕，出交名公鉅卿，聞見自宜有進，然其爲文，與思復堂集不可同日語也。全氏修辭飾句，蕪累甚多，不如思復堂集辭潔氣清，若其泛濫馳驟，不免漫衍冗長，不如思復堂集雄健謹嚴，語無枝肘，至於數人共爲一事，全氏各爲其人傳狀碑誌，敍所共之事，復見疊出，至於再四，不知古人文集，雖不如子書之篇第相承，然同在一集之中，必使前後虛實分合之間，互相趨避，乃成家法，而全氏不鑒，以視思復堂集，全書止如一篇，一篇止如一句，百十萬言，若可運於掌者，相去又不可以道里計矣。至於聞見出入，要於大體無傷，古人不甚校也。至全州之雄才博學，實過震川，而氣體不濟，不能不折服震川之正論，今全氏之才，不能遙過全州，而思復堂集高過震川數等，豈可輕非非詆，是全氏之過也（邵與桐別傳章貽選跋引章氏語）。於此可窺見廷案之史學，而全氏之短亦於此得見髮髯焉。晉書自永樂大典中，輯出舊五代史，又撰南都事略，並有志重修宋史，而易其名爲宋志，更爲畢氏校定續通鑑，前章已略及之矣。邵氏論史之語，見於章學誠之所記，其言曰，宋人門戶之習，語錄庸陋之風，誠可鄙也。然其立身制行，出於倫常日用，何可廢耶。士大夫博學工文，雄出當世，而於辭受取與出處進退之間，不能無寬食高齋之擇，本心既失，其他又何議焉，此著宋史之旨也（邵與桐別傳）章氏督促邵氏修史甚力，其言曰，足下博綜，十倍於僕，用力之勤，六十倍於僕，而聞見之擇執，博綜之要領，尚未見其一言蔽而萬緒該也。宋史之願，大車塵冥，僕亦有志，而內顧枵然，將資足下而爲之耳。足下如能自成一史，僕則當如二謝司馬諸家之後漢，王隱虞預諸家之晉書，亦備一家之學，如其未能，則願與足下共功，其中立言宗旨，不侔而合，亦較歐宋新唐必有差勝者矣（與邵二雲論學書）。其後又曰，足下宋史之願，大車塵冥，恐爲之未必遽成，就使成書，亦必足下自出一家之指，僕亦無從過而問矣。但古人云，載之空言不如見之實事，僕思自以義例，撰述一書，以明所著之非虛語，因擇諸史之所宜致功者，莫如趙宋一代之書，而體例既與馬班殊科，則於足下之所欲爲者，不嫌同工異曲（與邵二雲論修宋史書）。章氏又嘗與邵氏論宋史，謂俟君書成後，余更以意爲之，略如後漢晉

史之各自爲家，聽決擇於後人。又謂當取名數事實，先作比類長編，卷帙盈千可也。至撰集爲書，不過五十萬言，視始之百倍其書者，大義當更顯也。邵氏則曰，如予所約，吾亦不能，然亦不過參倍於君，不至驚博而失專家之體也（邵與桐別傳）。其所論者，大略具是，而二氏之宋史，卒用未潰於成，亦徒託空言而已矣。章氏爲邵氏作傳，亦略及浙東史學，其言曰，南宋以來，浙東儒者講性命者，多攻史學，歷有師承，宋明兩朝紀載，皆稿著於浙東，史館取爲裏據，其間文獻之微，所見所聞所傳聞者，容有中原耆宿不克與聞者矣。此又略明已與邵氏之史學淵源甚早，亦浙東學術一文之所由作也。

與邵晉涵同時，以目錄校讐之學擅名者，則紀昀是也。昀字曉嵐，直隸獻縣人，起家進士，入翰林，累官禮部尚書，協辦大學士，卒年八十二，生平著作甚少，其精力所萃，祇有四庫全書總目提要一書。初歷城周永年撰儒藏說，略謂明人曹學佺欲仿二氏爲儒藏，邱瓊山欲分三處以藏書，陸桴亭欲藏書於邵魯，其意皆欲爲儒藏，而未盡其說，惟分藏於天下學宮書院名山谷刹，又設爲經久之法，卽有殘缺，而彼此可以互備，釋者之書，正僞參半，美惡錯出，惟藏之有法，故歷久不替，然立藏以後，自成一派之言，初不多見，儒者則一代之內，必有數種卓然不朽之書，可以入藏，釋老之書，盛於前而衰於後，儒者則代有增益，此亦周衛吾道之一端也。又立儒藏條約曰，儒藏不可旦夕而成，先有一鑒通之法，經史子集，凡有版之書，在今日頗爲易得，若於數百里內，擇勝地名區，建義學，設義田，凡有志斯事者，或出其家藏，或捐金購買，於中以待四方能讀之人，終勝於一家之藏，卽如立書目，名曰儒藏，未定目錄，由近及遠，書目可以互相傳鈔，因以知古人之書或存或佚，如此則數十年之間，奇文秘籍，漸次流通，始也積少而爲多，繼則由半以規全，力不論其厚薄，書不論其多寡，人人可辦，處處可行，（註六）是則周氏所論，正爲現制之圖書館，化私人藏書爲公有，可以使人閱覽，向日學者歛求書之難者，今日則視爲故常矣。惟其所謂儒藏，卽用叢書之法，有叢書者之遺，而爲一編，略如明代之永樂大典，而清代之四庫全書，亦繼此而起者也。自周氏有此論，至乾隆三十七年，安徽學政朱筠乃有奏請開館校書之議。其言計分四項：一，舊本鈔本應急搜，二，中祕書籍當標舉現有者以補其餘，三，尋錄校讐

當並重，四，金石圖譜在所必錄。清廷遂據此議，以設立四庫全書館，然其初不過先就永樂大典從事校核，凡外間所無及流行不甚廣者，悉爲簽出發鈔而配。後乃內外所有各書，悉加網羅，分爲經史子集四部，每校一書，卽爲撰一提要，簽於書端，蓋用劉向總錄羣書條而奏之之法，後乃參考諸書之提要，以爲四庫全書總目，所謂分之則散異諸編，合之則共爲總目是也。時任總纂者，爲紀氏與陸錫熊，分纂官則有多人，故各書提要之初稿，出於各分纂官所撰，而送總纂爲之核定焉。昔曾稽李慈銘謂，四庫總目雖紀陸二氏總其成，然經部屬之戴東原，史部屬之邵南江，子部屬之周書昌（永年），皆各纂所長，紀氏名雖博覽，而於經史之學則實疏，集部尤非當家（越縕堂日記）。此語殊不盡然，茲考聚珍版，戴氏所撰提要，儀禮大戴禮方言等書，固屬經部矣，然如本經注則屬於史，項氏家說及算經諸書則屬於子，是戴氏未嘗專立經部也。再考邵氏四庫全書分纂稿，凡正史各提要，邵氏所撰，固居其大部矣，然其中尚有四種屬於經，一種屬於子，四種屬於集，而聚珍版之融堂書解提要，亦爲邵氏所撰，是邵氏亦不專主史部也。又聚珍版之老子道德注，屬於子部，其提要固爲周氏所撰，而公是彭城泮溪諸集，屬於集部之提要，亦出周氏之手，是周氏亦不專主子部也。且紀氏專主集部，更無明證，且職居總纂，無所不暇，詎能專任一部以自隘乎。蓋當日分纂諸氏，各就所長，分任其事，則有之矣，而提要各稿，但經紀氏筆削增竄，有大異其原來面目者，試取邵氏分纂稿與提要，加以衡較，則知邵氏原稿，多經紀氏修改，且有十無一存者矣。考提要有原本提要（亦稱書前提要）與總目提要之分，原本提要，冠於四庫各書卷首者也。總目提要，舊本別爲一編者也。兩種提要，異同亦復甚多，或謂原本提要出之各分纂官，總目提要則爲紀氏所修改，此亦非也，茲取邵氏分纂稿一一對校，微特與總目提要相去甚遠，卽與原本提要合者亦甚少，蓋書前提要已於進呈時經紀氏一度之修改，迨其後齊爲一書，又復再度修改，多所增益，大抵總目提要往往較原本提要爲精核，蓋經融會貫通悉心釐正故也。提要出於紀氏之筆削，實有多證，朱珪爲紀氏撰墓志銘云，公館書局，筆削考核，一手刪定，爲全書總目，輿然巨觀。其終紀氏文亦云，生入玉闕，總持四庫，萬卷提綱，一手編注。又阮元序紀氏文集亦云，高宗命輯四庫全書，公總其成，凡六經傳注之得失，諸史

記載之異同，子集之支分派別，固不挾奧提綱，溯源徵委，所撰定總目提要，多至萬餘種，蓋與紀氏同時，又爲修書時總閱官之一，元亦及見紀氏，皆以提要爲紀氏一手測定，所言當不謬也。不惟朱阮二氏言之如此，卽紀氏文集筆記中亦時時自言之，茲不悉舉。總目提要之各部，有總序，每部各類之前有小序，後有案語，爲原本提要所無，皆紀氏蓋筆爲總目時所撰，與各分纂無與者也。又高宗嘗命紀氏撰簡明目錄，以便檢閱，每書皆紀卷數撰人，並略敘其書之梗概，爲書二十卷，見於高宗題文津閣詩之自注（乾隆御製詩五集卷六十七），此又未嘗假手他人者，紀氏一生，除文集筆記外，其他著述甚少，蓋精力已盡於此書矣。四庫著錄之書，凡三千四百七十種，七萬九千十八卷，存目之書，凡六千八百十九種，九萬四千三十四卷，而吾儕所尤應重視者，乃在存目，蓋著錄之書，今尙易求，存目之書，則不可盡見，依存目提要而求此書，不難得其大略，且往往於無意中獲之，此又紀氏立例之善也。同時章學誠著校讎通義，以明向歆部次羣籍之法，然徒託空言，未能見之實事，惟紀氏於著錄校讎二者，以畢生之力從事於此，所著總目提要，實兼七略別錄而有之，詎非向歆以來之所僅見者乎。雖其書尙多漏誤，近已有人爲之校補，（註七）但其大體精善，可議甚少。總之校讎之學，爲史家之支與流裔，尤爲治史者所不可廢，近代擅此業者，紀氏而外，殊罕其儔，愚故取而述之，或以紀氏喜詆宋儒，尊揚漢學，目之爲經學家，（註八）則失其實矣。（註九）

有清中葉，有異軍特起，自樹一幟之史家，與紀昀同起於北方者，是爲崔述，述字武承，一號東壁，大名人也，乾隆舉人，官知縣，嘉慶二十一年卒，年七十七。其學始於治經，以懷疑，辨僞，考信三者爲主旨，其所考辨之對象，則爲堯舜禹湯文武周公孔孟，其意在尊經，而屏戰國秦漢以後之雜說，非惟史記孔子世家，以其出於漢人，多不之信，卽禮記之檀弓，亦以爲出於漢儒所造，又以論語中公山弗擾及佛肸二章，爲漢人張禹所更定，尋其所考辨者，名爲治經，實爲研治中國之古史，特自秦漢以後，爲羣經所不具者，則略而不言耳。崔氏所著之書，曰考信錄，而釋其作書之旨於提要略云：

余年三十，始知究心六經，覺傳記所載，與注疏所釋，往往與經互異，然猶未敢決其是非，乃取經文，

而輯之，比而終之，久之而後曉然，知傳記注疏之失，顧前人罕有言及之者，屢欲茹之而不能茹，不得已乃爲此錄以辨明之。

又釋其書之例云：

(一)唐虞三代之事，見於經者，皆醇粹無可議，至於戰國秦漢以後所述，則多難以權術詐謀之習，與聖人不和類，故考信錄但取信於經，而不敢以戰國魏晉以來度聖人者，遂據之爲實也。(二)今爲考信錄，於殷周以前事，但以詩書爲據，而不敢以秦漢之書，遂爲實錄。(三)余爲考信漢晉諸儒之說，必爲考其原本，辨其是非，非敢詆駁先儒，正欲平心以求一是。(四)今爲考信錄，不敢以東漢魏晉諸儒之所注釋，悉信以爲實言，務皆究其本末，辨其同異，分別其事之虛實，而去取之，雖不爲古人之書諱其誤，亦不爲古人之書增其誤。(五)今爲考信錄，凡無從考證者，輒以不知置之，寧缺所疑，不敢立言以惑世。(六)今爲考信錄，寧缺毋濫，卽無所言，亦僅列之備覽，寧使古人有遺美，而不肯使古人受誣於後世。(七)大抵文人學士，多好議論古人得失，而不考其事之虛實，余獨謂虛實明而後得失或可不爽，故今爲考信錄，專以辨其虛實爲先務，而論其得失者次之。

尋崔氏之意，蓋欲以經論經，亦猶趙翼之欲以正史證正史，此固治經史者，所必遵之程也。雖然，崔氏之治經，不以明音訓究名物爲事，與專門治經者異趣，崔氏蓋視六經如史，而考辨古代某事之爲真爲僞，不特史應懷疑，卽經亦何嘗不應懷疑。惟崔氏胸中，橫亘一但取信於經之見，而戰國以下之書，皆以爲不可盡信，是則先立主觀，不免自有所蔽，亦爲未達一間者也。近人錢穆嘗論及崔氏之失云：

崔氏之於古史，有信之太深者，亦有疑之太勇者，崔氏因不信文丁殺季歷，文王囚美里，而遂謂周之立國與商無涉。又謂今日修貢，明日擾邊，弱則受封，強則爲寇，曾謂聖人而有是，彼不知三代之與涉唐，固不如天壤之懸絕，百家之與經傳，亦非卽是非之分限，以曾謂聖人而有是之見治史，此所以終不免於信之深而疑之勇也。……崔氏深信經傳，常以曾謂聖人而有是之見遇之，此我所謂信古太深也。而結果

所至，遂不得不並經傳而疑之，此我所謂其疑古太勇也（崔東壁遺書序）。

錢氏所論，誠得其平，治史之術，以求是爲歸，於其可信者信之，信古太深，不可也，於其可疑者疑之，疑古太勇，亦不可也。惟往昔之治史者，多失之信古太過，不啻爲古人之輿盧，獨崔氏能出其所疑，以與世人共見，求之往代，惟漢之王充，唐之劉知幾，有此氣概，王充非究心於史者，可置弗論，崔氏曾稱，知幾於秦漢之書，紀春秋之事，考之詳而辨之精，而猶以其疑經之作爲非（考信錄提要），是以己爲疑所當疑，而知幾爲疑所不當疑矣。不悟二氏皆以懷疑辨僞考信，爲史學之名家，知幾之見稱於世久矣，崔氏卒後近二百年，而始有人稱之，信顯晦之有時，抑猶其人而後興耶。崔氏所著之書，曰考信錄提要二卷，唐虞考信錄二卷，曰夏考信錄商考信錄各四卷，曰豐鎬考信錄八卷，曰洙泗考信錄四卷，是爲正錄二十卷，曰考信錄提要二卷，曰補上古考信錄二卷，是爲前錄四卷。曰豐鎬別錄三卷，洙泗餘錄三卷，孟子事實錄二卷，續說二卷，附錄二卷，是爲後錄十二卷。統稱爲考信錄凡三十六卷，補上古考信錄，辨唐虞以前之史事，既已無經可證，頗能疑所當疑，亦以無取信於經之見，爲之桎梏也。自言始功於四十以後，至七十成書，復加增改，又五年而始定，前後四十餘年，蓋畢生精力之所萃矣。又合以雜著若干種，凡八十八卷，自署爲薄皮藹，薄皮藹者，大名之方言也，蓋藹有強弱，故其藹亦有厚薄，以喻其爲舉人而官知縣，樹立甚淺，如藹之薄皮也。其書初爲其弟子陳炯和刊行，後又收入畿輔叢書，然於雜著未能全刊，近頃顧頤剛又獲崔氏之知非集，跋田贖筆，及其夫人之二餘集，其弟其妹之稿，彙刊爲東壁遺書，於是新學後生，幾無人不知有崔氏矣。

北方之史家，繼崔述而興者，又有徐松，松字星伯，大興人也，嘉慶十年，以進士入翰林，十四年任奎唐文館提調兼總纂，於是將舊貯翰林院之永樂大典，移存館內，以供采擷，松於其時，得由其中輯出宋會要，至五百卷之多，可謂富矣。初俞正燮頗留意及此，所撰宋會要輯本跋，謂其書元時已亡，繼謂明時猶存，乃從類書訛部，鈎稽輯成五卷，蓋正燮未窺中祕，不知宋會要已收入大典，故勤勤於此舉也。徐氏不僅自大典輯出會要，又得宋中興禮書及河南志二種，同時李兆洛與之書云，會要一書，自當鈎稽異同，拾遺補墜，使本末燦陳，爲

故宋一代考證淵藪，若草草購錄，復何與於存亡之數，執事敏於識而練於古，豈此不辭者數年，自當綱目詳備，宏富絕特，卓冠流路，爲宇宙留此奇籍，幸無復以欲速致悔也（是齋文集十八）。嚴鐵橋亦與之書云，足下在全唐文館，從大典中寫出宋會要，此天壤間絕無僅有者，及今開眼，依玉海所載宋會要體例，理而董之，存宋四百年典章，肆力勞年，輒可竣事，而來書言苦無助悲爲力者，助得附名，非有議敘，廢時避賢，難必其人，異日或蒙恩大用，無暇及此矣，時哉不可失，蓋早圖之（雲橋漫稿三）。合兩書觀之，一則勉其無以欲速致悔，一則勸其盡早圖之，主張雖有不同，皆切望此書成爲完帙。龔自珍別徐氏詩，亦曰，雲河變改學溪死，此座今時定屬公，卽謂北方學者自朱筠爲方綱後，繼起者惟徐氏一人，其語誠爲不誣。然愚習徐氏史學之貢獻與其努力，實爲最大，不惟宋會要一書而已，如所撰西域水道記，漢書西域傳補注，新輯西域志集釋，皆極精博，又有唐兩京城坊考，唐登科記考，乃自羣籍中多方搜求，排比聯綴以爲一書，讀者不勝其多，亦宋會要之亞，蓋徐氏之長在輯逸聞幽，詳人之所略，爲人之不能爲，近代學者，自應據厥文而補其遺，外，殊罕見其匹也。徐氏後官湖南學政，坐事戍伊犁。出關之後，潛開方小冊，隨所至圖其山川曲折，而西域水道記，漢書西域傳補注，皆成於此時，徐氏以水道記擬水經，復自爲釋，以比道元之注，又以新疆入版圖數十年，而未有專書，乃纂述成編，於建置控扼錢糧兵籍，言之尤詳。將軍松筠奏進其書，仁宗嘉賜名新疆事略，因以敕還，道光中起內閣中書，累補御史，出知榆林府，卒年六十八。清代自嘉道以後，學人多究心西北地理，其初僅以新疆伊犁爲範圍，繼則擴及蒙古全部，前後移其重心於元史，不惟亞洲西部北部，在所究心，卽歐洲東部，亦在研究範圍之內，精於此者，有郝昶士，初在史館撰蒙古王公表，凡閱八年，成書一百二十卷，後以事謫戍伊犁，則於謫地成西域總統事略十二卷，西域釋地一卷，又成藩部要略十六卷，西陲要略一卷，其云西陲者，則新疆也，其云藩部者，則蒙古諸部也。其後徐氏遂據昶士之總統事略，以成其新疆事略，其繼起者，更有張穆何秋濤，以治邊疆地理得名，實則吾國之地理學家，皆不以人文地理爲基礎，其所重者，悉在沿革史蹟，蓋以治史之方法以治地理，可名之曰地理沿革史，亦爲邊疆史之一部，故一轉移間，卽變爲以

蒙古爲中心之元史，此其因革嬗變之迹，不可不知者也。

茲再進而敘述張穆何秋濤之史學，穆字石洲，平定州人，亦北方之學者也。道光中優貢生，善屬文，歙縣程恩澤見之，驚曰，東京崔蔡之匹也。秋濤，字願船，光澤人，道光進士，官主事，擢員外郎，穆所著之書，曰蒙古游牧記十六卷，以內外蒙古各盟之旗爲單位，用史志體，而自爲之注，考證古今輿地及山川城鎮之沿革，悉能殫見洽聞，究明本末，與邱鶴士要略用編年體者，可以相埒。惟屬稿未竟而卒，秋濤爲續成之，穆又撰鄧廷昌地形志，蓋以魏書原志，分併建革，一以天平，元象，興和，武定爲限，純乎東魏之志，其雍秦諸州地入西魏者，遂挽失諸駁不可讀，乃更事排纂，爲之補正，僅成十二卷，而其書則未見傳本。秋濤所著書曰北徼彙編八十卷，首以聖訓欽定書十二，繼以聖武經略六，考二十四，傳六，紀事始末二，記二，考訂諸書十五，辨正諸事五，表七，附以圖說一卷，終焉。李鴻章序其書曰：

秋濤究心時務，博極羣書，以爲俄羅斯東環中土，西接泰西諸邦，著錄之家雖專纂輯，未有專書，秋濤始爲彙編，繼加詳訂，本欽定之書及正史爲據，旁采圖理深陳倫炳方式濟張鵬翮趙翼松筠，以及近人俞正燮張穆魏源姚瑩之徒，與外國人艾儒略南懷仁雅裨理之所論述，並上海廣州洋人所刊諸書，訂其舛謬，去其荒謬，上溯聖武之昭垂，下及窩集之要害，爲考，爲傳，爲紀事，爲辨正，自漢晉隋唐迄於明季，又自康熙乾隆迄於道光，代爲之圖，各爲之說，凡八十卷。文宗垂覽其書，賜名朔方備乘，進呈之後，書旋散亡，吏部侍郎黃宗漢因取副本，擬更繕進，復燬於火，秋濤之子芳林，奉其殘稿來謁，篇帙不完，塗乙幾徧，鴻章爰屬編修黃彭年，與儀輔志局諸人，爲之補綴排類，復還舊觀，圖說刊成，全書次第，亦付剞劂。

據此則是書亡失兩次，終以殘稿尚在，又得整理復舊，甚矣著書之不易也。至北徼彙編爲其初名，今稱朔方備乘，則用文宗之賜名耳。張何二氏之書，皆以探究西北地理爲主，而一以蒙古爲範圍，則內蒙古之哲里木盟十旗，烏昭達斡之喀喇沁翁牛特索曼等旗，皆在今東北邊疆之內，一以北徼與俄羅斯關聯者爲範圍。敘及東海索

倫諸部，北徼界碑，庫葉附近諸島，民維諸水，民維窩維，並遼金元北徼諸國，則於西北地理之外，並包及東北矣。因此之故，引起學者研究東北邊疆之興味，而從事考訂探討者，大有人在，特不如研究西北地理者之材料富而收穫豐耳。

與張何二人同時者，則有魏源，其後於魏源者，則有洪鈞，屠寄，柯紹忞，皆以精研元史擅名，此就西北地理推而衍之，以轉其重心於元代者也。初邵遠平，繼其父經邦之志，以撰元史新編，錢大昕繼之，欲改造元史而未成，然其緒則已啓矣。源字默深，邵陽人，道光進士，官知縣卒，究心史學，成聖武記海國圖志元史新編諸書。鈞字文卿，吳縣人，同治狀元，以待郎出使英法俄德諸國，在歐洲時，搜得拉施特多桑等所撰之蒙古史，因之成元史譯文證補一書。寄字敬山，武進人，光緒進士，曾客黑龍江，修志，撰黑龍江輿圖及圖說，至爲精核，後乃萃其精力以修蒙兀兒史記，隨撰隨刻，卒時雖未成書，已得十之七八矣。紹忞字鳳蓀，膠縣人，光緒進士，曾與修畿輔通志，晚年撰新元史，以集清代治元史者之成。其時又有順德李文田，著元祕史注十五卷，雖未精核，考證頗詳。秀水高寶銓又撰元祕史李注補正十五卷，其勤與李氏相埒。寶銓又有元史疏證，附元史通考若干卷，稿本數十巨冊，近年始自其家散出，朱先生希祖曾見其首冊，欲購而先爲他人所得，如能爲之刊傳，亦盛德事也。凡關於改修元史者，前已約略述之，惟諸氏之致力元史者，皆不解西文，魏氏之世，史料未多，李高二氏悉因中國故籍以爲校注，固無論矣，洪屠柯三氏，則皆假譯人之助，供其編纂，屠氏並究心於蒙文，又曾取材於東籍，校其成績，自勝往昔，以視近賢，又有不逮，蓋於西北地理，雖已擇究盡致，而蒙古史料之濬發，尙有待於後來之學者，若謂屠柯諸氏已爲登峯造極，則非篤論也。茲更進而略述專治東北地理之史家，以應所知，不下十餘人，取其著者述之，初宋人洪皓使金被留，撰松漠紀聞，紀載在金之見聞，時金都於上京會寧府，即今吉林阿城縣南五里之白城，唐封契丹首領爲松漠府都督，其地在今熱河省遼河上游，洪氏取以包舉東北全輿，蓋舉其大略言之也。金人王寂官遼東提刑，著遼東行部志關江行部志二書，皆於行部時，紀其見聞，與洪氏之書相埒，書久不傳，清開四庫全書館，自永樂大典輯出，而未著錄於四庫，亦不見其

名於存目，後遼東行部志輯本，展轉入繆荃孫手，收入所刊藕香零拾中，得以行世。至鴨江行部志輯本，則轉入盛昱之手，盛氏歿後，遺書散出，爲朱先生希祖所購得，爲撰成考證一篇，而原本迄未付刊。愚取朱氏考證，附於遼東行部志，收入遼東叢書第八集刊行之，此前代治東北地理之史家也。清初，山陰楊賓爲省其父出關，至寧古塔，紀其見聞，爲柳邊紀略一書，柳邊以清代插柳爲邊得名，寧古塔適在柳邊之外，楊氏取以概舉東北，亦猶洪氏之以松漠名書也。其後則吳兆騫之子振臣，撰寧古塔紀略，撫舉見聞，然非紀略之比，方式濟撰龍沙紀略，徐宗亮撰黑龍江述略，薩英額撰吉林外紀，西清撰黑龍江外紀，皆爲紀載東北地理之書。如楊吳方三氏，皆爲流人，或其子孫，以內地人爲客觀之紀載，大抵視東北如夷狄化外，隨筆紀載，未能爲精密之探討，猶有待於後來之闡發也。清季有曹廷杰，實爲後起之勁，廷杰字彝卿，技江人，官至吉林勸業道，所著之書有三種，曰東三省輿地圖說，曰東北邊防紀要，曰西伯利東偏紀要。初曹氏以知縣需次吉林，光緒甲申，奉將軍希元命，考查吉江兩省與俄交界，凡七閱月，歷二萬里，歸來撰簡明圖說，隨文進呈，即東三省輿地圖說也。愚向聞吉林李靜生藏曹氏所繪原圖一幀，急往假之，欲爲印行，乃以失去不能得，邊防東偏兩紀要，亦勘中俄交界時所撰，蓋爲輿地圖說之餘稿。茲考其中所載，如謂遼金之韓州，即今八面城，金之黃龍府，即今農安，上京會寧府，即今阿城縣之白城，渤海之率賓府，即今綏芬河，金之五國城，在今依蘭以下，皆屬確實不易，蓋由身履其地，多方考定，於伏處一室專取證書卷者，不可同日而語，信哉其能極考古之能事也。前乎曹氏者，有楊同桂，通州人，光緒中官長春府知府，與修吉林通志，初著藩故二卷，繼同孫宗翰撰盛京疆域考六卷，頗能提要鉤玄，詳人所略，亦柳邊紀略之亞。近人武進孟森，乃不爲東北地理所囿，進而蒐集清初史料，所獲甚豐，是蓋受日本學者之影響，於楊曹諸氏之外，別開一途，所著諸書，已述於前。又有丁謙字益甫，仁和人也，所著書曰蓬萊軒地理學叢書，後經浙江圖書館刊刻，遂易名爲浙江圖書館叢書。書凡二集，第一集共十七種，三十五卷，皆爲自漢訖明各史外傳傳考證，第二集共十三種，三十四卷，於元秘史皇武親征錄經世大典圖之外，又取法顯玄奘耶律楚材李志常劉郁之書，一一爲之考證。第二集多屬元史之範圍，故著意於

西北地理，然第一集所考，四裔具備，又非一技所能限。象由陳先生漢章，嘗稱其從魏志裴洪中得取魚鱗而收傳，從天下郡國利病書刺取張耀卿紀行，并爲諸家所未詳。蓋丁氏著書不惟能博覽舊籍，亦時時取材於外籍，讀破萬卷，而後下以己意，雖其中考證間有未當，又值今日輪軌交通，其誤益復昭然，究爲近世有數之地理學家，不可遺而不數者也。

清初因私修明史，而數興文字獄，其中受禍最酷之史家有二，一則吳炎，一則潘耒也。炎字赤溟，耒字力田，皆吳江人，耒章之弟耒，嘗稱吳潘二氏發願私修明史，先撰長編，聚一代之典章而劃分，或以事類，或以人類，條分件繫，彙羣言而駢列之，異同自出，參伍錯綜，歸於至當，然後筆之於書（松陵文獻序）。又稱潘氏博極羣書，長於考訂，謂著書之法，莫善於司馬溫公，其爲通鑑也，先成長編，別著考異，故少舛舛，於是博訪有明一代之書，以實錄爲綱領，若志乘，若文集，若家傳，凡有關史事者，一切抄撮舊本，以類相從，稽其異同，核其虛實，去取出入，皆有明徵，不徇單辭，不逞臆見，信以傳信，疑以傳疑（國史考異序）。據此則蒐集之富，致力之深，當於萬氏史稿相伯仲，蓋以垂成而毀，良可惜矣。同時顧炎武常以己所藏書，假於吳潘二氏，資其修史，其後二氏受禍，而顧氏之書，亦隨以俱亡。當二氏修史未成之時，又有烏程莊廷瑞，徙明人朱國禎之明史稿本，（註一〇）他人重加修輯，並補入崇禎兩朝事蹟，署以己名刊之，名曰明史輯略。卷首所列參校諸氏，多爲一時名宿，而吳潘二氏亦列名其中，未幾去任歸安知縣吳之榮，初以索詐不遂，有怨於廷瑞，以其初刊本上之於朝，遂獲大獄。時廷瑞已卒，戮及其弟其子，凡列名參校者，多罹極刑，吳潘二氏與焉，以誅死者，七十餘人，世所稱南溟史獄是也。潘氏撰國史考異三卷，今存六卷，曾收入四庫，後以引用錢謙益辨證，被撤出，今尚有傳本（列入功順堂叢書），而清臣所撰之提要，近年復自故宮檢出，稱其引據賅洽，辨析詳明，所考止洪武永樂兩朝，蓋所見非全帙也。（註一一）又著松陵文獻，潘氏之史學可於此二書窺之，莊氏之書，今有殘本二冊，署曰明史鈔略（列入四部叢刊三編），凡存神宗本紀三卷，光宗本紀一卷，熹宗本紀二卷，李成梁戚繼光等列傳一卷，釋教列傳一卷，李賊兩傳，傳論皆始以莊鑄曰三，文中涉及清室，並無勸誘語，

惟偶見建夷夷氣夷寇等字，此慘禍之所由生也。列名參校者，又有海軍查繼佐，以先首告，謂廷鑑其名列之參校中，又得吳六奇力爲奏辨，得免禍。繼佐字伊璜，號東山，明季舉人，國變後易姓名爲左尹，字非人，蓋隱用其名字也。繼伊亦自撰明書，後以莊氏獄起，乃易名罪惟錄，取孔子罪我者其惟春秋乎之義也。書凡百餘卷，今存本紀二十二，志二十七，列傳三十五，惟無表耳。南明四王皆入本紀，其事略具首尾，視傅維麟之明書爲勝，稿本爲海寧張宗祥所藏，今已景印本行世矣（四部叢刊三編）。查氏有東山國語，所紀皆明亡殉國諸氏傳略，亦罪惟錄之附庸也。莊氏史獄之後，又有戴名世及陳生柟之獄，名世所著南山集，多采錄方孝標漢黔紀聞。又致余生書，稱明季三王年號，如宋末之二王，爲撰史者所不可廢，以此爲都御史趙申喬所糾，因以論死，然名世固未嘗自撰一史也。生柟官工部主事，因案革職，發往軍前效力，旋著通鑑論十七篇，論及封建建儲，爲清世宗所惡，亦論死，生柟以論史獲罪，尤非廷瓏名世之比，戴陸二氏，又以論史而鍛鍊以成其罪者也。清代於康熙乾之世，文網頗密，受禍日有所聞，乾隆間，御史曹一士曾請寬比附妖言之獄，兼禁挾仇誣告詩文，以息惡習。其扼要之語云：

此年以來，小人不識兩朝所以誅殛大憝之故，往往挾睚眦之怨，借影響之詞，攻訐詩書，指摘字句，有司見事生風，多方窮鞠，或致波累師生，株連親故，破家亡國，甚可憫也。臣愚以井田封建，不過迂儒之常談，不可以爲生今反古，述懷詠史，不過詞人之習態，不可以爲援古刺今，即有序跋偶違紀年，亦或草莽一時失檢，非必果懷悖逆，敢於明布篇章，使以此類，悉皆比附妖言，罪當不赦，將使天下告訐不休，士子以文爲戒，殊非國家義以正法仁以包藏之意。請敕下直省大吏，查從前有無此等獄案，現在不準赦原者，條例上請，以俟明旨欽定，嗣後凡自舉首文字者，苟無明確蹤跡，以所告本人之罪，依律反坐，以爲挾仇誣告者戒，庶文字之累可闕，告訐之風可息矣。

此請雖未見何明令，然此後告訐之風稍息，文字之獄日殺，未始非曹氏推言其敝煽動人之效。（註一二）清代文字之獄，於近代史學之發展，予一極大之挫阻，足以影響一世學者之趨向，故愚略述其概，亦本書重要之一葉。

也。

近代史家，足稱爲殿軍者，其海寧王國維乎。國維字靜安，號觀堂，蚤依上虞羅振玉，資其力以游學於日本，後又挈家隨振玉居日本京都，初治歐文，及西洋哲學文學美術，及居東，改治清儒戴震程瑤田錢大昕段玉裁及王念孫引之父子之樸學，兼治古文字，古器物，與法國沙畹，伯希和，日本內藤虎，狩野重信，藤田豐八諸治漢學之士，相與論學，所造益深遠。久之返滬上，爲歐人哈同主編學報，并刊廣倉學藝叢書，又至北京清華學校，主講國學，民國十六年四月，自沈於頤和園之昆明湖，聞者莫不惜之。王氏所著書，曰觀堂集林，內分藝林八卷，史林十卷，經林二卷，王氏所自定，烏程蔣汝藻，爲之校刊於民國十二年，及王氏卒後，振玉重訂爲二十四卷，史林增爲十四卷，餘則仍舊。又有別集三卷，外集四卷，譯稿一卷。又有今本竹書紀年疏證，古本竹書紀年輯校，聖武親征錄校注，西遊記注，叢書備考，黑龍事略兩箋證（此四書合稱蒙古史料四種），宋元戲曲考，及其他雜著，合爲遺書三集，集中所載，十九皆考史之作也。又振玉所輯殷虛貞卜文字考，殷虛書契考釋，及待問編，流沙墜簡諸書，胥由王氏爲之助，爲甲骨文之淵海，此最近學術界之新發見，而大有助於研史者也。王氏論學之旨趣，具於所撰國學叢刊序，其略云：

今之言學者，有辭舊之爭，有中西之爭，有有用之學與無用之學之爭，余正告天下曰，學無新舊也，無中西也，無有用無用者，凡立此名者，均不學之徒，即學焉而未嘗知學者也。

學有三大類，曰科學也，史學也，文學也。凡記述事物，而求其原因定其理法者，謂之科學。求事物變遷之跡，而明其因果者，謂之史學。至出入二者間，而兼有玩物適情之效者，謂之文學。然各科學有各科學之沿革，而史學又有史學之科學（如劉知幾史通之類）。若夫文學則有文學之學焉（如文心雕龍之類），有文學之史焉（如各史文苑傳），而科學史學之傑作，亦即文學之傑作，故三者非截然有疆界，而學術之蕃變，書籍之浩瀚，得以此三者括之焉。凡事物必求其真，而道理必求其是，此科學之所有事也。而欲求知識之真，與道理之是者，不可不知事物道理之所以存在之由，與其變遷之故，此史學之所有事也。若夫

知識道理之不能表以議論，而但可以表情態者，與夫不能求諸實地，而但可求諸想像者，此則文學之所有事。古今東西之爲學，均不能出此三者，惟承學之士，資力有偏頗，歲月有涯涘，故不能不主此學，而從彼學，然爲一學，不無有待於一切他學，亦無不有造於一切他學，故是丹而非素，主入而奴出，昔之學者或有之，今之真知學真爲學者，可信其無是也。

何以言學無新舊也，夫天下之事物，自科學上觀之，與自史學上觀之，其立論各不同，自科學上觀之，則事物必盡其真，而道理必求其是，凡吾智之不能通，而吾心之所不能安者，雖聖賢言之有所不信焉，雖聖賢行之有所不據焉，何則，聖賢所以別真僞也，真僞非由聖賢出也，所以明是非也，是非非由聖賢主也。自史學上觀之，則不獨事理之真與是者，足資研究而已，即今日所視爲不真之學說，不是之制度風俗，必有所成立之由，與其所以適於一時之故，其因存於遠古，而其果及於方來，故材料之足資參考者，雖至纖悉，不敢棄焉。故物理學之歷史，謬說居其半焉，哲學家之歷史，空想居其半焉，制度風俗之歷史，弁髦居其半焉，而史學家弗棄也，此二學之異也。然治科學者，必有待於史學上之材料，而治史學者，亦不可無科學上之知識，今之君子，非一切蔑古，卽一切倚古，蔑古者，出於科學上之見地，而不知有史學，尙古者出於史學上之見地，而不知有科學，卽爲購倖之說者，亦未能知取舍之所以然，此所以有古今新舊之說也。

何以言學無中西也，世界範圍，不出科學史學文學，故中國之學，西國類皆有之，西國之學，我國亦類皆有之，所異者廣狹疏密耳。卽從俗說而姑存中學西學之名，則夫虛西學之盛之妨中學，與虛中學之盛之妨西學者，均不根之說也。余謂中西二學，盛則俱盛，衰則俱衰，風氣既開，互相推助，且居今日之世，講今日之學，未有西學不興而中學能興者，亦未有中學不興而西學能興者，特余所謂中學，非世之君子所謂中學，所謂西學，非今日學校所授之西學而已。治毛詩爾雅，不能不通天文博物諸學，而治博物學者，苟嘗以詩經草木之名狀，而不知焉，則於此學固未爲善，必由西人之推算日食，證梁虞夏唐一行之說，以明

竹書紀年之非僞，由大衍西域記，以發見淨迦之文墓，斯爲得矣。故一學既興，他學自從之，此由學問之事本無中西，彼總總焉慮二者之不能並立，真不知世間有學問事者矣。

顧新舊中西之事，世之通人，率知其不然，惟有用無用之論，比前二說爲有力，余謂凡學皆無用也，皆有用也，歐洲近世農工商業之進步，固由於物理化學之興，然物理化學高深普徧之部，與蒸汽電信有何關係乎。動植物之學，所關於樹畜畜牧者幾何，天文之學所關於航海授時者幾何，心理社會之學其得應用於政治教育者亦尠，以科學而猶若是，而況於史學文學乎。然自他面言之，則一切藝術，悉由一切學問出，古人所謂不學無術，非虛語也。夫天下之事物，非由全不足以知曲，非致曲不足以知全，雖一物之解釋，一事之決斷，非深知宇宙人生之真相者，不能爲也。而欲知宇宙人生者，雖宇宙中之一現象，歷史上之一事實，亦未始無所貢獻，故深湛出渺之思，學者有所不避焉，迂遠繁瑣之職，學者有所不辭焉，事物無大小，無遠近，苟思之得其真，紀之得其實，極其會歸，皆有裨於人類之生存福祉，已不覺其緒，他人當能竟之，今不獲其用，後世當能用之，此非苟且玩愒之徒所與知也。學問之所以爲古今中西所崇敬者，實由於此，世之君子可謂知有用之用，而不知無用之用矣。

以上三說，其理至淺，其事至明，此在他國所不必言，而世之君子猶或疑之，不意至今日而使余爲此曉曉也。

觀上所論，可以窺見王氏論學之旨趣，蓋欲合新舊中西有用無用於一爐而冶之，其以史學與科學文學鼎足而三，卽以史家之識解，而重視其史學地位之意也。大抵吾國之舊學，多側重於文史，故科學不甚發達，自輪軌棊通，西學輸入，外人挾其富強之勢，戰勝之威，以科學之發達進步，雄於一世，而國人亦自視儼然，以爲不及，不悟吾國本自有其科學，而外人亦非不通文史之學，三者實相濟而非相妨，而史學尤別於文學以外，而自有其獨立之價值，故科學上以爲無用，而史家往往寶之，又借助於文學之技術，以助長其史學之功用，故合科學文學，而不能成其爲史學，以史家之識解言之，無論新舊中西有用無用，而各有其相當之價值，而尤爲史家

所重視，此王氏之論所由生也。故王氏非科學家，亦非文學家，而實爲史家，凡所著論，悉基於史學，而以求事物變遷之跡，明其因果爲務者也。王氏又精於聲音文字之學，以治古史，並能推治史之法以治經，近代史家喜治元史，王氏校注蒙古史料四種，其精闢處往往突過前人，亦兼治遼金二史，多所考釋，蓋於西北東北史地之學，並能兼綜不遺，故吾以近代史家殿軍稱之也。不特此也，其因甲骨文文字之發見，以撰古史新證，爲今日研究商代史之先河，又其所闡明之古文字學，尤爲新史家之所取資，爲語其詳將於下章論之。茲讀王氏遺書，覺其窮原竟委，殫見洽聞，篇篇皆然，可與全氏之鯁埼亭集相埒，而精澆過之，於其致也，無論中外人士皆爲悼惜不置，豈無故哉。

近代史家，尙有應補述者，如厲鶚之撰遼史拾遺，曾以三國表注自命，誠非夸語，楊復吉又有補作，非其倫也。杭世駿曾撰金史補，以仿鶴作，未能成書，又有施國祁究心金源故實，所撰金史詳校，金源札記，最爲有名，又爲元好問詩作箋注，多載金源遺事，亦厲氏之亞也。（註一三）清代治遼金史，本無多人，有此數氏，亦一時之星鳳矣。如黃以周之於古代典禮，李兆洛楊守敬之於地理沿革，洪亮吉之於補志，章宗源姚振宗之於考證，崔適之於古史，梁啟超之於學術史，皆屬專門名家，各樹一幟。至於生存諸氏，如羅振玉之於甲骨檔案，陳垣之於元史，陳寅恪之以殊方文字證史，吳廷燮之於史表，柳詒徵之於文化史，朱先生希祖之於南明史，尤能自成家言，不媿作者，其間有屬於新史之闡發者，別述於下章，餘則不暇備舉云。

綜考近代史家之趨向，約略言之，可分三期，第一期多治現代史，以研討明代事蹟爲本位，如黃萬全吳潘諸氏皆是，吳潘二氏，卒竟以此構禍，而全氏不過幸免耳。治史之士不敢再談現代，於是第二期轉而治前代史，有爲文字之考訂者，如錢大昕是，有爲典制之闡發者，如王鳴盛是，有以史證史而爲屬辭比事之學者，如趙翼是，有就書籍源流而爲著述校讎之業者，如紀昀是，而其研治之史，多屬古代，而自宋以下則不甚詳言也。迨乎嘉道以後，中國多故，外患日深，遠識之士，引以爲慮，於是第三期又移其考治前代之的，轉而治遼金史，如徐松張程何秋濤丁謙曹廷杰洪鈞屠寄皆其著者諸氏，初則究心西北史地，繼乃暨及東北，更進而治蒙古全部

之史，凡此皆隨時代之好尚，世運之推移，而異其治史之的有不知其然而然者。不能近代如是，古代亦莫不然，然吾謂前代諸家史學之識解，除劉章二氏外，多具於所著史籍之中，已述於前，無事復舉，惟於近代則不然者，撰史之例，詳近略遠，固矣，亦以最近史學之趨勢，與諸家有因果嬗變之關係，非詳述之，則無以明也。（註一四）

（註一）陳訓誥清代浙東之史學見史學，卷二卷六期。

（註二）見十駕齋養新錄六三史條。

（註三）李光季三史考，謂兩晉南北朝人所稱三史，實兼東觀記三國志在內，蓋因劉子玄之通鑑稱三史，又東觀漢記三國，其所稱漢，或兼二漢而言，其說亦通，但於三國志呂蒙傳注所引之江表傳，則無以爲解矣，蓋是時陳壽尚未出世，李作見史學雜誌二卷四期。

（註四）參閱十七史商榷卷八百，史通一條。

（註五）見范希曾書目答問補正。

（註六）儒藏說全交，見仁和吳氏松鄰叢書甲編第三冊。

（註七）余嘉謨撰四庫全書提要校補，尙未成書。

（註八）書目答問附錄，列紀氏於經學家。

（註九）愚於二十三年之夏，撰四庫全書原本提要解題，冠於原書之首，刊印行世，其中編纂四庫總提要之始末，敘述最詳，近見郭伯恭君四庫全書纂修考，係二十六年八月印行，其中述及鄧說略一敘及，而語焉不詳，其他引用余說，又不注所出，而所引證義，殊少異同，竊用怪之，茲叙紀氏修提要之語，又據舊稿立言，非襲取於郭君，恐讀者不察，特鄙遺言之，又紀氏史通例纂曲筆條書眉批云，秦人不死，續苻生之多誣，事見華胥之洛陽館壁記，蜀老猶存，知苻亮之多狂，事見魏齊書卷之傳，諸氏以爲無考，非也，按此語，亦見四庫提要史通之下，此史通提要出於紀氏之證。

（註一〇）宋國楨著益明大政記大事記大訓記，合稱明史概，有明刊本，今尙易得，又有列朝諸臣草稿本，未刊，即修史以外之別一種。

（註一一）關史考異提要，見四庫全書纂修考，經不著撰人名氏，或由有所諱而然。

（註一二）中興縣史有康熙年間文字之獄一文，本章節采之，而莊鏡二案，又本之全祖望鮑增萃集。

（註一三）宛齋花鏡雜錄卷五，施武研記金源雜事十九則，可供參考，北齊，國語之別號也。

(註一四)本章論黃真全部四氏，間取材於陳劃整清代浙東之史學一文，其他諸氏間取材於新史稿諸林文苑兩傳，並參附志，以宗不敢擅
美。

第十章 最近史學之趨勢

近人王國維謂學無新舊，中西，有用與無用，是矣，然因時代及環境之關係，而不能無所偏重，有若去今四五十年前之學者，大抵篤舊，以爲中土之學術，遠勝於西人，西人之所擅長者，不過器物技巧之末，遂有中學爲體西學爲用之說，此一世也。迨清季恍於外患，知舊學之不盡適用，學者轉而驚新，民國以還尤甚，蓋以舊者爲不足道，而新者爲足以應變，此又一世也。故以今視前，多數學者，以新自澤，沾丐西方之學術，而以有用相高，因之其所偏重者，又在此而不在彼，凡百學術有然，而史學亦無不然，此爲最近之新趨勢，而不可不述者也。

最近史學之趨勢，可分兩端言之，一曰史料蒐集與整理，一曰新史學之建設及新史之編纂，取斯二者述之，則大略具矣。

何謂史料之蒐集與整理也，前古如孔子壁中書出於漢，汲冢竹簡出於晉，而有宋以來，又有金石器物之出現，其中十九，皆史料也，已有人爲之蒐集整理矣。近四五十年內所發見之史料，其最有價值者，凡六，一曰殷墟之甲骨文，二曰敦煌及西域各地之漢晉簡牘，三曰敦煌石室之六朝唐人所書卷軸，四曰內閣大庫之書籍檔案，五曰古代漢族以外之各族文字，六曰各地之吉金文字。如此多屬於有文字記載之舊蹟，可供專門學者之研討者，其應蒐集整理，自不待言，茲爲分別述之。

殷墟甲骨文（一稱龜甲又稱龜版），爲殷代卜時命龜之辭，（註一）刊於龜甲及獸骨（牛骨）上，清光緒戊戌（二十四年）己亥（二十五年）間（西元一八八八至一八八九年），始出於河南安陽縣西北五里之小屯，其地在洹水南岸，水三面環之，史記有河本紀，所謂洹水南殷墟上者也（彰德府志謂即河間甲城）。崖岸爲水所齧，乃得出土，土人以爲龍骨，拾之以療病，後乃入估客之手，濰縣估人得其數片，攜至京，售之福山王懿

榮，遂發命祕其事，一時所得，先後皆歸之。庚子（二十六年）秋，懿榮殉難，所藏千餘片，悉歸丹徒劉鶚（鐵雲），而汴水之墟，土人於農隙掘地，歲皆有得，鶚復命估人蒐之河南，故續所得者，亦歸劉氏，所藏至三四千片。丙午（三十二年）上虞羅振玉至京師，命估人大蒐之，又命其弟親至汴水采掘，於是丙午以後所出，多歸羅氏，迄於宣統辛亥（三年），所得約二三萬片。其餘散在諸家者，又以萬計，而駐彰德之長老會牧師明義士（J. M. Moule 加拿大人）所得亦五六千片，總計出土者約有四萬片，乃至五萬片，民國以後乃不多見，且有偽造者（以上據樊抗父及王國維所紀）。惟此項出土之甲骨，悉由人民自由發掘，售與商販轉市，付無人親蒞此地，以爲有組織並合乎科學之發掘，自民國十七年至二十一年，中央研究院歷史語言研究所，始從事於此，前後凡發掘七次，其地點爲小屯及其附近。與其役者，爲李濟、董作賓等，所得之甲骨至夥，且有銅陶器等器物，及箭鏃，尤以十八年冬季所獲之成績爲鉅，其中有刻字之大龜，四版及無字之鼈龜，又得白麟頭骨一具，上刻獲白麟等字，其後又續有發掘，其範圍亦爲之擴大。二十三年在涇河北岸侯家屯，更獲大龜七版，亦由董作賓董其役，此爲羅王以後重要之發見，有裨於考史甚大（以上據李濟董作賓所記，見安陽發掘報告及田野考古報告），是爲近年殷墟續出之品，此其蒐集之大略也。光緒壬寅（二十八年），劉鶚始選其所藏千餘片，影印行世，凡得十冊，所謂鐵雲藏龜是也。羅氏影印之片尤夥，民國元年（壬子）十二月，始成殷虛書契前編八卷，五年（丙辰）三月，續成殷虛書契後編二卷，三年（甲寅）十月，成殷虛書契菁華一卷，四年（乙卯）五月，成鐵雲藏龜之餘一卷，而日本林泰輔有龜甲獸骨文字（三年甲寅十二月），明義士亦有殷虛卜辭（一九一七期刊於上海），英人哈同（一作迦陵）復得劉鶚所藏之一部八百片，印行俄譯堂所藏殷虛文字一卷（六年丁巳五月），凡得八種。始考甲骨文字者，爲瑞安孫貽讓所撰書曰契文舉例，蓋據鐵雲藏龜爲之，又撰名原，亦頗審釋及此，惟創獲無多，後則羅振玉撰殷虛書契下文字考（宣統二年），殷虛書契考釋（民國三年），及待問編（五年），商承祚則取材於羅氏改定之稿，以撰殷虛文字類編，而王國維亦撰殷虛書契考釋（民國三年），其於殷人文字，蓋已十得五六。近年則中央研究院所發刊安陽發掘報告，內多李濟董作賓之

作，而作賓又撰甲骨文斷代研究例，刊入田野考古報告，郭沫若亦撰卜辭通纂通考，於甲骨文例有所發明，足補羅王二氏所未備。羅氏初考定小屯之爲故殷墟及審釋殷帝王名號，并及地名制度典禮，然亦不無附會，王氏復因羅氏所說，以作殷卜辭中所見先公先王考及續考，以證世本史記之爲實錄，間亦辨其舛誤。（註二）又作殷周制度論（六年），以比二代之文化，王氏蓋就經傳之舊文，爲深遠綿密之研究，其於史學裨益甚多，而董作賓尤能因王氏之所說，而更補其未備，茲舉其重要者言之。商自成湯以前，絕無事實，史記殷本紀惟據世本書其世次而已。王氏於卜辭中，發見王亥王恆之名，復據山海經竹書紀年楚辭天問呂氏春秋中之古代傳說，於荒誕之神話中，求歷史之事實，更由甲骨斷片中，發見上甲以來六代之世系，與史記之紀表，大同而小異，董氏又取史記及王氏所作，證以甲骨刻辭所得殷先公先王之名，作殷代先公先王世系圖，視王氏所考，尤爲詳明可據（見甲骨文斷代沿革例下同），此真古史中之一重要發見也。又書序，史記均謂盤庚遷殷，卽爲宅亳，羅氏引古本竹書，謂殷爲北蒙，卽今安陽，王氏於三代地理小記中，證成其說，已無疑義，惟羅氏謂殷墟所包時期，爲武乙文丁及帝乙三世，遂謂殷墟建於武乙，去於帝乙（殷墟書契考釋自序）。王氏則謂盤庚以後，帝乙以前，皆宅殷墟（古史新證第五章），至董氏則以躬與發掘之役，得種種之實證，既謂王氏之語爲可信，又謂不僅至帝乙爲止，竹書所稱，自盤庚徙殷至紂之滅，更不徙都之語，乃漸可信，而王氏之殷周制度論，從殷之祀典世系，以證嫡庶之制，始於周之初葉，由是於周之宗法喪服，及封子弟尊王氏之制，爲有系統之說明，其書雖寥寥二十葉，實爲研古史之重要文字，是則王氏實爲治斯學極有成就之大師，又非羅氏所能及。惟自甲骨文出世，學者多致力於拓本之研究，罕能注意實物，自李董諸氏爲發掘之工作，始知注意實物，爲現地之研究，有房基，有石礎，有居人之穴，有藏器物之窖，就一窖所出之器物，而判斷其時代。如董氏自大版四龜中，發明龜卜，有一事兩法，左右對貞之法，且謂卜辭中卜下貞上之一字，爲貞人名，此又爲王氏卒後，爲進一步之研究者。董氏又謂，鑒定甲骨文字之標準，有十項，一曰世系，二曰稱謂，三曰貞人，四曰坑位，五曰方國，六曰人物，七曰事類，八曰文法，九曰字形，十曰書體。依此標準，可釐某片之屬於某時代，並除

文字有年月人名地名可推斷外，舍此別無鑒定之法，是其說爲尤密矣（以上亦參合樊王李董四氏所記而成）。吾國彙考文字，莫古於許慎說文解字，其序云，今敍篆文，合以古籀。又曰，壁中書者，魯恭王壞孔子宅，而得禮記尚書春秋論語孝經。又北平侯張蒼獻春秋左氏傳，邯鄲亦往往於山川得鼎彝，其銘卽前代之古文，皆自相似。按其所謂篆，卽秦代書一之小篆，所謂古籀，多出於壁中書及鼎彝之銘文，卽周太史籀所定之大篆也。而甲骨文發於殷墟，卽爲商之遺文，其時代又在周代大篆之前，故近人謂今人生許氏一千八百年後，而能見許氏未見之文，以爲快事，誠非虛語。惟章太炎先生不信甲骨文，曾作理惑論以闢之。其言曰：

近有拾得龜甲者，文如鳥蟲，又與彝器小異，其人蓋欺世豫賈之徒，國士可得而鬻，何有文字，而一二賢儒，信以爲寶，斯亦通人之蔽。按周禮有鸞龜之典，未聞銘勒，其餘見於鸞策列傳者，乃有白雉之灌，酒脯之禮，梁卵之祓，黃絹之裏，而刻畫書契無傳焉。假令灼龜以下，理兆錯迎，發裂自見，則誤以爲文字，然非所論於二千年之舊藏也。夫骸骨入土，未有千年不壞，積歲少久，故當化爲灰塵，龜甲蜃瑱，其質同耳，古者隨侯之珠，血乘之寶，瑤埶之削，餘蜺之貝，今無見世者矣，足明聖質白盛，其化非遠，龜甲而能長久若是哉。鼎彝銅器，傳者非一，猶疑其僞，況於速朽之質，易蘊之器，作僞有須臾之便，得者非貞信之人，而率相信，以爲法物，不其傾歟（國故論衡上）。

章氏所論，專屬於甲，而不及於骨，據近頃發掘所得，有史前之獸骨，其形完具，殊耐朽壞，蓋以地當亢燥，不易浸蝕之故，其於龜甲，亦當作如是觀，往年後出之骨文，或不免出於僞造，至近年中央研究院所得之甲骨文字，既爲有組織之發掘，尤合乎科學方法之整理，其爲確實可信，且有裨於證史，亦無可致其非難。聞章氏晚年，雖不稱引甲骨，然亦不甚菲薄之，詎非以諸氏之所考釋者，多屬信而有徵乎。夫殷墟之歲歷年三千，甲骨疊疊，胥未朽壞，且經多人發掘，衆目共見，謂爲作僞，夫豈其然，至其作字形體，不盡合於許書，則由其時先於成周，古今未能盡同之故，許書具有條貫，而刻辭亦可參證，溝而通之，所得益宏，章氏達者，殆已有喻乎此矣。至於整理之法，有所謂補其文字者，有所謂接其斷片者，前者王氏已有發明，後者則郭沫若之卜

辭通纂考釋，爲最詳悉矣。斷片之接法，有以二片相接者，有三片相接者，中有闕文，或以意補之，其接補之法，或據文義，或據字形，其所取材，多以劉羅林哈之書爲據，亦時時附以新得之片，通纂考釋中所舉之例甚多，思考雖已入微，然亦不免有牽強武斷之弊，此又其整理之大略也。此屬於甲骨文文字者一。

漢人之木簡，宋徽宗時始於陝右發見二簡，爲金人案之而去，光緒庚子（二十六年）辛丑（二十七年）間（西元一九〇〇至一九〇一年），英屬印度政府派遣匈牙利人斯坦因博士（A. Stein），訪古於我國新疆天山南路，於和闐之南，尼雅河下流，發掘古寺廢址，得魏晉間人所書木簡數十枚，曾於所著和闐之故蹟中，揭其影本。嗣於光緒丁未（三十三年）戊申（三十四年）（西元一九〇七至一九〇八年）復游新疆全土及甘肅西部，於敦煌西北長城遺址發掘，得兩漢人所書木簡，約近千枚，復於尼雅河下流，得後漢人所書木簡十餘枚，於羅布淖爾東北海頭故城，得魏晉間人木簡百餘枚，皆當時公牘文字，及屯戍簿籍。其後日本伯爵大谷光瑞所派遣之西域探險隊，以其所得，輯爲西域圖考，據其所載，僅於吐魯番近側，得魏晉間木簡三四枚而已。此外瑞典人斯文赫定（H. H. Svedin）亦有所得，惟斯氏於民國三年至五年（西元一九一三至一九一六年），爲第三次之探訪，撰有西域考古記一書（有向達譯本），敘述游程之所經，及其所獲至詳，更於十九年爲第四次之探訪，以爲政府所禁阻，無所獲而去，近年中瑞舍組之西北科學調查團，由徐旭生等領導，曾在居延河畔，發見漢人木簡至千餘枚，所得之富，爲斯氏以後所僅見，此其蒐集之大略也。斯氏所得之簡，法國沙畹教授爲之考釋，其第一次所得，印於和闐故蹟中，第二次所得，則別爲專書，於民國二三年間出版，未幾沙氏以手校之本，寄之羅振玉，羅氏乃與王國維重行考訂，并斯氏在和闐所得者，以成流沙墜簡三卷，考釋三卷，補遺一卷（四年出版）。王氏序其書，略謂：古簡所出，厥地凡三，一爲敦煌迤北之長城，二爲羅布淖爾北之古城，其三則和闐東北之尼雅城，及馬哨託拉拔拉滑史德三地也。敦煌所出，皆兩漢之物，出羅布淖爾北者，其物大抵上自魏宋，訖於前涼，其出和闐旁三地者，都不過二十餘簡，皆無年代可考，然其最古者，猶當爲後漢遺物，其近者，亦當在隋唐之際也。又謂：魏晉木簡殘紙，則出於羅布淖爾湖澤北之古城，光緒庚子，瑞典人希

亭(轉定)始至此地，獲古書後，德人哈爾亨利及孔拉第二氏，據其所得遺書，定此城爲古樓蘭之墟，沙畹博士考證斯坦因博士所得遺物，亦從其說，余由斯氏所得簡牘，及日本橋瑞超氏於此所得之西域長史李相二書，知此地決非古樓蘭，其地當前涼之世，實名海頭，而漢書西域傳及魏略西戎傳之居廬倉水，經河水注之龍城，皆是地也。王氏又作敦煌漢簡跋十四首，具於集中，蓋漢晉木簡之研究，羅氏則助於審釋文字，王氏則精於考證史事，其所發見，如漢時西域兩道之分歧，塞上各烽燧之次第，魏晉間葱嶺以東之國數，及西域長史之治所，均足以補史闕(以上據樊王二氏所記並補以他書)，至最近發見之木簡，雖已定議影印行世，且經有人研考，然迄今尙無具體之發表，姑不置論，此又其整理之大略也。此屬於漢晉簡牘者二。

敦煌千佛洞，在鳴沙山，本爲佛寺，今爲道士所居，當光緒甲午(二十年)之頃，道觀壁壞，始發見古代藏書之窟室，其中書籍居大半，而畫幅及佛家所用幡幢等，亦雜其中，漢陽端方曾藏敦煌出土開寶八年重修寺尼觀音像，乃光緒己亥(二十五年)所得，又烏程蔣氏曾藏沙州曹氏一盤像，乃爲光緒甲辰(三十年)以前，葉昌熾視學甘肅時所收，然中州人皆不知，且有視爲廢紙者矣。至光緒丁未戊申之歲(三十三至三十四年)，斯坦因與伯希和，先後至敦煌，各得六朝及唐五代宋初人所書卷子本至夥，正與漢晉簡牘同時發見，亦斯坦因二次來游之日也。木簡以人工發掘而得，而此次出世之卷軸，則於無意中得之，斯氏所得約三四千卷，伯氏所得約六千卷，並有古梵文古波斯文及突厥回鶻諸國文字無算，俱攜之以去。此項寫本，初爲一王姓道士所發見，乃砌置一密室中，且呈報於蘭州官署，謂其有七車之多，而官署則僅令其封閉而已。斯氏已先知千佛寺貯有此藏，至則以甘言誘之，比於玄奘取經，可以恢弘佛法，三道士遂許其盡窺密藏，斯氏遂假涉獵之名，將其佳者，加以盜竊，道士知之，亦無可如何，蓋斯氏並已賄買道士，許其裝運出寺，當時地方官署，親若無視，且多方爲之援助，以示好感於外人，遂爲吾國古物上最大之損失。迨斯氏回英發表之後，我國人始稍稍知之，乃取其餘，猶得萬餘卷，載至北京，置諸學部所立之京師圖書館，復經盜竊，散歸私家亦不下數千卷，市中亦有流傳出售者，其中佛典居百分之九十五，可據以補藏經之闕，及校勘誤字，世所謂唐人寫經是也。其四部

書爲宋以後所久佚者，經部則有宋改《古文尚書》孔氏傳，宋改《字尚書釋文》，唐《春秋穀梁傳解》，論語鄭氏注，陸法言《切韻》等。史部則有孔衍《春秋後語》，唐西州沙州諸國經，慧超往五天竺國傳等（以上俱伯希和所得，今在法國）。子部則有老子《化胡經》（英法俱有之），摩尼教經（京師圖書館一卷，法國一卷，英國亦有殘卷，書於佛教之背），景教經（德化李氏盛鐸藏志及安樂經宜元至本經各一卷，日本富國氏藏壹神論一卷，法國國民圖書館藏景教三威靈度讚一卷）。集部則有玄謠集，雜曲子，及唐人通俗詩小說，各若干種。（玄謠集藏倫敦博物館，通俗詩及小說，英法皆有之，德化李氏亦藏有二種。）而已逸四部書之不重要者，及大藏經編，尙不在此數，此其蒐集之大略也。宣統元年（戊申）之冬，羅振玉就伯希和所寄景本，寫爲敦煌石室遺書，排印行世，越一年，復印其景本，爲石室秘寶十五種，民國二年（癸丑）復刊行鳴沙石室逸書十八種，七年（戊午）刊行鳴沙石室古籍叢殘三十種，及鳴沙石室佚書續編四種，十年（辛酉）伯希和復以陸法言《切韻》三種景本，寄汪氏未及精印，而王國維先臨寫一本，石印以行世，此皆巴黎所藏書也。京師圖書館所藏摩尼經，亦經羅氏印入國學叢刊，至倫敦所藏，則武進董康日本狩野直喜內藤虎次郎羽田亨諸氏，各鈔錄景照若干種。王氏觀堂集林中，如唐寫本殘職官令，靈樞經殘卷，太公家教，大雲經疏，韋莊秦婦吟，宋初寫本敦煌縣戶籍等跋，皆爲審定石室遺物而作，近頃留心及此，而勤於探討者，亦大有人在，此又其整理之大略也（以上據樊玉三氏所記並參以他書）。此屬敦煌寫本者三。

內閣大庫在北平舊內閣衙門之東，臨東華門通路，素爲內閣典籍廳所掌，凡大樓六間，其中書籍居十之三，檔案居十之七，其書多明文淵閣之遺，其檔案則爲清代諸帝之硃諭敕諭，臣工繳進之批摺黃本題本奏本，外藩屬國之表章歷科殿試之大卷，其他三百年間檔冊文移，往往而在。而元明遺物，亦間出其中，蓋清之內閣，自明永樂至清雍正，曆兩代十五帝，實爲百政從出之地，雍乾以後，政務移於軍機處，而內閣尙受其成，故政府之重要檔案，悉儲於此，蓋兼宋時之宮中龍圖天章諸閣，省中之制敕庫，班簿房，而一之。然三百年來，除舍人省吏循例編目外，學士大夫罕有能窺見者。宣統元年大庫屋壞，有事繕完，乃暫移於文華殿之兩廡，地隘不足

容，其舊積庫垣內者尙半。時南皮張之洞方以大學士管學部事，乃奏請以關中所藏書籍，別設京師圖書館以庋置之，其檔案則移置國子監之南學，試卷等置諸學部大堂之後樓，民國以後，又以學部及南學之藏，移於午門上之歷史博物館，移館之後，即堆置於端門之門洞中。越十年，館中費絀，乃斥其所藏四分之三，以售諸故紙商，以麻袋計者九千，以斤計者十有五萬，得銀幣四千圓，時民國十年（辛酉）冬日也。先是羅振玉官學部參事，已得見大庫之檔案，偶抽一束觀之，則管幹貞督漕時奏摺，又取觀他束，則阿桂征金川時所奏，皆當時歲終繳進之本，排比月日，具有次第，蓋已心識之矣。十一年二月羅氏至京，於市肆見洪承疇揭帖，及高麗國王貢物表，識爲大庫遺物，因蹤跡之，得諸某紙肆，則庫藏具在，將毀之以造紙，已載數車赴西山矣。頃三倍其直易之以歸，貯於彰儀門之善果寺，擬別建庫書樓，屬王國維爲之記，而歷史博物館之廢餘，亦爲北京大學取去，此其發見蒐集之大略也（以上據樊王二氏所記）。羅氏以其所得，分量太大，僅整理其十分之一，取其要者，彙爲史料叢刊十冊，其餘半歸德化李盛鐸，貯於天津，又以其半移置於旅順，近年又從事整理，印成目錄數冊，而原件未及刊行，北京大學之所得，亦逐漸整理，發表其目於大學月刊中。民國十八年中央研究院之歷史語言研究所，購得李氏之大庫殘檔，幾經整理，前後刊行明清史料三集，每集十冊，其整理未竟，及未及整理者，尙未刊行。又自民國十二年，清遜帝出走後，設故宮博物院於清宮，蒐集其所舊藏，又獲得大量之史料，已取其重要者，先後刊爲掌故文獻兩叢編及史料旬刊等以發表之，此又其整理之大略也。此屬於閣庫檔案者四。

吾國漢族以外之各族各屬國，如契丹女真蒙古西夏，皆曾自製文字，以代表其語言，其他各族，亦多類此，所遺留者，多在西北東北兩部。元時耶律鑄見突厥闕特勒碑及遼太祖碑，元末陶宗儀亦曾見契丹文字，著錄於書史會要，而元人趙燦石墨鐫華，著錄之乾州大金皇弟耶律行記，名爲女真文，實則近於契丹國書之石刻也。蒙文石刻，著錄尤夥，明代所修之華夷譯語，於女真蒙古語外，尙有各種之殊方語，可謂研究各族語文之珍本。光緒十五年（己丑）俄人拉特聯夫訪古於蒙古，於和林故城北，訪得突厥闕特勒碑，慈伽可汗碑，回鶻如

姓可汗碑三種，突厥二碑，皆有中國突厥二種文字，回鶻碑並有粟特文字，及光緒之季，英法德俄四國探險人新疆，所得各族文字寫本尤夥，其中除梵文結盧文回鶻文（即畏吾兒文）外，更有三種不可識之文字，爲伯希和所發見，其一種爲粟特語，而他二種則伯氏假名之曰第一言語第二言語，後亦漸知爲吐火羅語及東伊蘭語，（註三）此正與玄奘西域記所記三種語言相合。粟特即玄奘之所謂率利，吐火羅即玄奘之覲貨邏，其東伊蘭語則其所謂葱嶺以東語也。當時粟特吐火羅人，多出入於我新疆，故今日猶有其遺物，惜國人尙未有研究此種古代語者，勢不可不求之英法德諸國耳。宣統二年（庚戌）俄人柯智祿夫大佐，於甘州古塔得西夏文字，其中有一種名曰掌中珠，蓋即西夏圖書之譯語也。而元時所刻之河西文（即西夏圖書）大藏經，後亦出於北京，上虞羅福藎（振玉之子）乃始通西夏圖書之音讀，以撰宋史西夏傳考證，蘇俄使館參贊伊鳳閣博士（Левченко）更爲西夏語言之研究（以上據王氏所記），近則陳寅恪王靜如二氏精通西夏圖書，尤過於羅福藎，凡河西文大藏經，悉能詳讀，是則繼起者，有青出於藍之譽焉。民國十九二十兩年間，熱河省主席湯玉麟，有發掘遼陵之事，遼聖祖興宗道宗三主，皆葬於慶州，即今熱河林西縣西北之白塔子，而三陵又在白塔子之附近，土人稱爲阿里曼哈是也。此陵早經有人發掘，明器業已撫存，惟其哀册石刻尙在，凡十七石，俱經湯氏掘獲，運存瀋陽之居第。先是有法人牟里（Muller）（譯作閔宣化），以宣教師資格，游歷至遼陵所在，發見之哀册石刻凡二，即爲遼興宗帝后二哀册，皆契丹國書也。而漢文哀册，則未之見，此民國初年事也。湯氏所發見者，爲聖宗及仁懿皇后欽愛皇后漢文哀册，又道宗帝后漢文及契丹國書兩種哀册，契丹國書之二石皆五十六百字，此爲近年重要之發見，其中之字，多可與郎君行記石刻，互相印證，愚曾彙刻發見各石，爲遼陵石刻集錄，并撰序文以詳其始末。然自是以來，研究契丹國書，雖大有人在，而不能明其音讀，至今猶爲懸而未決之問題，蓋緣無掌中珠華夷譯語一類之字典，爲之審釋，欲強通之而不能也。近年發見女真國書，凡得數石，一爲河南開封之宴臺碑，二爲吉林石碑嶺子之金太祖誓師碑，三爲遼寧海龍楊木林山之收國二年碑，四爲柳河界之金太祖大破遼軍息馬立石碑，皆漢文與女真國書並刻，此亦研究女真國書之瑰寶也。近人丁文江等，考究西南夷之語文，是爲

鑄史，著有專書詳之，蓋以中外人士數十年之努力，於各族文字悉能求通，其中尤不乏重要之發見，最近吾國學術之進步，此蓋爲其一端，未可自爲菲薄者矣。此屬於各族文字者五。

吾國古金文字之發見，漢代卽已有之，許慎說文序所謂，郡國往往於山川得鼎彝，其銘卽前代之古文，皆自相似，是也。宋代出土之古器物尤多官撰之書，有博古圖錄，亦稱宣和博古圖，凡三十卷，或謂此書爲王黼承徽宗之命而作，未知其審，要爲官撰無疑也。私撰之書，以呂大臨之考古圖錄十卷，闕名之續考古圖錄五卷，薛尚功之歷代鐘鼎彝器款識法帖二十卷，以及歐陽修之集古錄趙明誠之金石錄，爲最著。著錄各古器物，皆有資於考史，特以是時重在賞鑑，藉以娛耳目之觀，爲齋堂之清供，不足以言學問也。清代官撰之書，有西清古鑑四十卷，寧壽鑑古十六卷，西清續鑑甲乙編各二十卷，著錄之品，頗多珍異，私家之作，則以阮元之積古齋鐘鼎彝器款識，吳榮光之筠清館舍文，吳大澂之憲齋集古錄爲最著，大澂嘗因金文，以撰說文古籀補十四卷，以訂補許氏說文之闕佚，孫貽讓續古籀拾遺，實開後來治甲骨文字者之先聲。近人以金文治史者，首推王國維，所撰鬼方昆夷攷考，悉以金文爲證，足以訂補經訓，其他以金文證古史者，尤不勝枚舉，而郭沫若更撰兩周金文大系，以文字鑑定古物時代，頗有發明，蓋近人於此用力既劬，故較前阮吳二氏爲進步。至其鑑定之法，亦有多端，或以稱謂，或以制度，或比其事，或屬其辭，或考字形，或詳書體，如董作賓所論以鑑定甲骨文者，亦可借用以鑒定金文，例如殷代器文，未有子孫二字連舉者，而周器中則子子孫孫子孫永寶之文，隨處可見，此由宗法制度，創自周公，有宗法而子孫之觀念始重，此殷世所未有也。又如殷代視其先公先王之名，上一字爲稱謂，下一字乃爲名，如祖庚兄丁是也。周初天下未定，尙無謚，故武王元年之師且鼎，尙稱文王爲周王，迨周公立謚法之後，始有文王武王之稱，如毛公鼎有不顯文武之語，一望而知爲成康時所製器也。此皆就其稱謂制度，而可以辨其時代，金文之可以證史，此其最著者矣（此文間采李氏方志學）。此屬於古金文字者六。

以上所述，悉爲近三四十年間之收穫，而大半屬於文字之史料，（註四）或有論及此者，得此時期，爲中國舊學

之進步。其言曰，舊學者，因世俗之名以名之，實則我中國固有之學術也。今人輒謂中國無學術，或謂中國有學術，絕無進步，或謂中國學術雖有進步，至今日則幾衰息者，皆大謬不然之說也。中國義理之學，與書算諸技藝，及羣衆普通舊學之程度，在今日誠爲衰頹，然吾人所謂考證之學，則於最近爲從古未有之進步，然今日專門舊學之進步，實與羣衆普通舊學之退步爲正比例，此奇異之現象，殆遍於世界，不獨中國爲然。（註五）此其所論，或不免失之過當，然吾謂與其謂爲舊學之進步，無寧謂爲國學之別開新機，與其謂從古未有之進步者爲考證學，無寧謂爲史學。蓋近人之研甲骨文金文木簡卷子檔案各族文字，悉以史學爲出發點，而考證學不過爲研史過程中之一種方法耳。考證之學，本不能獨立成一學科，而吾國之治經，卽等於研史，不惟治經常用考證學，卽就史學而論，亦無不用考證學，爲其治史之方法也。果其所用之方法，日有進步，則舊書可變爲新，否則不惟不進步，而日呈衰頹之象，則新者亦變爲舊矣。是故研究之對象，不論其爲新爲舊，而其研治之方法，則不可拘守故常，而應日求其進步，其所謂新，亦在是矣。近年研治國學，別開新機，非止一端，此爲蒙受西方之影響而然。蓋吾國既爲世界各邦之一，其於學術，亦難自外，其因時間空間之關係，而隨之變遷，本爲自然之趨勢，其因而日開新機，於不自覺，凡百學術皆然，而史學爲尤著矣。


關於史料之蒐集與整理，又不止有文字者爲然也，其無文字之史料，亦與有文字者有同等者之價值，抑或過之，屬於此類者，是爲史前之遺蹟，而所謂史前之史，亦卽未有文字記載以前人類棲息活動之狀況之可考見者也。緣近代人類學地質學考古學發達之結果，而史學之受其賜者實鉅，遠西各國有然，而中國亦蒙其影響焉。例如民國九年，地質調查所採得河南之石器若干件，明年遂就河南渾池縣仰韶村，從事發掘，所得石器骨器陶器甚多。與其役者，爲瑞典人安特生等，所獲之物，定爲屬於新石器時代末期，同年六月，又於奉天錦西縣沙鍋屯，掘得新石器時代之遺物，主其事者，仍爲安特生等。後則於甘肅貴德縣，山西西陰村（夏縣），黑龍江之昂昂溪，熱河之林西縣等處，發掘或採集，皆有石器時代之器物發見。其在甘肅掘得之器物，考古學家分爲六期，一日齊家期，二曰仰韶期，三曰馬廠期，四曰辛店期，五曰寺窪期，六曰沙井期。前三期屬於新石器時代

末期，與銅器時代初期，後三期屬於紫銅器時代，及青銅器時代初期。齊家期以齊家坪得名，甘肅洮沙縣所得器物，近似齊家坪者，故以名之，其時代約當西元前三五〇〇年以至三二〇〇年。仰韶期以仰韶村得名，甘肅所得之大器物，與出於仰韶村類是，出於西陰村者亦然，其時代約當西元前三二〇〇年以至二九〇〇年。馬廠期以馬沿得名，其時約當西元前二九〇〇年以至二六〇〇年。辛店期者以辛店得名，其時約當西元前二六〇〇年以至二三〇〇年。寺窪期以寺窪山得名，其時代約當西元前二三〇〇年以至二〇〇〇年。沙井期以沙井得名，其時代約當紀元前二〇〇〇年以至一七〇〇年。前三期所出器物皆無金屬品，後三期則銅器逐漸而多，故可云一在史前，一在有史以後，此安特生氏甘肅考古記所區分之時期也。前乎此時期者，是爲舊石器時代，法國博物學者德日進等，在華夏鄂爾多斯榆林等處，有舊石器之發見，或斷其時代謂在今五萬年前。往者遠西學者，嘗謂中國無舊石器之一時代，近乃漸知其不然矣。又民國十年以至十二年之間，澳洲古生物學家師丹斯基，有北京猿人之發見，此地則在北平西南百餘里房山縣屬之周口鎮，師氏整理其所得化石，發見前臼齒及臼齒各一，與今日之人齒相似，研究結果斷爲人齒，至其年代，或云去今五六十萬年，或云且百萬年。十五年多世界考古學會會長瑞典皇太子來華，由安特生提倡，於北京各學術團體歡迎席上，公布此齒，安定名爲北京齒，而稱生是齒者爲北京人，翌年步林博士，續在原穴得下臼齒一枚，經步達生測量結果，亦斷爲原人遺骸，并定名生是齒者，爲北京種之中國猿人。十七年北平地質調查所楊鍾健表文中二君，更在周口店掘得猿人化石牙齒數枚，不完整之牙牀二個，破碎頭骨數塊。十八年十二月，裴君又在洞內發見一未經破碎之成年人猿頭骨及牙齒十餘，於是人類最古之北京猿人，遂爲科學界所公認，更名生此齒者爲裴氏人。以上所述，雖有外人參與其間，且爲重要之鑑定，然主持者，必爲中國之學術機關，而地質調查所又其主要機關之一也。至於外人自行在中國發掘之成績，亦有可述之價值，如日本人在旅順牧羊城大連附近貔子窩等處，亦發見史前之遺跡，所獲石器甚多，據安特生步達生諸氏研究之結果，則謂仰韶村與沙鍋村二址所得之器物，同屬新石器時代，且爲同一之民族所留遺。又聞仰韶村沙鍋屯二處居民之體質，與近代華北居民體質爲同派，亦與史前甘肅居民之體質相

似，蓋此三處古代人民之體質，均似現代華北人，即所謂亞洲嫡派人種也。依此結論，則可證明漢族人種西來說之不必精確，是可謂中國古史上之一重要發見矣。以上所述，皆爲史前時代之史蹟，未有文字之記載者，今日談古史者，不能遺此一節而不言，亦談新史學者之重要記載也。（註六）

研究古史，不限於有文字之記載，不僅以史前時代爲然也，其於製有文字以後，所發見之古器物，雖無文字可考，亦當極端重視之，以爲史料之一種焉。屬於是類之史料凡三，一曰金類，二曰石類，三曰陶類。其屬於金類者，如鐘鼎彝器，如佛像如古泉，如度量衡，如古鏡古印皆是，其中有文字固甚多，如古泉古印，大抵皆有文字，而鐘鼎彝器及古鏡，則不必盡有文字，佛像及度量衡，則有文字甚少，或就其形式，或就其花紋，或就其物質，或就其製工，而斷定其爲某一時代之物，而其爲真爲僞，亦藉此判斷焉。其屬於石類者，以造像石畫爲最著，如大同雲岡義州萬佛堂等處之元魏造像，山東境內之漢畫像石，皆爲考古學家之所珍視，漢畫石像多爲外人竊買掘運出境，此又吾國寶器之重要損失也。屬於陶類者，或爲古陶，或爲磚瓦，或爲明器，古代陶器，有形式製法彩色物質之不同，可以斷定其時代，漢晉磚瓦，間有文字，爲人所貴，其無文字者，亦可用以證史，明器爲殉葬之用，其中土俑之一種，範死者當時之風俗好尚，而製爲人物用具，爲研究古代社會史之絕好資料。又有古幣之範，亦爲陶製，其他瓦當上之文字花樣，亦無不先有範疇，而後從事製造也。近年由地下發掘所得古器物，如河南新鄭出土之周器，安徽壽縣出土之楚器，山東城子崖發見之譚國故城，河北鉅鹿之古城，皆爲有史以後之重要史蹟，其他未發見者，不知凡幾，別有專書詳之，茲不暇一一備述矣。

梁啟超氏於所撰中國歷史研究法中，論史料者有二章，一曰說史料，二曰史料之蒐集與鑑別。其所稱史料之種類，具如下表：



其次則論及蒐集鑑別之法，蒐集之旨，在求史料之豐富，鑑別之旨在求史料之真確，無論紀某一人或某一事，古人所述雖甚簡略，而今人致其蒐集之功，則變簡略而為豐富者有之矣。梁氏所舉之例，謂史記記墨子事蹟於孟子荀卿列傳，不過曰，蓋墨翟宋之大夫，善守禦，為節用，或曰並孔子時，或曰在其後，寥寥二十四字而已。而孫詒讓生二千年後，能作一極博覽翔實之墨子傳，其文多至數千言，此善於蒐集史料之效也。蒐集之法，應先立某人某事為綱，遇有關於某人某事，隨時紀於其下，積時既久，不能再有所得，然後加以排比，即成一長編式或年譜式之紀載，而蒐集之功畢矣。次則就所蒐得之史料，加以辨別，某者為正，為真，某者為

誤爲僞，正者眞者宜取，誤者僞者宜棄，譬如榨油，應先去其渣滓，又如製米，應先去其糠殼，然後得其精華，而成可用之品矣。尙書爲極可貴之古史，而其中之僞古文，必須刪棄，然後二十八篇今文之眞面目，乃煥然復明。又如今人謂左傳中有劉歆摻入之文，不盡可信，是其極可珍貴之史籍，而含有少數之僞史料矣。究竟劉歆能否作僞，作僞之後，何以漢博士不卽爲之發覆，又何以近二千年之後，始有人言其作僞，而在前者，反無人疑及於此，此又辨別古書眞僞一待決之問題也。至於古書之記載，因傳聞疑似而未盡得眞者，是謂之誤，如宋將康保裔因兵敗而降於遼，遼史載之甚詳，而宋史列於忠義傳，此蓋南北傳聞之誤，待後人刊正是也。梁氏所舉之例，曰，執一人而問之曰，今之萬里長城，何人所築，則必答秦始皇時，不知秦始皇以前，燕趙齊皆築長城，秦以後北魏北齊亦築長城，而秦長城不過占其一小部分，易能舉全城以傳諸秦耶，此卽所謂誤也。因長編式或年譜式之記載，而辨其僞，刊其誤，則鑑別之功，亦具於此矣。蓋蒐集不豐富，則無以發見眞確之史料，鑑別不眞確，則將爲僞誤之史料所混淆，二者之功，固缺一不可也。又梁氏之所謂鑑別，卽吾之所謂整理，鑑別者，整理之始功，整理者，鑑別之終事也。故不精於鑑別者，不能侈言整理，蓋自羅王諸氏，以及中央研究院之致力於此，蒐集整理之功，可謂著有成績，而梁氏又詳言其方法，以爲蒐集整理之準，最近史學之趨勢，此蓋其一端也。

何謂新史學之建設與新史之編纂也，倡言新史學之建設，始於梁啓超，而何炳松尤屢言之而不厭，所謂新史學及新史，卽用近代最新之方法，以改造舊史之謂也。

梁氏論舊史之短，嘗曰，私家之史，自爲供讀而作，然其心目之讀者，各各不同，孔子成春秋而亂臣賊子懼，蓋以供當時貴族中爲人臣子者之讀也。司馬光通鑑，其主目的以供帝王之讀，其副目的以供大小臣僚之讀。司馬遷史記，自言藏諸名山傳之其人，蓋後世少數學者之讀也。實而言之，舊史中無論何體何家，總不離貴族性，其讀者皆限於少數特別階級，故其效果亦一如其所期，助成國民性之畸形發達，此二千年史家所不能逃罪也。又曰，舊史家之史，蓋十九爲死人而作也，史官之初起，實由古代人主，徵紀其盛德大業，以昭示子孫，

而主旨則在隱惡揚善，觀春秋所因舊史之文可知也。其有良史，則善惡畢書，然無論爲褒爲貶，而立言皆以對死人，則一也。後世獎勵虛榮之塗稍益多，墓誌家傳之屬，汗牛充棟，其目的，不外爲子孫者欲表揚其已死之祖父，而最後榮辱，一繫於史，馴至帝者亦以此爲觀聽臣僚之一利器，試觀明清以來飾終之典，以宣付史館立傳，爲莫大恩榮，至今猶然，則史之作用可推矣。至梁氏所謂新史之規造，基本條件有三，一曰史以生人爲本位，二曰史應近於客觀性，三曰史學範圍應重新規定，以收縮爲擴充。所謂以生人爲本位者，卽史爲生人今人而作，而非爲死人古人而作是也。其義理至明，無待詳解，孔子作春秋，朱子作通鑑綱目，或在撥亂反正，或在褒善貶惡，先有一種主觀見解，而後以古人成事爲我注脚，此非爲史而作史，所謂借著書以垂戒萬世也。史之本質，有著繪畫人物，須各還其本來面目，以存其真，人之不同，各如其面，乙之不能似甲，亦猶丙之不能似乙，持鑑空衡平之態度，而不雜入絲毫之己見，是之謂客觀，然純客觀之史，實際未必作到，故又謂之近於客觀，此新史之條件，應近於客觀者也。舊史之體，或爲紀傳，或爲編本，雖非盡屬陳腐，而不盡適用於新史，且近世新著，凡專言某一種學術者，謂之某學，進而研究其所術之歷史，謂之某某學史，如研究天文，則所撰天文學，而別有所謂天文學史，推之地理社會政治經濟諸學，莫不皆然，天文學與天文學史，各有其一定範圍，而不相優越，凡屬於學術上之研究，皆屬天文學之範圍，而學史中則不必詳述，兩方嚴守其範圍，則無廣泛之病，而收縮之效見矣。然學史之種類至多，非舊史儒林文苑諸傳之所能限，故自他一方言之，又時時擴充其領域，故又謂之以收縮爲擴充，卽以正史之列傳而言，記各個人之籍貫門第等事，此譜牒家所有事也。其嘉言懿行，擴之以資矜式，此教育家所有事也。皆與一時代人類之總活動，無大關係，而舊史皆不憚煩而述之，此卽以譜牒教育二學混入其中之故也。新史則不然，一面將其舊領域劃歸專門各科學，使其日爲發展，一面則以總神經系自居，凡各活動之相，悉攝取而論列之，乃至前此未入版圖之事項，亦吞納之而無所讓，此又新史之條件應重新規定範圍者也。（註七）

何炳松曾取美國魯濱孫博士之新史學，譯爲漢文，書凡八章，其第一章曰新史學，第二章曰歷史的歷史，第三

章曰歷史的新同盟，第八章曰史光下的守舊精神，以此四章爲最重要，其他四章，概論西史，可以從略，所述新史學之意義，則謂歷史之功用，在助吾人明瞭人類之現在將來，又可根據歷史之知識，以明瞭現在之一切問題，而以歷史上之事實，爲吾人前車之鑑。吾則以爲不然，蓋現代社會之改變，有一日千里之勢，吾人對社會，欲有所貢獻，必先明瞭現代之狀況，而於現代狀況之來歷，尤須澈底明瞭，此新史學一辭所由來也。其次則歷史須具有科學化，對於史料，應爲嚴密之批評，對於著述，應秉筆直書，且研究歷史，不但須究其當然，并應究其所以然，是之謂歷史的歷史。歷史具有科學化，故趨重於分類研究，然其結果，不惟不能瓜分歷史之本身，而反因此將概括人類活動之全部，以及融會貫通之責任，須由史家獨負其責，此即新史學之意義也。再次則歷史與各新科學之關係，所謂新科學，即人類學古物學社會學等是也。研究歷史，非有新科學爲之基礎，則無以說明歷史之真相，例如研究史前史或上古史，非以人類學，古物學，抑或動物學爲之基礎，必致茫然無所措手，此則顯而易見之理矣。再次則研史之士，不可守舊，勿爲舊日文化所束縛，而應利用舊日文化，以樹改革之精神，用以改革現代之社會，此又新史學最後之目的也。尋其總義，在消極之一方，爲破壞舊史學之思想，在積極之一方，爲建設新史學之方法，所謂以綜合社會科學之結果，而寫過去人類生活之實況者也。竊以上文梁氏所論，初無不同之處，此云歷史之功用，以明瞭現在爲職志，其以生人爲本位可知矣。又云，非以歷史上之事實爲吾人之前鑑，則爲客觀，而非主觀可知矣。又云，研究歷史趨重於重於分類，是亦以收縮爲擴充之說也。以西哲所說之原理，以爲中國新史學之建設，梁何二氏實最努力於此，吾故樂爲述之。

（註八）

至近人之所謂新史，不出通史專史二類，何者爲通史，即普通史之謂，何者爲專史，即專門史之謂，取古今史實之全部，而爲概括之記述，以求其時間之連續，空間之聯繫爲原則者，是之謂通史。自全部史實中，抽出其一部，而爲比較詳盡之記述，其於時間之連續，空間之聯繫，亦以範圍收縮之故，而易於尋求者，是之謂專史。前者主於聯繫，其文貴簡要有序，後者貴乎詳盡，其文應比次有法，此二者之辨也。史記通黃帝至漢武之

世，而爲一書，是可謂爲通史之創作，劉知幾列爲六家，而未嘗名其爲通史也。通史之名，始於梁武帝，後則鄭樵之通志，亦與通史之體例相同。此所謂通者，不過通諸斷代史而爲一書，而去其重複抵牾者耳。語其繁重，亦與斷代史等。故吾嘗稱通志爲編輯之史，未嘗以通史許之也。章學誠嘗於答客問一文，論及作史之旨云：

史之大原，本乎春秋，春秋之義，昭乎筆削，筆削之義，不僅事其始末，文成規矩已也。以夫子義則竊取之旨觀之，固將綱紀天人，推明大道，所以通古今之變，而成一家之言者，必有詳人之所略，異人之所同，重人之所輕，而忽人之所謹，繩墨之所不可得而拘，類例之所不可得而泥，而微茫杪忽之際，有以獨斷於一心。及其書之成也，自然可以參天地而質鬼神，契前修而俟後聖，此家學之所以可貴也。

章氏此論卽爲通志而發，何炳松則深取之，以此爲通史之定義，雖通諸現代西洋之所謂通史，亦可當至理名言之評語而無愧色。（註）然章氏論史，以春秋爲極則，以古人之守於王官者爲百世不易之成法，其稱史義，稱家學，皆含崇古之見，斯則尙有商榷餘地耳。夫通史之可貴，不僅詳人所略，異人所同，重人所輕，忽人所謹而已。又當略人所詳，同人所異，輕人所重，謹人所忽，不在事蹟之詳備，而在脈絡之貫通，不在事事求其分析，而在大體之求其綜合，所謂成一家之言，固非必要，而通古今之變，則爲必具之要義。與其謂爲通史，不如逕稱爲普通史，普通亦義同普通，卽含有概括敘述之意，其措辭雖大，其措辭則簡，不必高語史記通志，以馬鄭諸氏爲師，一人閉戶而可殫，假以數年之歲月而可成，此卽現代之所謂通史也。魯濱孫博士以歷史爲連續而成，故主作通史，以求時間之聯貫，而以斷代史及國別史，不能表現其功能，故不甚重之。何氏因其說以撰通史新義，凡分兩編，上編專論社會史料研究法，凡史料考訂與事實，編次之理論及應用編之，下編專論社會史研究法，凡社會通史之著作，及與他種歷史之關係，皆加以說明，同時於其他似是而非偏而不全之義例，亦加以相當之估値。至其所述之原理，則十九採自法國史家塞諾波所著應用社會科學上之歷史研究法一書。蓋新史之對象，爲社會之全部，而非特殊階級之局部，能就社會史料而加以研究整理，則通史之骨幹立矣。若

大事史之作，初則有斷代史國別史之分，繼則有典制史學術史之作。所謂斷代史，如漢晉唐宋元明，皆以一代之事編爲一史，此就縱貫之通史，而截取其一部而爲敘述者也。所謂國別史，如三國十六國，就縱斷之一部，橫剖面爲數段以爲敘述者也。所謂典制史，如通典通考，蓋匯合諸史之志，而聯貫爲一書者也。所謂學術史，蓋匯合諸史之儒林文苑諸傳，聯貫而爲一書者也。何氏於所撰通史新義中，曾論及西洋專史之發生云：

自博學之道興，學者始習於古代書籍之研究，並敘述各種不同之事實，以評定古書之優劣，自此專心搜集，關於中古時代習慣制度語言文字之史料，及事實，專著類纂，因此出世，於是西洋始有各種特殊之歷史，如文字史語言史教會史法律史文學史建築史雕刻史制度史風俗史等，此種專史，本爲全史之重要部分，唯各成自主之一支，各有其專門之作家，及特殊之傳統習慣，史家之意此類事實者既寡，故此種專史之創造，多非史家之功。此種專史，往往自取獨立科學之態度，蓋歷史上特殊之事實，爲數極多，吾人欲視同普通歷史研究之，實際上已不可能也。而專史遂不能不依年代與地域，而劃成其範圍，以國家與時代爲界限，每一種專史，更分段落，是故吾人既有宗教史法律史文學史，同時又有埃及史亞述史希臘史羅馬史法國史英國史，並有中古史近世史現代史也。歷史之分支既多，通史之範圍，當然因之而縮小，舊日概念，所視爲服務公家可資借鑑，而且在歷史佔有最大地位之各類事實，至此皆變爲專史之原料，如外交史軍事史憲法史是也（本書葉一百四十四—一百四十五）。

尋此所論，誠與中土專史之發生，無大殊異，吾國古代，先有聯貫記載之通史，如周室太史柱下之所掌是也。繼乃有國別史，如魯春秋晉乘楚檮杌以及國語國策之作是也。繼則有斷代史，如漢書三國志以下之正史是也。繼則有制度文物之史，近於類纂者，如通典通考是也。繼則有學術史，如明儒宋元等學案是也。最近乃有所謂上古史中古史近世史現代史，此自縱貫之通史，橫截而爲數段者也。又有所謂哲學史文學史語言文字學史宗教史美術史法制史財政史社會史，又自普遍之通史，縱分而爲數部者也。此又受西洋學術之影響，而爲科學之分類者也。梁任公亦論及專史之作，分爲五種，一曰人的專史，即專以紀人爲本位者，如合傳專傳年譜人表之類

是也。二曰專的專史，即專以紀事爲本位，如東林列傳，復社紀略，專紀明季士大夫之集團活動者是也。三曰文物的專史，即專以紀文物制度爲本位者，如政治經濟文化諸專史是也。四曰地方的專史，即專以紀載某一地方爲本位，如各省通志縣志，稱爲地方志是也。五曰斷代的專史，即專紀載某一時代之史，如舊作之唐宋史，新作之近世史現代史是也。然又有國別史之一種，梁氏未曾敘及，茲就三國志十六國春秋南北史諸書言之，以一時代之事蹟，劃分爲數部而分載之，正如後世之地方志。然三國之一時代，上以承漢，下以啓晉，南北朝之一時代，則又上以承晉，下以啓唐，亦居斷代史之一部，蓋又介乎地方的專史斷代史的專史之間者也。梁氏蓋以國別史，納於斷代史之中又不復敘及之耳。何氏又論及通史專史之分云：

一套之專史，如風俗美術宗教制度等之歷史，無論其內容如何完備，決不足使吾人了解社會之演化，或世界之歷史也。蓋其所述者，僅一種連續抽象之描寫而已。而在所有此種抽象現象中，本有其具體之連鎖，此種現象，或皆產生於同一人羣之中，或皆爲同一人羣之產品，而此種人羣，又往往有其共同之偉業，如遷徙戰爭革命發見等，爲各種現象之共通原因。例如吾人試究魏晉六朝之文學，將見自東晉直至隋朝四百年間，所謂南朝之文學，大體承吳語文學之後，繼續發展，而成爲南方新民族文學，至於北方，則自晉分東西以後，直至北魏滅亡時止，先之以文學之衰替，繼之以文學之中興，終至產出一種尚武好勇之新文學，文學之變化如此，不可謂之不緊矣，然吾人迄不能就文學史本身，求其所以演化之原因也。此種演化本身，極難了解，吾人如欲了解所有此種文學上之特殊變遷，將非求援於通史不可。蓋唯有通史，方述及東晉偏安之後，中國文化實保存於東南之一隅，而北方則先有五胡十六國之大亂，繼之以北方蠻族之華化，而終於北魏之完全屈服於吾國文化之下。是故所謂通史，即共通之歷史，吾人於此可知所有專史之紛著，雖完備異常，而在吾人之歷史知識中，始終不肯留有或缺之部分，此不可或缺之部分非他，即吾人所謂通史者是也。其特性在描寫具體之真相，敘述社會人羣之行爲與偉業，故通史之爲物，無異一切專史之連鎖，通史中之事實，無異專史中事實之配景。實際上此種共通事象之足以聯絡，或駕馭人類之特殊

活動者，皆屬影響及於大衆，及足以變更一般狀況之事實，因侵略或殖民而起之民族移動也，人口中心之創設也，人羣一般制度之創造或變更也，皆其類也。政治史之重要以及通史中政治史所佔之地位之特大，其故皆在於此（通史新義頁一百四十七—一百四十八）。

何氏以魯濱孫博士之說爲基礎，故甚重視通史，以爲通史能說明共通之演化，及特殊之變遷，而專史則不能也。第吾則謂通史專史之分，則由比較而定，其範圍之廣狹，亦因所述之事實而定，例如通志，政治典章無所不包，不可不謂之通矣。而通鑑則專紀政治，通典通考則專紀典章，取以衡之通志，則彼爲通史，而此爲專史矣。荀悅漢紀，袁宏後漢紀，僅紀前後漢之政治，僅當通鑑之一段，取以相校，則通鑑爲通史，漢紀爲專史矣。讀史方輿紀要，天下郡國利病書，僅當通典之州郡典，通考之輿地考，取以相校，則通典通考爲通史，而紀要利病書爲專史矣。依此推之，則專之下又有專焉。前之號爲專者，又含有通之性質，而相引至於無極矣，此以舊史爲例者也。又如新著之文化史，本自通史劃出而自爲一部者也。然學術爲文化之一部，乃自文化史而分爲學術史，而文學史又爲學術史之一部，詩史詞史又爲文學史之一部，亦相引而至於無窮，文化史視通史爲專，視學術史則爲通，文學史視學術史爲專，而視詩史詞史則爲通，是通史專史之名，時因比較而異，即通史專史之分，亦由比較而定也。大抵劃通史之一部，以爲專史，則其紀述必較通史爲詳，以此遞推，則範圍愈狹，記述亦愈詳，方輿紀要之詳於州郡典，通典之詳於諸史之志，必不待言也。再自他一方言之，通史既劃其若干部分，而屬於專史，而同時復吸收其他部，以入通史範圍之內，蓋其吸收愈多，包蘊愈廣，而通史乃得獨成其大，且與專史，有兩不相妨相得益彰之效，此即梁任公之所謂新史也。是故通史專史之分，既由比較而定，則非一成不易之稱，而通史之與專史，又非各立疆界，若胡越之相視，歧通史專史而二之，固爲治史者所不許。重視通史，而夷視專史，亦豈通人之見哉。

近人主造新史者，莫先於章太炎先生，曾於所著廬書中，撰中國通史略例，以見其旨，後改署廬書爲檢論，刪去此篇，然其精言勝義，閱識孤懷，頗能發前人所未發，亦爲後來論史者所不及。爰取其全文，彙錄如左：

中國秦漢以降，史籍繁矣，紀傳表志，肇於史遷，編年逮於荀悅，紀事本末作於袁樞，皆具體之記述，非抽象之原論，杜馬綴列典章，闕置方類，是近分析法矣。君卿評議簡短，貴與持論鄙倍，二子優絀，誠巧麗所不能計，然於演繹法皆未盡也。衡陽之聖，讀通鑑宋史而造論，最爲雅馴，其法亦近演繹，乃其文辭反覆，而辭無組織，譬諸織女，終日七襄不成報章也。若至社會政法盛衰蕃變之所原，斯人闕焉不昭矣。王錢諸彦，昧其本幹，攷其條末，豈無識大，猶槐賢者，今修中國通史約之百卷，鎔冶哲理，以祛逐末之陋，鉤汲胥沈，以振墨守之惑，庶幾異夫策筵計簿相斫書之爲者矣。

西方作史，多分時代，中國則惟書志爲貴，分析事類，不以時代封畫，二者亦互爲經緯也。彪蒙之用，斯在揚權大端，令知古今進化之軌而已。故分時者，適於學校教科，至乃精研條列，各爲科目，使一事之文野，一物之進退，皆可以比較得之，此分類者，爲成學討論作也。亦猶志方輿者，或主郡國，則山水因以附見，其所起訖，無必致詳，或主山川，記一山必盡其脈帶，述一水必窮其出入，是事能以郡國封限矣。昔漁仲龜鏡，用意猶在簡略，今亦循其義法，改命曰典，蓋華嶠之故名也。

諸典所述，多近制度，及夫人事紛紜，非制度所能限，然其繫於社會興廢，國力強弱，非眇末也。會稽章氏謂，後人作史，當兼采尚書體例，金縢顧命，就一事以詳始卒，機仲之紀事，可謂其合自然，亦大勢所趨，不得不爾也。故復略舉人事，論纂十篇，命之曰記。

西方言社會學者，有靜社會學動社會學二種，靜以藏往，動以知來，通史亦然，有典則人文略備，推述古近，足以藏往矣。若其振厲士氣，令人觀感，不能無待紀傳，今爲考紀別錄數篇，非有關於政法學術種族風教四端者，雖明若文景，賢若房姚，暴若胡亥，姦若林甫，一切不得入錄，獨列帝王師相二表而已。昔承祚作益部耆舊傳，臚舉蜀才，不遺小大，及爲蜀志，則列傳亡幾，蓋史職所重不在褒譏，苟以知來爲職志，則如是足矣。（案太史公引禹本紀，楊子雲作蜀王本紀，皆帝者之上儀也，然藝文志儒家，有高祖傳十三篇，孝文傳十一篇。而劉涓子聖賢本紀，亦列子產，見於文選王文憲集序注所引，是知紀傳本無定稱，

今亦聊法舊名，取孟堅考紀，子政別錄，以爲識別云爾。）

列表五篇，首以帝王，以省考紀，復表師相，以省別錄，儒林文苑，悉數難盡，其纂述大端，已見於文官學術二典，斯亦無待作傳，故復列文儒表，略爲第次，從其統系而已。方興古今沿革，必爲作典，則繁文難理，職官亦爾。孟堅百官公卿，上於列表，一代尚然，況古今變革，可勝書耶。故於帝王表後，卽次方與職官二表，合後師相文儒，爲表凡五云。

史職範圍，今昔各異，以是史體變遷，亦各殊狀，上世誓史巫祝，事守相近，保章靈臺，亦官聯也。故作史必辭神話，降及遷固，斯道無改，魏晉以來，神話絕少，律歷五行，特沿襲舊名，不欲變革，其義則既與遷固絕異，然上比前哲，精采黯黯，其高下相距則遠，是繇一爲文儒，一爲專職耳。所謂史學進化者，非謂其廓清虛囂而已。已既能破，亦將能立，後世經說古義，既失其真，凡百典制，莫知所始，徒欲屏絕神話，而無新理以救微之，宜矣其屬末耳陋也。要其素知經術者，則作史爲猶愈，允南古史，昔傳過於子長，今不可見，顏孔隋書，亦遷固以後之倖史，君卿通典，事駁辭棘，絕異於貴與之僞陋者，故以數子皆知經訓也。（近世如趙翼輩之治史，妄妄鄙言，弗能夠深致遠，繇其所得素淺爾。）惜夫身通六藝之士，滯於禮卑，而乏智識之用，方之古人，亦猶倚相射父而已。必以古經說爲客體，新思想爲主觀，庶幾無愧於作者。

今日治史，不專賴域中典籍，凡皇古異聞，種界實蹟，見於洪積石層，足以補舊史所不逮者。外人言支那事，時一二稱道之，雖謂之古史無過也。亦有草昧初啓，東西同狀，文化既進，黃白殊形，必將比較同異，然後優劣自明，原委始見，是雖希臘羅馬印度西臘諸史，不得謂無與域中矣。若夫心理社會宗教各論，發明天則，悉人所同，於作史尤爲要領，道家者流，出於史官，莊周韓非，其非古之良史耶。設局修史，始自唐代，繇宋逮明，監修分纂，汗漫無紀，明史雖乘成李野，較宋元爲少愈，亦集合數傳以成一史云爾。發言登廷，所見各異，雖有殊識，無繇獨著，孟德斯鳩所謂古事談話者，實近史之良範矣。

今修通史，旨在獨裁，則詳略自異，欲知其所未詳，舊史具在，未妨參考，昔春秋作而百國寶書崩，尚書刪，而三墳穆傳軼，固緣古無雕版，傳書不易，亦緣儒者黨同就簡，致其流亡。然子駿七略尚書家，猶錄周書，周官而外，周法周政，亦且傍見儒家，固非謂素王刪定以後，自餘古籍，悉比於吐果棄藥也。通史之作，所以審端徑隨，決導神思，其他人事浩穰，樂胥好博之士，所欲知者何既，舊史具體，自不厭其瀏覽，苟謂新錄既成，舊文可廢，斯則拘墟篤時之見也已。

中國通史目錄

- 一、表凡五，帝王表，方輿表，職官表，師相表，文儒表。
- 二、典凡十二，種族典，民宅典，浚築典，工藝典，食貨典，文言典，宗教典，學術典，禮俗典，章服典，法令典，武備典。
- 三、記凡十，周服記，秦帝記，南內記，唐藩記，黨綱記，革命記，陸交記，海交記，胡寇記，光復記。
- 四、考紀凡九，秦始皇考紀，漢武帝考紀，王莽考紀，宋武帝考紀，唐太宗考紀，元太祖考紀，明太祖考紀，清三帝考紀，洪秀全考紀。
- 五、別錄凡二十五，管商蕭葛別錄，李斯別錄，董公孫張別錄，崔蘇王別錄，孔老墨韓別錄，許二鮑湯李別錄，顧黃王顏別錄，蓋傅曾別錄，王猛別錄，辛張金別錄，鄭張別錄，多爾襲別錄，張鄂別錄，曾李別錄，楊顏錢別錄，孔李別錄，康有爲別錄，游俠別錄，貨殖別錄，刺客別錄，會黨別錄，逸民別錄，方技別錄，疇人別錄，錢錄。

都六十一篇。

此卽章氏改造新史之方案也。尋其所論，勝義非一，如以紀事一體，比於紀傳編年，故於所立表典考紀別錄之

外，別立十記，專詳歷代大事，以彌班馬之缺，既樹新體之骨幹，亦爲通史之樞樞，一也。又如通史一體，應舉大綱，以明人事衍變，制度因革，其不合於此旨，及繁而難理者，則具列於表，以補典記考紀月錄之未備，此爲史家詳人所略略人所詳之法，二也。又謂考史不專賴中籍，應窮及地下之藏，此晚近研史之新法也。章氏不信甲骨文，嘗作論非之，證以此文亦非堅持己見，三也。又謂舊史應與新史並重，非謂新史成而舊史可廢，此即史料與史著可以並存不廢之義，無論中外，理無或爽，四也。夫吾國古史，卽爲尙書春秋及三傳三禮，學者非通經不能治古史，此章氏所以又有知經術者始能作史之說也。蓋章氏邃於經術，以其餘力治史，故喜以治經之法治史，其稱君卿而抑貴與，則以知經訓典否別之耳。顧北郭記，時有善言，識其淺鄙，亦以此故。愚謂史家之視古經，一如古史，當以治史之法治之，而不可難以治經之見。由此言之，則貴與之書未必不如君卿，已於前章略論之矣。惟謂史學進化，不僅廓清舊說，能破尤貴能立，則爲無上之勝義，吾見世之學者，能破而不能立者多矣，抨擊前人，不遺餘力，而不能本其所論，以自撰一史，能立之難，至於如此，有若章氏，不僅自創史例，議論章明，又能撰許二魏湯李及楊顏錢兩別錄，（註一〇）以示大凡，誠庶幾於能立者，然六十餘篇之通史，亦迄無成書，改造新史，亦難矣哉。

次於章氏，欲造通史者，則爲梁啓超。茲將其所擬中國通史及中國文化史目錄，表列於左：

表見飲冰室專集國史研究六種附錄

中國通史目錄（附子目）	
一、政治之部	朝代篇
民族篇	神話及史前時代，宗廟及春秋，戰國及秦兩漢三國南北朝，唐及五代，宋遼金元明，清民國，歷代政況與文化之關係。
地理篇	種族篇上
經濟篇	民族之成份，世襲制度。

政制組織篇上

政制組織篇下

政權運用篇

法律篇

財政篇

軍政篇

藩屬篇

國際篇

清議及政黨篇

二、文化之部

語言文字篇

宗教篇

學術思想篇

上中下三篇

文學篇

上中下三篇

文，詩，詞，身本，小說。

美術篇

上中下三篇

繪畫 書法

音樂劇曲篇

圖鑑篇

教育篇

三、社會及生計之部

制度篇下

北狄諸族，東胡諸族，西羌諸族。

地理篇

中原，秦隴，幽并，江淮，揚越，燕益，遼海，漠北，

西域，衛藏。

政制篇上

部落時代，禹之封建，秦之郡縣，漢之郡縣及州牧，三國南

北朝之郡縣及諸鎮，唐之郡縣及藩鎮，唐之藩屬統治法，宋之

郡縣及諸使，元之行省及封建，明清之行省及封建，清之藩屬

統治法，民國之國憲及省憲。

政制篇下

政權機關之制度及事實上沿革，政務分部之沿革，監察機關之沿

革，清末及民國之議會，司法機關。

政治運用篇

神權，貴族，世卿，君主獨裁，世臣及外戚，宦官，武

人干政，輿論勢力，政黨。

法律篇

古代法律蠡測，自戰國迄今法典編纂之沿革，漢律，唐律，

明清律例及會典，近二十年制律事業。

軍政篇

兵制沿革，兵器沿革，戰術沿革，歷代大戰比較圖，清末及

民國軍事概說，海軍。

財政篇

力役及物貢，租稅，忠實，公債，支出分配，財政機關。

家族篇
階級篇
鄉村都會篇
禮俗篇
城郭宮室篇
田制篇
農事篇
物產篇
藝術篇
工業篇
商業篇
貨幣篇
交通篇

以上凡三部，四十篇。

教育篇

官學及科舉，私人講學，唐宋以來之書院，現代之學校及學術團體。

交通篇

古代路政，自漢迄清之驛遞消率，現代鐵路。歷代河渠，海運之今昔，現代郵電。

國際關係篇

歷代之國際及理藩，明以前之歐亞關係，唐以後之中日關係，明中葉以來之中荷中葡關係，清初以來之中俄關係，清中葉以來之中英中法關係，清末以來之中英關係，現行之國際條約。

飲食篇

農漁耕三時代，肉食，穀食，副食，烹飪，蘇餽品，茶鹽茶酒煙之特別處理。

服飾篇

蠶絲，卉服，皮服，裝飾，歷代車服變遷概略。

宅居篇

有史以前之三種宅居，上古宮室藏洞，中古宮室藏洞，西域突過與建築之影響，室內陳設，城壘井架。

考工篇

石銅鐵器三時代，漆工，陶工，冶鑄，織染，車，舟，文房用品，機械，現代式之工藝。

通商篇

古代商業概想，戰國秦漢間商業，漢迄唐之對外商業，唐代商業，宋迄金元明間商業，恰克圖條約以後之對外商業，南京條約

以後之對外商業，近代國內商業概況。

貨幣篇

金屬貨幣以前之交易媒介品，歷代鹽法沿革，金銀，紙幣，最近改革幣制之經過，銀行。

農事及田制篇

農產物之今昔觀，農作技術之今昔觀，荒政，屯墾，田之興業，佃作制度雜觀。

語言文字篇

單音語系，歷史的演變，古今方言概觀，六書之舉凡，文字形體之蛻變，秦漢以後新造字，聲與韻，字母，漢族以外之文字，近代之新字母運動。

宗教禮俗篇

古代之迷信，陰陽家言及靈神家言，道家之興起及傳播，佛教信仰之史的觀察，摩尼教猶太教之輸入，回教之輸入，基督敎之輸入與傳播，歷代祀典及祭祀，喪禮及葬禮，時令與禮俗。

學術思想篇上

古代學術思想之概述機關，思想淵源，儒家經典之成立，戰國時諸子之勃興，兩漢時儒學道名法陰陽六家之隆興及蛻變，兩漢經學，南北朝隋唐經學，佛典之翻譯，佛學之宗派，儒佛道之得精與會通，宋元理學之勃興，程朱與陸王，清代之漢學與宋學，晚清以來學術思想之趨勢。

學術思想篇下

史學，考古學，數學，曆算學，其他之自然科學。

文學篇

散文，詩賦及樂府，詞，曲本，小說，群文及八股
美術篇

繪畫，書法，雕塑，建築，工藝。

音樂篇
樂律，古代音樂蠡測，漢後四夷樂之輸入，唐之樂舞，宋
樂，燕樂，唐宋間燕樂，四十八調之變化，元明間之南北
曲，樂器，樂舞，戲劇。

戲曲篇
古代書籍之傳寫裝潢，石印，書錄印眉術之發明及進步，活字
版，漢以來歷代官家藏書，明以來私家藏書，類書之編纂，
叢書之輯印，目錄學，製圖，標帖。
以上凡二十八篇。

由上列二目觀之，梁氏初稿，本名通史，後乃易稱文化史，故於原目有所更定，惟梁氏之所欲翹造者，實該通史專史二種。嘗曰：

新史之作，可謂今日學界最迫切之要求，……啓超竊不自揆，奮志此業，逾二十年，所積叢殘之稿，亦極
龜尺，顧不敢自信，遲延不以問諸世。客歲在天津南開大學任課外講演，乃整理舊業，益以新知，以與同
輩商榷，一學期終，得中國歷史研究法一卷，凡十萬言，吾治史所持之器，大略在是。吾發心殫三四年之
力，用此方法，以創造一新史，吾之稿本，將悉以各學校之巡迴講演成之，其第三卷爲五千年史勢鳥瞰，
以今春在北京清華學校講焉，第三卷以下，以時代爲次，更俟續布也（中國歷史研究法自序）。

此爲梁氏翹造通史之意見，考其所擬通史之初稿，乃自題曰中國文化史稿，而以歷史研究法爲第一編，此蓋依
據上列目錄，以次撰述，而以文化史爲通史也。然近代科學分類，文化與政治經濟，各有疆界，不得運謂文化

史爲通史，然梁氏有志撰中國學術史，蓄願甚奢，規模亦廣，蓋欲通古今而爲一書，如蚤歲在新民叢報發表之中國學術思想變遷之大勢一文，即其具體而微者也。其後則以力有不逮，乃劃分爲數段撰之，以爲學術史中之斷代史，如曰先秦政治思想史，則東周時代之學術史也，曰中國佛教史，則兩晉南北朝隋唐時代之學術史也（此書略見於梁任公近著），曰中國近三百年學術史，曰清代學術概論，則近代學術史也。然佛教史及近二百年學術史，皆撰僅及半，是取一部分而專撰之學術史，亦有不易成功之勢，甚矣其難也。愚考梁氏自謂富於學問，尤擅長於史學，涉覽既泛無涯際，而文筆又能達其胸中所欲言，劉知幾所謂才學識三長，梁氏實已備而有之。是故學如梁氏，才如梁氏，識如梁氏，始足以言修史，始足以言改造新史，愚於蚤歲甚期望梁氏撰成一完備之新史，以彌史界之匱乏，以慰學者之飢渴，然卒未見其有所造述，僅能得其所懸擬之目錄，及片段之記載，如上文所舉者而讀之，其未能屬求者之望，又可知也。蓋梁氏有所著作，皆造端弘大，非百餘萬言不能盡，久之不能卒業，乃棄去轉而之他，如是者非一例，其意中所欲造之新史，遲之又久，不能成功，亦正坐此。昔人有言，務博而業精，力分而功就，自古及今，未之見也。（註一一）持此以論梁氏，可謂切中其病矣。近世努力於專史之著，作者頗不乏人，茲舉其要者如左：

書名	卷數	著者	附人	考
中國學術史	一卷	皮錫瑞撰		
中國倫理學史	一冊	蔡元培撰		
中國哲學史	上卷	胡適撰		
中國哲學史	二卷	馮友蘭撰	又哲學史同一卷	
中國文學史	一冊	曾毅撰		文學史之作甚多，茲舉其精要者。
中國文化史	三卷	劉澐微撰		

中國佛教史	三卷	蔣維喬撰
中國民族史	一冊	呂思勉撰
國學叢書	第一冊	錢穆撰

其他如政治思想史，社會經濟思想史，法制史，財政史，皆有成書，而商務印書館主編之中國文化史叢書，多至四十餘種，雖多率爾操觚，不虞人望，然已能一易舊日之面目，而呈羣衆矚目之觀矣。

近人有志作通史者，又有益陽陳鼎忠曾運乾二氏，自云，民國三年遊學湖南官書局，情念屬故，爰述通史，首成敘例三卷，原始五篇，正史以下，先爲長編，以待纂訂，未幾局解，書未及成，是其何日覆育，正在未可知之數。據其敘例所論，則有卓卓可稱者，其例曰，綜二家，通三體，縱有通古（即通史）二家，橫有通年紀傳記事三體。蓋分全書爲十五編，曰三皇，五帝，曰夏商周，曰東周秦，曰漢，曰後漢，曰晉，曰宋齊梁陳，曰隋，曰唐，曰五代，曰宋，曰元，曰明，曰清，一編之中，自爲經緯，本通史之規模，寓斷代之義例，舍短取長，並行不悖，分之可考一代源委，合之即得千古會歸，此綜二家之旨也。上師孔子並纂春秋尚書之遺意，中仿丘明撰述左傳國語世本之成法，下考近代史家三體之流變，爲例目五，曰紀，曰傳，曰志，曰錄，曰譜。紀以紀年月，非以紀帝王，大事書之，小事削之，名仍史漢，實法春秋也。傳以序事，非以序人，限類名篇，詳著顛末，取足與紀相發明，雖本春秋內傳名稱，實則外傳國語體製，即近世所稱紀事本末也。志以彙記朝廷法度，官禮之遺製，班馬之舊式也。錄以綜括士女行誼，名本何氏晉書，（註一二）實法正史類傳也。譜以理董糾紛，記載委曲，補紀傳之闕漏，作志錄之助，世本周譜之成規，華嬌鄭樵之素悉也。綜斯五例，詞取錯綜，堅則綜貫二家，橫則囊括三體，此通三體之旨也。考其精義所在，尤在傳以敘事非以紀人一端，二氏曾詳釋此義云。

古人著書，前或綜舉大綱，後則羅縷細目，殆猶洪範先列九疇，周官首陳六典，綱即其經，目乃稱傳故

也。五家之傳，體製各異，同爲解釋。孔穎達云，大率秦漢之際，解書者多名爲傳，以此推之，傳者對經而名，傳依經而作，經須傳而解，爲周秦時之定法，馬遷作史，既舉紀名以奉君上，又稱傳號以授人臣，人各一篇，兩俱無當，而孔門傳注之家法晦，諸子自爲經傳之義例亦乖，夫史文之傳，類詳本事，齊傳左氏，其成法也。書傳述本經之委曲，左氏推本事之始終，安有以人爲別，牽於類次，書事則病人，書人則病事者哉。書傳左氏，依經作傳，管子韓非，自經自傳，陳編具在，皆所取裁，若司馬所列，直家傳之濫觴，惡在其能彷彿古人也。然則傳以事別，固已正司馬之失，傳以釋經，則又守前史之成，經緯蕭然，名實相副，奚不可者，此所以革遷史之體，而仍襲其名也（通史新義例六）。

果如二氏所論，改傳之紀事一體，別名彙傳爲錄，誠足革新史體，以合近代以事爲綱之法，又與章太炎先生之別立十記，以詳歷代大事，同一旨趣者也。惟以一二人之精力，改造二十餘代之陳編，紀傳錄志譜五體悉備，必蹈鄭樵好爲大言實不副名之譏，舉鼎絕脰，力不能勝，正堪借喻，此二氏之書，終至於無成也。愚謂纂遺通史，應以普通普遍爲涵義，取其概括之事實，祇求其道，不求其詳，其餘之繁而不殺者，則仍讓之專史，庶乎各舉其職，兩不相犯，鄭樵不避其難，毅然以獨力成之，結局乃成一通不成通專不成專之通志，梁啟超之志量，視鄭氏爲狹隘，於一局部之通史，仍不能成書，不得不改爲寸寸而斷之專史。由是言之，二氏欲爲毅然爲之，始終不懈，以至窮老氣盡，其終無成功之一日，又不待言也。惟如章先生所擬之體例，此一方有所取，他一方又有所棄，縮千數百卷之書，於百數十卷之內，雖其體裁，是否合於近代通史之新例，蓋亦庶幾乎近之矣。若二氏所舉之五例，無論爲紀爲傳爲錄爲志爲譜，任舉其一，皆委曲繁重，累世而不能終其業，而謂一手一足之烈，及身而能觀成，不但爲吾之所未敢信，抑亦理所絕無之事也。

由上所舉諸例，可得一結論曰，凡造一史，包含太廣，則不易成功，誠得其要，則無往而不宜，通史如此，專史亦如此，通史專史之用需爲用，亦不外此理，此驗之古今而不爽，推之中外而皆準者也。茲依此理求之，史之進化，往往由合而分，由極大析而至於極小，例如列傳，本爲紀傳史中之一體，後乃任爲一人作傳，可以獨

立成書。又如紀載某代之大事，本爲紀事史中之一目，後乃任爲一目作紀事，獨立可以成書，在昔本不之此例，而在近代爲尤盛，此皆自合而分之明證也。

欲明史籍分析之始末，應先詳考史籍分部之由來，茲考史部蓋有新舊二種，昔者劉知幾曾於正史之外，權爲一流，前已略舉之矣。再自阮錄隋志以來，史部分類，要不外下列各類，列表明之：

類別	正史	編年	紀事本末	別史	雜史	起居注	故事	職官	儀注	刑法	傳記	地理
別阮	國史	國史	無	入國史	史	注	事	官職	儀注	法	記	地
錄隋	正史	古史	無	史	史	起居注	事	官職	典儀	刑	傳	地
志兩唐	正史	編年	無	史	史	起居注	故	官職	儀注	刑	傳	地
志宋	正史	實錄	入編年	別史	史	入編年	故	官職	儀注	刑	傳	地
志明	正史	入正史	入正史	雜史	入正史	入正史	故	官職	儀注	刑	傳	地
志清四庫全書	正史	編年	紀事本末	別史	雜史	起居注	子部入雜史或訂入	官職	儀注	法	記	地
劉氏史通	正史	入正史	入正史	附正史	附正史	小錄	雜史	官職	儀注	法	記	地
附	纂史一名通史		代紀事一姓始於宋									郡縣志

<p>三、記事本末</p> <p>甲、通鑑，通鑑輯本本末，終史。</p> <p>乙、別體，平定某某方略。</p>	
<p>四、政書</p> <p>甲、通鑑，通典，通考。</p> <p>乙、別體，唐開元禮，新會典，通鑑。</p> <p>丙、小記，漢官儀。</p>	
<p>五、雜史</p> <p>甲、綜紀，國語，國策。</p> <p>乙、續記，世說新語，明季神史。</p> <p>丙、詔令奏議。</p>	
<p>六、傳記</p> <p>甲、通鑑，清漢名臣傳，清先政事略。</p> <p>乙、別體，某帝實錄，某人年譜。</p>	
<p>七、地志</p> <p>甲、通鑑，各省通志。</p> <p>乙、別體，紀行等書。</p>	
<p>八、學史，別體學案，漢學師承記。</p>	
<p>九、史論</p> <p>甲、通鑑，史道，父史通義。</p> <p>乙、專論，讀通鑑論。</p> <p>丙、雜論，二十一史劄記，十七史商榷。</p>	

十、附屬

甲、外交，西域圖考，職方外紀。
乙、考據，禹貢圖考。
丙、注釋，裴松之三國志注。

又分史部爲二類

第一類 史著之原料

官書

起居注，實錄，論旨，方略等。
儀注，通禮，律例，會典等。


私書

專記一地方者，如趙汝三韓決錄。
專記一時代者，如陸賈楚漢春秋。
專記一類一物者，如劉向烈女傳。
另爲一人或一家作傳者，如江統江氏家傳。
記載遊歷見聞者，如郭景純遊記。
採錄異聞者，如山海經。
拾遺闕小者，如劉義慶世說。
其他。


第二類 局部之史著

地方史，如淮陽國志。
法制史，如歷代職官表，歷代職官志。
宗教或學術史，如佛經通義，明儒學案。其他。

此指通史以外之專史而言



此為中國中環社會史研究之
超所提，指其全史目錄，
舊打破從來歷史子集之統
圖，陳學省欲治其朝某項之
史，可先按目而求，能得其
原料之所在。



朱希祖氏史部分類說

一、以時處分者，謂之時代史，亦稱綱年史。 甲、綜合，通鑑。 乙、各別，春秋，左氏傳，漢紀。	
二、以地區分者，謂之地方史，亦稱國別史。 甲、綜合，三國志，十六國春秋。 乙、各別，越絕書，華陽國志。	
三、以人區分者，謂之傳記。 甲、綜合，列女傳，高士傳。 乙、各別，東方朔別傳，諸葛武侯傳。	

四、以事區別者，大別之爲政治史與文化史。

政治史

甲、綜合，通典，五經通考。

乙、各別。

法制 唐六典。

經濟 元和國計簿（亡）。

法律 慶元條法事類。

軍事 唐代兵制，海國紀。

社黨 元肅黨人傳，東林列傳。

外交 五朝北亞會議。

文化史

甲、綜合，別錄，七略，七錄。

乙、各別。

學術 宋元學案，虞學問承記。

宗教 高僧傳，開元釋教錄。

文學 文士傳（亡），樂府雜錄。

藝術 歷代名畫記，畫徵錄。

農業 齊民要術，桂海虞衡志。

工業 陶記，刀劍錄，硯記。

商業 通商集（亡），廣南船舶錄（亡）。

風俗 桂林風土記，岳陽風土記。

五、混合各體者，開之正史，如本紀年表之區別，以時，世家之區別，以地，列傳之區別，以人，書志彙編之區別，以事。

甲、綜合 史記，通志（通史）。

乙、各別 漢書，明史（斷代史）。

九、以著述之末區別者。

甲、綜合 通鑑紀事本末。

乙、各別 西夏紀事本末。

以上所述，又新式史部分類之大略也。綜觀新舊兩式，自以新者爲勝，蓋無論何類，皆有綜別二體，不惟其大者有通史專史之分，而各專史中，亦皆有綜別二體，茲爲較其總量，大抵綜合各體以爲一書者少，得其一體而別爲一書者多耳。試取上舉各類證之，正史一體，固無所不包矣，其他如編年則具本紀之一體，政書地志則具書志之一體，傳記則具列傳之一體，學史則具彙傳之一體，正史爲綜體之通史，而其他各類則爲別體之專史，此史籍由合而分之證一也。又如傳記一類，蓋合傳與記而言，或云傳以紀人，記以敘事，此亦不然，皆且預撰女記，又有母丘儉記，皆以紀人者也。傳有別傳家傳之分，要之皆以紀人爲主，自宋以來，名人多有年譜，於一人生平之事，寓以編年之法，又傳記一體之別開生面者矣。然無論傳記年譜，皆以一人爲本書之主體，而以與之有干涉之事附之，如作王安石傳，王荆公年譜，或張居正傳，張江陵年譜，而二人之相業，必詳述於傳記年譜之中，是雖爲一人作傳作譜，而一時期之史事，亦備具於其中矣。是故近頃傳記一類，頗爲發達，無間中外皆然，此史籍由合而分之證二也。

上述史部分類有新舊之不同，然皆就舊有之史籍而爲之區分耳，至於近人新撰之通史專史，亦有權衡之必要焉。舊史於通史之外，有斷代國別諸體之分，概言之，皆稱爲專史，而新撰之史亦分通史專史二體，前已略論之矣。以通史言，爲便於論次，或分爲二期，曰上古，曰中古，曰近古，或分爲四期，一析中古之後半爲近古，一析近古之後半爲現代，蓋仿西史分期之法，所謂畫虎不成反類犬者也。以專史言，或損截通史爲數段，曰遠古史，曰商周史，曰秦漢史，曰魏晉南北朝史，曰隋唐五代史，曰宋遼金元史，曰明清史，曰近代史，亦概稱爲斷代史，或縱剖通史爲數部，曰政治史，曰社會史，曰經濟史，曰學術思想史，亦概稱爲專門史，此則

參用中西之法，所謂刻鵠不成猶類鶩者也。總而言之，皆由史部分類一法推而出之者也。其他姑不具論，第就通史分期一事言之，近人嘗以自遠古訖晚周爲上古，秦漢訖五代爲中古，宋訖明中葉爲近古，明季訖現代爲近世，總爲四期，蓋從每期史事演變之大者爲之區分，如上古爲漢族封建時期，中古爲漢族競勝時期，近古爲漢族中衰時期，近世爲西力東漸時期，各有顯著之徵象，是其證也。近賢研究國史者，多謂近代史應自鴉片戰爭敘起，羅家倫氏於所撰「研究中國近代史的意義及方法」一文中論及此云：

歷史有兩個特性，一個是連續性，一個是交互性，近代史的名稱，不過是就研究便利而劃分的一個段落，就歷史的連續性而論，不是說近代是一個特殊的時代，可以不問過去一切的，如西洋近代史，有許多的西洋史家只從法蘭西大革命敘起，這不是說法蘭西大革命以前，西洋就沒有文物制度，也不是說法蘭西大革命命一起，西洋的文物制度就一齊變了，……不過史學家爲研究便利，和認識這件事和某方面的重要性起見，姑且把他作一個重要時代的開始。若是把中國近代史從鴉片戰爭講起，也不是說近代的中國就始於鴉片戰爭，別的不說，即就中國對於西洋交通一事而論，也不是從這個戰爭開始的，近之如十六世紀中西海路交通，如方濟如利瑪竇的東來，和西洋文化與商品的輸入，遠之如中西當漢唐時代在中央亞細亞的交通，和中國所受希臘與亞利伯文化的影響，那一件不應當提到，鴉片戰爭以前，中國不能真正閉關，海禁大開，也只能注重這個大事便了。如果史家從鴉片戰爭開始講近代史，也不過爲研究便利，認定這件事對於中西短兵相接後所發生的各種影響的重要性起見，把他作個重要的時期開始而已，原不是認爲這個時代可以和從前一切歷史分開的。就歷史的交互性而論，則中國近代史是個最好的例子，而且是一個最有趣味的對象，我方才說過中國和西洋的接觸，不是最近開始，但是在最近一段裏，中國確是和西洋一天一天的增加了許多國際的關係，發生了許多深刻的影響，不只是軍事經濟和所謂一切物質文明，因此發展了新的局勢，而且政治制度社會制度和文明基礎，也因此受了劇烈的震動和變更。現在沒有幾件中國的事實是可離開世界環境，可以講得通的，要研究中國的政治改革和變動，非打通國際情形來看不可，要研究社會的

改變和生活，非綜合他國的現象來看不可，要研究文化的演進，非考察世界的學說思想不可。（下略）

考其所論近代史劃分時代之理由，不外外力之侵入中國，中國之門戶開放，使中國對外之局勢爲之一變，皆自鴉片戰爭一役爲之關鍵耳。依此見解以論中國通史之分期，其上古一期可以仍舊，中古一期可由秦漢敍起訖於清中葉鴉片戰爭以前，綿延二千餘年，與爲期不過百年之近世史，兩相比較，似有長短不侔之嫌，且考中古近世二期之劃分，概以對內對外之關係爲準，然近代西力之東漸實始於明季清初，講近世史者似不能遺此一段而不言，此可謂爲近世史之前期，且可補救此期過短之病，如果自鴉片戰爭化分敍起，亦可稱中國近百年史，此說亦言之成理，此撰通史者所應折衷考量者也。愚謂羅蔣二氏從對外關係著眼，近百年內，中國內政雖有可述，對外關係，實居主位，劃爲一段以資講說，正無不可，且橫截數段，而爲斷代之敍述，鴉片戰爭以來之史實，爲其中最後之一段，姑名之爲近世史，亦可予學者以研究之便利，惟貫通中國五千年之事蹟，而爲一書前後，脈絡相尋，則近世史可上延於明季，以明西力東漸之來源，此又愚之主張不敢苟同於二氏者也。

近頃頗盛行主題研究之法，即取古今或一代之事，析爲若干主題，各側面討論之之謂也。主題研究，本取法於紀事本末一體，如通鑑紀事本末一書，即取通鑑一書，分爲二百三十九個主題，而各就本題，詳紀其事之始末，此研史最善之法也。惟袁樞以下諸氏之撰紀事本末，不過取已成之書，而加以分析之功，非能自取多量史料，融會貫通，以尋得新斷案也。前賢能採用主題研究方法，得有新斷案者，無過於趙翼之廿二史劄記，其中所立各題，悉能採摭多量史料，以歸納法而得新斷案，次如全祖望之跋庚申外史，錢大昕與袁簡齋書之論唐宋時判守知試檢校之官稱，亦能就一主題，而爲彈見洽聞之討論，皆其倫也。近人之善用其法者，多至不勝枚舉，其最著，爲王國維陳垣二氏，王氏所撰卜辭中殷先公先王考殷周制度考二文，（前一篇）陳氏所撰西域人華化考也。里可溫考諸篇，皆爲史學界公認之名著，以其所用之方法，尤遠勝於前人，大抵皆從事蒐集材料，以爲觀察測驗之工具，次則整理其所得之材料，或爲之分析，或爲之歸納，暫爲定一假說，次則以實證及審核，以從事實驗之工作，由此以求得最後之斷案，此即所謂科學方法也。蒐得若干材料，爲之分析歸納之後，如皆無

當於真理，則必棄去，而別求其真實之材料，即有單文孤證，而不足以說真理之所在者，亦必待得有多證，而後敢下斷案，研究科學，應用此法，研究史學，亦不外此理，諸氏之獲得良績，要以其研究方法之善耳，而主題研究又爲比較近於科學方法之研究也。

無論以人爲主，而作傳記年譜，以事爲主，而用主題研究，其爲以分功之法，集中精力，以徹底之了解，不待言也。然部分之研究，其手段也，整個之貫通，其目的也，不能因在手段過程中，得有大量之收穫，而遂忘其最後之目的，即不應以部分之研究，而忘卻整個之貫通，譬如清代學者之治小學，本爲通經，通經之旨，本爲求得古代社會之真相，及其典章制度之所在，乃多數學者，終身徘徊於聲韻訓詁之間，而不能自了，是注意部分之研究，而忘卻整個之貫通也。是以手段爲目的，而不知手段之外而別有其目的也，學者甘心蹈此而不悟，豈得謂之善學耶。蓋爲人而作傳記，爲事而立標題，皆爲治史之手段，而其目的，乃在適有系統有組織之通史專史，亦必各個部分咸有精確之斷案，然後造作通史專史，乃易於成功，亦即舊理想中比較完善之新史，所謂新史之製造，其方法亦不外此，最近史學之趨勢，此又其一端也。

自王充作論衡，於古聖哲盛致毀損，而劉知幾史通，乃有疑古惑經之篇，清代又有嚴述，以考而後信爲職志，此在前代史家所僅見者也。近頃學者，深受崔氏之影響，而致力於疑古辨僞者，則有顧頡剛氏，而古史辨一派之學者生焉。顧氏治史之意見有三，一謂時代愈後，則古史之傳說愈長，如周代人心目中之古人爲禹，孔子時又有堯舜，戰國時又有神農黃帝，秦時又有三皇，漢以後又有盤古，是也。二謂時代愈後，則傳說之古人範圍愈大，如舜在孔子時爲無爲而治之聖君，至孟子時又爲百代模範之孝子，是也。三謂吾人雖不能知古代事蹟之確狀，而可以知其最早之傳說，如東周時代所撰東周史，雖不易窺見，而可窺見戰國時代之東周史，雖不能窺見夏商時代所撰之夏商史，亦可窺見東周時代之夏商史，是也。基此意見，以論古史，因說文有禹蟲也從內象形內獸足縣地也之語，遂謂禹爲九鼎上所鑄動物之一，約爲蜥蜴之類，一也。又因商頌洪水芒芒禹敷上下方之語，遂謂禹爲上帝所派之神，而非人，二也。又因論語有禹稷躬稼而有天下之語，遂謂禹爲耕稼國家之王，三

也。惟其所疑，固疑禹而並及堯舜，謂皆爲史前人物，不必實有其人，蓋崔述之疑古，以經爲據，凡古經及孔子所不道者，乃始疑之，如補上古考信錄是也。若堯舜禹以下，爲孔子所已言者，則不之疑，猶爲有其斷限，若顧氏則並孔子所已言崔氏所不疑者，亦疑而考辨之，是蓋不以古人之說爲桎梏，較崔氏更爲進一步之研究者也。顧氏之說出後，辨駁者有之，譏笑者有之，從而贊許者亦有之，然辨論最精者，無過於陸懋德，懋德固以精研古史名家者也。顧氏之論，以商頌爲據，蓋從王國維之言，以爲西周作品也。然陸氏則謂，商頌詞句多與魯頌相似，應爲東周作品，而商書中之堯典禹貢呂刑等篇，皆有禹字，而顧氏不信堯典禹貢，而謂呂刑亦非西周作品，然禹字又見於尚書立政篇，而其時代又較呂刑爲早，決爲西周作品。然顧氏不引立政，而引商頌，何也。顧氏疑禹，而不疑湯文王武王以下者，以其祖先子孫皆明白可據也。陸氏則謂顧氏之謂可信者，有商書之盤庚，然於此篇內未能考得湯之祖先子孫爲何人也，若以東周時代之商頌爲可信，爲湯有祖先子孫之證，則東周時代之洪範左傳，及古本竹書又何不可爲禹有祖先子孫之明證乎。現時地下發見之甲骨文字，頗能證明湯之祖先子孫，與史記殷本紀所載大半相合，是則史記於三代世系，必根據王家所藏之歷代牒記，而非出於偽造，推之夏本紀，或亦如是，惟尙有待地下之發見以爲證明耳。或曰，欲辨顧氏古無夏禹之說，當取秦公敦匱宅禹齊侯鐘鐘處禹之堵等古器證之，此譏某氏徒以說文證史之未當也。陸氏則曰，以秦公敦齊侯鐘鐘之銘文，證明禹有其人，王靜安（國維）已先言之，然此二器，均爲東周作品，如能據此證明禹有其人，則論語之禹有天下，早足爲禹有其人之證，不待秦敦齊鐘而後明，持此豈足以服顧氏之心，然顧氏於此，乃不加辨正，何也。陸氏鑑顧氏之失，謂有好奇立異望文生訓之病，又爲原諒之詞，曰，如以禹爲蜥蜴，則怪物也，以禹爲天神，則非人也，以爲國王則又人而非神矣，顧氏於此，未嘗堅執一說，此蓋假定之詞，而非決定之論也。考顧氏於發表意見之後，因襲玄同謂據金文甲文，禹字不同肉，說文禹字所從之內，爲漢人據說文而杜撰，乃謂說文禹字之釋，不能代表古義，從而放棄其前說，蓋顧氏之所說，悉爲假定，以表現其疑古辨僞之精神，由前所述治古史之三意見而發生者也。然愚終謂古書不可輕信，亦不可輕疑，專從故紙堆中，搜求證據，考論古

史，固難斷其真偽，即從地下發見之諸古文，片斷記載，難以判斷古史，亦易陷於謬誤，如陸氏所論史記三代世系，必根據王家所藏之歷代牒記，由殷墟甲骨文文字，而可證明其非偽造，此真爲卓識偉論，爲諸家所不及，持此義以論史，絕有陷於謬誤者矣。嘗謂考史之失有二，讀書不多，舉證不富，輕爲論斷，則失之陋，列舉多證，以僞爲真，輕爲論斷，則失之妄，得虛心者，或思讀書太少，而讀書太多者，或未必肯虛心，故陋之病尙可補救，而妄之病每至不可醫也。有若顧氏，聞錢玄問一言，而遽放棄其意見，可謂勇於服善，又以其疑古精神，爲治史者別開生面，亦可一掃從前拘泥罕通之病，其功與過，亦略相等，故是不可輕於信古，亦不可輕於疑古，必如顧氏之考而後信，乃能得其正鵠，此又近頃疑古一派學說之大略也。（註一五）

綜觀上文所述，可知近頃學者治史之術，咸富於疑古之精神，而範以科學之律令，又以考古人類諸學，從事地質發掘，以求解決古史上一切問題，因以改造舊史，別創新史，蓋遠西學術輸入之影響，以衝破固有之藩籬，利用考見之史料，而爲吾國史界別開一新紀元者也。雖來日之衍變，未知所極，然即今以推來，而大略可知，孔子曰，其或繼周者，雖百世可知也，愚亦惟就所可知者，大略述之而已。

（註一）讀孔以火燒之，謂其製敘所聞之事，書於版上，如祭祀往伐遠獵時等。

（註二）卜辭即指甲骨文，以其所刻之文字，俱是卜筮之辭。

（註三）王國維說，發明契刻諸書，爲法人哥地奧，吐火羅語者，爲西觀及西觀於二氏，東觀漢記，則伯希和之所創述也，又釋闕特勤碑之突厥語，爲丹麥人羅森生。

（註四）民國十一年一月，東方雜誌載黃抗父最近二十年間中國醫學之進步一文，又學術雜誌四十五期載王國維最近二三十年中中國新發見之學問一文，王作作於十四年，兩文所載，大畧略同，爲本章之所據取。

（註五）出埃及記最近二十年間中國醫學之進步一文。

（註六）本節取材於牟鍾學輯本，一離志，章鴻釗石雅，而近人羅鳳林中國通史綱要史前之遺存一節，敘述尤詳。

（註七）參閱梁任公中國歷史研究法史之改證一章。

（註八）參閱何炳松譯新史學，及朱先生希祖序。

（註九）據何炳松通史新義自序。

(註一) 兩別譯見羅書及檢論，詩二見湯季子，詩稿見羅綱，詩見湯斌李光地，湯斌錢肅，錢肅之推錢肅也，詩之詩也略得一文，無以明二條之由來，似不知錢肅之也。

(註二) 清人吳定詒，見所撰紫石齋山房記。

(註三) 何法盛晉中興書，改傳目錄。

(註四) 此節多取材於謝國華中國史部目錄學。

(註五) 梁任公序王靜安先生樹亭遺稿紀念號云，先生於學術之整個不可分的理想，申明甚深，故最好從事於個別問題，爲尋幽探赜之究，而當從一問題其他問題之關係上，見出總義之理解，絕無支離破碎專已守殘之蔽。

(註六) 本節參閱顧頡剛古史辨。

結 論

本編十章，敘次已竟，茲再總括所述，撰爲結論，以殿編末。

首宜論者，是爲史學之分期，愚謂吾國史學，可分五期論之，第一，自上古訖漢初，是爲史學創造期，初則史官卽爲史家，而史籍亦史官之所草也。繼則孔子刪何書，作春秋，定禮樂，而左丘明爲春秋傳，或謂左氏又作國語，雖不能遽指孔子爲史家之祖，然因魯史而作春秋，實樹史體之圭臬，而左氏則又身爲史官，善於作史者也。有春秋及左氏傳，乃有編年史，有國語乃有國別史，有尚書，乃有紀事之史，有周禮饌禮，乃有典禮之史，是皆爲後代各體史籍之所因，吾故以創造期稱之也。第二，則兩漢之世是，爲史學成立期，此期史家甚少，而以司馬遷班固二氏最爲傑出，而荀悅次之，而所撰之史，則史記漢書與漢記也。遷擬爲紀傳體，而固因之，遷書通敘古今，而國書則專敘一代，而通史斷代，因以分焉。漢紀仿左傳爲編年體，而爲晉紀宋略通鑑諸書之所因，自斯以來，時歷二千，撰史之士，咸莫能外，吾故以成立期稱之也。第三，則魏晉南北朝以迄唐初，是爲史學發展期，此期私家撰史之風最盛，後漢書有十一家，晉書有十八家，三國，十六國，南北朝，各有多數分撰之史，而陳壽，崔鴻，李延壽因之，以成合撰之三國志，十六國春秋，南史，北史等作，而編年之書，亦略相等，胥汲馬班荀三氏之流，而結璣璣光華之舉者，不謂之發展期不得也。第四，則自唐訖清末，是爲史學蛻變期，此期於近於現代之正史，悉由官修，定於一尊，私家偶有纂述，輒以肇禍，後遂相戒而不爲，而於他方，則遠於近代之史，多汲汲爲之改造，更於典禮學術之史，多所撰述，無體不備，且有專論史法史例，以批評推理爲職志者，於是史域日廓，而史學亦日進，改前期之因習，啓來日之革新，不謂之蛻變不得也。第五，則清季民國以來，是爲史學革新期，亦卽現代三四十年間之史學也。本期學者，如章太炎先生，論史之旨，已異於前期，而梁啟超氏，更以新史學相號召，而王國維氏，尤盡瘁於文字器物以考證古史，其他

以通世之史學，灌輸於吾國者，亦大有人在，其勢若不可遏，有中西合流之勢，物窮則變，理有固然，名以革新，未爲不當，此愚所分之五期也。而愚所述之各章，亦略與之相當，第一第二兩章所述，則創造期之史學也，第三章所述，則成立期之史學也，第四章所述，則發展期之史學也，第五章以下迄於第九章所述，則蛻變期之史學也，第十章所述，則革新期之史學也。譬有人焉，由童子而成年，馴至壯盛，中因身體之發育，而漸致心理之變化，而尚未屆於老大之境，吾國史學之進展，殆與此同一理乎。雖然史學之分期，與通史異，不得略得其似，藉以窺見變遷進化之迹，非有明確之界畫可指數也。

何炳松氏，則分吾國史學爲三期，第一期，自孔子作春秋，以迄荀悅述漢紀，凡七百餘年，爲編年紀傳二體，由創造而達於成立之期。第二期，由荀悅以迄北宋之末，其間約千年，爲舊式通史之發展期。（一）自南宋迄今，由儒家一派，衍化而成，所謂浙東之史學，實爲史學術爲派別並有進步之一期，此其分期之大概也。（二）案何氏所謂第一期，即吾所分之創造成立兩期，何氏蓋專就二體之創造與成立，合而爲一言之也。何氏所謂第二期，當吾所分之發展期，及蛻變期之前半，考何氏以梁武通史，司馬光通鑑，鄭樵通志，袁樞通鑑紀事本末，爲此期重要之史著，故以爲通史最盛之時期，不知此期史著之發展，不僅通史一體爲然，又有斷代，國別，典禮，方志之史，舉其一而遺其八九，究嫌偏而不全，愚未敢以爲然也。何氏所謂第三期，又當吾所分之蛻變期之後半，以及革新期，南宋之浙東史家，雖與儒學之程頤有淵源，而不得謂其出於頤，且明末清初之黃宗羲，精研史學，傳於萬斯同，衍而爲全邵章三氏，史學之緒，尤盛於宋，而亦別有所受，與南宋浙東史家無與。（三）至清代之浙東史學，能否代表此期之全部，又爲疑問，何氏生長浙東（何氏金華人），固於地方之見，故有是論，究不得謂之允當也。由何氏之說，則吾國史學之成立發展，以至變遷進化，最後必以浙東爲尾閤，何氏分期之說，不過證明史學之行變，極於浙東，而浙東史家，乃得當史學嫡派之稱，語有所蔽，難與論古，故吾不甚取之。

其次所宜論者，則爲本編之作，含有二義，一備史籍之要綱，一爲史學之綱錄，是也。往代之史籍，林林總

總，多至不可勝數，非惟著錄於各史，經籍藝文二志之史部書，宜爲論列，卽經子集三部之書與史部有關或其一部含有史料在內者，亦未可遺而不數，依此求之，纖悉靡遺，恐非百數十卷書所能盡載，此章氏史籍考所以未潰於成也。茲總古今史籍，分爲二類，一爲史料，一爲史著，史料史著之分，卽爲記注撰述之分，以今視昔，則吾國史籍，則十九皆史料也。英人威爾斯嘗謂，距今二百年前，世界未嘗有一著述，足稱爲史者，西國有然，吾華尤甚，欲由大量史料中，別造一極麗人意之新史，則尙有待，姑從舊日史籍，加以理董，取其詳故實而具史法者，各從其類，以次論列，而歷代史學之成立發展變遷進化，皆一寓於所述史籍之中，所謂備史籍之要刪者一也。近代西方史家分爲二派，一曰記述派，一曰推理派，記述派，以述史實爲職志，推理派，以明史法爲指歸者也。求之吾國，記述派，最爲發達，以左馬班荀范爲之傑，且發源於東周之世，而推理一派，直至劉知幾出，始有成家之論著，又間以千餘年，而章學誠始出而繼之，嗚呼，何其難也。近則衍劉章之緒，而證以西哲之新說者，頗有其人，推理一派，漸呈發皇之象，此又今與古異者也。惟唐代以前，無推理之史家，非從所著之史籍，無以考見其史學之面目，如左馬班荀陳范之史學，卽寓乎所著左傳史記漢書漢紀三國志後漢書之中，故述其史著，卽所以傳其人也。劉章以來，論史之語，乃別比次爲書，不藉史籍以傳，而此後之史家，亦得別闢一途，而不必躬自作史，如清代之史家，錢王則屬於考證，趙崔則屬於批評，而皆未嘗作史，是其明證，茲取其要者述之，且以詳近略遠爲主，所謂爲史家之總錄者又其一也。雖然，又有辨焉，本編著錄之史籍，非以詳其部次，論次之史家，非以概其平生，本編就歷代史家史籍所示之法式義例，及其原理，而爲系統之紀述，以明其變遷之因果爲職志者也。其非出於此者，則概從略，以明斷限，若夫詳史籍之部次，則應別撰史籍考，或史部目錄，概史家之平生，則應別撰史家考，而與本編則無與也。